

The image shows a wall or surface covered in a repeating pattern of stylized, swirling motifs. These motifs resemble stylized leaves or vines, rendered in a light beige or cream color. The pattern is continuous and covers most of the visible surface. There are some darker, reddish-brown stains or highlights on certain parts of the motifs, particularly towards the top right. The overall texture is organic and somewhat abstract.

A
 B
 C
 D
 E
 F
 G
 H
 I
 J
 K
 L
 M
 N
 O
 P
 Q
 R
 S
 T
 U
 V
 W
 X
 Y
 Z

OPPUGNATÆ MYSTICÆ CIVITATIS DEI PROPUGNATIO;

IN EA QUÆDAM PROPOSITIONES,
decerptæ è Primo Tomo Mysticæ Civitatis Dei , editæ
Hispano idiomate à V.Matre de Agreda,vindicantur,
& à Censura sub ementito Sacré Facultatis Theologie

Parisiensis nomine evulgata,
liberantur.

A U T H O R E

DOCT. D. D. PHILIPPO BEZERRA
& Claros Carmonensi , olim Ecclesiæ Oppidi de
Cañete la Real Rectore,nunc Granatensis Regiæ
Capellæ Regali Magistrali Capellano , Impe-
rialis Vniversitatis Vesperario Sacræ Theologiæ
Professore,Divi Michaelis Cæsarei Collegij
Rectore:

D I C A T A

ANGELORVM IMPERATRICI
nostræque Reginæ , Verbiparæ Mariæ
Immaculatæ Virginis, absque labe
originali conceptæ.

GRANATÆ. Anno Domini M. DC.XC. VIIJ.



OPRA
MATERIA
CIVITATIS DEI
EROPUGNATIO



Лінгвістичний аспект вивчення творів
Лілії Вікторії Голдфілд

AD SACRATISSIMAM,
ET GLORIOSISSIMAM
SEMPER VIRGINEM

M A R I A M.
M A T R E M D E I.

REGINAM, ET DOMINAM
OMNIVM CREATURARUM,
A PRIMO INSTANTI CONCEPTIONIS
suæ Purissimæ à labe originalis culpæ
immunem:

V O T A P O S T H U M A A U T H O R I S
harum Dissertationum, quasi præsenti iam
eiusdem gloriæ, ut piè credere par est,
adscribuntur.

Dum contractum vitæ spatiū traiiciebam;
dum mundi fluctibus, quasi fervescētis
pelagi, conquassabar, procellarum for-
midine gemebundus, te, Stella Maris;
potius quām suspiciebam, adorabam; & cordis mei
anchoram inter studij litterarum incertos labores,

te solummodo retinentis, spem fovebam; sub tua protectione, & tutela dumtaxat sperabam, (ò Maria Purissima, ò Gemma nitidissima, ex gratiæ rore in Adami propagatione inter lutulentos, lacrymabiles filios Evæ tu sola primo mane illimi concha concepta) tibi libentissimè, tenerrimo amoris sensu, dies, noctesque consecrabam; iteratis vicibus animam, & cor meum protuenda præservatione tua ab originali labe, iure iurando adstrinxi: menti suffecit votum, votum nè modo? Et studium fuit, & desiderium, in Scholis Auditor, in Cathedris Doctor, in Lycei penetralibus Disceptator, in suggestus declamationibus Encomiastes; semper, & ubique de puritate tua quid laudarem addiscebam; quid discipuli laudare addiscerent meditabar; quid in sublimius magis, ac magis efferrent deducebam; quid audientium animos alliceret, simulque in admirationem traheret prædicabam; quid denique clariùs, & luculentius de splendoribus Sanctorum, quos inter corpus tuum anima donatum illuxit, ex Divinarum thesauris Litterarum, Sanctorum Patrum scriptis, veterum monumen- tis, recentiorum sententijs; & nova, & prisca excogitando, aut inveniendo, ad laudes tuæ Immaculatae Conceptionis adjicerem; quidque in publicis, & non facilè ad numerum redigendis, eiusdem Mysterij concionibus proclamarem, inexhausto, sed amico labore, invigilabam. Nec latet qualiter munus adimpleverim, dum lecto procumberem, immedicabili correptus morbo, quo ætatis meæ septimo lustro vix peracto, cum morte vitam, desideratus, commutavi, octavo De-

cembris die, Solemnitatis scilicet ipsius nunquam satis
admirandi Mysterij; cui totus extollendo solum vixi:
& par fuit, quod dies Sacrosanctæ tuæ Conceptioni sa-
craatus, meis imposuisset metam; ut pateficeret, studium
meum circa tanti Mysterij venerationem omnifariam
usque ad aras perdurasse: parum est *perdurasse*, aras ul-
tra excessisse: nam septimo Octavæ eiusdem Solemni-
tatis die de laudibus tuis concionaturus post fata le-
gebar, ut laudes tuæ in ore meo aras superare videren-
tur. Nunc cum ad te venio, iam non concionabor, sed
concinam in æternum laudes, quas in templo tibi di-
cato, dicere paraueram; & tua dulcisima intercessio-
ne, in Templo gloriæ tuæ gratissimus tibi reddam vota
mea, quæ non semel distinxerunt labia mea: reddamque
Dissertationes istas, quæ opus rude, & impolitum pro
statu mortalis vitæ conatibus meis elaboratæ sunt. Quæ,
si dignitatis tuæ magnitudini comparentur, indignæ
prorsus videbuntur; si vero dignitati tuæ magnitudi-
nis offerantur, quasi drachmam vnicam, pro viatoris
ad patriam desiderio, de vnico talento reportataim, mi-
nimè despicaberis, misericordiæ Mater clementissima;
quin vero auspicatiùs nunc tibi sacrari non dubito,
cum quia quidquid illis meticulosè, minus lepidè, aut
obscure dictum obijciatur, tua ineffabili suavitate, va-
lidum & præstans; dulce & venustum; facile & per-
spicuum apparebit, si lucis tuæ radius illustrauerit; aut
tegimen alarum tuarum, quibus umbra lux est, prote-
xerit: tum quia mentibus fidelium suavissimè imprimi
facies ad tui Sacratissimi nominis gloriam, & Venera-
bilis

bilis filię tuę Marię à Iesu cōmendationem; cuius apud mortales bonus virtutum odor in dies crescere probatur: Has, dum scriberem, perficereque festinarem, prout ardebam, in vltima linea ipse de digitis stylus febri præreptus, extremam ipsa subduxit manum: non perfeci, vt desideravi; finivi, vt potui, Opus, à filio Religioso tuo Fratre Antonio à Iesu iniunctum, communique expectationi editum. Accipe votum, foue intentum, ô Mater, ô Domina, præsidium, & dulce decus meum.

Defunctus adhuc loquitur. Sed quia ad hæc subscribenda pretiosum calamum de manu eius prematura mors rapuit, æquum, & iustum est, ut pro eo id præstet carissimus in Christo amicus, & in Magnæ Dominæ famulatu innutilis conservus.

Doct. D. Ioannes à Leyba.

Censura

CENSURA SAPIENTISSIMÆ SCHOLÆ AVGVSTINIANÆ

Granatensis, omniumque Professorum eiusdem Collegij.

Ex p̄ascripto D. Doct. D. Andreæ Raphaelis de Ascargota, Col-
legialis Ecclesiæ Montis Sacri, Canonici emeritissimi, necnon
Diœcesis Granatensis Provisoris, & Vicarij Generalis, Nos infra-
scripti, pro rei qualitate, gravitate materiæ, & captu nostro, adhibita
quoque non mediocri trutina; imd sufficieni examine prævio, at-
tentè vidimus, & accuratè perlegimus Opusculum hoc Apologeti-
cum, in quo à Sapientissimo D.D. Philippo Becerra, Doctore Theo-
logo, præclarissimo, etiam Divini Verbi Proclamatore, Regio Ca-
pellano, nonnullæ Propositiones sub mentito nomine Universalis
Academie Parisiensis evulgaræ, ad obnubilanda, denigrandaque
scripta Vener. Matri Abbatissæ de Agreda teruntur, ac suffocantur.
Omnibus sanè gratissimum opus, studium felix, dum non solùm au-
toritati tantæ Venerabilis Matri, verùm etiam gravissimæ illius
Universitatis honori consulit valde. Näm si ex sana Theologorum
regula, pro qua vide P. Arriaga de fide, disp. 20. sect. 3. meretur
acrem reflexam Censuram, qui Propositiones probabiles, pias, sanas,
& securas deturbar, dum Auctor huius operis, vt sapiens, sapientiam
antiquorum exquirens, gravissimo auctoritatis SS. PP. pondere, va-
lidissimis ratiocationibus, ac metaphysicis speculationibus tantæ
Scripticis, omnibus eius specialitatibus visis, & peraratis, nitidissi-
mum candorem ostendit, ab acri, inevitabilique Censura in oppug-
nantem retorquenda, absque dubio Sacram illam Facultatem Pari-
siensem omnino liberat, cum evidenti, ac veluti palpabili facto de-
monstret, doctrinas Venerabilis Matri esse sanas, pias, ac probabi-
les, ac perinde tortuosam illam Censuram ipsis impætam à tam cè-
lebri Academia haud emanare potuisse; sed esse mentitam, supposi-
tam, ac personatam. Auctor, et si semper magnus, in hoc opere te ip-
so factus est maior, dignus vt ipsis totus gratuletur Litterarius Orbis.
Interim, non abs re, Historiam de Regis Cresi filio ex Herodoti li-
bris à Gellio in hæc relata verba illi adaptamus: *Filius Cresi Regis, cum
iam per ætatem fari posset, infans erat: Et cum iam multum adolevisset,
item nibil fari quibat; mutus etenim, & elinguis diu habitus est. Cum ve-
rò quidam in patrem eius bello magno rictum, Regem esse ignorans, inva-
deret, diduxit adolescentis os, clamare nitens, eoque nixu, atque impetu spi-
ritus vitium, nodumque lingua rupit, planèque, & articulatè eloquens
est, clamans in hostem: heus homo ne occide Cresum, tunc & hostis gladium
reduxit. & Rex, & pater vita donatus est, & filius adolescentis prorsus
loqui deinceps cœpit. Aui. Gellius lib. 5. cap. 9. Qui Vener. Matri præ-
clarissima scripta Censuræ gladio pertinaciter, ac confodere ge-
stunt,*

stunt, conantur ipsam Reginam Cœli, & Terrestrium Matrem, cuius mirabiles Laudes in Mystica Civitate (etsi tantum piè, tunc tamen mortalibus aperiuntur) erradere. Sed en Auctor herclè ad dissentientem quemlibet valide vociferatur; heus homo, ne occide Venerabilem Mulierem, quia etsi velatam, piè tamen auspicamur ibi adesse Cœli Reginam, & Matrem. Ergò, quantum capimus, pro communi misericordia Clementissima Matre pugnat, dum Anonymum in Venetabilem Abbatissam furescensem oppugnat. O utinam loqueretur deinceps! Sed, heù dolor! Quia dum huic tanto operi operam dabat, è vivis ereptus est, totius Orbis iactura, & huius Civitatis maximo dolore; felici tamen omne, nām accidit in ipso purissimæ Marianæ Conceptionis die, ut illi omnem in Domino auspicemur felicitatem, nam qui elucidant me, vitam eternam habebunt. Nos ergò eius nomen eternitati famæ adscribamus, celebremus eius memoriam, commendemus litteris. Salva semper meliori censura, hæc erit semper nostra. In Conventu S.P.N. Augustini Granatensi. Die 27. Maij, anno Domini 1698.

Magister Fr. Carolus Canicla, Prior hujus Conventus, & Malacitanus Prior, & Regens, item Gienensis, & de Coimbra Prior.

Magister Fr. Sebastianus de Morales, Ex-Definitor huius Baticæ Provincie, Granatensis Prior, & Regens, dicti Archiepiscopatus Examinator Synodalis, item Prior Hispalensis, Antiquariensis, Metinensis, & Guadixensis.

Magister Fr. Ferdinandus de Carvaxal, Ex-Definitor Generalis, & Baticea huius Provinciae, Regens huius Conventus, olim, & bis Prior; in alia Universitate Vrsaconensi Doctor Theologus, Vespertinae Cathedrae Moderator, & Prior; Diœcesis Hispalensis Examinator Synodalis, Regalisque illius Conventus Prior.

Magister Fr. Iosephus de Cordova, olim Regens Granatensis, Sanctæ Inquisitionis Censor, Priorque in Conventu Antiquariensi, Murciensi, & Guadixensi.

Magister Fr. Iosephus Lopez, Regens, & in Imperiali hac Universitate Cathedrae Spheræ Moderator.

Magister Fr. Ioannes de Viloa, audum Regens studiorum Prior Cordubensis, & Guadixensis Conventus.

Magister Fr. Ioannes de Villalobos, olim Primariae Cathedrae Magister, & Cœsariensis Prior.

Fr. Ioannes de Molina, Primariae Cathedrae Sacrae Theologiae Moderator.

Fr. Ciriacus Prieto, Vespertinae Cathedrae Sacrae Theologiae Moderator.

Fr. Didacus de Luque, Tertiariae Cathedrae Sacrae Theologiae Moderator.

Fr. Patritius Calderon, Philosophie Moderator, & Studentium Magister.



PRÆFATIO. RATIO, OCCASIO, ET OPERIS DISTRIBVTIO.

PRÆFATIO.

PRÆFARI Lectorib[us] in cuiuscumque operis vestib[us], Authorē nonnulla iam mos, morisque inviolabilis visus obtinuit; vel quia scribentibus consentaneum visum est, legentium animos benevolentia erga ipsos demulcere; vel ut legentes, si quæ non ita ad Lydium discretionis lapidem sint dispositæ, aut benignitate suppleant, aut prudentiâ dissimulent, aut, livida Censuræ virgâ seposita, tantisper ferant. Hæc cum omnes æquo iure postulent, hucusque tamen ex auditos Scriptores inveni nullos: exorant veniam, yb defecisse fuerint comperti; & quandoque cum vigilantissimè intendant rebus, desitiosè inertiae iniquo iure arguuntur: orant, vt quæ styllo minus compto invenirent digesta, prætermittant; & quod elegantius oratio currit, eò vehementius carpuntur: Ergo importuna præfatio, quia legentium dura conditio. Quamobrem meos tantum Lectores monitos velini, mē non tam ipsos, quam memet; non tam illorum avidam censendi cacoethiam, quam imperitiam meam pertimescere. Idque primum, quia vix in vlla ex huius opusculi concertationibus quisquam apparandi locus permisus est: instantे enim velocissima Parisiensium Censurā, (an à Sorbonicis inconsideratius explosa, quam à me impugnatio Censuræ confecta, definire non ausim) pro hac qualcumque defensione instantissimè sum interpellatus. Iussibus ergo, cuius vel nutibus, nefas esset, non esse audientem, tandem acquievi, raptimque, & non semel emendandi, aut relegandi spatijs interceptis, vt è rudi calamo defensio fuerat delapsa, sic prælo, sic luci, oculisque omnium mandabatur: Heu quantis exposta ruinis, quantis interpellationibus subiecta! Sed pace cuiusdam Aristarchi dicam, quantis etat à pijs accipiendo plausibus, non quidem pro opere; id enim esset arrogantiæ supercilia in omnium detestationem attolleret; sed pro ipsius operis ratione, quam statim reddere non immorabor.

R A T I O.

Cum enim Civitas Dei Mystica, sive Historia Divina Sacratissimæ Virginis Mariae Æterni Verbi vnicæ Parentis, Libris quibusdam à V. Matre Maria à Iesu, in Agrediensis Oppidi Cœnobio Immaculatae Conceptionis Sacro Abbatissa, ad stuporem contexta, Lutetiam Parisiorum advenerit, in manus cuiusdam Fr. Thomæ Croset, Recollecti, incidit, qui librorum versionem è Hispano Idiomate in vulgare Gallicum imperite aggressum, inversionem potius, quam versionem molitus est. Et licet nostra hæc Civitas ab Hispania muris fulcris, repagulis, vno verbo validissimis præsidijis adiret protecta, & circuncincta, ut quorumcumque hostium incurribus nullus hæc, illæc appareret aditus; omnibus tamen exarmata, clypeo scilicet Galeato, Notis, defensionibus, approbationibus spoliata, indefensa prorsus Doctoribus Parisiensibus fuit obiecta; qui ea, qua potentiarum gloria sublimi, hac nostra tempestate, stimulati, vix Civitatis nomen acceperunt, & forte Hispano solo natam, cum totis viribus oppugnandam cogitarunt; & vt bellici iuris nulla lex potior, quam furor, & legum prosternatio; fraudibus, insidijs, tumultibus, pollicitationibus, minis, iniurijs, iictibus, incurribus, & occurribus, vt mos est Gallis, à Sacra Facultate Candidatorum agmine composito; factaque quorundam, non veterum, sed gregariorum militum, manu fuit Mystica Dei Civitas impetuose oppugnata, captiose intercepta, infeliciter prosternata.

Etat in hoc deplorando triumpho videre illius Mysticæ Civitatis expolitisimam structuram, illic in fructu dispersim confractam. Porta illa Ezech. cap. 44. per quam Christus intravit in mundum, per quam vir non erat transiturus, quoniam Dominus Deus Israel ingressus fuit per eam, & clausa permanxit, fuit in primis impectu facta

adorsa, in eamque primo impegerunt, quatenus Incarnationis (A) Mysterium falso subdi mirabilibus Virginis denuo revelatis, hostes Sorbonici supposuerunt.

Dehinc ipsa mirabilia (B) omnium oculis pro Civitatis totius exornatione vndique appensa; quia mira, quia nova, quia insolita avelli, disrumpi, proteri, erat ausus.

(A) Art. 1. Mirabilia nova Virginis preferri Incarnationis Mysterio ab Agredensi, fingunt.

(B) Art. 2. Mirabilia, denuo revelata Virgini, Deipara admitti eere nolant.

Cives urbanissimos Angelicis decoratos moribus ad Reginæ huius Civitatis

(C) conspectum prevolutos genibus deturbare, non sunt reveriti.

(D) At neque Deum ipsum Opt. Max. hominem factum pro concubis extantem, & forte subversionem illam dolentem, suspexerunt.

(E) Speciosissima illius Civitatis loca, proh belli facimus! Mundissima quoque, proh cæcus Martis furor! Obscenare non formidarunt.

(F) Ipsam illimitatam Dei virtutem, hanc suam Civitatem tucentem, & metientem, offenderunt.

(G) Fontem gratiarum omnium huius Paradyssi, crystallum referentem, Conceptionem mundissimam, scutum timentium inde donorum originem, obturbarunt.

(H) Gymnasium huius Mysticæ Civitatis, in quo primariam Cathedram salutaris sapientiæ ipsa Dei Genitrix fuit professæ, solo æquarunt.

(I) Palatium huius Imperatricis, per quam Reges regnant, & legum Conditoris iusta decernunt, non sunt prætervecti, quin vastissima Ædificij machina, quam ipsa Dei sapientia sibi construxerat, impulsa contuleret.

(K) Ipsam Dominam Empyreum, Angelicis stipatam Choris, adeuntem, infectati sunt.

(L) Tantæ Virginis Matrem Sanctissimam Annam peculiari quodam, protantæ Filiae editione, gavillam esse præstigio, non patiuntur.

(M) Tandem Beatissimam Virginem, quam Deiparam diffiteri nequeunt, humani sceleris Mediaticem nuncupari, ingenti indignatione criminantur.

(N) Quid amplius in hac Mysticæ Dei Civitate est absumendum? Quid restat?

Exhibitilli A. 2.

(C) Art. 3. Angelos adorasse Virginem, criminantur.

(D) Art. 4. Chrifum, quod hominem intercedere apud Patrem, non admittunt.

(E) Art. 5. Plura loca civitatis Mysticæ obscenè contexta supponuntur.

(F) Art. 6. Divinam Omnipotentiam, regulam gratiarum Deiparae non admittunt.

(G) Art. 7. Conceptiōnem Deiparae, originem aliarum gratiarum rehūnt.

(H) Art. 8. Virginis magisterium, & gubernium infringunt.

(I) Art. 9. Per Virginem Reges regnare à se dictum, improbant.

(K) Art. 10. Fuisse Virginem ad Empyreum elevatam, dum adhuc vineret, negre ferunt.

(L) Art. 11. Partus Annae à lege perificationis exceptus oblatratur.

(M) Art. 12. Mediaticis gratiæ nomine in Virginem abhorrept.

(N) Art. 13. Viam, lucem, & ianuam salutis Virginem esse derelictam.

bat vastandum? Quid depopulandum su-
pererat?

(O) Nec vel ipsos dæmones circum-
euntes Civitatem, concilia ineuntes,
comitia indicentes; in perniciemque
Mysticæ Civitatis totos contendentes
nervos, æquo animo ferunt, evulgari; sci-

licet sibi sapientissimi Doctores isti, tantæ stragis, excidijque Autho-
res esse, asservabant. Ipsas quoque Divini Opificis præstantiores
Idæas, Filium, & Matrem delere cupierunt: & quod maius est (si ta-
men quid grandius observari hominum mentibus contigit aliquan-
do) Davidis Turrim cum propugnaculis ædificatam, totius Civitatis
speculam mille clypeorum ornata decoratam, omnium fortium ar-
maturam munitam, machinis tormentarijs admotis, à fundamentis
evertere conati sunt: Ibique (Theatrum quovis alio longè funestius)
cadere conspiceres Ducem ipsum Militiarum Cœlestium, concives
alios mille, nobilissimos equites, validissimos, strenuissimosque mili-
ties, quibus assutas humeris portare cruces, schemmata sacra, coronis
decorari, palmis insigniri, faleratis indui vestibus, prodeesse non va-
luit, quin edax rerum omnium incendium pasceret, & strage obvol-
verentur luctuosissimâ.

OCCASIO.

¶ **E**Rgò fama volat tanti prænuntia luctus, & materialis Ci-
vitatis calamitate orbis stridet. Mirantur Hispani, vbi-
que gentium Civitatem Dei Mysticam propriam Coloniam non for-
tiri, præcipue apud Gallos, vbi semper parior fides, Religio sacratior,
in Virginem reverentia gloriosior, extitit. Parisiensis Sobornæ suspi-
ciebant Magiltros, vt potè quos omnes aliarum Academiarum lau-
reati Doctores reverentur eximios, Coryphæos scientiarum omnium
plaudunt. Hærent inquam Hispani, stupent. Hanc nostri omnium ani-
xietatem depulit vera quædam rei gestæ Narratio, cui adiecta fuit
deploranda clavis (in quodam expresso Censuræ Sacré Parisiensis
Facultatis) species, & figura, quam supposititiam, fictam, larvatam
nonnulli vulgarunt, interim Sacré Facultatis nomine, autoritate, &
decore offensis. Recognovimus vana prorsus incertis rumoribus
nuntia præcurrisse, & competum habemus, horribili incendio sup-
poni, singi, fallari combustam, non Mysticam Dei Civitatem nostram
Hispanam, sed quam quidam Fr. Thômas Croset oscitantè depinx-
erat, rudi penicillo dilincayerat, atque infida similitudine Gallicè sup-

posuerat. Satis erat indemnem nostram Civitatem audisse; satis Sacram Parisiensium Facultatem personari; satis non candidatos Claustris viros in Agredensem fuisse animadversos, ut in suffragium, auxilium, & suppeditias indemnatae Civitatis arma retardaremus. Sed quoniam vel nomen Mysticæ Civitatis à gentium opinionibus erat vindicandum, nec omnibus compertum erat, an vera, an supposititia Facultas Civitatem accenderit; mentes, animosque plurimū iure merito huius flagitij vindicum audacia occupavit. Quos inter licet in votis esset militare, minus aptè expeditionem per difficilem arrepturem me deplorabam, eo quod innumeris essem distinctus curis, negotijs gravioribus implicatus; & quod plus erat pertimescendum, ijs omnibus destitutus, quibus res tanta venerat exequenda.

Sed ipsa erga V. Matrem de Agreda veneratione, amore, & reverentia, perculsus, in futilem, criminelam, larvatan, exordem, Parisiensium grassatam oppugnationem iusta indignatione incensus, amicorum suasionibus coactus, propugnationem hanc sum adorsus. Opusculi occasionem hęc omnia præbuerunt, distributionem adeamus.

DISTRIBVTIO.

igitur cum adversarijs congredi necesse habui, cum disrupta ab ipsis, eversaque instaurandi animus esset, & facinus: Quod, nisi concertationibus, iugibusque occurribus, fieri non dabatur. Ob id Censuram integrum stationibus, sive articulis partitam, & divisam, armisque Sacrae Facultatis simulatae vbique obsignatam, debellandam, non aliter melius, & commodius duxi, quam prius occupati soli, impediti loci rationem exigendo, & circa detentionem acriter nimis periculum adoriundo, dehincque arma mentitae Facultatis, sive Censuram, quibus loca occupabantur, comburendo. Hoc fuit vnamquamque Propositionem ex Censuræ mancipatis disquirere prius, & deinde, crisi Centuræ addicta, vires, queis innitebatur, infringere. Duplici tota est divisione bellum peractum: in prima scilicet, tract. I. duodecim ferè dissertationes agemus: in secunda scilicet, tract. 2. totidem absolvemus pugnam. Induciarum loco, inter utrumque tractatum medio septem Propositiones à Sacra Facultate, loco aliarum septem quorumdam Deputatorum Censorum, parvi habitatum, repositas, evolvemus, vna dissertatione contenti; neque enim tanti erant habendæ, vt unaquaque sibi specialem congressum vendicaret. Hinc titulus operis assurgere cœpit, potuit, debuit oppugnatæ Mysticæ Dei Civitatis Propugnatio. VALE.

TRA



TRACTATUS I.

OCTODECIM NVMEROS CENSVRÆ Deputatorum Sacrae Facultatis complectens, quos eadem Sacra Facultas in tredecim Articulos rededit.



Ropositiones interceptæ à Deputatis , & Sacra Facultate Parisiensis Universitatis ex i . Part . Venerabilis Matris Mariæ à Iesu , in hoc Tractatu exagitandæ, expendendæ , & examinandæ varijs articulis,sive numeris,sunt distributæ ; & Censuris varijs etiam confixæ , & infamatæ : proinde que varijs etiam Dissertationibus erunt vindicandæ ; vt perspectis virimquè vniuerscuisque assertionis momentis, aut nobis veritas conquista triumphum, de falsitate impacta,nanciscatur ; aut Censoribus victoriam vindicatio nostra , si forte temeraria proditur, pariat . Decreveram ita Propositiones singulas in examen vocare , vt singulæ etiam in quæstionem assurerent: sed quoniam alicubi , non tam Propositiones,sive assertiones V. Matris,quam sensus,ex eaurumdem complicatione,erutus,& nota afficitur,& Censura donatur; ob id , cum in similem censendi modum inciderimus , non tam de assertionibus, quam de sensu,& sententia ex assertionibus;sive legitimè extracto, si ve distortè producto,vi putamus; sermonem , & disputationem instituemus;vt æqui,iustique arbitrii,& Iudices,iudicio in medium producō,& hinc inde rationibus ponderato ; aut nostris allegatis cœcti,& convicti,Venerabilem Matrem absolvant; aut Censorum fundamen- tis capti,atque coacti,eamdem condemnent, nosque simul , qui cau- fam istius modi defensandam imprudentè suscepimus,raucis clamoribus exsibent.



DISSERTATIO PRIMA.

EX ARTICVL O PRIMO DEPVITATORVM.

2 **V**Trum in Propositionibus subiiciendis intenderit V. Mater comparare, & præferre Mysteria, à Sacratissima Virgine recens revelata sibi, Mysterio Incarnationis Verbi; in illisque maiorem misericordiam, quam in isto, eluxisse; amoremque eius magis operativum fuisse? Vel an intenderit præferre gratiam, & beneficium prædictorum Mysteriorum, sibi (ut ait) recens revelatorum, omnibus gratijs, & beneficijs, quæ Deus in tempore Incarnationis hominibus contulit.

VERSIONIS GALLICÆ TEXTVS:

3 **V**T liquidò sensus, à V. Matre intentus, exhauriatur, sumus enim in questione de facto, textus erit transcribendus: ergo 1. Part. num. 9. dicitur, Deus dicere, loquens de tempore, quo misit Filium suum in mundum: Tunc amore paterno nisi salutem aeternam, & remedium naturæ humanae, ad eam sanandam à suis infirmitatibus.

In eodem num. paulò post: Nunc volo hominibus impertiri novum favorem, quia opportunum faciendi illum tempus advenit.

Et inferius: Ecce tempus, in quo misericordia mea magis splendere incipit; & in quo volo, quod amor meus sit magis acturus.

Et infra: Respectum habens ad iustos, qui in hoc felici, pro eis tempore, reperiuntur, omnibus his portam unam aperire volo, per quam ad meam misericordiam accessum habere poterunt, sicutemque præbere, ut illuminentur in tenebris cœgitatis suæ.

Tandem: Speculum eis presentare volo, in quo ingratitudinem suam videre possint, & mirabilia, quæ potentia mea operata est in isto creaturæ; & volo eis plura manifestare de illis, quæ feci in ea, in qualitate Matris Filij mei incarnati pro genere humano, & quæ ex occultis meis iudicij bucusque abscondita fuerunt. Hucusque Propositiones excerptæ à Deputatis, & Sacra Facultate: ex cap. 1. Agrediensis Historiæ num. 9. versionis Gallicæ.



SECTIO PRIMA:

AN ISTÆ PROPOSITIONES ITA REPERIANTVR
in Autographo, vt à Traductore vertuntur, & à Deputatis
allegantur.

¶ **E** Loquentissimus I. Leo epist. 83. ad Palestinos Episcopos, sic de nonnullis, aut imperitis, aut malignis interpretibus conqueritur: Sollicitudini meæ, quam Universali Ecclesiæ, omnibusque eius filijs debeo, multorum relatione patefactum est; dilectionis vestræ animis quiddam offendit illatum, dum, aut imperiti (vt appareat) Interpretes, aut maligni, quædam vos aliter intelligere, quam à me sunt prædicta, fecerunt; non valentes in Gracum eloquium aptè, & propriè Latina transferre; cum in rebus subtilibus, & difficilibus explicandis, vix sibi etiam in sua lingua Disputator quisque sufficiat. Haud aliter Deputatorum animis, & Sacra Facultatis sinceritati illatum est irreparabile damnum, ex imperita, aut malitiosa Recollecti Fr. Thomæ Croset traductione; qui, cum in subtilibus (vt Sanctus Leo ait) & difficilibus explicandis Mysterijs; vix sibi in sua propria lingua, vel dissertissimus quisque sufficiat, in alienam ausus est subtiliora, & difficiliora quæque oscitantè transferre. Si enim satis intellexisset, quam difficultè Sacraenta Regis, non solum explicari, vel ab intelligentibus; sed etiam transcribi, & interpretari, sive traduci possint, & queant ab Interpretibus; vastissimam hanc, viribusque suis longè imparem, Provinciam numquam adiret. Præsertim cum ipsa V. Mater num. 235. perterrita fateatur se: In scribendis his Regis Sacramentis, cum iam honorificum sit eius opera revellare, fateri tarditatem, atque Mulieris habetudinem, angique, quia loquitur verbis communibus, & vacuis, quæ non pertingunt ad ea, quæ intelligebat in luce, & claritate, quam anima eius habebat de his Mysterijs; necessaria erant, ne tantæ celsitudini irrogaretur iniuria (ait illa) alia verba, voces aliæ, singularique termini, atque proprij: Verum fugiunt ignorantiam meam: inò, & si adessent, etiam super excederent, atque comprimerent humanam infirmitatem.

5. Hec dixerim, tūm, vt traductionis audacia innotescat; tūm etiā, vt Censorum segnitia dignoscatur; qui in re, adeò gravi, inconsultis exemplaribus Hispanicis, omissisque dissertis interpretibus, scripta proscripterunt. Tunc præcipue, cum, vel ipsis, in traductione Gallica, sensus dubius, suboscitus, & non satis apertus occurrebat, vt ex ipsa Censura colligitur; nescierunt, neque intellexerunt Propositionum sensum: & ob id cornuta Censura mentem V. Matris imponentes, intentionemque rimantes, assertions Censuræ subiectas, &

Intactas relinquerunt; animum hinc inde ventilantes, & mentem a sequi curantes, dicta, & scripta legitima, ex quibus mens ipsa, animusque dignosci poterat, non curarunt.

Vt ergo sensus à V. Matre intentus in predictis assertionibus, absqueulla ambiguitate depromatur, textus Hispanus erit consulendum; & hic de verbo ad verbum inferendus; non rescisit lineis, aut disiectis peryodis, ut Deputati fecerunt; sed integra narratione extraea, ut toto Cœlo exorbitasse, fiat manifestum.

6 Parens eternus sic loquens V. Matri inducitur: Ego amore Patris misi salutem eternam, & medicamen naturæ humanae, in suarum infirmitatum remedium incurabilium, quò iustificauit causam meam: & sicut tunc expectauit tempus, quo magis misericordia hæc resplendere: nunc volo ipsis aliam prægrandem facere misericordiam; quia opportunum adest eam operandi tempus, dum hora mea venit; in qua Mundus inveniet tot accusationes, tamque iustificatos processus, ut cognoscant indignationis meæ iustissimam causam: ut amplius ita faciam; & quia tempus est, in quo misericordie meæ attributum magis manifestandum est; in quo etiam volo, quod amor meus non sit otiosus: nunc cum Mundus ad tam infelix sacramentum devenit, ex quo Verbum carnem assumpsit, & cum mortales eo negligenteres sunt, & minus bonum suum querunt, quo proximiūs eorundem vita transitoria dies accedit ad finem, & c. respiciens ad iustos, qui sunt in hoc tempore, ipsis acceptabiliter, volo omnibus referare unam portam, ut per eam in misericordiam meam ingrediantur, & eis præbere lucernam, ut illuminentur in tenebris cæcitatibus suis.

Hæc, non tam Rethorici ornatus pompa exulta, & perpolita, quam sinceritate grammatical deprompta, transcripti: Cum melius sit, (ut ait S. Leo serm. 5. de Nat.) doctos onerare iam notis, quam rudes fraudare dicendis. Ut ex contextus narratione, intenti sensus à V. Matre veritas deprehendatur.

SECTIO SECUNDA:

NEVTER SENSUS, A DEPUTATIS ET SACRA FACULTATE
in premissis subvertatus, à V. Marre intenditur.

7 **M**ira sanè, & portentosa, sive temeritas, sive obsecratio Deputatorum proditur in examine loci huius; sive Gallicam traductionem, insidiam prorsus; sive nostram, nec ad latum, ut inquiunt, vnguem à textu Hispano discordantem, oculos convertamus. In traductione Gallica obsecratio, adeò est evidens, ut si ipsos Censores in ambiguas dubitandi rationes adegerit; si enim certus,

& indubitatus sensus ipsis obversaretur ; proculdubio intentum, & mentem V. Matis in frustrâ non searent, vt est manifestum; nec quasi caliginosis nebulis suffusi in incertum scopum oberrantes : si hoc intendit; si verò intendit illud , effutirent. Sansoni problemati simile enigma, traductio Gallicana Censoribus proposita videtur ; sed Sansoni convivæ solertiores Deputatis invenio : illi enim ad sponsam, quæ enigmatis sensum à Sansone blanditijs extorqueret , confugrunt: hi ad Sponsam Christi, V. Matrem, quæ non enigmaticè locuta est, adire noluerunt; quare in suspenso iudicio hæserunt.

8 Propositiones è Gallica traductione interceptas, obsecro , vt evolvatis, legatis, perscrutemini, quoquò versum versemini ; & nullum ex ipsis perfectum sensum, aut absolutam sententiam erui posse, invenietis. Singulę particularem , & inconexum sensum continent: omnes simul in nullum rationalem finem conspitare ; aut dissonum rationi scopum, videntur. Ergò vt quid ex ipsis, sive bonum, sive malum sequatur, sciamus, remittendi sumus ad integrum narrationem textus; vt quid fuerunt decerpitæ? Vt quid transcriptæ? Num facilius, & longè clarissimus non erat, numerum citare? Et dissonantiam , sive impietatem ibi contentam animadverte? Aut non mutillum , pariter & mancum textum producere; sed integrum, absolutum, perfectum? Ego cum divinare non sim assuetus, facti rationem non introspicio: ipsi Deputati, qui hic divinando, Censuram meditati sunt, scient quid intenderint.

9 Sed vt clarissimè ipsos sensum prædictarum Propositionum non fuisse assecutos, convincamus (neque enim assequi poterat sensus ullus , ubi nullus generabatur sensus:) Censuram Deputatorum cum Censura Sacrae Facultatis conferamus; & Sole ipso clarius veritas elucescer. Excerpterunt Deputati ex traductione Gallica Propositiones præfasas, & Propositionibus hanc Censuram adiecere : Hæc doctrina, quæ dicit, misericordiam Dei magis eluxisse, amoremque eius magis operativum fuisse manifestatione rerum , quæ dicuntur huic Moniali revelatae de Mysterijs Sanctissimæ Virginis , hac tenus occulto Dei, ut ipsa sit, iudicio absconditis, quam in missione Verbi incarnati in hunc modum, falsa est, temeraria, scandalosa , & impia. A Deputatis ad Sacram Facultatem remittuntur Propositiones; remittitur etiam Censura. Sacra Facultas Propositiones relegit, recognovit, & Censuram inspexit: hoc tamen discrimine erga utrumque se gessit: quod Propositiones damnandas tetinuit, Censuram verò Deputatorum reformativit , mutavit, variavit; & cur? O mira veritatis vis, & securitas! O prodigiosa cæcitatris, & obæcationis infirmitas, & debilitas? Dixerant Deputati: Hæc doctrina, quæ dicit, misericordiam Dei magis eluxisse, amoremque eius magis

PT

gis operativum fuisse, &c. queritur in ipsis Propositionibus doctrina illa, quæ talia dicebat à Sacra Facultate; & talia dicentem doctrinam, non invenit Sacra Facultas; nec inveniri potuit, aut modò potest; ut perpendenti omnes, & singulas Propositiones huius, sive articuli, sive numeri constabit. Non enim ibi inveniri potest vlla doctrina, vbi nullius doctrinæ sensus proditur. Quid tunc Sacra Facultas? Propositiones retinuit, & Censuram aliam, subodorantem aliquem è duobus, periculorum sensum, loco prioris substituit. Ideoque ait: Si intendat hoc, hæc doctrina falsa est, scandalosa, & impia. Si vero intendat hoc, similiter est falsa, &c. Quid si neutrum intendat? Neutrum quidem intendit doctrina: quæ nihil intendit erit falsa, erit scandalosa?

19 Præterea quis non abhorreat inter Catholicos ambiguam, & bilinguam Censuram pronuntiati adversus Authorem piam, & nullius suspicionis in fide; imò magnæ venerationis inter fideles notatam? Conquærebatur Maximus Hieronymus epist. ad Pamachium adversus Ioann. Ierosolimit. de his, de quibus iustissimè conqueri etiam debet V. Mater adversus Censores: Oramus, & petimus, & obsecramus, ait, vt aut nostra simplicitè fateatur, (Sacra Facultas) vt apertè defendat aliena: nolo verborum ambiguitates: nolo mibi dici, quod aliter possit intelligi, &c. Certè, si Hæresecos nulla suspicio est, vt cupio, & credo, cur non meis verbis meum sensum loquitur? Nam ille simplicitatem vocat, ego malitiam interpretor. Persuadere mihi vult, quod purè credat, purè ergò & loquatur? Et si quidem unum verbum, vel unus sensus esset ambiguus, si duo, si tres, ignorantis veniam tribuerem; nec ea, quæ vel obscura, vel dubia sunt de perspicuis stimarem; num verò, quæ ista simplicitas est; quasi super ova, & aristas inter theatrales præstigias pendenti gradu incedere, vbiique dubium, vbiique suspectum. Ergò Censura hæc vbiquè dubia; vbiquè declaretur suspecta, loquuta Sacra Facultas sensum V. Matris; & si eum non est assedita in traductione Gallica, textum Hispanum evolvat. Nolumus, nec vult sinceritas Christiana verborum ambiguates; nec quod sic, vel sic intellecta narratio in reprobum sensum trahatur.

11 Quæ Propositio erit, aut quæ assertio, quæ si alternis hinc inde sensibus quatiatur, à veritate non deficiat, vt est manifestum? Nolo aliundè, nec alio, quæ Sacra Facultatis exemplo me expedire. Ipsa Sacra Facultas ad finem Censuræ quamdam contestationem affert, his verbis expressam: Ceterum non intendit Sacra Facultas alia multa, quæ in dicto libro continentur, approbare, &c. Num si ego sic insurgerem: si alia multa, quæ Sacra Facultas non intendit approbare, quæque in dicto libro continentur, sint multæ veritates de fide, veluti Sacratissimæ Virginis Nativitas, Verbi Divini Incarnatio, & his

Similia: ipsa contestatio est hæretica, impia, abominabilis, &c. si autem non intendit approbare alia multa Christiana documenta, quæ in ipso libro continentur; ipsa contestatio similitè est hæretica, &c. Quid ad hæc Sacra Facultas? (latius hic censendi modus, cum de obtestatione loquamur, erit exagitandus, & intorquendus.) Quid ad hæc? Nonnè temerè nos Sacrae Facultatis rimari secreta conquærentur? Nonnè diabolicum sugillandi artificium invenisse? Nonnè in sanum potius sensum, quam in reprobum ipsam Sacram Facultatem esse adducendam, iustissimè dolerent? Ita sanè: ast cur ita non fiet, cum dubius occurrebat V. Matris sensus? Christianæ sinceritatis hoc fuisset ingenium, sicut færalis solertiæ oppositum proditur artificium. Legerat Divus Ambrosius negationes Petri (Sacram Facultatem admoneo, me ullam hic non intendere inter Petrum, & V. Matrem comparationem; sed ad excusandam Agredensem, si forte excusatione indiget, ut exemplificatione.) Legerat D. Ambrosius Petri negationes (lib. 10. in Lucam) & singulas in sanum sensum reddere conatur, ait Petrus: Non novi illum. Quid clarius? Ast Ambrosius Petrum mentiri non patitur; & verba notissima sic capi posse fatur: *Temerarium quidem erat, ut diceret, quia noverat eum, quem mens humana non potest comprehendere.* Ait secundò Petrus: Non sum. Et secundò Ambrosius de iniuria ad speciem illata, amorem commentatur: *Maliuit videlicet se negare, quam Christum.* Ait tertidò Petrus: Nescio quid das. Et Petrum tertidò vindicat Ambrosius: *Hoc est, sacrilegia vestra nescio.* Hæc, si in schola pietatis eruditii Censores fuissent, fecissent.

12 Sed quoniam, ut ibidem Ambrosius ait, quæ ambiguos possunt subire sensus nos excusamus; Dominus ipse non excusavit; non enim satis est involuta responsio confitentis Iesum, sed aperta confessio. Superst. examinare, an clarissimè, dilucidè, & absque vlla ambiguitate in predicta narratione V. Mater mentem suam aperuerit? Et an narrationis sensus extra omnem Censoræ alcam sit expressus?

SECTIO TERTIA.

SENSVS V. MATRIS VERVS EXPRIMITVR.

13 **N**ihil veritas erubescit, nisi solummodo abscondi, aiebat Tertullian. lib. adversus Valentianos, cap. 1. quare hoc & reponenda, & revocanda sunt verba Matris Venerab. sect. 1. adducta, ut sensus ab illa intentus dignoscatur; ergo in predictis verbis, nulla fit de Mysterio Verbi incarnati, ad Mysteria Deiparae, V. Matris revelata, comparatio; nec in illis poterit inveniri aliquod verbum;

bum, quod comparationem innuat, aut significet; quæ enim à Censoribus vocatur, & dicitur comparatio, mera, & pura est exemplificatio: Sicut enim ait P. Aeternus, cum Filium meum misi, expectavi tempus, in quo magis misericordia explendet seret; nunc volo aliam prægrandem eis præstare misericordiam, quia opportunum eam operandi tempus adesse video; in quibus verbis nulla, ut per se notum est, fit comparatio, sed exemplificatio: in tempore, quo Verbum carnem assumpit, Dei misericordia mirum immodum eluxit; tūm ex magnitudine beneficij facti; tūm etiam ex circumstantia temporis, in quo fuit tale beneficium collatum; ut enim ait D. Gregorius Nisenus adductus à Theophilato 9. ad Hebræos: Sic & nobiscum attulit, expectauit animarum medicus; donec universa malitia ægritudo panderetur. Volebat Deus aliam prægradem misericordiam facere in hoc sæculo, sanè infeliori alijs, ex quo Verbum caro factum est; scilicet Sanctissimæ Matris mysteria revelare; & usus exempli misericordiae collatæ in Incarnatione, motiva proponit misericordiæ conferendæ. Vbi nihil falsum, temerarium nihil; nihil dissonum inveniri potest, aut subodari; nisi totius enarrationis, inverso sensu; quod ut adnotavit August. Hæresum origo etiam in Sanctis Scripturis esse consuevit: quia conferentes diversas sententias adduxerunt, quæ ex se invicem videri poterant: quomodo, & qualiter essent intelligendæ. Ita Subtilis Doctor apud Lauream I. p. tom. 3. sant. disp. 7. num. 150. hoc Deputatis, & Sacrae Facultati accidit in textus narratione V. Mattis. Quare ad Crisim in Censuram gradum facio.

CRISIS THEOLOGICA IN CENSURAM.

N^o 4 **C**ensuræ enormitas; licet ex hucusquæ dictis, satis apparet; amplius ex dicendis, apparebit. Albertinus de agnoscendis Catholicis assertiōibus, q. 1. num. 19. animadvertisit, aliam esse rationem eorum, quæ proponuntur disputanda, alia eorum, quæ ad doctrinam in scriptis traduntur legenda: quod enim disputandum proponitur, et si dubium, ambiguum, obscurum sit, aliquam recipit excusationem: Sed scribendo omnia clara dilucida, expedita esse debent. Hinc ansa, vel occasio assurrexit Censoribus, damnandi, tanquam obscurum, ambiguum, & confusum locum illum Censuræ subiectum: sed quoniam non ambigua, nec dubia illa narratio est, ut probavimus; dubiam, & ambiguam Censuram impetrimus; sed demus ambiguam esse narrationem; Nota impacta, non nisi certis, & claris sensibus imponitur. Hæc doctrina falsa est, aiunt Censores, de doctrina, quam ut dubia produnt: quæ enim dubia sunt, nec falsa, nec certa sunt;


sunt; sed ad summum ex ambiguitate prona in aliquem errorē vi-
dentur. *Hec doctrina temeraria est, scandalosa, & impia*: Temeritas;
scandalum, & impietas latè non possent: harum Notarum ea est
natura, & conditio, ut statim legentibus se offerat, sicuti reperitur: at
cum vel ipsi Censores, anfractibus senticosis, vel ambitibus spinosis,
sensum perscrutentur, ad summum inducentia in temeritatem, scan-
dalum, & impietatem censem ea loca; sed aperte scandalosa, impia,
& temeraria esse non possunt. Cum ergo inconsiderata Censura de-
prehendatur, etiam si supponamus Propositiones illas aliquam mere-
ri Censuram; & alioqui dignas nullis notis demonstraverimus, pro-
nuntiadum superst̄ ipsam Censuram esse abolendam, abradendam,
& eliminandam, ut potè iniurijs onustam, & refertam. Pono cala-
num, & quia dicta mihi sufficere videntur: alijs evidentē supersedeo
quibusvis, si rem attentē meditentur, prævia censeatis.

DISSERTATIO SECUNDA.

EX NV M. VEL ARTIC. II. T A M *Deputatorum, quād Facultatis.*

15 **V**trūm Deus non manifestaverit hæc mirabilia (de Vir-
gine) in primitiva Ecclesia; quia continent mysteria
ad eò alta, & sublimia, ut sese fideles in eis perscrutandis, & admiran-
dis occupassent; quandò erat necessarium stabilire legem gratiæ,
Evangeliumque publicare: & quamvis id non fuisset incompatibile,
nihilominus intellectus humanus, ignorantia plenus, aliquas poterat
recipere turbationes, & aliqua pati dubia in eo tempore, quo fides
Incarnationis, & Redemptionis adhuc debilis erat, & præcepta novæ
legis in cunabulis.

Titulus presentis Dissertationis duo continet: Primum, in primiti-
va Ecclesia non fuisse manifestata mirabilia pluta de Sacratissima
Virgine, quæ deinceps, & modò per V. Matrem manifestantur. Se-
cundum, rationes sufficientes, ob quas Deus nunc voluerit
patefacere illa mirabilia, quæ olim fideles
latebant.



SECTIO PRIMA.

PRIOR PARS PROPOSITIONIS FIRMATVR.

16

EVulgatura Sacra Facultas Censuram in libros 1. Partis Mysticæ Civitatis Dei, titulum operis in fronte evulgationis præfixit, scilicet omisso alijs: *Historia Divina*, & *Vita Sanctissimæ Virginis Mariae Matris Dei, Reginæ, & Dominae nostræ, his ultimis temporibus à Beata Virgine manifestata Sorori Mariæ à Iesu*, & c. ex Hispano Idiomate Gallico donata à R. P. Thoma Croset. Titulus iste litteris maiusculis exaratus præmittitur, & magnis characteribus in ipso legitur: *His ultimis temporibus à Beata Virgine manifestata Sorori Mariæ à Iesu*. Et tamen nulla Censura video titulum notatum, aut reprehensum; neque à Sacra Facultate, neque à Deputatis Censoribus. Præsertim cum ex eo, quod Historia hæc sit manifestata his temporibus, sequatur apertè, eam non fuisse manifestatam in primitiva Ecclesia; quod in hac Propositione, tanquam falsum, temerarium, & novum, reprobatur. Fallitas, temeritas, & novitas ubique produntur; præsertim oculatis viris, & magis proditur, quod magis oculis observatur: quid? Devorarunt in Titulo falsitatem, & temeritatem, quæ in hoc numero transglutire non potuerunt? Aut in Titulo Propositio est vera, pia, & secura, quæ in Opere temeraria, falsa, & nova vocatur? Aut eadem Propositio simul & vera, & falsa esse potest? Ita sanè, si oculis torvis proponatur, aut odio, invidia, vel alio quovis vitio, rationi laboranti offeratur. Sed quoniam utrobique vera est Propositio, utrobique erit vindicanda.

17 Prius ipsius V. Matris rationibus, deinceps Doctorum, & Theologorum consensu. Vener. Mater in 2. Part. num. 1516. animadvertisit, Quod felix gratiæ dies, quo Verbi Incarnatione mundo illuxit, habet suum exortum, & meridianum, sicut & habebit occasum; atque omnia à sapientia æterna esse disposita, sicut & quando opportunè convenit; qua propter, quamvis omnia Christi, & Matris eius Sacraenta in Divinis Scripturis sint revelata, non omnia simul, & eodem tempore æqualiter manifestantur; sed paulatim Dominus auferens figurarum, metaphorarum, & enigmatum velaminis; quibus revolutis, multa fuere Sacraenta patefacta, quæ observata, & reservata erant ad suum usque tempus: sicut solares radij sunt manifesti, postquam removetur nubes, sub qua latebant. Nec mirum, si hominibus per partes aliquis ex multis radijs huic Divinae Lucis de novo communicatur; siquidem ipsi Angeli, quamvis ab intio suæ creationis cognoverunt Incarnationis Mysterium quoad substantiam, & generaliter: At verò nqn omnes huius mysterij con-

conditiones, effectus, & circumstantias prævis fuerunt; immo plures illærum sunt ab eis cognitæ post quinque mille & ducentos annos, & amplius, à mundi creatione.

18 Hæc autem sunt Theologorum discursibus conformia, ut ferè eisdem verbis Doctor Eximus t. 2. in 3. p. disp. 21. sect. 1. §. Dicendum est: de cognitione Angelica erga Sacratissimam Virginem fuerit philosophatus: ubi paulatim fuerunt eis reserata plura de Sacratissima Virgine, licet ab initio de ipsa communem fuerint sortiti notitiam. Hincque admiratio illa: *Quæ est ista, quæ progreditur quæ Aurora?* interpretatur Suarez ex D. Thoma de cognitione quoad omnes circumstantias, non verò quoad substantiam, & personam ipsam Virginis. Modò sic: non omnia, quæ de Sacratissima Virgine erant manifestanda, vel Angelis ipsis, in ipsa Triumphantे Ecclesia fuerunt revelata, & obiecta: quid mirum, si plura in Primitiva Militante Ecclesia Deus de sua Matre non revelaverit mirabilia, non manifestaverit Sacraenta?

19 Ulterius Vener. Mater 3. Part. num. 39. his verbis sibi consonat, rationemque dedit pro asserto, à Depuratis hic nota confixor: *Denuo animadverto hanc Historiam legentibus* (sæpius id ipsum animadverterat) *ut non tanquam aliena, Mariae occulta Sacraenta recipiant, quæ in hac Historia viderint scripta; nec tanquam sibi incredibilia reputent;* ob id solùm, quod mundus ad hæc usque tempora de ipsis passus fuerit ignorantiam; quia præterquam quod dignè, & convenienter omnia in hac magna Regina recipiuntur; quamvis Ecclesia Sancta hucusque non habuerit de mirabilibus factis, quæ gessit post Eñij sui Sanctissimi Ascensionem, authenticas Historias, negare non possumus, fuisse multa, atque magnifica ea, quæ gessit; siquidem in legis, quæ introducebatur in mundum, Evangelie, Magistrum, Patronam, atque Matrem sufficiebatur. Hæc ratio firmat, atque stabilit assertione damnatam; sed quia Censores num. 12. & Sacra Facultas art. 8. hanc rationem explodunt, ibidem erit instauranda: intetim si Patrum doctrinis præmissa fulciantur, actum erit de Censura.

20 Tot, tantaque de Sacratissima Virgine supersunt dicenda, atque manifestanda, ut SS. Patres in admirationem rapti, stupore, dum de cius mirabilibus sermonem instituunt, corripiantur. Illustrissimus Samaniego in Prologo Galeato plura testimonia congregavit num. 36. 37. & 38. & Nota 4. huius 1. Partis, §. 3. & 4. quibus superaddi possunt alia multa ex S. Bernardo serm. 2. super Salve Regina. S. Thoma de Villanova concione 3. de Nativitate. S. Ioanne Damasceno orat. 2. alijsque videndis apud Novarin. Vmbra Virg. num. 969. & apud satisfactionem pro (Villarragut) Relig. Sancti Francisci

cisci, num. 47. 48. & 55. vbi ex Canisio hæc satis ad rem videri possunt adducta verba: Faceant igitur nauti, ac morosi Censores, qui statim nauseant, & offenduntur, cum ea de Maria legunt, vel audiant, quæ in Verbo Dei non sunt explicata, sed ex veterum, & recentiorum Theologorum scriptis petita, ea, quæ talis Persona dignitati, sed & rationi, in mente piorum lucenti, consentanea, ut de Matre Domini recte, pīd, ac probabilitè affirmentur. Cum ergo tot, tantaque sint mirabilia Virginis Mariæ, quæ denudò quotidie dicuntur, nulli temerarium videri poterit, omnia in Primitiva Ecclesia non fuisse revelata, atque patet facta mysteria, ut Richardus de S. Laurentio ait: Nec solum gloria dicta sunt, sed etiam dicuntur quotidie, & dicentur usque in aeternum. Christus enim Mariæ Filius, qui antiquis inspirauit, ut de Matre sua enigmatibus gloriose prædicarent, ipse & quosdam illustrat; & etiam usque ad finem mundi aliquos illustrabit, ut semper aliqua gloria superaddant. Ita ille in Psalm. 86. num. 2.

21 Ex his plura inferuntur. Primo, ex principijs V. Matri infinitur, omnes veritates, & mysteria de Christo, eiusque Matre, in divinis Scripturis contenta; licet non omnia statim fuerint patet facta: infinitur etiam Ecclesiam quotidie accipere nova incrementa, novas illustrationes erga plures circumstantias, & accidentalia posteriorum fidei. Infinitur ulterius revelationibus privatis plura servis suis, ex his Deum manifestare; imo ut Thomas Hurtadus ait, num. 797. *Omnenm omnino negare fidem, omnibus revelationibus factis personis particularibus, non solum existimo impium, & temerarium, sed errorum in fide.* Infinitur tandem, non omnia, quæ de Sacra Virgine hodie habemus, fuisse in Primitiva Ecclesia manifestata: patet evidentè, quia paulatim Ecclesia Sacris Patribus, & Doctocibus illuminata, Spiritus Sancti luce iugi perfusæ, Conciliorum, & Pontificum determinacionibus illustrata, plura determinavit, statuit, atque decrevit; quæ olim, nec fuerunt decreta, nec determinata, nec statuta.

22 Hanc veritatem firmant Gerson part. 4. serm. de Concept. Hechin part. 1. serm. de Concept. Rupertus in Cantica ad illa verba *murenulas aureas.* S. Amadeus hom. 8. Richardus lib. 4. de Laudibus. S. Bernardus serm. 2. super Salve Regina: Richardus etiam lib. 7. de Laudibus; alijque ferè innumeri passim videndi: inter quos excipiens Casianus lib. 2. cap. 1. *Divina Virgo Filia Patriis Aeterni; Mater Aeterni Filij, habitaculum Spiritus Sancti, plus habet in occultis suis, quam capiat humana mens; quam possit sermo proferre, quam exscribendis membranis, quam sibi totam coaptavit ille, qui condidit ad nihil aliud, quam ad Divina perstruens, ut Dei Mater esset, & Filia.* Cum ergo hæc ita se habeant, illa 1. Pars Propositionis V. Matri, in qua ait mirabi-

lia hæc (de Sacratissima Virgine) non manifestavit Deus in Primitiva Ecclesia, est certa, & debet esse indubitata; vel ut falsa probetur, debent Censores ostendere, & demonstrare loca, vbi manifestata sunt in Primitiva Ecclesia; aut quæ dicuntur mirabilia, non esse mirabilia: quod cum non prætent, nec præstari possint, inter eos computandi sunt, de quibus doctissimus Castro in præfatione ad vitam Virginis sic fatur: Sed nec hoc idem ignores velim, multos hac nostra tempestate prodisse; an nostro malo, dicam, an potius suo, tam rigidos Historiæ Christianæ Censores, ut nisi, vel divina fide, ut dicunt, comprobent, aut evidenti ratione confirmant: vel tanquam omnino fictam reiçant, vel tanquam apochrypham, sic enim vocant, floci pendant. Apud quos maiori pollent autoritate, ac fide in suis prophani, atque Gentiles, quam in nostris, Christiana fide, ac sanctitate clari Scriptores.

SECTIO SECUNDA:

**RATIONES, OB QVAS DEVS IN PRIMITIVA ECCLESIA
hæc mirabilia non ostenderit, percurrit, & defendit.**

23 **M**Ultis probaverat doctissimus P. Guevara tom. 2. in Matthæum, observ. 15. seet. 2. §. 1. superesse multa de Sacratissima Virgine dicenda, ex PP. placitis, & doctrinis; sed num. 2. rationem reddens, cur hæc omnia in Primitiva Ecclesia non fuerunt revelata, hæc adnectit: Tot, tantaque sunt, ad cõque humanæ mentis sinus excedunt, superantque capacitatem, ut quasi militantis Ecclesiæ intellectus obrueretur omnino mysteriorum granditate, gratiarumque sublimitate, quibus affluit Mariae latissimus animus, si earum simul cognitio in eum infunderetur Deus, ne humanæ mentis tenuitas, tanto pondere prægravata, velut fatisceretur, & dirumperetur, cœlestium gratiarum numerum, quibus Maria ditata est, paulatim ei statuit aperire cognitionem, & sic quædam Ecclesiæ exordio revelavit, ut tempore decursu alia cognoscenda perciperet, nimio enim lumine eius acies perstringeretur, si universarum Mariae gratiarum radij illius mentem, uno impetu adorarentur; ad eum sanè modum, quo Apostolis quondam divina sapientia dixit: adhuc multa habeo vobis dicere; sed non potestis portare modò, &c. Eo libenter hæc verba transluli, quo proximiū accedunt ad eandem veritatem innuendam, quam ipsam ferè rationibus, in loco Censuræ subiuncto V. Mater proponit, adducens pro se Ioannis locum cap. 16. num. 12. quem eidem proposito elucidando amandavit Guevara.

24 En cur Deus hæc mirabilia non manifestavit in Primitiva Ecclesia; quia intellectus humanus ignorantia plenus, aliquas turbationes reci-

reciperet, ait V. Mater; quia nimis iunctio eius acies perfringetur, si
universarum Mariæ gratiarum radij mentem uno impetu, adorarentur, ne
humanae mentis tenuitas tanto pondere, veluti gravata, fatisceret, & dis-
rumperet, ait Guevara, quod sane pertimescendum erat; tunc maxi-
mè, quandò stabiliti necessarium erat legem gratiae, sacramque Evan-
gelium: ut suo exemplo S. Dionysius Areopagita satis ostendit, Epist.
ad Paulum: vbi inter alia, Testor, ait, qui aderat in Virgine, Deum si tua
divina concepta mente non me docuissent, hanc ego verum Deum esse credi-
dissim, quoniam nulla videri maior esse posset gloria beatorum, quam felici-
tas illa, quam ego infelix nunc, tunc vero felicissimus, degustavi. Sic
ergo magnus ille Dionysius ad Sacratissimæ Virginis intuitum adeò
est stupefactus, ut ne Deum, ipsam reverenter, testatur divina fide
fuisse compulsum. Quod futurum sperabamus accidisse fidelibus pri-
vilegiorum exundante abyso, gratiarum exuberante mare, atque Sa-
cramentorum dissoluto muro? Nonnè innumeras animi perplexitates
paterentur illi, quibus uno impetu, uno veluti haustu mare absumen-
dum propinabatur?

. 25 Dices: D. Thomas 2.2. q.1. art. 10. ad 1. ait: *Quod in doctrina Christi, & Apostolorum veritas fidei est sufficienter explicata; non ergo denuo indigemus novis explicationibus, atque circa fidem novis manifestationibus.* Forsan hoc loco ducti, aut potius non vera intelligentia seducti Censores, doctrinam harum Propositionum falsam, & temerariam, imo novitatem inducentem, criminantur. Sed quam recte cohæreat cum sensu V. Matri, iam ostendam. In primis supra produximus V. Matri verba, quibus ait: *Licet omnia mysteria de Christo, eiusque Matre sint revelata in Divinis Scripturis, non omnia æquallyter eodem tempore manifestantur:* vbi longè aliud est rem esse revelatam, atque esse manifestatam. Demus omnia mirabilia fuisse iam revelata, ut fatetur V. Mater; & D. Thomas innuit adductis verbis; infertur statim: ergo & omnia sunt manifestata? Minime. *Thesaurus Ecclesiæ est doctrina Apostolorum, ipsis revelata, in qua omnia credibilia de fide continentur;* ast de thesauro hoc profertuntur nova, & vetera; quia Sancta Mater Ecclesia de una in aliam ætatem perducta, cogitur alias veritates explicare, & definire, que veteres sunt, & in Apostolorum doctrina contentæ, & nova etiam appellantur; quia novitè santiuntur, & pronuntiantur. Sed quoniam de his ubertim egit Illustrissimus Samaniego Nota 4. & suo Prologo Galeato, & satisfactio pro Religione S. Francisci exhibita, multa congerit

à num. 162. & à num. 46. ad Censuram
deveniamus.

Hæc Propositio falsa est, temeraria, & novitatem induens.

26 **H**Æc Censura triplici nota conflatur. Prima, falsitatis;

secunda, temeritatis; tertia, inducentis novitatem, à quibus omnibus expers, & aliena Propositio ex dictis probatur; sed amplius adhuc, quid vnaquaque harum notarum sibi velit, à nobis erit expendendum. In primis, ut aliqua Propositio sub virgula, & ferula Censuræ quaeratur, non satis est quod sit *falsa*, debet amplius esse plusquam falsa, longèque communem falsitatis gradum superare: cum ergò dico vnam Propositionem esse falsam, non proinde nota vlla ignominiosa illam efficio; alioqui conquererentur Philosophi, Theologi, Medici, Mathematici, Interpretes, & uno verbo omnes quotquot disputant, vel scribunt: quicumque in qualibet materia firmans Propositionem, vel thesim sibi probabilem, oppositam reputat falsam, & ut falsam impugnat, & negat. Certè si Sacra Facultas, si Deputati Doctores Propositiones probabiles V. Matris, quas feriunt, ne alia nota inurerent, quam nævo falsitatis, non adeò solliciti fuissimus de vindicta; quia liberum cuique est in probabilibus, sibi tanquam verum retinere unum extremum; aliud, sibi oppositum, tanquam sibi falsum negare. Esse varios Censuratum gradus sciunt omnes, & expendit Saura tract. de examine doctrinarum, Conciliorum, Pontificum, Patrum, & Scholasticorum, productis testimonijs. De differentia, & dist. horum graduum agit Canus lib. 12. de locis, cap. 11. Corduba lib. questionarij, quest. 17. Suarez disp. de fidei sect. 2. Turris-Cremata in Summa de Ecclesia, lib. 4. part. 2. cap. 11. S. Antoninus 2. p. Theolog. titul. 12. cap. 5. & alij, quos longum esset recensere: ast in gradibus Censuratum à nullo falsitas est collata. Utinam falsas solum Propositiones carperent Deputati: liberum est assentire, aut dissentire probabilibus; sed quoniam addunt Propositionem non solum esse falsam, sed temerariam, atque novitatem inducentem, de his gradibus huic Propositioni impactis superstet agamus.

27 De nota temeritatis latè agemus in Crisi nostra ad finem articuli 14. sive Num. 19. Num. 227. solum hic erit animadvertisendum: Propositionem, quæ multis Theologis, aut Doctoribus arrisit, vocandam non esse temerariam: at Propositio, Censura subiuncta, pluribus placet, ut tota Dissertatione est probatum: ergò illa non est temeraria; sed neque novitatem induens, ut potè, quæ à multis assertur; ut ostensum est tota Dissertatione; ergò vndeque à Censura immunis, libera evadit.

p̄t̄iācta Proposition̄. Sed demus reverā hanc Propositionem non solum esse novitatem inducentem, sed absolutē novam: erat ne proinde expungenda? Novitas sola non inducit Censuram, nec gradum continet Propositionis damnabilis, si Scripturis, Concilijs, Decretalibus, vñanimi PP. consensu, & Theologorum iudicio, non opponatur. Novitas, quę emergit sine fidei pr̄iudicio, aut Religionis periculo, aut Ecclesiæ dispendio, aut modestiæ offendiculo, aut rationis incutia, laudatur à S. Augustino tract. 97. in Ioannem, & lib. 20. de Civitate, cap. 20. S. Basilio libro de Spiritu Sancto, Richardo de S. Victore tract. 1. de Tabernaculo fœderis; Pereyra lib. 3. in Genesim, quæst. 5. num. 46. adducens Vincentium Lirinensem, his verbis: *Antiqua Sanctorum Patrum consensio, non in omnibus Divinæ Legis quæstunculis; sed solum in fidei regula, magno nobis studio & investiganda est, & sequenda.* Et lib. 7. ad Calum num. 178. & num. 179. agens de existentia Paradysi. Corduba lib. 1. quæst. 44. & alij, quos in decursu huīus operis dabimus. Si ergò p̄t̄iācta Proposition de mirabilibus Sacratissimæ Virginis non manifestatis in Primitiva Ecclesia, ob rationes ibidem addictas, sine fidei pr̄iudicio stare potest, & de facto stat: & si fuisset nova, non proinde erat virgulæ Censuræ mancipanda; sed cum nec nova, nec novitatem generans sit, ut potè, quæ Guevaræ, & pluribus Sanctis Patribus apud ipsum videndis, arriserit, ipsa Censura qualitates, Propositioni impactas, sibi adsciscit. Est Censura falsa, & plusquam falsa, quia fallendi animo impacta: est temeraria, quia Propositionem probabilissimam à Sede probabilitatis eliminare intendit: est novitatem inducens, quia triplicem perniciosam adinvenit nocendū novitatem. Primo, falsitatem solam inter gradus Censuræ ponens. Secundò, temeritatem iniuste inferens. Tertio, novitatem indebitè affigens. Quare hac triplici ratione digna, ut in ipsam et quissimum Veritatis Tribunal animadvertat.

*** (‡) ***



DISSERTATIO TERTIA.

CIRCA ARTIC. II. FACULT.
G 3. G 4. Deputatorum.

A N P R O P T E R H A N C R A T I O N E M
(scilicet, quia mens humana manifestatione mirabilium
Sacratissimæ Virginis in Primitiva Ecclesia, quando
divulgabatur Evangelium aliquas turbationes patere-
tur) Verbum incarnatum in ultima Cœna dixerit Disci-
pulis suis: Multa habeo vobis dicere; sed non potestis
portare modo. Et an his verbis fuerit allocutus toti
mundo, qui minus erat dispositus, ante stabilitamentum
legis, & fidei Filij, ad recipiendum fidem, & mysteria
Matris.

T A N D E M

A N D E V S P R O P O S V E R I T H O M I N I B V S H A N C
Mysticam refugij Civitatem (Mariam) descriptione, & nar-
tione, iuxta (V. Matris) imbecillitatem facta: & noluerit,
quod eam inspiciant homines vi opiniones, & visiones simili-
cetes, sed sicut constantem, & infallibilem veritatem: illi, qui
habent aures audiendi, audiant.

28 **T**itulus iste capit articulum secundum Sacrae Facultatis;
& numeros tertium, & quartum Deputatorum Cen-
sorum: hic Propositiones ab ipsis explosæ, ut vides, in Dissertationis
periculum assurgunt, ut veritas, aut falsitas earundem facilius depre-
hendatur; sed quoniam Traductoris incuria, velut cancer serpit ubi-
que, statim legitima versione erit rescandus, ut quos graveolentiae
fætor traductionis Gallicæ infecerit, flagrans odore lucundissimo
textus Hispanici versio accurata, reficiat, & qui mutilum, diforme,
atque dilaceratum sensum perhorrescant, integræ
narrationis exemplari mansuelcant,
& cicutentur.

29 **E**t propter hoc (refertur ad antecedentia Dissertatione secunda elucubrata verba) Persona Divini Verbi humanati, dixit Discipulis suis in ultima Cœna: multa habebant vobis dicere; sed non estis dispositi ad ea recipienda. In illis locutus est mundo toti, qui non fuit dispositus, donec lex gratia firmaretur, & fides Filij, ut introducerentur mysteria, & fides Matris. Et nunc maior est necessitas, illaque me compellit, plusquam sua dispositio: (hic intercinditur vna periodus usque ad hæc verba) & volo præsentem illis ponere hanc refugij Mysticam Civitatem: describe illam, atque depinge iuxta imbecillitatis tuae vires: & nolo hanc descriptionem, atque declarationem ritus sua esse opiniones, neque contemplationes, sed veritatem certam. Qui habent aures audiendi, audiant.

SECTIO PRIMA.

AN DEI PÆRÆ MIRABILIA, NON MANIFESTATA in Primitiva Ecclesia, possint intelligi contenta in illis multis rebus, quæ Christus dixit se habere, ut diceret Discipulis suis in ultima Cœna, illis verbis: Multa habeo vobis dicere, sed non potestis portare modo:&c.

30 **I**llustrissimus Ximenez Samaniego, Episcopus Placentinus, ut erat eruditione sacra vir facile dives, ingenio locuplex, & acumine præstans, incidit in hæc eadem loca, in qua Sacra Facultas offendit: legit, & recognovit, non nullis, aut parum pervia, aut non nihil futura suspecta: quare copiosa litterarum, & rationum congerie huius loci narrationem elucidandam suscepit tribus clarissimis Notis, veluti totidem fulcris, aut repagulis in hac, qua videbatur ab adversarijs impeti posse parte, Civitatem Dei Mysticam communivit, atque tutatus est; nullis incursiibus eam reliquit expositam, nullis ictibus labefactandam: quidquid ergo nos validissimis his defensionibus addiderimus, non tam suveniendi, aut auxiliandi animo, quam suffragandi, & exornandi gratia, præstabimus.

31 Vastissimam interpretationum, & expositionum sylvam ad hunc Ioannis cap. 16. num. 12. locum, in duplicem classem rededit Samaniegus; in quarum prima instar magni agminis solus recentetur S. Augustinus; ex cuius verbis tract. 96. in Ioannem tom. 9. parum à fine: & Deputati Censuram, veneno imbutam, & Placentinus Censuræ theriacam illicè applicandam, ebiberent. Illi Augustini ducti testimonio, statim V. Matrem abusam fuisse Ioannis loco: *Quo Heretici*

tici audacias figmentorum suorum, quas maximè abhorret, sensus humanus, hac occasione Evangelicæ sententia colorare conantur: ille vero, eodem Augustini testimonio, probat: mysteria Sacratissimæ Virginis esse potuisse contenta in illis multis rebus, quæ Christus suis manifestavit Discipulis: quia ut hic ait S. Doctor temerè sine divina revelatione quisquam auderet hæc, aut illa esse ex ijs, quæ Christus substituit; quod si premissa revelatione divina, quis dicat hæc, vel illa esse ex numero eorum, de quibus tunc silentium non fregit Dominus, hic nec temere, nec absurdè, mysteria illa occulta indigitaret, ut potè ab illo eodem spiritu edocitus, à quo Apostoli tunc de his non fuerunt instructi; Iam ergo V. Mater ex revelatione privata, sibi referata prædicat hæc mysteria, vel aliqua ex illis; atque in Sacratissimæ Virginis excellentiam commendandam collimare: non ergo abutitur testimonio, quo virtutum iuxta Magni Parentis Augustini sensum, & placitum: parum fuerat hæc legisse, ait S. August. nisi illecebram Legatur hæc ex eis esse, quæ tunc Dominus noluit Discipulis suis dicere, quia non poterant illa portare. Hoc totum dilucidè legitur in narratio- ne V. Matri, & quod mysteria Virginis erant ex illis multis rebus, quæ Christus Apostolis non dixit; & quod Deus ita V. Matri dixit.

32 Non prætereunda hic Deputatorum calliditas in Censura confienda ex verbis Augustini, Venerabilem Matrem cum Hereticis, qui abusi sunt hoc testimonio, ut audacias, & novitates figmentorum seorum colorarent, involvere desiderantes, intercederunt: illa etiam Augustini verba immodicè sequentia: *Quas maximè abhorret sensus humanus: & cur? Quia V. Mater vtebatur illis verbis, non ad audacias, aut figura, quæ sensus humanus abhorret; sed ad mysteria palam facienda, quæ sensus humanus amplectetur placide;* & ex quibus Deiparae sacramentis, & mirabilibus, quæ olim, occulto Dei iudicio, latebant, patefactis, humana mens in quamdam ingentem admirationem raperetur; indeque magis, ac magis in Virginis amore accenderetur: non ipsos, hæc ita esse, subterfugit; sed versutia quadam, quæ eorum non candidam mentem poterant designare, verba intercepserunt.

33 Exiverat Illustrissimus Placentiae Præsul habere locum in sententia Augustini, sensum V. Matri; & ad communem Interpretum, in hunc Ioannis locum, se conferens consensum, probat etiam mysteria Deiparae fuisse, aut potuisse esse contenta in illis multis rebus, quæ Christus Apostolis non dixit; & se habere dicenda innuit, quæque magisterio Spir. Sancti erant excepturi; nec semel, & coartervatim, sed paulatim, ac proindè in illis, scilicet Apostolis, Christus fuit etiam loquutus omnibus fidelibus. Ita ex Cardinali Toletto,

Maldonato, Cornelio à Lapide, & S. Gregorio Nazianzeno, concludit: quare vndeque vallata sententia V. Matris, ut inquit, i&ctibus ab adversariis disploditur.

34 Nihilominus ex proprijs nonnulla adnectenda in ampliorē huius Propositionis corroborationem, quia hucusque alienis, aptissimis licet armis, decertavimus. In primis locus ille Ioannis à V. Matre adductus pro mysterijs occultis Deipatæ, sibi revelatis, in eundem finem expendit Etuditissimus P. Guevara tom. 2. in 1. cap. Matthæi observat. 15. de Purissima Conceptione, sect. 12. §. 1. ad hæc: *Multa habeo vobis dicere, &c.* Nec tamen, ait Guevara, veritatis spiritus Ecclesiæ Dei omnigena veritate coacervatim, & uno tempore imbuit; sed singulas cœlestis Theologiae disciplinas, singulis atatibus assignavit; ne omnibus pariter referta, tanquam nimlo cibo onussta, humani intellectus pusillitas succumberet: Ut scitè admonuit Tertullianus lib. de velandis Virginibus, cap. 10. & datis Tertulliani verbis, mirum in modum idem assumptum amplexantibus, sic prosequitur: *Verè cum mysteria in Maria patrata, proxiniorem viciniam cum divinitatis, fidei que nostræ Sacramentis nanciscantur, & ob id privilegia, excellentiarum quæ dona, ei impertita, illis solu[m] videantur decadere, quæ in Divinum ipsius Filium confluxerunt* (nequit enim excogitari sublimior sanctitatis vertex, & gratiæ post Christum, quam Maria) *meritò quidem de illius mysterijs, non aliter nobis philosophandum erit, ac de mysterijs fidei, quarum nos itiam, singulariumque veritatum ad illam spectantium cognitionem, Spiritus Sanctus Ecclesiæ suæ non summatim communicavit; sed sensim illas digessit, & pro temporis opportunitate distribuit.* Quo fideliūm pietas de Marie maiestate, eò altissimum conceptum gignat, ut cum multa, miraque de eius gloria prærogativis fuerint edita, adhuc plura esse, quæ Deus occultat Ecclesiæ suæ, successu temporum manifestanda, credatur. Si ergo meritò de Mysterijs Virginis, proptèr viciniam ad mysteria Christi, non aliter nobis est philosophandum, ac de Sacramentis fidei: quid prohibet, quominus, sicut in illis multis rebus plura fidei secreta latebant, quæ paulatim erant successu temporum referenda, ad fidem filij pertinentia; similitè afferere, etiam ibi abscondita remansisse plura mysteria, & mirabilia Matri? Quid si exemplum à Guevara de mysterijs Filij, ad mysteria Matri transit in eventum? Hoc mihi pro comperto est, Guevaram eo loco, in illis multis rebus, quæ Christus Discipulis non dixit, involvi mirabilia Virginis, non dubitare?

35 Et sane, licet omnes veritates, fide credendæ, continentur in Sacris Scripturis, ut cum D. Thoma defendant Suarcz, Torres, &

Coninch apud P. Arriaga de fide, disp. 11. sect. 3. tamē non omnes eodem simul tempore sunt ad apertæ, & reseratæ; quod optimè convincit S. Gregorius Nazianzenus orat. 37. apud Guevaram, tom. I. num. 16. obsrv. 1. vbi post multa, sic fatur: *Ob hanc rationem, ut opinor, ad Discipulos quoque sigillatim se confert, ad excipientium scilicet captum, modulumque se impertiens, nimis in Evangelij principio perficiens virtutes, post Christi Passionem insuflatus; post Ascensum in igneis linguis apparens, quin etiam ab ipso Iesu paulatim declaratur, ut ipse quoque comperies, si animum diligenter advertas: Rogabo enim Patrem, inquit, & alium Paracletum dabit vobis spiritum veritatis: Vides illuminationes paulatim nobis affulgentes, Theologiaeque ordinem, quem nobis quoque tenere præstiterit, ut nec repente, atque confertim omnia in lucem proferamus, &c.* In hanc eamdem sententiam recidit Didymus lib. 2. de Spiritu Sancto, his verbis ad locum Ioannis cap. 16. *Ipse ergo spiritus veritatis ingrediens puram, & simplicem mentem, signabit in vobis scientiam veritatis, & semper nova veteribus adiungens (attende) diriget vos in omnem veritatem: vbi successus illuminationum innuit per Spiritum Sanctum, semper veteribus nova subiungentem.*

36 Post Christi Domini Magisterium, & Spiritus Sancti visibili-
tè apparentis; adhuc erant multæ veritates de fide revelandæ, quas Sacratissima Virgo Discipulos docuit, ut docet Rupertus ad illud Canticorum: *Indica mihi, &c.* eius verba: *Quidquid supplementi opus erat eisdem mortalibus, vel testimonij ad confirmandos singulorum sensus, quos acceperant ab eodem spiritu, dividente singulis prout vult, ex religioso ore tuo perceperunt, instruendo ad loquendum, benè composito ad tacendum: An quia cap. 15. Actuum Apost. Vbi facta seditione, propter ceremonias Iudaicas, convenerunt Apostoli, & seniores videre de verbo hoc, nullam tui mentionem Scriptura fecit; id circò putandum est, quod Conventus ille te omisserit, & sanctum de tempore tuo, de tuo ore spiritum non censuerit? Imò & illuc, & in ceteris agendis tu Princeps omnem solvisti quæstionem, &c.*

37 Ex quibus verbis clarè deducitur, non solum illuminationes paulatim Ecclesiæ affulxisse; sed etiam non temerè suspicandum in illis multis rebus, quæ Christus occultavit Discipulis; licet ibi de Maria nullus sit sermo; ibidem plura de Maria mirabilia latuisse; sicut non quia de Sacratissima Virgine mentio non fiat illo 15. Actuum cap. non proinde putandum in illo religioso Concilio Virginem non fuisse, ut optimè Richardus est meditatus, imò vires addit nostro discursu Richardus à S. Laurentio lib. 12. de Laudibus: vbi Mariam esse librum, in quo omnia continentur ad salutem: *In hoc enim libro (quem Ioann. vidit Apocalypsi. 5.) continetur omnis scientia, quæ per-*
tinet

tinet ad salutem, quem tenet Christus in dextera, non in sinistra; quia spiritualis scientiam, quae in eo latet, bonis aperit, malis claudit; idcirco dicitur, signatus. Et nota, quia Ioannes flebat multum, quia nullus inventus est solvere signacula libri, nisi solus Agnus; quia nemo novit Matrem, nisi Filius, & cui voluerit Filius revelare. Si ergo tanta sunt Matris mirabilia, ut liber dicatur in dextera Dei, agnitus soli Agno, sive Filio, & cui voluerit Filius revelare; quid mirum, si Mariam respiciens Christus, quam semper in dextera habebat, Apostolis dixerit: *Multa habeo vobis dicere, sed non potestis portare modo? Quid mitum, si in multis illis Virginis mirabilia latuisse assertatur, quae Virgini Venerabili pro libito voluit Filius revelare? Ego sancte in loci huins Ioannis abusum reperio nullum; sicut nec imposterum, si pro alijs Sacratissimae Virginis novis mirabilibus ab alia, alio ve Dei servo, adducatur; quia & ibi multa sub silentio fuisse sacrata dicuntur, & de Sacratissima Virgine, ipsa materia, eod quod inefabilis sit, semper fandi tribuet facultatem; de ipsa nunquam potest deficere, quod dicatur; quia nunquam satis esse potest, quod dicitur: nequæ enim in Cœlo, nequæ in Terra, ait D. Bernardus, inventus est dignus aperire librum prærogativarum suarum, serm. 2. supr. Salve.*

38 Quæ fuisse à nobis hucusquæ dicta sunt, in synopsm redigam, ut preius, & firmius intentum convincamus. In primis omnia, quæmodò manifestantur, in Divinis Scripturis esse contenta fatentur c ommunitè Theologi cum Suarez, Torres, Coninch, supra laudatis quibus consentit V. Mater 2. Part. num. 1516. ibi: *Quanvis omnia mysteria Christi, eiusque Matris in Divinis Scripturis sint revelata, nihilominus non omnia æqualiter eodem tempore manifestantur. Deinde, paulatim manifestari successu temporis, ex illo loco Ioannis censem Nazianzenus, Tertullianus, Didymus, Maldonatus, Guevara, & alij, quos supra deditus, & dedit etiam Samaniegus Nota 4. 1. Partis. Præterea mirabilia Virginis esse occulta plura; & si plura sunt revelata, affirmant Richardus, Bernardus, Gerson, Casianus, & alij quam plures, quos etiam citavimus. Tandem in illis multis rebus, quæ Christus subtiliter, fuisse contentas plures veritates de fide, quas Spiritus Sanctus paulatim erat, non solum Apostolis, sed Ecclesiæ suæ, cui in ipsis est locutus, aperturus, iudicant ex prædictis quam plures. His prælibatis, superstitantum probare in illis multis rebus, quæ Christus non dixit, fuisse contenta mirabilia Deiparae; illumque Ioannis textum, cap. 16. num. 12. esse locum, in quo mysteria Virginis manifestanda continentur: ut tandem stabiliamus in prædicta narratione, more hereticorum, illo non fuisse abusam; sed potius Catholicorum more in verum sensum, eumdem adduxisse. Quod præstabimus,*

si duo hæc ostendamus: Primo Christum Dominum tunc, cum Apostolis hæc dixit, non solum respxisse ad Spiritum Sanctum, per semetipsum Apostolos instruetum, visibili descensu super capita eorum, igneis linguis apparentem; sed etiam ad suam Matrem respxisse, per quam, tanquam per organum, idem Spiritus Sanctus erat Apostolos docturus; ita ut illa ex illis multis rebus, quas Christus occultavit, plura eisdem manifestaret.

39 Hoc probatur auctoritate Hieronymi de Guevara in cap. i. Matthæi versu 5. observat. 10. num. 6. in hæc verba: *Multa habeo vobis dicere, &c. non solum censco interpretanda de Spiritu Sancto sacræ fidei dogmata per semetipsum in Apostolos derivante, sed de ipso se per Mariæ guttur illis effundente, & quidquid dubij, & controversiæ erat, aperiente: imò ex Ruperto vbi supra elicit idem Guevara, Mariam in fidei Scholam ab Spiritu Sancto fuisse erectam. Præterea, ait, ex eodem Ruperto elicio tanquam publicam Scholam suam Spiritum Sanctum erexisse Mariam; quæ doctrinam, mysteriorumque scientiam, Apostolis traditam die Pentecostes, veluti recoleret, perpoliret, & defacaret amplius, in ipsiusque firmam, ratamque sustineret: id indicant verba illa: Imo vox tua, vox illis fuit Spiritus Sancti, &c.* Iuxta hanc expositionem Christus Dominus eo loco Matrem suam in mente habebat, & ad illam respiciens, simul & ad Spiritum Sanctum, dixit: *Multa habeo vobis dicere, sed non potestis portare modò: cum venerit Spiritus Sanctus, ipse docebit, & Mater meam scientiam, vobis ab ipso traditam, recolet; perpoliet, & defacabit amplius.*

40 Hinc secundò statuendum est, supposita hac interpretatione, in illis multis rebus non solum fuisse Virginem contentam, quatenus per ipsam erant manifestandæ; sed etiam eius mirabilia ibidem contineri: An non mirabile erat in Magistrum Scholæ Apostolicæ, & totius Ecclesiæ erigi? Num mirabile non erat ipsam ad omnem questionem tollendam destinari? Oraculumque totius ambiguitatis secundæ designari? Nec hoc solum mirabilia ibidem continebantur, vbi de ipsa Virgine agebatur, sed de omnibus mirabilibus, eius Mysterijs, & Sacramentis de fide credendis; sive in ordine ad ipsam Deiparam, sive in ordiné ad Filium, sive ad alia: nam ut Rupertus ait lib. 2. de operibus Spiritus Sancti, cap. 23. *Prophetissa enim erat Maria; Prophetissa, inquam, nulli Prophetarum comparanda, cuius in sacrum peccoris Spiritus Sanctus prophetias omnes convenerat.* Quod Spiritus Sanctus omnes veritates revelandas in peccatis Virginis coaceperavit, propria mirabilia ibidem reposuit.

41 Modò quis abusus, que deprehendi poterit violentia, aut fanaticæ textus distorsio in narratione; vbi agens Pater Æternus de-

mirabilibus Deiparæ, hoc tempore manifestandis, locus ille producitur; vbi de Sacratissima Virgine Christus est locatus, iuxta interpretationem proximè allatam? An maiori cum probabilitate Interpretes passim, pro aliquibus fidei veritatibus, textus, in quibus contineri videntur, producunt? Scimus veritates esse de fide, pluresque textus adducimus quandoquè, in quibus contineri, aut non contineri probabile est; vt mille exemplis poterat ostendi; sed hoc clarissimè persuaderet: de fide est Angelos fuisse creatos; in quo tamen textu corum creatio contineatur, incertum est; nam aliqui PP. docent contineri Angelorum creationem illis verbis: *In principio creavit Deus Cælum, & Terram;* alij illis verbis, *fiat lux:* & quidem virumque probabilitè assertur, & defenditur. Sic similitè mirabilia Deiparæ revelata Agrediensi, probabilitè dici potest fuisse contenta in illis verbis: *Multa habeo vobis dicere, &c.* Nec refert hoc loco abusos fuisse Hæreticos ad colorandos suos errores, quorum sensus abhorret humanus intellectus, Gnostiци enim, de quibus S. Augustin. in prædicatis verbis agit: *Credebant pecudes, serpentes, & aves ratione præditas esse,* vt refert Philastrus, Episcopus Brvensis, in libro de Hæresibus, tom. 5. Bibliotecæ, 5. part. pag. mihi 32. quo quid stultius fortè abusi hoc loco ad id persuadendum? Neque enim Hæreticis inusitatum est, ad dogmata sua stabilienda, Sacra Scriptura abuti, vt ad Cœlibatum eliminandum, illo Genesis loco: *Non est bonum hominem esse solum;* & alijs Sexcenta: quare, pace Deputatorum, nimis violentè vñi sunt ipsi verbis Augustini ad V. Matrem pungendam: imò verò ipsi abusi sunt Augustini Censura.

SECTIO SECUNDA.

AN IN ILLIS VERBIS, NONDUM ERAT DISPOSITUS Mundus ante stabilimentum legis Filij, & legis gratiæ ad introducendam fidem, & mysteria Matris, intenderit V. Mater pari credulitate, esse credenda mysteria Matris sibi revelata, atque mysteria Filij?

42 **S**Crupulus, hac in Sectione sedandus, non semel est in examen vocatus inter alios; & hunc ad fidei Tribunal olim Delator quidam advexit, vt videri est in satisfactione pro Religione Sancti Francisci, obice 8. Hispanè, reparo 8. ad hunc numerum 1. Partis: vbi satisfactionis (Villarragut) evidentè convincit Propositionis huius indemnatum sensum; præcipue ex ipsa Historia V. Matris numeris, & locis, etiam à nobis producendis; quia cum vernacu-

lo idiomate opusculum istud prodierit, ex terminis proderit nonnulla, ex ibidem dictis, transcribere; sicut & ex Nota 5. huius 1. Partis, aliqua reponere ex his, quæ Illustrissimus Samaniego concessit, pro hac eadem thesi firmanda. Nec gravabor, ex parte, alienis ditari sermonibus, dum proprijs etiam utrū, imparibus licet discursibus: cumque causæ subsceptæ subveniam, vitio nobis non erit vertendum, semel, atque iterum eadem geminare, cum adversarios non pudeat semel, atque iterum eadem repetere, atque indefesso sugillandi ausu sèpiùs iterare.

43 Tām est perspicuus Propositionis præfixę sensus, quām est Sacrae Facultatis animus sugillandi clarus. Agit V. Mater in hac Propositione de mysterijs Christi, & legis gratiæ; & mysterijs Deipara, denū sibi revelatis, agit: at quām permagno discrimine de utrīque loquitur? Quām magno intervallo dissident, & ingenti dissidio differunt hæ veritates, quæ statutæ, firmatæ, & stabilitæ de fide Theologica, & catholica referuntur; ab ijs, quæ, privata revelatione, credendæ introducuntur piè, & gratis ab excipientibus, legentibus vè eiusmodi revelationes; licet possint istius modi veritates, sic introducēt, in catholicas, & fide communi credendas assurgere veritates. Id enim mihi compertum est, fuit & Roderico Arriaga, estque multis alijs; revelationes publicas fide Catholica suscep̄tas, priùs fuisse privatas, & veritates utrācumque æ quo assensu, ex eodem motivo formalis, & ex eadem obligatione captivandi intellectum in obsequium fidei, credi debere: hoc tamen discrimine satis efficaciter à Suario de fide, disp. 3. lēct. 10. animadverso: quod revelationes publicæ creduntur fide Catholica, & Theologica ab omnibus, & singulis fidelibus: revelationes verò privatæ creduntur fide Theologica, non tamen Catholica, ab ijs, qui eas suscipiunt tantum; ab alijs verò, licet piè credi possint, & quandoquæ debeant, si ex probatis, & examinatis sint; non tamen sub aliqua obligatione urgentiori, quām pietatis, & fidei humanæ: ita ille ferè tota citata sectione, præsertim §. Est autem.

44 Modò sensum Propositionis proscriptæ evolvamus, & aliter, nec clarius, nec explicatius, nec Theologorum doctrinis conformatius, potuisse Agredensem loqui, demonstremus. De Christi, & legis gratiæ mysterijs, tanquam de veritatibus, & fide stabilita, firma, & statuta, palam loquitur: de mysterijs introducendis etiam, tanquam de veritatibus, & fide credenda fatur; sed de qua fide? Catholica, quæ est fides stabilita, firmata, & suscep̄ta? Neutiquam: (vel dante verbum, quo universalitas huins fidei innuat; stabilitamentum, & firmitas commendetur; imò prorsus contrario sensu, vfa est verbo

introducendi mysteria Matris; cum pro Filij mysterijs stabiliter se expedierit vocabulo) sed de fide Theologica, qua ipsa V. Mater tenbatur credere Deo, sibi loquenti; an preinde, & nos Deum fuisse V. Matris alocutum, cogimus credere; aut ipsa à nobis hunc fidei assensum, vel hic, vel alibi extorquet? Tām est ab ipsa hoc alienum, quām est oppositum illies ab eadem contestatum: ergo veritates de fide proponit V. Mater, quandō mysteria Deiparæ, sibi revelata, pandit; sed credendas non proponit, (vt falsò criminantur Censores) à se creditas, & susceptas Fide Divina profert; ab alijs suscipiendas, & credendas non proponit.

45 Vos, amici Censores, in vestra Censura mētem V. Matris, quam nebulis suffundere voluitis, apertissimam, clarissimam, & nitidissimam demonstratis: Ecclesiæ ait in et preponere fidelibus veritates, tanquam constantes, & infallibles, & Ecclesiæ authoritati derogat, qui hanc sibi asciscit autoritatem. Ita sanè. Modò à vobis peto, an quandō Ecclesia proponit has veritates ex alicuius præcepto, authoritate, aut mandato moveatur? Certè, quæ fuisset Ecclesiæ authoritas, quæ suprema à Catholicis reveretur, cui omnes supplici animo obedire tenemur; si ex aliis, vel authoritate, vel mādato, vel præcepto veritates credendas proponeret? Nec tunc obedientiam Ecclesiæ præstaremus, & Spiritui Sancto, ipsi assistenti, ipsamque dirigenti; sed illi alteri, à quo Ecclesia iniuncta, obligata, & obstricta supponitur. Nunc videte, & palpate sensum, quo veritates fidelibus sunt propositæ à V. Mater; & ne longius abeatis (dabimus enim multis in locis animum V. Matris uniformiter expressum) hic, ubi hēsistis, immediatè post verba, quæ amaro, & acervo corde intorsistis, num. i i. sic fatur: *Hæc verba sunt, quæ mibi in præsenti dixit Altissimus, ubi iam retuli; & de modo, quo hanc doctrinam suscepī, atque lucem; & quonodō Dominum cognosco, sequenti capite referam; incumbens obedientie, quæ hoc ita mibi ordinat.* Ex obedientia proponit his veritates V. Mater, in sibis superiorum obsequens, refert, quæ sibi Deus est locutus: an ita proponens, ullam sibi arrogat autoritatem? Vel ex obedientia unquam proposuit, aut proponere potest quidquam Ecclesiæ, illesa suprema authoritate, qua pollet, fidelibus fide credendum? Si ergo non præproperè, sed cautè, & attentè has lineas immediatè currentes legeretis, (sunt enim tres, quatuorvè) sensum secundissimum delibaretis, nec nisi ingenti cæcitate Propositionem lanscinandam assumeretis. Propонит V. Mater veritates, & mysteria Deiparæ, sibi revelata, fidelibus; refert, quæ sibi sunt à Deo manifestata, quæque ipsa fide Theologica tenebatur credere: ex obedientiæ merito narratio, & Propositione harum veritatum oritur. Est ne hic Ecclesiæ in proponendo stylus? Est ne

ne hæc methodus? Sonat ita humiliter vox illa Spiritus Sancti con-
nans: Editur ita validum illud verbum ex Sacro Oraculo depropo-
tum: *Visum est Spiritui Sancto, & nobis: definiimus, & decernimus, in-*
iungimus, præcipimus, mandamus, & his similia Apostolica authori-
tate, & dignitate digna verba? Quia Censura eratis Propositionem
inasturi, si non humili contestatione fulciretur narratio: sed illa sym-
boli conclusione: *Hæc est fides Catholica, quam nisi quisque integrè, fir-*
miterque crediderit, salvus esse non poterit?

46 Hanc eamdem contestationem habes in Introductione 1^æ
Partis, num. 14. ibi postquam propriam instructionem, & directio-
nem, ex his privatis revelationibus se experiri, promiscerat; non
tanquam Magistra, sed sicut Discipula, se scribere proponit: &
quoniam animæ omnes sunt capaces suscipiendi Spiritum San-
ctum à Filio promissum: *Etiam capaces sunt manifestandi eundem*
Spiritum suo convenienti modo. Suo convenienti modo manifestat V.
Mater hæc mysteria, Spiritus Sancti afflatu sibi, ait, fuisse revelata fide
divina Theologica, si ita fuit, ab ipsa credenda, nobis proponit, nobis
manifestat has veritates; sed suo convenienti modo, vt Discipula, vt su-
periorum obedientiae subiecta, vt Ecclesiæ Catholicæ in omnibus
correctioni obstricta; an non ita Sanctæ Romanæ Ecclesiæ subiicit,
cuius doctrinæ, atque Censuræ, vt decet Ecclesiæ filiam, se commit-
tit? Testor, inquit, *me esse subiectam ad credendum, & tenendum id so-*
lum, quod ipsa Sancta Mater Ecclesia approbaverit, & crediderit; & ad
reprobandum, quod reprobaverit. Quod si hæc ita sunt, vt esse non ne-
gabunt Censores, qua veritate in proponendo, Ecclesiæ authorita-
tem Venerabilem Matrem offendere, ausi sunt criminari?

47 Et sanè eo modo proponit mysteria Deiparæ, quo licet per
revelationes privatas, veritates susceptas proponere; eo modo ac-
cingitur ad introducenda hæc sacramenta, quo per revelationes
privatas introduci solent, & debent; sive istius modi veritates, & my-
steria deinceps, fide Catholicæ stabiliantur, sive vt falsæ, & suspectæ
reprobentur, sive in suspenso hæreant. Ex privata Propositione hæc
omnia subsequi possunt, vt exemplis notissimis fiet manifestum. In
primis veritates, quæ revelationibus publicis sunt statutæ, & de fide
Catholicæ factæ, revelationibus privatis fuerunt introductæ, & pro-
positæ ab his, à quibus fuerunt exceptæ, & Ecclesiæ autoritate in
gradum fidei Catholicæ evestæ. *Generalis autem regula est,* inquit
Suarez, *vbi supra, requiri approbationem Ecclesiæ, vt alijs credere tenean-*
tur. Ut sumitur ex Concilio Lateranensi supra citato (scilicet sub Leo-
*ne X. sess. 11.) & tunc iam fides illa incipiet esse Catholicæ. Quæ nimi-
tum antea fuerat Theologica, respectu recipientis revelationem, vt*


relinquerat explicatum. Hanc doctrinam exemplis confirmat Gerson part. ; serm. de Conceptione, primum, quia, ut inquit, *Fuit tempus aliquid, in quo non tenebatur Mariam Virginem esse in Paradiso in corpore, & anima, sicut modo tenetur: & similiter post institutionem Festi Nativitatis S. Ioannis, Nativitas Domine nostrae ordinata fuit, per revelationem unius solius feminæ, & multa similia: ergo propositio, & introductio alicuius veritatis de fide per revelationem privatam, transire potest in revelationem publicam: nec minus in primo statu erit illa veritas de fide Theologica, quam postea per revelationem publicam erit de fide Catholica.*

48 Deinde Propositio, & introductio alicuius veritatis per revelationem privatam, potest in hoc statu permanere, quin transeat ad statum revelationis publicæ: an Mysterium Conceptionis Immaculatae, non est privatis revelationibus Propositum, & introductum, quin adhuc publica revelatione sit statutum, & stabilitum? An non in revelationibus S. Birgittæ innumeræ circumferuntur revelationes de veritatibus Propositis, & introductis, quæ adhuc sub statu, penes ipsam fidei Theologicæ, & penes nos pietatis, & humanæ fidei continentur; quia Sancta Mater Ecclesia non introduxit, nec proposuit ut publicas illas revelationes privatas? Ita sanè.

49 Tandem fieri potest quod aliqua proponantur, atque introducantur, revelationibus privatis, quæ reverè falsa sunt; vel quia decepti sunt, qui eiusmodi revelationes suscepérunt; vel quia alios suis narrationibus voluerunt decipere, ut S. Vincentio Ferrerio accidisse refert S. Antoninus 4. 1. hist. tit. 23. cap. §. 3. prædicabat enim, introducebat, & proponebat in suis Concionibus Antichristum iam natum esse, cum nondum venerit Antichristus; seduxit, ut ille narrat in Epistola ad Benedictum 13. pluribus revelationibus privatis. Sexto patet, ait ille, *multas alias revelationes factas divinitus, quamplurimis devotis, & spiritualibus personis, quæ mihi occurrerunt narrantes, &c.* Ex his colligitur veritates, & mysteria Sacratissimæ Virginis, revelata V. Matri, ab ipsa ita proponi, & introduci, ut mere, & pure sub statu privatæ revelationis relinquantur; nec intendimus eas in publicas revelationes elevare; nec Agrediensis tale quid intendit; sed nolumus à Sacra Facultate iudicari, expangi, abradi; cum sciamus ad id penes ipsam nullam esse autoritatem, pendente iudicio apud Supremam Sedem: & alioqui sensus præfatæ Propositionis inoffenso pede currat, ut ostendimus, & probavimus.

50 Nec sententia Caietani 2.2. q. 1. art. 1. & 5. Bañez ibidem, dubio 3. Sotii lib. 3. de natura, & gratia, cap. 11. Cani lib. 12. de losis, cap. 3. & 4. Zumelis 1. p. q. 1. art. 3. & aliorum, si qui sunt;

quidquam obest , affirmans privatas revelationes non sufficeret ad obiectum formale fidei,quia eiusmodi obiectum est prima veritas, ut docens hominem, per Ecclesiam, Apostolos, Prophetas, & Scripturas; at per revelationes privatas, non ita docentur homines à prima veritate: ergo non continent formaliter obiectum formale fidei. Maior Propositio probari solet à DD. huius opinionis illo Pauli ad Ephes. 2.
Superaedificati super fundamentum Apostolorum, &c. Alijsque Augustini in Enchyridione , c.9. verbis: non ergo opinio haec cogere nos debet, ut locutionem illam , qua V. Mater mysteria Virginis, sibi revelata, fidem Matris appellat, deleamus ; quia licet in sententia horum revelationis privata non sufficiat ad obiectum formale fidei , nec veritas revelata fidei nomine possit insigniti. In opposita plurium Theologorum sententia, revelatio divina, sive publica, sive privata , sive de communi doctrina, sive de aliqua re particulari esse potest, & est obiectum formale fidei. Hanc tuentur Vega lib. 9. in Trident. cap. vlt. Cord. in quæst. quæst. 17. lib. 1. Catharinus opusculo de certitudine gratiæ, Bellarminus lib. 3. de iustificat. cap. 3. Salmeron lib. 1. in Epist. Pauli, part. 3. disp. 2. Suarez disp. 3. de fide, sect. 11. & communiter Recentiores citantes D. Thomam pro se 2.2. quæst. 1. Imò Suarez, præmissa distinctione fidei Theologicæ, & fidei Catholicæ, credit DD. primæ sententiæ loqui de fide catholica, & communi , non verò de fide Theologica, & particulari, licet revelationis privata non sufficiat ad obiectum formale fidei Catholicæ ; quia ad hanc requiritur Ecclesia Propositio; sufficit tamen ad obiectum fidei Theologicæ , quia haec salvatur in recipiente revelationem, & credente, assensu supernaturæ li, ex eodem motivo, quo fidei Catholicæ assentimur ; ut multis probat citatus Suarez : quare in suam sententiam prædictos conatur adducere, iuxta quam rectè vocari potest veritas revelata , etsi privata revelatione , veritas fidei. Vnde concluditur Venerabilem Matrem securissima usum fuisse locutione; cum mysteria Matris sibi patefacta fidem Matris appellavit, non quidem Catholicam, sed Theologicam,
& particularem.



SECTIO TERTIA

VERBA ILLA: NOLO EAS CONSIDERARI , SICUT
opiniones , aut simplices visiones ; sed sicut constantem , aut
infallibilem veritatem: in examen vocantur, & districte
expenduntur.

51 **P**ropositio Sectioni subiecta perperam à Traductore est
vitiata; in exemplari Hispano aliter sonat, sic nimirum:
Et nolo hanc descriptionem, atque ritus eius declarationem, esse opiniones;
neque contemplationes; sed veritatem certam. Per quam magna inter
verramque thesim, mediat intercapedo, ut comparatione ritiusque pa-
tet: prima reddit, hunc ferè sensum; nolo eas, scilicet, veritates, consi-
derari, sicut opiniones, aut simplices visiones: opinio enim , aut sim-
plex visio falsitati subiacere potest; sed considerari eas volo , eo iudi-
cio, & assensu pondere, quo constans, & infallibilis veritas considera-
tur. Nec hic exprimitur, an talis consideratio exigatur à legentibus,
& scientibus has veritates; an solum intimetur V. Matri, eas excipien-
ti? Secunda vero hunc omnino diversum gignit sensum : nolo hanc
descriptionem à te factam , ritusque eius (scilicet Deiparae) declara-
tionem, à me revelatam, (loquitur hic Parens Eternus) esse opinio-
nes , neque contemplationes , frequentes nimirum apud Authores
pios; sed veritatem certam, tibi ostensam : *Nam alij siquidem aures au-*
diendi habent, audiant, &c. Paraphrastica huius thesis expositio , sicut
& Propositio indemnus, & ab omni Censura immunis mihi videtur .

52 Copiosissimus ubique Samaniegus , hic & dissertissimus, &
brevisissimus fir; solaque terminorum explicatione contentus Nota
huius loci difficultatem dissolvit; nec melius, nec opportunius , quam
V. Matris verbis Part. 2. num. 678. vbi hæc habet : Scribo id solum,
quod edoc̄ta sum, quidque mihi est dictatum, aut illud , quod non nunquam
ordinat obedientia, ut interrogem, ut melius hæc Divina Historia texatur;
& in ea, quam scribo, non conveniebat disputationem introducere; quia
à principio, ut tunc dixi, Dominus dedit mihi intelligere , se velle , me hoc
opus scribere absque opinionibus , sed veritate , quam mihi Divina lux
ostendebat. Ex his clarissime deducitur, idem prorsus esse V. Matrem
scribere sine opinionibus , aut contemplationibus ; ac scribere ex re-
velatione divina: quæ Deus dicit, verissima sunt ; qui à Deo accepta
refert , & narrat, certissima narrat, & refert : opinionem teneo , quia
veritatem non agnosco: dubius hæc , quia certioratus de veritate
non sum.

53 Deus vera cognoscit, ut vera; falsa, ut falsa; certa , ut certa;
E 2 du-

dubia, ut dubia: at semper Vera loquitur, quia nec fallere potest; nec falli: hic non opiniones Patrum, & Doctorum, non contemplationes; Veritates inducitur loquens V. Matri, quas ipsa à Deo acceptas, nobis proponit; liberum nobis erit Agrediensi loquenti, vel scribenti credere: ipsi verò liberum nō erat Deo loquenti, atque dictanti, sufficienter propositæ veritati, assensum non præstare, ad id enim erat obligata: alioqui reprehensione digna redderetur, si Deo loquenti, assensum retardaret, vt Sara fuit reprehensa, Genesis cap. i 8. & Zacharias, Lucæ cap. i. ergò veritatem per divinam revelationem cognitam, debuit certam nobis narrare; & si mavis infallibilem, certissimam, & indubitatem, atque constantem vocitare. Quid inde? Tenemur & nos eiusmodi veritates esse infallibiles, certas, & constantes credere? Aut Agrediensis sub interminatione divini iudicij iugum hoc incomportabile alicubi legentibus ponit? Aut si vellet, imponere posset? An ignorat quisquis, id solum Fide Divina esse tenendum, quod Sancta Mater Ecclesia proponit, & iubet ita teneri? An non & ipsa scriptrix, vbi supra, ita contestata est? Ut quid reprehenditur, vbi potius laude digna, dignèque de Deo sentiens, probatur, & reprehenditur?

54 Tantisper ludere terminis lubet, & sic discurro; & vt discrusum à tricis expeditum conficiam, suppono hic: Deum induci loquentem V. Matri, Matremque Venerabilem, quæ est ipsi locutus Deus, nobis serio, vt par est iudicare referentem, Deus loquitur: *Nolo hanc descriptionem esse opiniones, sed infallibilem veritatem.* Modo ad vos, Censores, me converto: *Hæc Propositio est falsa?* Ita hanc Propositionem taxastis. Inde ergò: ergò contradictionia est vera. Pono contradictioniam, si oppositionis leges mihi subveniunt: *Nolo hanc descriptionem esse veritatem certam, sed opiniones:* ergò siquidem prima est falsa, secunda est vera; atque indignior Deo locutio, quam illa, qua, ipso loquente, vult opiniones loqui, cum veritates inducitur velle revelare? Imo hæc Propositio est Deo iniuriosa, eius veracitatem in atteſtando deſtruens; heretica, & scandalosa; & fidem Deo debitam, dictisque eius exhibendam, enervans. Quo pacto Deo loquenti fidem securissimam poterimus præstare; si Deus opiniones loquitur, & vult eius dicta esse opiniones, non veritatem certam? Si Propositio, Censura affecta, nomine V. Matri enuntiaretur, utique Ecclesiæ auctoritati derogaret modus ille loquendi: *Nolo hanc descriptionem, &c.* aut nolo eas considerari sicut opiniones, vt Gallicè habetur; sed cum nomine, & in Persona Altissimi hæc verba, imo tota narratio, proponatur, ab illis verbis: *Filia mea, &c.* vsque ad illa: *hæc dicit Dominus Deus Omnipotens:* in quibus preicta Propositio continetur, & in prima persona verbū nō monstratur Deus loquens, excusari non possunt Cen-

37

Sores hic; aut enim rudes, & imperitos Gallos decipere voluisse; aut equivocatione laborasse, aut personam loquentem non attendisse, satendum est. Ego sancte, aut revelationem negarem, aut Propositionem sustinerem; sed cum de veritate formalis revelationis se nolle periculum facere, contestati fuerint Censores; veritatem Propositionis insigni triumpho de Censura ovantem, vindicamus. Vindicavit & Samaniegus, & satisfactio (Villarragut) pro Religione Sancti Francisci, num. 179. obice 10. Hispane Reparo decimo.

CRISIS THEOLOGICA In Censuram Propositionibus prefixis subiectam.

55 **S**Acrae Facultatis Deputati tribus numeris 2. 3. & 4. tres has Propositiones distinxerunt. Primam, de tempore horum mirabilium. Secundam, de verbis Ioannis. Tertiam, de certitudine harum veritatum. Singulis Censuram seorsim etiam adhibuerunt. Primam, de temeritate, falsitate, & novitate damnarunt. Secundam, supra falsitatem, & temeritatem, farentem haereticis, sua figura colorantibus, verbis Ioannis, esse dixerunt. Tertiam, temeritatem, falsam, & scandalosam, & Ecclesiæ authoritatis derogativam, qualificarunt. Recognovit Sacra Facultas Censuras, & divisionem delens, omnes uno articulo, secundo videlicet, coacervandas Propositiones statuit, omnesque una Censura damnandas duxit, illa fuit: Haec Propositiones, quibus Aut hor assirit, veritates sibi fuisse reuelatas, ipsis prioribus Ecclesiæ saeculis incognitas; imo de ipsarum numero, quas Apostoli ipsis portare non poterant, & infallibilis fidelibus proponit. Quid de his sentiat Sacra Facultas, iam addit: Falsa sunt, temeraria, scandalosa, fanaticis, & hereticis farent, ad omnes novitates viam aperient, & Ecclesiæ authoritati derogant, ad quam pertinet fidelibus proponere veritates tanquam constantes, & infallibilis, ex verbo Dei scripto, vel non scripto, per Apostolos ad nos transmiso.

56 Verum enim verò nihilo distat Deputatorum à Sacrae Facultatis Censura, nisi quod illi seorsim, hęc catervatim textum in mentis nævis, & Notis sedatunt, & maculaverunt: & pariter plures Doctores, Interpretes, & Patres, virgula Censuræ, & qualitatum verberarunt. Etenim plura saeculis prioribus occulta, posterioribus fuisse reuelata, docuit multis Gerson serm. 1. de Concept. Paulinus serm. 2. de eodem festo. Richardus à S. Laurentio multis in locis, & præser-tim lib. 4. de laudibus, aliquae quamplures à nobis citati in superioribus, & forsan citandi. Et docere tenentur etiam hi Theologi, qui cum Arriaga docent plura denuo revelari, & esse de fide, que neque

implicitè, nequè explicitè in Sacris Scripturis continentur. Ita ille de fide, disp. 11. sect. 4. subsect. 3. §. 33. imo & ij, qui omnes veritates de fide contentas defendunt in Sacris Scripturis, & implicitè ibi detineri: facétur etiam successu temporum posse explicari, revelari, & manifestari. Ita Suarez de fide, disp. 2. sect. 2. citans S. Irenéum, S. Hieronymū, Vinantium Lirinensem, & alios Patres, atque Doctores. Exemplumque adducit de Baptismo collato à Hærotilo, qui tempore Cypriani dubitabatur, an esset iterandus: tunc enim temporis neutruim erat de fide; postea verò de fide sancitum est, cuiusmodi Baptismum ab hæretico datum in forma Ecclesiæ, non esse iterandum: vnde potuit temeritatis nota vexari assertio illa de mysterijs denud manifestatis; præsertim cum implicitè contineri in antiqua doctrina scripturarum V. Mater doceat, ut iam advertimus; hinc pro se habet V. Mater omnes illos, quos pro expositione textus Ioannis, cap. 16. num. 12. citavimus: ac tandem veritatem assertionis illius de certitudine revelationis Dei loquentis; ita ut opiniones, & dubia eiusmodi certitudo excludat, præsertim à recipiente eiusmodi revelationes. Si ergò triplex hæc assertio à Censura non est immunis, quæ erit doctrina, quæ ad statuam Sacrae Facultatis appendatur, quæ non sit inventa minus habens?

57 Sed quoniam appensa fuit, & adhuc pendens est apud Sanctæ Sedis iustissimam, equissimam, & nullis flectendam affectionibus statuam: interim Deputati debebant monitos esse, illam doctrinam, quæ à pluribus Doctoribus, ut probabilis defenditur, approbatur, & examini subiecta permittitur; imò & commendatur, licet ab alijs iudicetur improbabilis, ab ipsis non posse expungi, aut expurgari, in consulta Sede Apostolica. Gerson enim ex his optimè animadvertisit, has esse causas grandes, non tamen ratione materiæ, quam ratione ambiguitatis: ita ille de examine doctrinarum, considerat. 3. Ita etiam Bellarminus. Suarez lib. 3. de Interp. verbi Dei, cap. 7. probatque ex Pontificibus Damasco, Innocentio, Gelasio, Iullio, & alijs, varijsque Concilijs, & in istius specie casus, in quo versamur, ita fuit in Gallia praxi amandatum, simile circa Religionem negotium ab Illustrissimis, Reverendissimis, & doctissimis octoginta quinque Episcopis, in litteris ad Innocentium X. Pontificem Maximum, quarum tenor fuit: Maiores causas ad Sedem Apostolicam referre, solemnis Ecclesiæ mos est, quam fides Petri, nunquam deficiens, perpetuo retineri pro iure suo postulat; & equissimè huic legi obsequentes, de gravissimo circa Religionis negotio Sanctitatibus scribendum esse censuimus. Et Propositionibus Cornelij Iansenij (contra Propositiones quasdam) controversis, concludivit: Obtestamus ergo, ut has præsertim Propositiones, de quibus disceptatio peri-


periculofior, ac contentio ardenter est, sanctitas tua expendat; ac perspicuum, & certam de unaquaque sententiam ferat. Subscripterunt 85. Episcopi Galliarum, quorum nomina, epistolamque invenies apud Plateli de fide, part. 3. num. 125.

58 Episcopis humanissimè respondit Innocentius, & constitutionem Apostolicam circa Propositiones quinque Ianenij misit, qua proscriptæ, & damnatae sunt: ut latius Iacobus Plateli prosequitur vbi supra, & part. 2. cap. 6. §. 1. num. 490. Ita actum fuit de Propositionibus illis quinque damnatis: at modo, more isto neglecto, in causis dabijs, & Propositionibus ambiguis, de quibus latere non potuit Deputatos, & Sacram Facultatem benè, piè, & religiosè sentire gravissimos Doctores Hispanos, Præfules, & Magistros, ac proindè hinc, ut probabiles Typis mandatis, inconsulta Sede Apostolica damnantur 66. Propositiones, plus, minusve: non modo à recta Ecclesiæ consuetudine recedendo, quam supponunt Galliarum 85. Episcopi; & probant Albertinus de cognoscēdis assertionibus Catholicis, q. 8. Gerson, Bellarminus; innuiturque ex cap. quoties 24. q. 1. & cap. maiores de Baptismo, & tenet Torres de fide, disp. 55. dub. 3. Paramus lib. 3. q. 5. & alijs sed etiam gravissimis notis infamant, & à Republica Christiana deturbant. Nec refert, si dicant Deputati, hanc doctrinam iudicio plurium fuisse damnatam; & paucorum suffragio absolutam, quia ut habetur Exodi 13. Non in iudicio plurimorum acquiescas sententie. Et Pius Secundus, epistola 387. dixit: Non bene seras habet, vbi suffragia numerantur, nisi ponderentur. Ita suspicor accidisse in Comitijs Sorbenicis, vbi negotium fuit, suffragia extorquere, numerare, & fortè supposeare, interim imponderatis suffragijs; sed quidquid sit: doctrinam, quam plures approbant, etsi à multis, & plurimis Censura digna existimet, non ad Universitatem aliquam, sed ad Romanum Pontificem deferendam, testantur octoginta & quinque Episcopi relati Epistolæ subscribentes, & censentes: Maiores causas ad Sedem Apostolicam referre solemnum Ecclesiæ morem.

59 Hæc, licet transcendentalia sint, & æquæ omnes Censuras à Sacra Facultate inuitas, ambiant; hic pro subiuncta tribus his Propositionibus Censura fuerunt adducenda, quia inter alias pro his copiosa Doctorum Cohors stare ostendimus. Iam vero Censuram, si quæ est illa, quæ nihil veritatis in se continet, reflexa hac consideratione, missam faciam: in primis damnat has Propositiones, quatenus in ipsis assertur, Agrediensi fuisse revelatas aliquas veritates, seculis prioribus Ecclesiæ incognitas: quæ Censura de medio tollere videtur omnes privatas revelationes, omnes superventuras. Ecclesiæ definitiones, omnes veritates in Sacris Scripturis contentas, &

pietatem in Apocalypsi Ioannis manifestandas suo convenienti tempore: non enim eiusmodi veritates fuerunt cognitæ in prioribus Ecclesiæ sæculis; nec modò sunt, licet in veteri doctrina sacra sint implicitæ, & contentæ: quod enim implicitum est, proinde incognitum est, licet manifestari queat; & tunc erit cognitum, quando fieri manifestum. Quare ipsa Censura suspecta potius est, & cautè legenda; cum negari non possit, ut ait Pater Suarez de fide, disp. 2. sect. 6. Plura ab Apostolis explicitè non fuisse cognita, etiam in die Pentecostes de circumstantijs mysteriorum fidei, quoad particulares circumstantias, ut de modo vocationis gentium, & de cessatione legalium, ut colligitur ex Act. cap. 10. & 15. Sic etiam Ioannes in Apocalypsi multa intellexit de futuris, quæ alijs revelata non fuere, &c. Ergo non quia incognita sæculis prioribus, & his manifestata, illa Sacratissimæ Virginis mysteria erunt abolenda.

60 Deinde quatenus sustinere non patitur, veritates divinitus revelatas, ut certas ab excipientibus referri, obstrusa vult ora Prophetatum; penes ipsos est accepta referre, & certissimè sibi esse dicta proponere, licet nos possimus fidem eorumdem dictis non dare. Quare obiter S. Brigittam percutit hæc Censura; hæc enim certitudinaliter, verè, pro certò plures revelationes proponit passim in suis libris: & cum deberent ora loquentium iniqua obstruere, è contra, loquentium casta eloquia, probata igne, & argento splendidiiora obtutare non verentur. Tandem condemnant has Propositiones, quatenus hæreticis favent: sed proculdubio hinc arma hæretici sumere non possunt ad figmenta, & novitates sua coloranda; imo potius à Censura instruuntur Catholicorum doctrinas corrodere, & lansciare: nec penes Catholicos erit, si quando hæretici sacris doctrinis, ad dogmata sua coloranda, abutantur; dummodò ipsi veritatem prosequantur, & semper amplexentur.



DISSERTATIO QUARTA.

CIRCA ARTIC. V. DEPV TAT, ¶ 3. Facultatis.

VTRVM COMMUNI ADORATIONIS NOMINE
· citra reprehensionem vfa fuerit V. Mater , sequentibus Propo-
sitionibus articulo 3. à Sacra Facultate Censuræ mancipatis.

61 **E**X 107. Et nos, ò Spiritus Domini, adoremus, & honoremus
Beatam hanc Fæminam, quæ Verbo Æterno carnem bum-
nam dare debet, eamque pro Regina, & Domina nostra agnoscamus.

Ex num. 181. Beatæ Generationes, quæ videbunt eam, & quæ poterunt
ad pedes eius se prosternere.

Ex num. 328. Angelii Custodes dulcissimæ Filiae, magna alia multitu-
dine commitati, adoraverunt illam, eique suos honores exhibuerunt inter
brachia Matris suæ.

Ex num. 334. Sancti Angeli adoraverunt, & recognoverunt etiam
in Throno Altissimi Sanctissimam Mariam.

SECTIO PRIMA.

SENSVS, ET CENSURA SACRAE FACULTATIS EVOLVITVR.

62 **E**gregiè, an miserè allucinatos hic, doleamus Censores,
an subsanemus simul & Sacram Facultatem , definire
non audeo: egregiè fuisse deceptos prodit ipsa Censura , miserè lapsos
adorationis vlus explicatio pandit. Nonnullus hic ingentem Pa-
trum, & Theologorum cohortem pro indemnata V. Matris locutione
in suffragia præstanta vocaret: prolixam alias de adorationis spe-
ciebus, aut acceptationibus disceptationem institueret: non nemo ex
concordantiarum syllaba hic frequentissimas lineas, & notissima lo-
ca transcriberet; ac tandem aliquis non desuiset, qui testimonijs cre-
brijs, sententijs iugibus SS. Patrum , & locutionem defenderet V.
Matri, & Censuram Deputatorum sustineret. Ego tamen , et si
Scripturas ad manus habeam, Patres mihi præsto adesse sciam; Theo-
logosque, qui de adoratione solidè , & eruditè agant, non ignorem;
Theologisque Patribus, & Scripturis sim consentaneè , & opportune
vñsus, pro veritate eruenda, & indemnitate vindicanda, prius mise-

ram, sive egregiam lapsus, & ruinæ occasionem detegam; vt si Censoribus recipi contingat, Barathrum, à quo luce veritatis extracti sunt, cognoscant, & in posterum perhorrescant.

63 Sic Censuram exordiuitur, vt abusam fuisse probent Agredientem adorationis termino, (cum de Sacratissimæ Virginis cultu verba faciebat, quo ab Angelis adorata refertur) licet adorationis nomen & quivocè sumatur, & aliquando in Scripturis, & nonnullis Patribus, pro honore creaturis debito usurpetur; tamen cum ex Ecclesiis usu, terminus ille (scilicet, adoratio) usurpari debeat ad significandum supremum cultum soli Deo debitum; nec possit sine periculo scandali creaturis communicari: hæ Propositiones, quatenus eodem adorationis termino cultum exprimunt exhibut, vel exhibendum Beatissimæ Virgini, quo ipsis Deo exhibitus ab Authore exprimitur; scandalosæ sunt, & in errorem inducentes, &c. Nec potuit artificiosius Censura concinnari: malitia Deputatorum palam, (ne dicam insolenter) in Censura ab ipsis, Propositionibus his adiecta, pandebatur: supina adorationis ignorantia, & huius vocis patula usurpatio deprehendebatur; & ne ita clare, atque dilucide, (non sine corundem rubore) sive ignorantia, sive calliditas palparetur, anfractibus involveret; atque senticosis ambagibus rem obvelare in votis fuit Sacræ Facultati, & re ipsa occuluit; sed non adeò, vt à quovis, et si nimio acumine destituto, intropisci artificiosa versutia non queat, vt iam ostendam.

Ergo si nihil tam naturale est, quam eo genere quidquam dissolvere; quo colligatum est. Ut Vlpian. ait lib. 48. ad Sabinum ex leg. An ius veilis. de acceptilation. colligatum artificiosis nodis Censuram dissolvamus.

64 Licet adorationis nomen & quivocè sumatur, iam incipiunt mysteria. A quibus & quivocè sumitur adorationis nomen? Multum refert scire, an ita sumatur, & à quibus sumatur? Est enim pro Canone Theologico, sive regula inconclusa, posita, & supposita ista peryodus, vt decebat Iudices ex subsellio supponere, & proponere inferenda sententia? Præter vnum Patrem Bazquez, & alios, quos suppresso nomine, citat Augustinus Bernal de Incarnat. disp. 68. sect. 5. num. 52. legi neminem, qui & quivocè sumat nomen adorationis; qui analogice, sive univocè accipiant, legi plures. Pater Suarez primus hoc dubium excitavit, tom. 1. in 3. part. disp. 51. sect. 2. §. Quæri verò potest, atque: Hoc dubium se non invenire à Theologis tractatum. Hinc primus Suarez pro analogica acceptione citat D. Thomam apud Petrum Bergomensem in tabula D. Thomæ, verb. adoratio, num. 3. ubi sic inquit: Ex mente D. Thomæ adoratio exhibita Deo, & creaturæ non dicitur univocè, sed analogicè. Et profert loca in 2. 2. quest. 84. art.

1. ad primum. Iterum 2.2. q. 94. art. 1. ad 2. & in 3. d. 9. q. 1. art. 2. quæstiuncula 7. D. Thomæ consenit D. Bonav. in 3. d. 9. art. 2. ad 4. Nihilominus eximus Doctor credit adorationem esse univocam; & pro se adducit etiam D. Thomam q. 94. cjtata; pro hac etiam sententia militat Cardinalis de Lugo, disp. 33. num. 6. Augustinus Bernal vbi supra. Eccè tres sententiae circa nominis adoratio usurpatiōnem; & inter ipsas infirmior, & debilior illa, quæ æquivocè sumit adorationem. Qua frōte, tanquam certum supponunt Censores, quod est adēd controversum? Quo ausu absoluē pronuntiant: Id adoratiōnis nomen sumatur æquivocè; sumitur etiam analogicè; sumitur univocè; imo à paucissimis æquivocè sumitur: & ita à vobis proponitur, ac si ab omnibus ita sumeretur?

65 Sed quid tendit simulatio ista? Excipite: Et aliquando in Scripturis, & nonnullis Patribus pro honore, creaturis debito usurpetur: nihil verius, nihil melius hic sunt loquuti, atque loqui cœperunt, & aliquando: corrigo, & sēpē frequentē, communissimē in Scripturis, & nonnullis Patribus, imo ferē omnibus Patribus pro honore, creaturis debito usurpetur. Ita est: ita esse probari potest, productis Scripturis, adiectis Patribus. Dixi sēpē in Scripturis, non aliquandō, non raro, quod aliquandō sonat: & reponere loca eram accinctus, cum incidi in Ionom quemdam Aurelianensem Episcopum, qui tres libros edit de cultu imaginum adversus Claudij hæresim, Præfulus Thauriensis ad annum 700. in Bibliot. VV. PP. tom. 5. pag. mihi 305. vbi sic contra hæreticum fatur: Porrò de adoratione, quæ mortalibus humilitatis, & subiectionis gratia, æquè à mortalibus exhibetur, multa in divinis eloquijs exempla reperiuntur: Surrexit Abraham, & adoravit populum terræ. Genesis 23. Cumque adorassent Ioseph fratres sūi. Genesis 24. Et adoraverunt pronus in terram ibidem. Et in libro Melchim: Inclinavit se Bersabè, & adoravit Regem, 3. Regum 1. & de Natam: Quod adoravit David pronus in terra. Hac paucis dicta sint, ait Ionas: Ceterum cui cordi fuerit divinarum Scripturarum paginas diligenter legere, huiusmodi adorationis vberiora potest perfaciē testimonia reperire. Hec ille tam verè, quam aptè ad nostrum intentum scripsit. Videant Censores, an aliquando in Scripturis reperiatur adoratio creaturis exhibita, in quibus multa exempla, ne dicam innumera, reperiuntur; & in quibus vberiora huiusmodi adorationis testimonia perfaciē est invenire, quæ in concordantijs Bibliorum verbum adorare, & mille tibi subveniunt textus.

66 Iam verò non à nonnullis Patribus, sed ab omnibus ferē in eodem sensu usurpatur vox adoratio: Præcipuis mihi semp̄r Augustinus succurret, quid & Iona, vbi supra, plurima suffragia contra

Claudium tulit. Patres pro hac communicissima acceptione adductus
rus Aurelianensis Jonas sic fatur: *Debueras* (loquitur Claudio, & lo-
quor ego Parisiensi Facultati) *siquidem Sanctorum Patrum in eisdem*
verbis explanandis (produxerat Cladius verba illa Exodi 20. Non
adorabis ea, neque coles, &c.) *expositionem non tuam propriam sequi*,
quod facere renuisti; vim, proprietatemque eorumdem verborum non sa-
tis expressè declarasti. Alia qui ppè est adoratio, quæ non nisi soli Deo de-
betur; alia, quæ à mortalibus humilitatis, & subiectionis gratia, & quæ
mortalibus exhibetur:::: de diversitate itaque cultus habes vñà nobiscum
B. Augustinum in lib. de Civitate Dei decimo, plenissimè docentem. Clau-
dius adorationem Deo deberi affirmabat, & adorandas Imagines
non esse effutiebat, & cogitur hic Jonas adorationis acceptiones ex
Patribus evolvere: sicut & nos cogit: id ipsum agere Sacra Facultas:
& quoniam apud Patres communii adorationis nomine tam Dei,
quam imaginum cultus exprimitur, præter Augustinum vbi supra, &
lib. 1. super Genes. q. 61. & lib. qq. super Exod. q. 69. dabimus
alios: Leontium Episcopum Neapolitanum, serm. 5. Martyres, ait,
esse adorandos. Adrianus in Epistola ad Imperatores cum Synodo, S.
Basilius Epist. ad Iulianum, Tharatus Patriarcha Constantinop. in
Concilio 2. Niceno, actione 2. Epiphanius de Laudibus Virginis
*Mariæ, de qua locutus, sic ait: *De qua per Scripturas incumbet, & con-**
spicio illam ab Angelis adorari. Alij decursu Dissertationis legentibus
occurrent.

67 Thelogi omnes, communii adorationis nomine de cultu Dei, eiusque Matris, Imaginem, & Reliquiarum, sine offensionis aut scrupulo, aut periculo locuntur; quia communem adorationis cultum dividunt in Latriam, Hyperduliam, & Duliam; vt Suarez, & Bernal locis citatis; vel in adorationem supremam, medium, & infimam, vt Gamacheus 3. p. Summae Theolog. q. 25. vel in Latriam, Duliam, & Politicam, vt Iacobus Plateli de Incarn. part. 4. cap. 7. §. 4. num. 404. Omitto plures alios, quia ad usum habeo Lexicon Theologi, cum Ioannis Altenstaig. Venetijs cussum anno 1582. vbi post explicationem huius vocis *adoratio* Theologos veteres, & Synchronos adnectit usos eadem: Dictionaria etiam Gallica, nimirum Academæ Regiae: & Richelet, & Danetius in suo Gallico Latino Dictionario: quoru verba videri possunt verbo *adoratio*. Et pro *Politica* adoration. Plinius lib. 28. nat. hist. cap. 2. eam describens, inquit: *In adorando dexteram ad osculum referimus, totumque corpus circumagimus: quod in levum fecisse Gallæ religiosius credunt.* In Gallijs olim adoratio politica sinistrè usitata; in Gallijs modo vox *adoratio* sinistrè intellecta, iuxta hanc latissimam & communissimam usurpationem, tūm pro-
cul:

Culto Deo exhibendo; tūm pro veneratione Sanctorum Imaginum, & Reliquiarum, locuti sunt omnes. Quare in his non est amplius nobis immorandum, vno tamen probatissimo testimonio, & verissimo, iuxta illud Hieronymi: *Illud est verum testimonium, quod ab inimica voce profertur*, Lectores non fraudabo; quo non solum Spiritus Sanctus in Scripturis, Patres, Concilia, Theologi eodem spiritu instructi, adorationis communē hanc acceptancem sectātur; verum ipse etiam Caco-Dēmon, cuius interest homines seducere, & in Idolatriam impellere, scit, & fassus est hanc esse nominis adoratio iudubitatem, & receptam significationem.

68 In vitis Patrum, tom. 2. Bibliot. VV. PP. refertur Caco-Dēmonem iuramento obstrinxisse quemdam senem; vt nulli alteri referret, quod ipse erat seni dicturus: iuravit senex, tunc ait illi Caco-Dēmon: *Noli adorare hanc Imaginem, & ultra te non impugnabo; habebat autem hæc imago expressam Figuram Dominae nostræ Sanctæ Genitricis Mariæ, ferentem Dominum nostrum Iesum Christum*. Senex adit Abbatem Theodorum Eliotem commorantem in Laura Pharam, qui seni inter alia dixit: *Expedit tamen tibi in ista vrbe nullum Lupanar omittere, quam rite neges, te adorare Deum, & Dominum nostrum Iesum Christum cum Matre sua*. Vides Caco-Dēmonem Religiosum virum conantem avertere à cultu, & veneratione Imaginis Deiparæ, usum adorationis nomine? At si scire vocem hanc Idolatriæ alticem, aut inducētricem esse, vt Sacra Facultas est iudicata, cum ad Virginem Sacratissimam terminaretur, non utique ab adoratione Sacratissimæ Imaginis Deiparæ retraxisset, sed potius impullisset: nec Theodorus senem reprehendisset de iuramento præstito, & Dominum, & Matrem simul adorandam docuisset. Ita habetur cap. 45. de vitis Patrum, & ibi adnotatur in margine: *Hunc capitulum adductum fuisse in septima Synodo, & approbatum; unde, vel ex hoc loco liber est authenticus*. Quid ad hæc dicere possunt Censores, nisi se Caco-Dēmons ingeniosiores, & acutiores Idolatriæ periculum subodoratos, ubi natus Caco-Dēmon illud subventare non potuit?

69 Sed progrediamur, & quid fuerunt duo illa directa à Sacra Facultate? Falso præmissa, supposita inveniemus: *adorationis nomen æquivocum præmittit, non laxis habenis, sed infrequentè, hoc est, aliquando in Scripturis, & nonnullis Patribus pro honore creaturæ debito usurpari prælibat*. Quorsum ista tam lenticolis anfractibus adducta tendunt, vt Censura conficiatur his verbis? *Tamen cum ex Ecclesiæ vsu (decebant addere, frequentissimo, communissimo, receptissimo, strictissimo; siquidem usus huius vocis rarissimus apud Scripturas, & Patres præmittebatur; sed veriti sunt, malo, maiori, pessimum*

superaddere mendacium. Decipere nos voluerunt equivocatione vocis adorationis; fallere nos intenderunt vsu parcissimo illius vocis pro honore creaturis debito apud Scripturam, & Patres; & in lucem, & Solem mentiri tertio non sunt ausi) cum ex Ecclesiæ vsu terminus ille (adoratio) usurpari debeat ad significandum supremum cultum, solido Deo debitum, nec p. sit sine periculo scandali creaturis communicari; hæ Propositiones, quatenus eodem adorationis termino cultum exprimit exhibendum Beatissimæ Virgini, quo ipsi Deo exhibitus ab Autore exprimitur; scandalosæ sunt, & in errorem inducentes.

70 Vides tormentarium machinam displosam, & irritis iætibus, in auras pilas abire miraris? Vbi hic Ecclesiæ vsus, quem de adorationis nomine ignorarunt Patres, nescierunt Theologi, Concilia non viderunt, Scripturæ siluerunt, Dictionaria oblivioni mandarunt, & quod longè me in admirationem rapit, Caco. Demones non cognoverunt: Sacra Facultas invenit, legit, & hausit? Certè nullibi; sed misera, & deploranda obcæcatione, aut ingenti, & ægregia equivocatione illusa, quod voci *Latriæ* iam vsus Ecclesiæ, Patrum, & Theologorum tribuit, voci adorationis ipsi tribuerunt. Censores mei, vsus Ecclesiæ invaluit, & termino *Latria* supremum honorem, Deo debitum exprimit; excipite Suarium supra citatum, qui tam in Græca, quam in Latina (& idem est de Hebræa) nullum, ait, esse nomen, quod ex propria & primitiva significatione sua, singularem Dei cultum, aut honorem creaturis debitum, specialiter significet; nisi fortasse componendo vocem ex ipso nomine Dei; vt est in Græco vox *Latria*, sive Theosebia, cui nulla est similis Latina. Nomina enim adorationis, cultus, servitutis, & similia ex se communia sunt; quandvis interdum, quasi per antonomasiam ad significandum singularem Dei cultum usurpentur: (si interdum, vbi ille vsus Ecclesiæ à Censoribus confictus?) vt in sequentibus frequenter videbimus, explicando varias Patrum locutiones, quæ ex hac nominum ambiguitate ortæ sunt: ad ergò ambiguitatem tollendam Schola Theologorum communia nomina ad significandas adorationis species accommodavit: hinc vsus, quo *Latria* Deum, Dulia Sanctos, Hyperdulia Deiparam adoramus: Quæ omnia, iterum Suarez, constat ex vsu Theologorum, in 3. d. 9. & D. Thomæ hic, & 2. 2. q. 103. art. 3. & 4. quem Theologorum usum vocavit Suarez, loquens de voce *Latria* Ecclesiæ, & Scripturarum communem usum, appellavit Bernal, disp. 68. sect. 5. Ceterum, ait, communis Sacrarum Scripturarum, & Ecclesiæ vsu ad solum cultum; qui Deo debetur accommodari consuevit, (*Latria*) iuxta illud Deuteron. 6. vers. 13. Dominum Deum tuum timebis, & illi soli serries; & postea à Christo relatam. Matthæi cap. 4. vers. 10. Dominum Deum tuum adorabis, & illi soli serries, *Latriam* exhibebis.

Vbi notandura non de adoratione, sed de *Latria*, adorationis prima, & suprema species affirmari Ecclesie usum, & Scripturarum: quia ut ibidem ait Bernal in septima Synodo, fuit non semel observatum Dominum demoni dixisse: *Dominum Deum tuum adorabis, & illi soli servies; non vero Dominum Deum tuum solum adorabis.* Et cur? Quia ut notat Suarez adorationis vox est communis Deo, Sanctis, & Imaginebus, *Latriæ* vox Dei solius peculiaris. Idem adnotarunt Athanasius Episcop. in actis 4. & S. Synodi, & Basilius exponens 1. cap. 11aiae, & S. August. qq. 68. in Genesim, & alij apud eximium Doctorem loco citato.

71 Ergo usus invenitur, tūm ex frequentia Theologorum utendī hac voce *Latria* ad exprimendum supremum Dei cultum, ut Suarez ait; vel etiam Scripturarum, & Ecclesiæ eadem utentis ad honorem Deo deferendum, & explicandum; sed non invenitur usus, neque Ecclesiæ, neque Scripturarum, neque Patrum, neque Theologorum, neque Lexicorum, neque demonum huius vocis adorationis ad exprimendum determinatè, & in particulari eiusmodi cultum, nisi per anthonomasiā, sumatur, & interdum, ut ait Suarez: ergo Scripturis, Patribus, Theologis, & Ecclesiæ credite; vel si saltem docenti Deo per suas Scripturas, Doctores, & Patres credere non vultis, vel demoni confidenti credite; ut aiebat aliorsum S. Petrus Chrisologus serm. 51.

72 Sed dices pro adversarijs: Esthèr cap. 13. dicitur: Nolens Mardochæus adorare Amân: *Timui ne honorem Dei mei ad hominem transferrem, & ne quemquam adorarem, excepto Deo meo.* Apocalypsis 19. & 22. cum Ioannes vellet adorare Angelum, ille prohibuit, dicens: *Deum adora.* Act. 3. num. 10. Cum Cornelius vellet adorare Petrum, ille similitè vetuit, inquiens: *Surge, & ego ipse homo sum:* hinc etiam Sancti Patres nonnulli, quos Suarez refert, ut Athanasius serm. 3. contra Arianos dicens: *Creatura creaturam non adorat.* D. Hieronymus tom. 2. epist. 53. ad Riparium contra Vigilantium, & libro contra Vigilantium, vbi *Deum*, ait, esse adorandum: *non Angelos, non Archangelos, &c. Quis Martyres adoravit? Quis hominem putavit Deum?* Damascenus orat. 1. de Imaginibus, & lib. 4. de fide, cap. 3. omnem rem conditam negat esse adorandam. Iustinus Martyr Apolog. 2. pro Christianis, Epiphanius Hæresi 79. & Auguit. Epist. 44. & super Psalm. 96. & lib. de Vera Religione, cap. 55. & sexta Synodus post sessionem 18. cap. 7. negat creaturas esse adorandas: *Hæc sunt præcipua loca, quibus Sacra Facultas potuit moveri ad usum illum, quem Ecclesiæ communem vocat, stabiliendum pro adorationis nomine, soli Deo exhibito, & exhibendo; quibus etiam hæretici ab aliis adorationes Imaginum nituntur de medio tollere: sed his omib[us]*

nibus aptissimè respondet Suarez, & nos cum ipso respondemus. Ad textum de adoratione Mardochæi ex D. Thoma 2.2.q.84. art. 1. ad 1. ibi intelligi debere, noluisse adorare Amân adoratione *Latriæ*: neque enim adoratio politica, quam vti Principi illi debebat, illo tex- tu illiminanda est, sicut nec hæretici relegare intendant; & hanc esse communem expositionem Hebræorum, ait Lyra ibidem.

73 Ad illud de Angelo nolente à Ioanne adorationem impendi, respondet ex Augustin. q.61. in Genesim, Angelum talem apparuisse, vt Deus existimari potuerit; & ideo Ioannem prohibuit Angelus, ne illi adorationem Latriæ tribueret. August. consentit D. Thomas 2.2.q.84.art. 1. ad 1. Sed Suarius aliter, & mihi verosimilius, responderet; scilicet Angelum fuisse à Ioanne adoratum, debita intentione, & attentione servata; Angelus autem adorationem recusavit, non quia malè ageret, sed ex quadam urbanitate, vel ex singulari reverentia assumptionis humanitatis, vt dicunt Rupertus lib. 16. in Apocalyps. Anselmus, & Beda cap. 19. Bonav. in 3. d. 9. art. 1. q. 5. Ad illud adorationis Cornelij, respondet Chrysostomus homilia 23. in Acta; Cornelium rectè fecisse Petrum adorando, & honorando, & Petrum modestè etiam, & humaniter egisse, adorationem recusando. Ad authoritates PP. respondimus, adorationis nomen esse commune, vt probavimus: vnde quandoque Latria exprimitur, quandoque Dulia, & Patres intelligendi sunt iuxta subiectam adorationem; & in locis adductis fuisse per anthonomasiam locutos credit Suarez hic; ita vt velint Deum non esse, nisi Latria adorandum, & Sanctos Latria adorandos non esse. Vnde idem Aug. qui pro adversarijs adducitur, serm. 15. de Sanctis in fine inquit: Beatissimum Petrum Piscatorem adorat gentium multitudo credentium, & lib. 10. de Civit. cap. 4. ait: Homines esse colendos, & honorandos, & si multum eis addatur, etiam adorandos.

74 His clarissimè patet adorationis nomine vsos non fuisse Patres, neque Ecclesiam, nisi anthonomasticè, quandoquè, & raro ad exprimendum cultum Deo soli deferendum; sed potius confusè, & ambiguè adorationis voce vsos, tam pro cultu Deo debito, quam pro honore Sanctis exhibendo: ergo egregie decepta fuit Sacra Facultas, vel miserè, si res benignius cum ipsis agatur; allucinati sunt Censores, reponentes vocem adorationis, ubi erat inserenda vox Latria, cuius usus, & apud Theologos, vt ex Suario probavimus, & apud Ecclesiam invaluit, vt ex Bernai ostendimus, ad significandam adorationem Deo debitam.

SECTIO SECUNDA.

SENSUS INDEMNIS V. MATRIS IN PRÆIACTIS
Propositionibus eritur, demonstratur, & probatur ex ipsa
Vener. Matre.

75

Quid intenderit V. Mater, quando vtitur adorationis nomine erga Sacratissimam Virginem, ipsa clarissime prodit innumeris locis, vbi de adoratione Deo debita, scilicet *Latria*; de adoratione Virgini exhibenda, scilicet *Hyperdulia*; & de adoratione Sanctis impendenda, scilicet *Dulia*, distinete agit; loca producam, verba his in locis videri possunt: 1. Part. num. 557. agit de speciebus adorationis, & mira claritate suis nominibus eas indigit; & num. 558. *Duliam* explicat, & Sacratissimam Virginem Deo inferiorem, et si cæteris creaturis superiorem agnoscit; 1. Part. num. 134. num. 216. num. 226. num. 236. num. 240. num. 266. num. 267. num. 268. num. 277. num. 520. 552. num. 559. num. 600. num. 608. num. 791. Part. 2. num. 917. num. 1394. num. 1515. & in 3. Part. num. 16. num. 308. num. 331. num. 657. num. 726. num. 763. num. 776. his in locis excellentiam, atque dignitatem Deiparae infra Christi excellentiam ponit; cumque ipsa num. 557. 1. Partis docuit adorationem esse impendendam iuxta magnitudinem, dignitatem, & excellentiam personæ, cui tribuitur; palam docet, & evidentè discernit adorationem Virginis ab adoratione Dei; nec vti voce communissima adorationis, quando de Maria loquitur, Censores cautos, & circumspectos reddere debuit; tam enim erat periculum communi adorationis nomine, cultum ultra modum extollendi, quam deprimendi: tam erat timendum ne cultu Deo debito, Virginem commendaret, quam cultu Sanctis exhibendo, eamdem parum laudaret; cum vterque adorationis nomine soleat exprimi: ergo neutro, neque Dei, neque Sanctorum, sed Virginis proprio, scilicet *Hyperdulia* illis locis Deiparam adoraram proponere; quia vox illa communis in species proprias distribuitur, attenta obiectorum propositione, & personarum relatione, vt per se est manifestum.

76 Demus illo adorationis nomine voluisse V. Matrem Angelos Sacratissimam Dominam suam, & Reginam, quadam *Latriæ* specie adoratos fuisse. Quid inde? An non potest adorari, ratione extrinseca, adoratione *Latriæ*, qua Crux, & clavi adorantur; ita vt tota ratio huius adorationis sit Christus, quem multo perfectius tetigit Beata Virgo, quam instrumenta Passionis? Ita sentit D. Thomas q. 25. art. 5. & *Caietanus*; & à quovis sciente, & discernente prestari potest huius-

modi adoratio, ut Pater Suarez s^epⁱius citatus, & Bartholomaeus de Medina 3.p. disp. 22. q. 25. art. 5. & Hieronymus de Cabrera 3.p. q. 25. art. 3. quibus accedit Didacus de Tapia 3.p. q. 27. art. 11. imo maiori adoratione, quam Crux esse adorandam, inquiunt isti DD. & expressè Tapia allegatus, dixeratque Pelvartus in Stellar. lib. 12. p. 1. art. 1. eius verba: *Loquendo de Cruce Christi solum in quantum est cruentata, & ad Christum pertinens, adhuc maior honor debetur Matri Christi.*

77 Dices ex pluribus Theologis, quos citat P. Suarez 4. tom. in 3.p. disp. 20. sect. 2. §. 1. hanc rationem speculativè consideratam sufficientem esse, ut propter eam Virgo sit adorabilis; ast practicè, seu in usu, ita non est adoranda. Ita sanè; sed cur? Non quia hoc sit intrinsecè malum, quia reverè non est; sed ne periculo adorandi creaturam propter divinam excellentiam, licet extrinsecè applicatam, in errorē ignorantes effluant, & prolabantur; ast si quis discernere sciat rationes adorationis, idoneusque sit ad cavendum omne periculum, & ad vitandum scandalum, non inordinatè præstaret Deiparae hanc adorationem, in qua nulla conspicitur deordinatio. Ita ferè Suarez.

78 Hinc ad Propositiones proscriptas me converto; & in singulis adorationem Sacratissimæ Dominae ab Angelis exhibitam lego; imo primam Propositionem repono, & extrinsecam rationem excellentię Filij Matris applicatam video: *Et nos, o spiritus Domini, adoremus, & honoremus Beatam hanc fæminam, quæ Verbo Aeterno carnem humanam est datura; eamque pro Regina, & Domina nostra agnoscamus:* ut ergo Damascenus ait huc, ni fallor, respiciens: *Decet Matrem ea, quæ Filii sunt possidere, & ab omnibus rebus adorari.* Ita ille orat. de Assumpt. Virg. & S. Athanasius serm. de Sanctissima Deipara sic fatur: *Quia ipse Rex est, & Dominus; Mater, quæ eum genuit, & Regina, & Domina verè censetur.* Et Damascenus iterum lib. 4. de fide, cap. 15. *Verè enim rerum omnium conditarum Domina effecta est, cum Creatoris Mater, extitit.* Cum ergo hic extrinseca ratio contactus applicita videatur, & alioqui Angelis, sapientia præditis, nullum subesse poscit periculum errandi, nullum scandalum sapientissimis spiritibus, recte dicentibus, suboriti; eiusmodi locutio, vel in hoc sensu sustineri potest; benignèque, ut fas est, interpretari; sed non indiget lenitate dispensationis, aut favore glossematis veritas, vicitrici fasce suffulta, vistitissimum loquendi modum retinuit V. Mater, iuxta quem inusitatè est fugillata, temerè obliterata, & inurbanè proscripta.

SECTIO TERTIA.

VTRVM TEMERE PRONVNTIETVR , DEIPARA
adorata ab Angelis, statim ac ipsi conditi sunt : statim ac nata
est, & in Throno Dei, quando ad ipsum refertur
evecta?

79 **N**on solum adorationis terminum improbarunt Censores, tanquam infensum Religioni, quando adaptari non debere Sacratissimæ Virgini oblatarunt ; sed etiam sustinere passi non sunt, tribus in casibus ab Angelis fuisse adorationem Dominae, & Reginæ suæ exhibitam, scilicet tunc primum, cum Angelis ab initio suæ conditionis fuit eorum mentibus obiecta : deinde cum caput tanquam Aurora consurgens, in ortu mortaliuum oculis observari; ac tandem, cum ante Dei Thronum ab Angelicis turbis fuit Deo presentata.

80 Tria hæc paucis erunt Sacræ Facultati persuadenda : & quidem quod ab Angelis statim ac conditi sunt, fuerit adorata, putavit Suarez ex D. Thoma q. 30. art. 2. ad 3. & ex propria sententia hæc habet: in 3. part. disp. 31. lect. 1. §. Secundò piè addi potest B. Virginem ab initio sæculi, tam in Ecclesia Triumphantे, quam in Militante, aliquo modo adoratam esse: hanc piam, non temerariam, sententiam multis suadet, & tandem sic concludit: *Ex hoc ergo vñterius concluðitur, sicut Christus, vel fide creditus, vel clarè in verbo visus, statim adoratus est ab Angelis, quomodo multi interpretantur illud ad Hebreos 1. Et eum iterum introducit Primogenitum in Orbem Terræ, dicit & adorent cum omnes Angeli eius. Semel enim preceptus est adorari ab Angelis, cum primum illis per fidem Propositus est; & iterum cum re ipsa fuit incarnatus. Sic igitur et iam Beatisima eius Mater cum primum Sanctis Angelis est cognita, fuit ab eis adorata; cum ab eis sit cognita, vt Dei Mater, ac Domina omnium, atque adeo, vt adoratione digna: decet enim (vt Damascenus inquit orat. 1. de Nativ. & 2. de Assumpt.) Dei Matrem ea, quæ Filij sunt possidere, & ab omnibus adorari. Hæc eximus iste Doctor, cuius gravissimis verbis, non solum quoad sensum accinit V. Mater, sed etiam quoad voces, eidem videtur stare, vt consideranti utriusque textum pervium erit.*

81 Hinc, si prævisam fore vt nasceretur, adorarunt Angeli Mariam, quantò iucundius exortam adorari ab eisdem erit credendum? Cuius ortum videre Angeli, & homines, tantoperè desiderabant? Ut ait S. Brigitta serm. Angel. 1. eamque certatim Choris Angelicis circumspectam meditatus Damascenus, vt inquit, orat. 1. de Nativ. O Sanctissima

sima Filia, quæ maternis vberibus lacte aleris, & ab Angelis vndique cingens! Et sanè tota ambigendi ratio evanescit, si Sanctorum Patrum, & Theologorum communem sententiam proponamus de adoratione Sacratissimæ Virginis, vt hinc erubescant Censores, quæ stabilitas sunt, & statuta pueriliter bellicare: nullumque non admittere statum, in quo Deipara ab Angelis non adoretur.

82 Igitur deberi ab omnibus Creaturis Deiparæ excellentissimam post Deum adorationem, docent omnes, quorum verba longum esset referre. D. Bonav. in 3. dist. 9. q. 3. Pelvartus in Stellario, lib. 12. part. 1. art. 1. eius verba: *Christus adoratur ut Deus in Imagine Crucifixi; Maria non ut Deus sed ut Mater vera Dei.* Dionysius Richelius in 3. d. 9. §. *Vdalricus: Alexius à Salo in Arte Amandi Deiparam;* cap. 3. Rutilius Bengonius lib. 2. in Mag. cap. 22. dub. 9. §. Neque, eius singularia verba: Ideo absque dubio debetur ei potissima post Deum adoratio, quæ ab omnibus alijs adorationibus specie distincta sit. S. Thomas 3. p. q. 25. art. 3. imo S. Bonav. existimat ab omnibus creaturis possibilibus, si existerent, esse adorandam Mariam. Ita in 4. d. 41. dub. 3. & S. Albertus Magnus de Laudibus Virginis, cap. 81. eius verba: *Cum ipsa sit suprema, & dignissima creaturarum omnium, quam omnes debent revereri, & honorare, minimè debitum fuit, ut alias creature honoraret.*

83 Titulus ergo, ob quem Beata Virgo hanc sibi vendicat supremam post Deum adorationem, est dominium supernaturale perfectissimum, quod habet in omnes creature iure Maternitatis Dei, ut uno ore fatentur S. Athanasius homil. de Sanctissima Virg. vbi supra, & Damascenus citati; S. Hieronymus Epist. ad Ioannem Synadon, quæ habetur act. 4. septimæ Synodi. S. Damianus serm. 1. de Nativ. Anselmus de Excellent. Virgin. cap. 8. S. August. serm. 35. de Sanctis. S. Bernardus serm. 1. de Assumpt. Rupertus Abbas lib. 3. in Cantica ad illud *Veni coronaveris.* S. Gregorius Papa in Epistola ad Germanum, & habetur act. 4. septimæ Synodi. S. Gregorius Nacianzen. in trag. de Christo patienti. S. Epiphanius hæresi 79. P. Bazquez tom. 1. in 3. p. disp. 99. cap. 1. num. 3. P. Suarez ibidem, disp. 22. sect. 2. Ioannes Cantacucenus in Apolog. 3. & 9. contra Mahometanos; quibus accedunt S. Bernardinus tom. 1. serm. 61. art. 1. cap. 6. Arnoldus Cartenensis tract. de Laudibus Virginis. Nicetas in Fragmento de Catholismo Saracenorū, tom. 6. Bibliothecæ. S. Bonavent. in Speculo, sect. 3. Bernardinus de Busto 5. part. Mariali, serm. 8. Ioannes Trithemius de miraculis B. Mariæ prope Dittelbach, cap. 12. plures alij videri possunt apud Novarinum, Vmbra Virg. num. 1147. Ex his omnibus Patribus, & Doctoribus recte infertur, quam aptè, atque

Dissertē, non solum V. Mater exposuerit adorationem' débitam Virgi-
ni Sanctissimæ; sed etiam ostenderit titulum, scilicet eius Maternita-
tem, atque etiam dominium, cum in Altissimi Throno consedisse re-
fert; non quia ibi Thronus aliquis inveniatur, sed nostro loquendi
more vla, vt Reginam ipsam declararet, omniumque creaturærum
Dominam, potestatis Thronum, & maiestatis subselium figuratè ad-
duxit: & hoc totum continet Propositio prima, ait enim: *Sancti An-
geli adoravere, & recognovere Mariam in Altissimi Throno denuò, tan-
quam Matrem Verbi futuram, & eorum Reginam, & Dominam.* His ferè
verbis S. Anselmus loquitur: *Deus eam cunctæ secum creaturæ peren-
ni iure dominaturam in Throno gloris suæ collocavit.* Ita ille de Excell.
Virg. cap. 8. & eodem modo loquitur S. Bernardus serm. I. de Af-
sumpt. Sophronius serm. de Assumpt. & alij quam plures, quos
referre non vacat.

CRISIS THEOLOGICA In Sacra Facultatis, & Deputatorum Censuram.

84

Cum Sectione prima huius Dissertationis latè de Censu-
ra, & sensu Sacrae Facultatis egerimus; pro crisi tota
Sectio integrè venerat hic reponenda, quarè tantum de notis adiectis
sanissimis Propositionibus brevitè agemus: Vocantur, & existiman-
tur *Quatuor iste Propositiones scandalosæ, & in errorem inducentes,*
*quatenus eodem adorationis termino, cultum exprimunt exhibitum, vel ex-
hibendum Beatæ Virginis, qui ipsi Deo exhibitus ab Authore exprimitur.*
Hæc est Censura Deputatorum, eadæ est Sacrae Facultatis existi-
matio.

85 Sed me iudice, iniuriosissimè hac gravissima Nota Proposi-
tiones affecerunt, quæ tam longè ab errore recedunt, quam proximè
ipsi Deputati, ipsaque Sacra Facultas Orbem Christianum in novam,
vocum usurpationem, atque acceptionem, non sine ingenti temerita-
te, revocare contendunt; ex qua error ipse Propositionibus impactus
pullulare interim erit necessarium, quod sic evidentissimè demon-
stro: *Adorationis nomine vli sunt PP.* vla est Scriptura, Concilia, Theo-
logi, Dictionaria, Caco. Demones, & universus Orbis, in communi, &
latissima significatione, qua sive in lingua Latina, sive Græca, sive
Hebræa, sive Hispanica, sive Gallica, sive Germanica, sive Anglica,
aut æquivocè, aut analogicè, aut univocè dicitur de Deo, de Deipara,
de Sanctis, de Reliquijs, imo de politica Principum veneratione; &
si vis de amatoria subiectione, & amantium obsequatione, vt possent
ex Comitijs mille producere ad numeros Hispanicos, & Latinos

composita testimonia. Sufficiat vnuis in Hispania celeberrimus D^r. Petrus Calderon, notus etiam apud Gallos, Comœdia, cui titulus: *Los tres Afellos de Amor*. Ita Livius Simeriae loquitur act. 2.

*Ni tu me quitarás, fiera,
el que veas que la adore,
si vieres que me aborreza.*

86 Passim vbiquè Comici, quos, pio communi vsu nominis adoratio, in te adeò seria, indecens videri, non debet in suffragium vocari; sunt enim pro vsu vocum referendi, qui proprietatem, & naturam earum agnoscunt, & versantur: ergò velle restringere hanc latissimam, atque communissimam vocis adoratio significationem, ad cultum Deo exhibendum, significandum, est temerè, audaciter, & præsumptuosè vniversum Orbem, Sacrum, Sanctum, Oecumenicum, Theologicum, Politicum, Poëticum, Grammaticum, Caco-Demoniacum, atque amatorium ad novam huius vocis usurpationem, veteri relicta, revocare. Antecedens est indubitatum, & vel ab ipsis Censoribus admisum: ipsis enim fatentur adorationis nomen & equivocè sumi, inquiunt enim: *Cum adorationis nomen equivocè sumatur.* Præterea, vt probavimus vsu communi, vel analogicè, vel univocè sumi ab omnibus, est certum. Probo consequentiam: Si posita, auditæ, vel scripta adorationis voce, statim ad cultum Deo exhibendum duceremur, vt vult Sacra Facultas, cum alioqui soliti simus suspensi de obiecto significato manere, sumus enim assueti hac voce venerationem Deo, Sanctis, Deiparæ, &c. exprimere, proculdubio ab visita, receptissima, communissima significatione, ad novam, peregrinam, atque insolitam significationem revocandi eramus, vt potè à communi ad particularem, à generica, analogica, vel æquivoca, ad specificam, propriam, & determinatam: ergò, &c. Modò hinc errorem enasci necessario convinco; quia usque dum significatio hæc, à Parisiensibus noviter inducta, & sub interminatione Idolatria iussa induci, stabilitetur, firmaretur, & introduceretur; aliter acciperemus eius significationem, & interim illa vrendo, antiqua significatione relicta, graviter erraremus: ergò hæc nova introductio in errorem nos induceret.


87 Mitto evertendos, atque corrigendos esse Sacros Codices, Canones, oblitteranda Patrum scripta, Theologorum monumenta, Interpretum Comentaria, Doctorum documenta, Lexicorum Dictionaria, & omnium rationum studia comburenda, si alicubi aliter, ac vult, & intendit Sacra Facultas, vox adoratio reperiatur accepta, vt reperi pro comperto est. Mitto etiam hac vna Censura concitatum iri adversus Sacram Facultatem, non solum Catholicos, sed etiam Hæreticos;

55

cos; non solum Fideles, sed etiam Infideles, penes quos Principum ve-
neratio adorationis nomine proditur; & id unum exoro hac in re ob-
servari; hac Censura non solum Ecclesiam laedi, sed iura politio of-
fendi; ac proinde digna mihi existimatur, in quam, non solum Ecclesiæ
gladius, utraque parte acutus, animadvertis, sed etiam Politicus
cruentetur.

88. Eadem Propositiones, quatenus eamdem adorationem tri-
buunt Deiparae ab initio conditionis Angelorum, statim ac ipsa nata
est; & tunc cum advesta refertur ante Thronum Altissimi Nota tem-
eritatis, falsitatisque fendantur, nimisrum addendæ qualitates istæ
gradui illi superius adiecto scandali, & in errorem inductionis. Induc-
tionem erroris in ipsam Sacram Facultatem devolvimus num. ante-
cedenti, falsitatem condemnat Suarez, & temeritatem ipse Doctor
prosternit. Ipse enim docuit adorationem ab Angelis exhibitam ab
initio suæ creationis, ut suprà ostendimus; & licet in terminis in du-
plici alio statu in Authoribus adoratio non inveniatur, quos legi, nec
inveniri necesse duxi, aut querere; quia ut supra intuli, quanto magis
si prævisa futura adoratur, nata, & in conspectu Dei Mater eius ag-
nita ab eisdem spiritibus erat adoranda?

89. Nec propterè quod unicus pro hac opinione referatur Sua-
rez, debet Propositio falsa, & temeraria censerri, quia unius solius
Scholastici Theologi insignis authoritas facit argumentum probabi-
le; præsertim si alij ei non contradicunt. Ita Azor lib. 2. inst. moral.
cap. 14. & P. Bazquez 1. 2. disp. 62. cap. 4. simil. & Torres 2. 2.
disp. 55. dub. 3. Ostendant Censores, quis hucusque contraire som-
niavit eximio Doctori, inter præstantissimos, atque excellentissimos
Scholasticos, nominatissimus Theologus; qui nec singularis hac in
quæstione reputandus est, cum pro se citet D. Thomam Ecclesiæ So-
lem, quæst. 30. art. 2. stet ergò iniustissimè inustam à Censoribus V.
Matrem; eorundemque sententiam, non solum ipsi, sed innumeris
alij esse iniuriosam, proindequè revocandam, imò nova
Censura pungendam.



DISSERTATIO QUINTA:

CIRCA ARTICVL., VI. DEPVTA^TAT,
& quartum Facultatis.

VTRVM MALE SONET IN FIDE HÆC
Propositio Censuræ subiecta ex num. 112. Tunc primum (scilicet ab origine mundi post reportatam victoriam, factamque perduellium expulsionem ab Angelis bonis) nomine Humanitatis Verbum pro hominibus intercesserit ante Thronum Divinitatis?

SECTIO UNICA.

NVLLAM IN FIDE CONTINET DISSONANTIAM
præmissa loquutio.

90 **Q**uid est Verbum Humanitatis nomine pro hominibus intercessisse ante Thronum Altissimi? Sanè nihil aliud est, aut esse potest, quam Verbum, qua Homo, orasse ante Thronum Altissimi. Ità præcedent in n. 111. circa medium, dicitur: Y fue voz del Hijo, en nombre de la Humanidad, que avia de tomar, pidiendo al Eterno Padre fuese hecha la salud, virtud, y Reyno de su Magestad, y la potestad de Christo, porque ya avia sido arrojado el acusador de sus hermanos del mismo Christo Señor nuestro, que eran los hombres. Latinè eadem transcribo: Et fuit vox Filii, Humanitatis, quam erat assumpturus, nomine petens ab Aeterno Parenti salutem, virtutem, & Regnum suis Maiestatis, atque Christi potestatem futuram fieri, siquidem iam proiectus erat fratrum suorum accusator, id est, eiusdem Christi Domini nostri, qui fratres erant homines.

91 Iam vero quid fieri potuit, ut Censores hæc verba immediate præcedentia legissent, & recognovissent, & Censuræ non supervoluissent? Et paucis interiectis lincis, initium num. 112. Scilicet tunc primum Verbum Humanitatis nomine intercessit pro hominibus ante Divinitatis Thronum, Censuræ excerpterent? Quid amplius in narratione erat adiectum, quod liberam à virgula narrationem dimisit; aut quid in hac observatione fuit detractum, quod in damnationis sententiam observationem adegit? Ego inter utrumque locum, nullum aliud sentio discrimen, nisi quod in priori locutione exprimebatur Filius

Intercedens, qua homo, illis verbis: *Nomine Humanitatis, quam erat a sumpturus*: in secunda verò Filius Intercedens inducebatur nomine *Humanitatis*, interim omissis expressionibus illis verbis, iam supra immediatè præmissis, *quam erat assumpturus*. An non hæc retis expansio insidiosè est machinata, ut parùm cautos, & tardè intentos, ignoros homines caperent? Sed è conversò frustrà mittitur retis anteculos pennatorum.

92 Et ut frustrà vinciri posse oculatos, & pennatos irretiri probemus, cum Theologis supponendum est, Christum verè, ac propriè orasse in via postulando, & simplicitè petendo aliquid à Patre, ut ex Evangelio constat, ait Suarez tom. 1. in 3. p. disp. 65. sest. 1. imd ità ex ordinatione, & Divina Providentia res fuisse positas, & prædefinitas, ut multa fierent à Christo homine per orationem impletanda, quæ sine illius oratione, non fierent; sicut enim non redemisset homines, nisi pro illis pateretur; quia fuerat à Deo præscriptum, & præordinatum; ita nec sine oratione obtinuisset, quæ non nisi per orationem obtinenda erant, iuxta Divinam præordinationem: Vnde sicut necessarium fuit illi pati, ut ita intraret in gloriam suam, & nos secum in illam introduceret; ita necessarium fuit illi orare ad impletandum multa, quæ per orationem obtinuit, iuxta illud Psalm. 2. *Postula à me, & dabo tibi gentes, hereditatem tuam, &c.* Ex his duo statuit eximius Doctor. Primum, Christum Dominum simplicitè non indignuisse oratione; quia propter dignitatem personæ poterat, quidquid vellere, perficere sine oratione. Secundum, in sensu composito; id est, supposita Divina ordinatione, multa in quantum homo sine oratione perficere non potuisset; sicque conciliat plures Patres cum D. Thoma, ibidem videndos. Hæc ferè Suarez.

93 Et ex his sic ego cogor ratiocinari: Christus Dominus, qua homo, oravit in via, & prædiffinitus fuit ab æterno, qua homo, in tempore oratus, & ea, quæ erat postulaturus, consecuturus: ergo induci potest pro aliqua differentia temporis, nomine Humanitatis, orans, seu qua homo postulans, ante quam existat: quæ enim hic conspicitur inconvenientia? Probo consequentiam: Parens Æternus sine Divinitatis iniuria, inducitur à Sacro Psalte Filium exortans, ut postulet à se sibi dare gentes; hæc enim locutio: *Postula à me, & dabo tibi gentes*, multis retro saeculis præcessit Christum existentem, & Christo extituro dicta, narrante à Prophetæ, iuxta communem Patrum sensum; sed non fuerunt dicta Christo, qua Deo; ut enim ait D. Thomas hic art. 1. *Divina voluntati minimè competit orare; quia voluntas Divina per se ipsam est effectiva eorum, quæ vult; & ulterius*, ut ait Suarez, *oratio est actus inferioris deprecantis superiorē, in comment.* ergo dicta

dicta sunt Christo, qua homo, est evidens: inde, si nihil absurdum est in eo quod Pater loquatur, aut loqui significetur a Propheta Filio, qua homini in statu futuritionis, ut a se postulet; quid dissonans suspicari poterit in eo quod Filius, qua homo in eodem statu postulans inducatur, & orans sibi donari gentes, quas ipse Pater a se postulari obsecratur: aut in eo, quod ita factam fuisse petitionem a Filio nomine Humanitatis significatur, sicut significatur obsecratio facta a Patre nomine Divinitatis.

94 Ulterius, ut dissonantia, si qua est, melius dignoscatur, vnde provenire possit, erit indagandum. Propositionem iterum rescribo: Tunc primum (scilicet ab origine mundi) nomine Humanitatis Verbum pro hominibus intercessit ante Thronum Divinitatis: & rogo, sonat male in fide haec Propositio ratione temporis, vel ratione status Christi Domini; (tunc enim erat Christus futurus) vel ratione petitionis, vel ratione Verbi, nomine Humanitatis petentis, vel ratione termini, ad quem fuit oratio deflexa? Non enim his rationibus examinatis, superst in predicta Propositione aliquod caput, vnde ignorantia scrutetur, aut arguatur. Sed nullo ex his capitibus fidei consonantia latitur: ergo non male sonat in fide praefixa Propositio. Ut minorem probem, rationes erunt percurrendae, & seorsim examinanda: assumo primam.

95 In primis. Non sonat male in fide ratione temporis: tempus enim, ad quod referunt ista locutio, est mundi creationis, in quo tam debet esse consonum fidei, dici Verbum petere nomine Humanitatis, sive orate Deum; quam dici Filium Dei esse occisum: at ita expressè dicitur occisus Apocalyps. 13. vbi dicitur de Christo sub metaphora agni, qui occisus est ab origine mundi: ergo de eodem dici potest, quod oraverit ab origine mundi; sicut enim praedissensus est Redemptor media morte; sic praedissensus est multa obtenturus media actione: eo ergo sensu, quo tempus illud patitur agnum occisum, & pati poterit agnum orantem.

96 Dices: locus iste Apocalypsis ingentem Patribus infert difficultatem, ob quam plures in predictis verbis ad hyperbaton configunt; & in predicto loco transpositionem esse notandam autuant, & sententiam ita necendam asseverant, vt ly ab origine mundi non referatur ad agnum occisum, sed ad nomina electorum, quæ scripta sunt ab origine mundi in libro vita agni, qui occisus est. Ita Andreas Cesar, Ioachimus Abbas, Aretas, Nicolaus Zeguero, Beda, Ticomius, & Ribera in Com. supr. Apocalyps. cap. 3. num. 10. & hic. Vnde nihil in favorem locutionis V. Matris, ratione temporis, elicetur ex adducto textu.

97 Sed contra est: quia in prædictis verbis non esse transpositionem querendam, nec hyperbaton in ipsis contineri, docent nominatores Patres, & DD. D. Thomas 3. part. q. 83. art. 1. & super Epist. ad Hebreos, cap. 9. sect. 5. & super caput 12. lecit. 4. D. Anselmus. D. Irinæus apud Nicolaum Zeguero in suis Schol. super Apocalyp. Hugo Cardinalis, Ambertus Gægneius; Viegas hic, & alij, qui omnes sine recursu ad hyperbaton, locum in sana prorsus intelligentia capiunt, & exponunt: sic nimirum, acceptatam scilicet agni mortem à Patre ab ipsa mundi origine; & cur ab ipso mundi exordio eius oratio, & postulatio non erit etiam acceptata? Acceptatam Filij mortem, & fortè significatam acceptari coram Angelis ab origine mundi, (quam acceptam, & prævisam ab æterno Deus habebat) similitè à Patre acceptatam, & acceptati significatam coram Angelis ab initio mundi refert V. Mater, Filij, quæ hominis petitionem (quam etiam ab æterno prævisam, & acceptatam non negat Patrem habuisse) sufficeret hic locus ad locutionis sinceritatem suadendam, si non ex alio capite Censores Propositionem vellicarent.

98 Deindè rogo: an tinnitus huius dissonantiae in aures Deputatorum crepitare subaudiatur ratione status, in quo Christus, sive Verbum, quæ homo, supponitur, scilicet futuritionis absolutè; erat enim extitus, & de facto extitit realiter, quandò venit plenitudo temporis, in quo Pater dedit nobis Filium? Sanè de obiectis eadem enuntiantur, & enuntiari possunt in statu existentia; ac in statu futuritionis absolutè, præter ipsos status; quarè idem est Christus, modò existens; eadem eius mors, eius orationes, & petitiones eadem, quæ hominis, ac fuerunt ab æterno absolutè futuræ (sive obiectivæ, sive realiter æternitati coexistant, si fututorum absolutorum realis cum æternitate coexistentiam in gratiam Thomistarum admittamus) ac proinde significari potuit mors Christi futura, eiusque petitiones qua hominis Angelis, sive obiectivæ, sive realiter coexistentes æternitati, quas erat positurus cum simpliciter, & absolutè existeret. Unde hic status eiusmodi locutionem non excludit: nondum enim Christus habebat realem existentiam, cum Pater Æternus per os David significavit sibi gratum fore, ut Filius à se postularet dari sibi gentes, & ita imperativo de præsenti vñs ait: Postula à me, & dabo tibi gentes; quia obiectivè postulabat Filius ab æterno, & meritorie petebat, quod in tempore postulauit verè, & realiter; & verè, & realiter merituit. Hec pudet Theologos ignorare, sed cogit nos Sacra Facultas de visitissimis locutionibus, & frequentissimis in Sacris Litteris rationem reddere; quia dissimulant se scire, quod vel Dialecticos non latet.

99 Præterea rogo: an ratione petitionis à fidei contentu discriperet locutio? Petition fuit, ut præmissit V. Mater, ut fieret salus, virtus, & Regnum suæ Maiestatis, atque potestas Christi: qua nulla dignior, nulla sacratior, nomine futuræ Humanitatis Christi fieri potuit.

100 Ulterius rogo: an fidem offenderit dicta locutio, eo quod à Verbo, nomine Humanitatis, fuerit facta? En petra offensionis, in quam Censores fidem contractam percipiunt: sed eos echo sefellit, non enim fides frangitur eloquendi more, quo ipsa stabilitur; an non per communicationem idiomatum, quæ Dei sunt de homine; & quæ hominis propria sunt, de Deo prædicantur? Præterquamquod nec clarius, aut expressius potuit declarari, non Verbum, sed Humanitatem futuram exorasse, quam illis aptissimis verbis: *Verbum nomine Humanitatis petijt?* Quid est nomine alieno petere, nisi significare nomen, sed alium petere? Procuratores, Tutores petunt nomine Pupillorum, & nomine litigantium partium: & quid hoc est aliud, quam representare, palam facere, ostendere, significare, sc̄ non petere, & illos petere; sicut & Indices significant se non Auditores, & Procuratores; sed Pupillos, aut Litigantes, cum hos absolvunt, illos condemnant. Possem in medium producere huius locutionis ex utroque iure mille textus; sed tamen omnes superfluunt, quam Soli lucenti, Stellæ necessariae non sunt. An non hic loquendi mos etiam in Scripturis invaluit? Quis enim quærebatur de Sauli persecutione, quam Act. 9. audivit Christum sibi dicentem: *Saule, Saule, cur me persequeris?*

101 Loquebatur Christus in persona suorum membrorum, ait S. Thomas, adductus à Suarez, tom. 1. in 3. p. in Comment. q. 15. art. 1. Nec sine reflexione prætereunda proprietas, qua V. Mater uia fuit hac locutione: *Verbum, nomine Humanitatis, quam erat assumpturus,* & non in persona Humanitatis, quam erat assumpturus: quia licet hic utraque locutio idem prorsus significaret, prior omnem erroris suspicionem deturbat; secunda in persona Humanitatis, scilicet, Nestorij errorem subindicabat, quamvis ly in persona, hic non hypostasim, sive subsistentiam indicaret, sed suppositionem unius pro altero; sive alius ille sit persona, sive natura, ut est per se notum calenti huius locutionis energiam, & efficaciam. Si ergo erant gratias acturi pro sincerissima locutione V. Matri, cur ipsam impetrere non formidant? Non inveniunt nomen, sive titulum Theologi, quo Verbum, ut Verbum orare affirment sine divinitatis detrimento; nec invenit V. Mater, & quia proprio nomine sciebat Verbum quidquam non posse petere; nomine suæ Humanitatis futuræ, cui competit orare in via, ut de facto oravit, & in Cœlis de facto orat; ut Theologi docent; & in statu futuritionis competit orare, non per actionem de facto à se cli-

citam; sed elici prævisam, & prædiffinitam; non actualiter, & realiter; sed obiectivè, significativè, & representativè, ut ipsa V. Mater satis advertit; cum non de Humanitate vlla assumpta loquatur, sed allumenda.

102 Tandem ratione termini in quem ista oratio fuit directa, si dem maculare non potest hæc locutio, fuit enim ad Patrem facta. Vnde, Censores mei, vobis in mentem venit hæc dissonantia? Mirabor cæcitatem, qua vos latuit limpidissimus contextus numeri immediatè præcedentis; vbi hæc clarissimè habentur, & vnde sponte Propositio à vobis explosa procedit; & altius me in longè ampliorem admirationem surditas advexit, qua lyra fidei fidibus canoris concina, penna ferè Angelica, manuque pulsata, quæ vera sunt, quæ grata, atque iucunda Vrbis, & Orbis Fidelibus est modulata V. Mater; & velut Orpheus alter saxifraga harmonia, corda durissima emollit, & allicit.

103 Verum dices: non ex singulis partibus seorsim, sed ex integra Propositione dissonantiam gigni; qua nulla maior, quam Verbum orans inducere; neque enim adiecta, nomine Humanitatis limitatio, temperari potest incongrua Verbi, inusitataque orationis affectione. Sed præterquam quod satis ostensum est, temperari; ultrius aliter potest salvari eiusmodi locutio, si nimirum metaphorice fuisse locutam dicamus; imo eo sensu, quo Suarez ait: *Tosse accommodari per metaphoram Christo, ut Deo, esse intercessorem, eo modo, quo ad Roman. 8. dicitur: Spiritus Sanctus orat pro nobis.* Ita ille vbi supra sect. 2. §. Quod ergo: ergo sic Augustin. verbis concludo: in præfation. Psalm. 85. *Oratur in forma Dei (Christus) orat in forma servi, orat pro nobis, orat in nobis,* & oratur à nobis: ut Sacerdos noster, orat pro nobis: orat in nobis, ut caput nostrum: oratur à nobis, ut Deus: oramus ad illum, per illum, in illo, & dicimus cum illo, & dicit nobiscum. Hæc ille: vbi edoceri cupio, an orare Filium in forma servi, & orare nomine Humanitatis, multum differant? Sanè mihi videtur idem, quod enim per formam expressit August. per nomen declaravit V. Mater, an nos orare in illo, & ille in nobis, propriè non est illum nomine nostro, nos illius nomine orare? Quid clarius?



DISSERTATIO SEXTA.

*CIRCA ARTIC. VI. AVT NVMERVM
sextum Deputatorum.*

VTRVM MALE SONET IN FIDE, ET IN HÆRESIM 9
inducat illa Propositio, qua Divinum Consistorium dixit num.

112. *Filius noster vnicus stabilit hanc doctrinam: & altera, qua num. 113. similiter dicitur: Filius noster descendat passibilis ad reparandos, & redimendos homines.*

SECTIO PRIMA.

*RATIO DVBITANDI AD RESOLUTIONEM
præmittitur?*

104

Antequād ad rationem dubitandi accedamus, præmittendum duximus, Deputatos festinè, & celeritè numeros citatos evolvisse; & veluti venatores, capta præda, præ nimia exultatione, vel de necessarijs solent obliisci: sic illi, inventis locis excerptis ex numeris citatis, penitus obliti sunt retrogredi, vt personam, longa illa narratione loquentem, notarent. Non enim ibi, vt falsò adiecerunt, tota Trinitas, sive Divinum Consistorium fatur; sed Parens Æternus, Angelis loquens, inducit ab illis verbis: *Et iuxta nostrum intelligendi modum Parens Æternus, collata hac petitione (de qua Dissertatione proximè elapsa egimus) cum Personis Sanctissimæ Trinitatis, & secundum partem aliquam, manifestato Divini Consistorij Decreto Sanctis Angelis, super his Sacramentis, dixit illis: Lucifer, &c. usque ad numer. 114. qui incipit, haec vox, exclusivè. Non ergo Propositiones istæ, examini adaptatæ, nomine Beatissimæ Trinitatis sunt dictæ, sed Parentis Æterni charactere, & proprietate.*

105

Hinc longè difficiliùs dubium suboritur; quo pacto Parens Æternus Christum Dominum, nostrum Filium appellare possit; cum enim fide constet, Filium à Patre solum gigni: & aliundè: *Tu noster Filius, communem totius Trinitatis generationem subindicer: male in fide sonare videtur utraque locutio, vt Deputati criminantur. Non dubito quin si sub his terminis Sacræ Facultati fuissent duæ istæ Propositiones relate, in utramque etiam sententiam diceret. Sed quia clarioribus, per errorem Deputatorum, terminis fuerunt iudicio Sacræ*

Facultatis statutæ, dubitandi rationem despexit, eratque sane despe-
ctu digna; quia sub illis terminis ob oculos strictissimam disputa-
tionem offerebant, qua Theologi in materia de Incarnatione solent
indagare: *An Christus, qua homo, sit Filius naturalis totius Trinitatis?*
In qua quæstione affirmativè procedunt plures ex selectioribus. Sed
reverà, rebus rectè hinc inde perpensis, eadem est dubitandi ratio,
sive in persona Patris, Christus; sive nomine totius Trinitatis, *Filius
noster* dicatur.

106 Illustrissimus Samaniego Nota 16. & satisfactio pro Reli-
gione Sancti Francisci hic Obice 13. Reparo 13. ut ab hac difficul-
tate se expediant; ad sententiam prædictorum Theologorum confu-
giunt, docentium, Christum, ut hominem, esse Filium naturalem ra-
tione vñionis hypostaticæ; proindeque vnicum totius Trinitatis: ci-
tant Suarium disp. 49. sect. 2. Vazquez disp. 89. cap. 14. à num. 82.
Furrianum opusculo 13. de ingenuitate Christi, disp. 2. dub. 9. Becca-
num cap. 18. q. 15. num. 8. Petrum Hurtado de Mendoza, disp. 83.
sect. 6. & recentiores quamplures, alleverantes reverà Christum Do-
minum secundum naturam humanam esse Filium naturalem totius
Trinitatis. Vnde prolati, & productis his, inter notiores, gravissimis
Theologis, (aiunt tām iAuthor satisfactionis pro Religione Sancti
Francisci, quām Illustrissimus Placentinus Antistes) sufficientè Pro-
positiones tutari, ut potè quam recipere, & defendere non gravantur
nominati Doctores.

107 Sed debuerunt animadvertere hos omnes à se recensitos;
vel ferè omnes Propositionis sensum admittere, & locutionem res-
puere; ut enim Dionysius Petavius de Incarn. lib. 7. cap. 5. num. 18.
ait: *Est enim Christianis inusitatum auribus, insolensque, Christum, in
quantum hominem, esse naturalem Filium Patris, & Filij, & Spiritus
Santii; quod nihil magis absconum videtur, quam si adoptivum asseras il-
lorum esse Filium.* Et Suarez loco citato, §. Ad secundum: *Et ideo licet
vñio humanitatis ad Filium sit à tota Trinitate, tamen simpliciter deno-
minatio Filij non est Christo tribuenda, nisi in ordine ad Patrem, quod ob-
servandum est propter castum loquendi modum, nam res ipsa iam explica-
ta est.* Hanc loquitionem latè versat Petrus Hurtadus ubi supra, &
tandem ab illa abstinentum pronuntiat. Deputati Censores non sen-
sum harum Propositionum condemnant, sed sonum, ut ex Censura
corundem patet, inquiunt enim: *Malè sonare in fide.*

108 Ob hanc rationem, quam, et si dissimulasse suspicor Sama-
niegum, ignorasse non credo; eadem Nota configuit ad personæ au-
thoritatem commendandam, est enim potestatis, & authoritatis cha-
racter, & signum, illa plurali numero visitata locutio, qua Principes,

Reges, Imperatores; trahuntur. Nos, &c. veluti Rex Catholicus in rescriptis loquitur. (Cui Omnipotens concedere dignetur, ut vassalis propositurus Filium à Deo acceptum, commemorans ortum, dicat: Noster Filius, Deo optulante, natus est, &c.) Sed licet aliqualis locorum illorum hæc mihi videatur explicatio, effugium redolet; præsertim cum ad id roborandum recurrat Placentinas ad locum illum Genesis: In principio creavit Deus, id est Elohim, numeri pluratis Verbum: quod positum reputat Cornelius honoris, & maiestatis causa; veluti si Rex Hispaniarum dicat: Nos Philippus, &c. Hæc evasio mihi potius videtur, quam solutio; tūm quia ut Theodoretus animadvertisit, q. 20. in Genesim, ob hanc causam oportuisse Deum loqui de se pluraliter, vel semper, vel in plurimum; & præsertim cum legem dedit in Monte Synai, convenientissimum enim erat tunc autoritatem, potentiam, & maiestatem, quam maximè declarari.

109 Tūm etiam, quia debilitaretur robur, & vis argumentationis Patrum, petitæ præsertim ex illis locis, in quibus Deus est pluraliter locutus ad convincendam Divinarum Personarum pluralitatem, quam adversus Iudæos subinferunt: ex illo Genesis 2. Faciamus hominem; & infra: Faciamus Adæ adiutorium simile sibi: & cap. 3. Ecce Adàm quasi unus ex nobis factus: & cap. 11. Venite, descendamus, & confundamus ibi lingua. Et Isaiae cap. 6. Quem mittam, & quis ibit nobis. Ex his quinque locis Patres adversus Iudæos argumentantur; ut rectè adnotavit Peterius tom. 1. lib. 4. vers. 26. num. 13. Vis enim huius argumenti nulla esset, si parati sint Iudæi nobis respondere in prædictis locis, authoritatis gratia, & maiestatis ergo, Deum pluraliter fuisse locutum. Aliter ergo erit præicta loquutio firmando, & dissonantia releganda: ut Sectione sequenti videbimus.

SECTIO SECUNDA.

E X I M P V G N A T A A R E C E N T I O R I B V S D I S S O N A N T I A
in eiusmodi locutionibus, à veteribus astructa, Propositiones
à Censura eximuntur.

110 **N**on nego à Theologis Antiquioribus cautè Christum, qua hominem, Filium totius Trinitatis fuisse animadversum, fore nominandum; sed locutionum vicissitudines, quas Horatius Epistola de Arte Poëtica de Pison. pag. mihi 342. illis verbis:

Multa renascentur, quæ iam cecidere; cadentque,
quæ nunc sunt in honore vocabula, si voleris.

65

Agnovit, & Theologi quotidie cognoscunt. P. Aug. Bernal Societatis Iesu, Theologus, nulli, me iudice, secundus, præsertim in præclarissimo opere de Divini Verbi Incarnatione: postquam disp. 67. sect. 3. doctissimos Patres retulerat, qui Christum secundum Humanitatem Filium totius Trinitatis naturalem admisserant, & cavendum ab eiusmodi loquitione notaverant: sic num. 131. limitationem obiurgat: *Hæc restrietio, vel est falsa, vel est inconsequens, vel extra rem. Aut enim negant hi DD. appellandum absolute esse Filium naturalem Christum, ut Hominem reduplicative; aut Christum, ut Hominem specificative; aut Christum, ut Hominem, aut Christum. Si Christum, ut Hominem reduplicative, falsa est limitatio. Nam si dixeris: Christus, ut Homo reduplicative, est Filius Trinitatis totius, clarissime dices esse Filium secundum solam naturam Humanam; proinde suppones, vel saltē insinuabis esse in una Christi Persona duas naturas, alteram Divinam, alteram Humanam; & secundum hanc solam esse Filium Trinitatis; proinde non secundum naturam Divinam, nec secundum Personam: non ergo significabis Christi Personam referri ad totam Trinitatem; proinde nec esse quartam Personam.* *Hæc pro prima acceptione Doctor iste, iuxta quam ad textum V. Matris regredi libet; unde deducitur manifestè in hoc sensu fuisse locutum: Noster vnigenitus operabitur hanc doctrinam. Ait Parens Æternus, & rogo quam? Immediate præmissam à V. Matre.*

111 Attende: sint beati, qui lugent; felices pauperes, & qui passi fuerint propter iustitiam, & propter eorum Caput Christum; & exaltentur parvuli, & mansueti corde magnificentur: Pacifici, ut Charissimi filii, à nobis amore prosequantur; sint nobis Charissimi, qui passi fuerint iniuria sibi inferri, easque remisserint, atque inimicos suos dilexerint. Omnibus designentur benedictionum copiosi fructus amicitiae nostræ, atque æternæ gloriae premia in Cœlis conferenda, vnigenitus noster hanc operabitur doctrinam. Est dicere: Ducebunt filium nostrum, qui lugent, qui persecutionem patiuntur, qui iniurias sibi illatas dimittunt, qui diligunt suos inimicos, qui pauperes spiritu sunt, &c. quia vnigenitus noster operabitur hanc doctrinam: ipse luget, & clamore valido deprecabitur. Pauper erit, non enim habebit, ubi reclinet caput suum. Iniurias sibi factas remittet, & pro inimicis suis deprecabitur. Hæc clarissima sunt, & ex his ego: an non hæc omnia præstitit Christus, reduplicative qua Homo? Num in secunda Propositione, scilicet: *Descendat filius noster passibilis, expressius hæc reduplicatio non ostenditur?* Excipite: *Sit salus nunc in nostra voluntate facta, atque determinatio de Redemptore exituro, & Magistro, qui moriatur, & doceat nascentes, & viventes pauper, respectus, moriens pro hominibus morte turpissima condemnatus reputetur peccator, & reus, &c.* Hæc omnia, Ceniores mei, de-

Christo, ut Homine, reduplicativè verificantur, & secundum Humanitatem, ut est extra controversiam apud omnes.

112 Modò ad id, vnde discessi, regrediar: sed hæc locutio sanissima est, expreßissima est; nec vel ignorantibus, rusticis, aut insipientibus in errorem verti potest: ergò & limitatio, & restrictio à veteribus Theologis, ne Christus reduplicativè, qua Homo vocetur Filius Trinitatis, licet talis reverà sit, falsa est, ut optimè August. Bernal intulit. Cai mihi consentire videtur eruditissimus P. Didacus Ruiz de Montoya de Trinitat. disp. cap. 8. sect. 10. qui longa Patrum manu produc̄ta; probat Filium, qua Hominem, mitti à Patre, & Spiritu Sancto, ac concludit, iudicans, quod Tota Trinitas misserit Filium, cooperando ad Incarnationem, per quam hominibus apparuit; ita loco citato num. 10. Vnde vires accrescent præfatae locutioni: *Filius noster descendet: Noster unigenitus operabitur hanc doctrinam: quam erroris inducētricem, atque incentricem, non patiuntur appellari Ruiz; & Bernal citati; aliquæ Theologi Recentiores, qui hanc publicè in Scholis suis locutionem sustinent, & docent; quibuscum collatis studijs, consentiunt nostræ tempestatis Doctores quamplures.*

113 Stet ergò, limitationem à Theologis antiquis factam, & præscriptam, ne scilicet, quamvis Christus sit Trinitatis Filius secundum Humanitatem, talis vocetur; hodie à recentioribus despici, atque obiurgari: & meritò quidem, non enim si talis est; ut reverà, talem esse fatentur plures, est ratio, cur non appelletur talis. Hinc sufficienter mihi videtur satisfactum Censoribus; imò Sacra Facultas, cum has Propositiones Censuræ non adiudicet, tacitè videtur eas substinerè; nec libet alios recentiores Theologos addere.

114 Sed dices: D. Thomas in 3. dist. 4. q. 1. art. 2. quæstiuncula 1. agens de hac questione, & locutione, sic fatur: Sed hoc (nempe Christum esse Filius totius Trinitatis) quidam negant, non tanquam simpli- citer falsum; sed tanquam inconvenienter dictum, propter occasionem errandi cerca æternam generationem filij: illos autem quosdam, suspi- catur Petrus de Mendoza esse Alensiū in 2. p. quæst. 8. memb. 3. art. 4. & S. Bonaventuram dist. 4. q. 3. Syncronos, & Divi Thomæ cœtaneos: non ergò locutio, quæ vel teste Divo Thoma, Alensi, Bonaventura, Mendoza, Suario, & alijs, inducere potest in errorem, uno Augustino Bernal refragante, erit sine erroris periculo substinenda.

115 Sed contra est: quia D. Thomas loquutionem non improbat, sed ab aliquibus improbari refert; nec Petrus de Mendoza assertivè Alensi, & Bonav. illam tribuit loquutionis Censuram, sed conie- cturaliter: nec P. Suarez nimis in locutionem offendit, cum tantum dicat, cavendam propter castum loquendi modum; at vero, cum nec castus

67

castus loquendi modus hac locutione, nostris his temporibus, vulneratur; nec ex eo quod ab illis, in hæc nostra tempora, quaestio sit plures exagitata, proposita, & discussa ab ullo, quo sciam, eiusmodi locutio est reprehensa; satis evincitur auribus fidelium, quos hoc nostro saeculo instructiores in Mysterijs Fidei, & veritatibus Catholicis ambigit nemo; ut est, revera assuevit. Cessante ergo periculo, properet clariorem notitiam Mysteriorum, & explicatiorem instructionem, non est cur locutionem abhorreamus; cunctæ & opiniones, & locutiones antiquari contingat.

116 Occurrit in exemplum locutio illa, qua Thomistæ affirmant in Deo dari unam subsistentiam communem tribus Divinis Personis, eamque esse absolutam; per quam natura Divina existit per se, per seitate excludente dependentiam à subsistentia, non tamen per seitate excludente incommunicabilitatem. Et licet Patrum, Conciliorum, & Theologorum locutio pro subsistentia, in secundo sensu semper usurpari solita contra Thomistas producatur; Illustrissimus Godoy disp. 84. §. 3. admittens frequentiorem usum huius vocis hypostasis, sive subsistentię fuisse pro existentia, excludente communicabilitatem; hoc tamen non obesse, quominus, & in sensu à Thomistis recepto, etiam accipiatur. Non aliter & nos, licet concedamus hanc locutionem, quæ Christus secundum Humanitatem dicitur Filius totius Trinitatis, esse minus usitatam: præopposita, sed non proinde periculosa censenda; nec Censuram antiquorum admittimus, nec recentiorum approbamus; sed sanam, & nullo expositam scrupulo credimus: nec etiam novum est, plures Doctores damnare aliquam opinionem, & à pluribus alijs eadem à Censura liberari, manente Propositione in probabilitatis gradu; ut mille poterat exemplis permixtum fieri; ast de his in Crisi iterum agemus.

CRISIS THEOLOGICA IN DEPUTATORVM, & Sacrae Facultatis Censuram.

117 IN Deputatorum Censura tres confixa sunt Propositiones præcedentes; Sacra vero Facultas ex tribus, illam, quæ Verbum nomine Humanitatis intercessisse aiebat, iudicio indixit: duæ aliæ, quæ Patrem, pluraliter loquentem, enunciabant, interim sunt manumissa; sed Censura Sacrae Facultatis, & Deputatorum ferè eadem permanit; hoc solum discrimine, quod Sacrae Facultatis vitta tantum ad unam Deputatorum, ad tres fuit protensa. Singula breviter examinemus.

118 Et quidem: Verbum nomine Humanitatis intercessisse pro-

hominibus; nec malè sonare in fide, nec esse locutionem Divinitati Verbi iniuriosam, iam supra ostendimus: vnde pro Crisi stabit intergra Dissertatio quarta, qua convincitur fuisse temerè, & in iniuriosa nota hæc locutioni impacta. De Censura Deputatorum sit nobis sermo: *Hæ Propositiones continent doctrinam, quæ aperte derogat Divinitati Verbi, male sonat in fide, & in heresim inducit.* Ita illi.

119 Sed reverè decepti sunt, & ineptè Censuram sunt etiam meditati: non enim Propositiones illæ continent doctrinam, quæ aperte Divinitati Verbi deroget; sed si quid tale continent; non doctrinam; sed locutionem, sive loquendi modum continent: doctrina enim duplicis Propositionis, scilicet: *Filius noster operabitur; Filius noster descendet, sanissima est, probabilissimaque est iudicata ab omnibus, qui Christum Filium Trinitatis defendunt, secundum Humanitatem, ratione vnionis hypostaticæ, neque in doctrina heret ullus; sed in loquendi modum animadvertisunt; vt sect. I. latè à nobis est declaratum.* Si ergò Deputati DD. qui locutionem non sustinent, legerunt; poterant recognoscere, & doctrinam approbare. Quare ita erat Censura confienda: *Hæ Propositiones continent locutionem, &c. von vero continent doctrinam, &c.*

120 Sed neque Censura debuit in locutionem deflecti, quia etsi minus usitata est, non tamen est proinde reprehendenda; vt enim exemplo subsistentiæ communis ostendimus, modus ille loquendi ex eo ab aliquibus impugnatur, quia quartam personam videtur adstruere in Mysterio Trinitatis, nec proinde à suis Patronis deseritur; sed enixè defenditur, & minus esse in vsu conceditur; & olim fuisse, vt Illustrissimus Godoy fatetur. Præterea locutionem defendit P. Bernál; & defendant clavisimi Theologi: illam tuerit Author satisfactionis pro Religione S. Francisci; Illustrissimus Samaniego; Reverendissimus P. Ioannes Muniessa, Sanctæ Inquisitionis Qualificator, & Regius Concionator: R. P. Fr. Andræas de Guadalupe, Lector Jubilatus, Sancti Officij Qualificator, & Augustissimæ Imperatricis Confessionibus: Reverendissimus Christophorus à Delgadillo, Custos Provinciæ Castellanæ: R. P. Fr. Andræas de Fuenmayor, V. Matris Confessarius: R. P. Fr. Bartholomæus de Gracia & Escanuela, quibus omnibus Reverendissimus tunc totius Ordinis Generalis, & postmodum Illustrissimus Cordubensis Episcopus D. Alfonsus Salizanes, libros V. Matris recognoscendos, & approbando commisit, litteris à se datis Matriti, die 12. Novembris ann. 1668. Accedunt Illustrissimus D. Fr. Didacus à Sylva, Ordinis Benedictini Generalis, & Episcopus Guadixensis: Excellentissimus D. D. Michael Escartin, Episcopus Tarazonensis: his ergò litteris, doctrina, & eruditione conspicuis,

Modus ille loquendi arrisit , arridetque integrum Opus.

121 Nec Deputatos increparerat ullus, si tanquam DD. privati, vel scribendo, vel dictando locutionem reprehenderent, ut novissimè Jacobus Plateli de Incarnat. cap. 7. §. 4. num. 399. §. Cum verò, licet in bono sensu admirat quod Christus, qua Homo, dici possit Filius Spiritus Sancti, & sui ipsius, qua Deus; monet tamen, lecutus Suarium, ita non esse usurpandum, sine sufficienti explicatione, quam in contextu harum loquutionum præmissile V. Matrem, supra notavimus. At verò irasci, & indignati adversus Deputatos, necesse fuit, & est cum locutiones prædictas examini, & iudicio subiectas damnant, & expungunt; quia quando plures DD. aliquam Propositionem condemnant, & alij eandem à Censura absolvunt; talis Propositio & est probabilis, & expungi non debet, in consulta S. Sede: vi Bellarminus lib. 3. de Interpret. Verbi Dei, cap. 7. tenet ex pluribus Concilijs, & Pontificibus, apud ipsum videndis; & firmat Albertinus de cognoscendis assertiōnibus Catholicis q. 8. citans Gersonem, & cap. Quoties 2. q. 1. & caput Maiores de Baptismo: hoc principio innixi Vazquez 1. 2. disp. 61. cap. 1. Torres de fide, disp. 55. dub. 3. Azebedo lib. 1. num. 59. lib. 8. Recopilat. affirmant, non esse damnandam opinionem, tanquam dissonam, hæreticam, aut erroneam; de qua probabilitè alij assuerunt, talem non esse, vt in præfatis locutionibus contingit, quas sustinendas affirmant citati DD. et si non usurpandas autument alij Theologi etiam citati: ergò temere Deputati statutū illarum Propositionum non attendentes, & præsumptuosè tumentes Censuræ manciparunt; quia fieri potest, vt quæ olim pro certissimis sunt habitæ opinione, successu temporis, à probabilitate cadant, & contraria allurgant, quæ forte obiurgatae à veteribus, & recentioribus obvijs vlnis accipientur, & commendentur.

122 Virgilius quidem Selburghensis Episcopus homines Antipodas, pedibus nobis adverisis, terram calcantes ad annos 742. natū Christi esse defendit; quem nimis obiurgavit Zacharias Romanus Pontifex, vt referunt Keplerus, & Lansbergius: hæc tamen opinio obiurgata, reprehensa, & proscripta, & Aug. iudicio, atque Laetant. irritata; exorta est iterum, & felicitè in veritatem certam est translata ad annos 1492. regnante Ferdinando, & Elisabetha, Dominis meis præclarissimis, in Hispania: ergò exolum Antipodarum nomen, iam hodie est indubitatum. Aliud, quovis imaginabili insignius, exemplum huius vicii studinis repono: olim in Academia Patiensi nemini licet in Aulis publicis defendere, & Scholasticè docere immaculatum Deiparæ conceptum ab originaria labe illimum; id enim non permisit Mauritius Episcopus, & Mauritij mandato obtemperantes, piam

70

opinionem ab Universitate DD. Parisienses relegaverant ab anno
1175. vt testis est Altisiodorensis lib. 3. sum. tract. 1. cap. 3. & Vincen-
tius de Castro-Novo cap. 20. At duobus saeculis transactis, cepit radi-
ces agere opinio pia in eadem Universitate; ita ut iam iuramento ob-
stricti sint Parisienses immunitatem defendere, & pro viribus propug-
nare. Nec abs re erit adiungere, quod Catharino accidit, qui ab aliis
quibus sugillatus est erroneus, eo quod docuerit Virginem fuisse con-
ceptam absque peccato originali, quæ sententia modò in eximum
certitudinis gradum est evecta.

123 Si ergo, quod DD. vnam opinionem reprehendant, quam
cuentur alij liberam à Censura, reddit opinionem, etiam obiurgatam,
& reprehensam: & si Deputatis libenter concedamus locutiones præ-
fatas, apud aliquos Theologos male audire, non proinde Censuram
inustam approbamus; sed temerariam, & præsumptuosam esse pro-
nuntiamus; ut ex dictis satis suadetur, & amplius ex dicendis in alijs
Crisibus apparebit. Ex num. 8. Censurę Deputat. ex art. 4. Censurę Sa-
cræ Facultatis.

DISSERTATIO SEPTIMA.

CIRCA ARTICVL. VIII. DEPVTAT. & quartum Sacre Facultatis.

Vtrum in capitibus 13. 14. & 15. huius prime Partis respondentibus paginis 204. 229. 230. 232. versionis Gallicæ, contineantur Propositiones castarum aurium offensivæ.

124 **H**ebræorum lingua vocatur Sancta; & inter totius Or-
bis idiomata, singulare hoc epitasi insignitur. Et cur? Egregiè Rabbi Moyses appellationis causam est assecutus: Recte vo-
catum est hoc linguagium SANCTVM, in ipso namque non invenies ve-
rum nomen, & proprium fornicationis; neque invenies nomen impositum
alicui membro, quod turpe est nominare. Ita ille lib. 3. Deut. cap. 10. Elo-
quia Domini eloquia casta, argentum igne examinatum; honestissime, ca-
stissime, & modestissime Deus ubique loquitur; & Dei eloquia adul-
teraret, qui non sanctissime loqueretur; & limpidissime accepta, can-
didissime referret: ergo si V. Mater ita est locuta, ut castas aures of-
fendat eius linguagium; non quæ à Deo accepit, nobis exposuit; aut
Dei eloquia fædissime deturpavit? Sin minus, honestissime est locuta,

alterum è duobus necesse est suspicari; aut Traductorem limpidissima fluenta Hispanici idiomatis conspurcasse, aut linguam Gallicam indigam castatum vocum lubrica quæque honestè exprimere non valere; vel addam tertium (quod eo minus mihi persuadere possum, quo magis Sacram Facultatem revereor) Sacram Facultatem loca confixa non vidisse; aut visa, non intellexisse.

125 Eo solicitus, & attentius paginas proscriptas evolvi, qua fædus Historiam in illis criminabatur peccasse; & in capitibus 13. & 14. fere nihil inveniri est, quod vel ex materia redolere possit castarum aurum confusionem: cap. 13. num. 177. numeri argumentum est: Deum Angelis manifestasse Ioachimi, & Annæ electionem in Parentes Deiparae prædefinitos: ibidem destinatur in Nuntium Gabrielis prolius suscipienda num. 178. norma Nuntio traditur, & legationis instruclio: nominisque Mariæ, prima proditur impositio: num. 179. legationis executio Ioachimo facta refertur, & oblatio Filiae in templum intimatur: num. 180. gratitudo Ioachimi his cœlestibus gratijs, & favoribus debita refertur: num. 181. Annæ oratio pro adventu Redemptoris narratur; & desideria, quibus Matrem Dei videre cupiebat, ponderantur: num. 182. parilitas, & similitudo legationis ad Virginis Conceptionem, & Verbi Incarnationem profertur: num. 183. legationis Archangeli Annæ facta executio depingitur, & Christi Matris Mater Anna declaratur, prædictionisque secretum indicavit: num. 184. cordis exultatio, qua Anna promissionem suscepit, describitur, occursus Annæ, & Ioachimi in Templo refertur; & promissionis collatio ab invicem scribitur: Votumque de offerenda, & divino servitio in Templo mancipanda Filia denuò emittitur: num. 185. Annæ fidelitas in asservando Sacramento ab Angelo intimato, etiam Ioachimo viro suo, extollitur: num. 186. singularis favoris Annæ à Deo collecti, post Corporis Sacratissimæ Filiae Conceptionem, ante animæ infusione species editur; atque revelatio divina immediatè Annæ à Deo facta, exaratur: num. 187. Anna inter omnes prima assentitur, cui Deus revelavit Mariam Filiam suam futuram Dei Matrem: gratiarum actiones, pro tanto beneficio, Annæ recensentur: num. 188. notitia Mysterij Dominicæ Incarnationis Annæ confertur.

126 Hæc argumenta sunt numerorum huius capituli 13. quæ ut ad speciem nihil dissonum in operis contextura offerunt; sic nec absconum quidquam, me hercle obvolvunt; nec video, etiamsi Traductor stupidus, & parum cautus Croset fingatur: quæ pacta, nisi fingendo, addendo, & à proposito deviando, lubricum verbum inseruerit, aut minus castigatum in hoc odorifero castimonix, & honestatis feraci campo. Ulterius cap. 14. hoc præfigitur argumentum: *Quomodo Altissi-*

mus Sanctis Angelis tempus opportunum ; & prædefinitum ostenderet
Conceptionis Mariae Sanctissimæ , & quos Angelos in eius custodiam as-
signavit. Huic capituli synopsi congruit contextus , & uti materia An-
gelicam puritatem redolebat ; sic integra narratio ore Angelico est
concinata, atque contexta.

127 Tandem cap. 15. de Conceptione Deiparæ agit : & num.
208. delineamenta divini artificij ad hoc opus construendum narrat:
num. 209. etatem, sobrietatem , munditiam utriusque Parentis ex-
tollit: num. 210. gratiæ , & naturæ officia erga purissimum Concep-
tum, puritate, qua nulla maior; & honestate, qua nulla circumscrip-
tor, declarat: num. 211. naturæ , & gratiæ concursus in Conceptione Dei-
paræ, lucis penicillo exaratur : num. 212. modus miraculosus , quo
Deus Annæ sterilitati occurrit , non atramento calamo tincto , sed
niveis candoribus madefacto, exponitur: num. 213. utriusque Paren-
tis congressus à concupiscentiæ , & delectationis fusco eliminatus;
Dei virtute producitur: sed quibus verbis ? Quis vocibus usus ? Sanctæ
igne divino purificatis labijs est locuta : penna Angelica est integer
numerus delineatus, ut sapientissimos quosque , nostrique idiomatis
visos criticos, vel hinc in commendationem Hispanicæ linguae effu-
sos, non semel exceperim aientes; nec purius, nec honestius , nec nitidius,
vel à Latinis materies adeò exosa , argumentum periculosem
ad eo colorari potuisse, vt est à V. Matre picturatum; ita ut sensum
quivis assequatur; interim, vel cuiusvis audentioris animi in frunitis
moribus soporatis, depremis, atque pesundatis: num. 214. Corporis Sa-
crautissimæ Virginis temperiem speculatur, physicorum terminis mi-
tra dexteritate ludit; sed hic dissonantia illa , vel delicatissimis forci-
pibus vellicari non potest: num. 215. 216. & deinceps eadem mo-
destia loquitur, nullibi lapsam oculatissimi viderunt. Vnde Pater Cro-
iset verba illa castarum aurum offensiva huc advexit ? Nisi ex patrum
castigata, atque correpta versione pullulasle dicamus ; vnde orta ag-
noscamus, nescimus.

128 Rectè mihi videtur Traductori Celensis verba ex lib. 9.
Epist. 10. accommodari posse : *Compatior insolentiae tuae , qui de excel-
lentissimis nostræ Virginis montibus ad profundissimam vallem descen-
disti , ne diecum corruisti. Licet enim in illa nibil sit verecundum ; tamen
nostræ fragilitatis tetrica memoria , cum audierit nominari aliqua vix
à sua excutietur palude ; vix incipiet , non solita cogitare : in Virgine
igitur talia Sacrae sanctis cortinis potius volo honorando involvere , quam
audis nominibus contrectare ; virgo certè virginis verbis , & sancto ves-
timente consecratis , delectatur affari. Ita sanctæ virgo Agrediensis de
Virginis Conceptione est locuta ; quod si nudis verbis , infandis*

hominibus nitidissimam eius narrationem ignorantē conspurcavit Croset, atque maculavit; inepta eius versio abradatur, comburatur, incineretur; eiusque stoliditati compatiamur, qui chrysallo lucidiores aquas, quas Hispānicē ebibit, fētulentas evomit Gallicē. Censuraque Sacræ Facultatis, imò totius Orbis Christiani traductio afficiatur.

129 Sed quoniam eo mihi tendere videtur Sacræ Facultatis, & Deputatorum Censura, ut velint, non tām locutionibus, quām argumento, & tractatione aures piorum offendit; non enim audeo iudicare Croset virum Religiosum, adeò insolentē in traductione exorbitare: Crisis in Censuram erit adnectenda.

C R I S I S I N D E P U T A T O R V M , E T S A C R A E

Facultatis Censuram.

130 **S**Onus aurium piarum offensivus non æquè omnibus suffrat, & tinnit Doctoribus. Pater Suarez disp. 19. de fide nonnullos refert sect. 2. num. 18. qui Propositiones hæresim sapientes male sonare in fide, contendunt; hasque esse reverā piarum aurium offensivas: sed me iudice, severiorem notam hæresim sapientium; cum minus secura male sonantium confundunt hi Doctores: quidquid autem sit in prædictis numeris, & capitibus, nulla hæresim sapiens Propositio invenitur. Simancas aliter de Catholicis instit. tit. 5⁴. num. 16. Propositionem piarum aurium offensivam reputat illam, quæ audientibus, aut legentibus scandalum generat, & ruinæ tribuit occasionem. Sed quam, vel perditissimis moribus assuetis hominibus, lapsus occasionem poterit præstare illis in locis Historiā, quæ vbique modestiæ, honestatis, atque candoris spirat gratissimum odorem? Ludovicus Carbo aliter Propositiones prædictas definit, cap. 20. lib. 4. introduct. in Theolog. Aliter Iacobus Plateli de fide, part. 3. cap. 1. §. 7. à num. 289. aliter alij: ut ergo in qua specie offensionis præfatas Propositiones esse contentas sciamus, Deputatis, & Sacræ Facultati incumbebat offensionem determinate, & aurium piarum iniuriam patefacere: quis ergo sonus iste est? Quæ hęc offensio? At cum nulla determinatē alsignetur, nulla in communi reputatur. Si quis alterum accusans, dicat illum esse magnum peccatorem ex malitia, vel indignatione actoris; nullius esse criminis reum pronuntiabo; vel dicat offensus, & accusator scelerum species, delictorum genera: quod si nulla producat, ipsum potius, velut infamiaē illatę, reum tenebor condemnare: Can. Qui non probare 2.q.3. & Can. Qui crimen 2.q. 8, & cap. Extra de calumnijs.

131 Iam verò, licet species offensionis à Sacra Facultate non explicitur; coniicitur tamen ex argumento adiecto, & materia Censuræ supposita, offensionis genus: scilicet de Conceptu Virginis param honestè Agrediensem fuisse ratiocinatam; aut non debuisse eiusmodi tractationem subire: quod ad tractationem attinet, longè subtilia tractarunt S. Thomas in 3. d. 12. quæst. 3. art. 1. & Scholastici ibidem. Albertus Magn. in libro super Missus est, agit de apparitione Sancti Gabrielis; & an specie serpentina, an columbina, an humana apparuerit, rogat: in qua ætate, quo sexu, qua hora, qua veste, candida, an bicolorata. Et Sanct. Antoninus 4. part. tit. 15. agit, an si Deipara fuisset vir, potuisset esse naturalis patens Christi, & his similia plura, quæ Ven. Mater in sua Historia omisit. Quoadmodum loquendi spectat, supra ostensum est purissimè, & honestissimè fuisse locutam, ut decebat Scriptricem Religiosam, vulgari lingua videntem; & longè purius, & captius, quam S. Birgitta lib. 1. cap. 9. & lib. 6. cap. 55. & alibi loquitur: de qua etiam materia scripsit Castro de Vita Virginis, Bonifacius, Constantinus, Nicephorus, Baronius, Sanct. Hieronymus, Sanct. Damascenus, & alij innumeri. Non ergò propter Pharisaicum scandalum Sacrae Facultatis, & Deputatorum, pagi, næ illæ erunt delendæ.

DISSERTATIO OCTAVA.

CIRCA ARTIC. VI. SACRÆ FACULTATIS: & decimum Deputatorum.

VTRVM SACRATISSIMA VIRGO DESCENDERIT
ornata, & Deo præparata, qui ei dedit id, quod voluit; eique
voluit dare totum id, quod potuit; & ei potuit dare totum id;
quod non erat esse Dei.

132 **I**Ta legitur in Authographo Hispano Propositio in periculum Dissertationis vocata; non nihil variavit, aut imminuit sensum Traductor, vertens, ly *Et Deo præparata;* aliter *nimirum ita, ditata pro Deo;* licet enim gratiarum, dotum, & divitiarum supernaturalium Virgini collatarum Author sit Deus, & à Deo ornata efficienter, & ditata sit Virgo; tamei finis huius exhortationis luculentè exprimitur, cum ipsi Deo præparata enunciatur; sicut Sponsa ornatur viro suo, & à viro suo; ut tam exhortationis causa ef-

ficiens; quam finalis inuatur; ut dicitur Apocalyps. 21. num. 2. Nec dissimulari debuit lapsus Traductoris, ex cuius emendatione resolutio totius huius difficultatis penderet, quam tribus Sectionibus absolutam dabimus.

SECTIO PRIMA.

NONNULLA PRÆMITTVNTVR : ET PRIMA Conclusio proponitur.

133. IN primis præmittendum est, Ven. Matrem à num. 248. I incipiisse exponere illa verba Apocalypsis, cap. 21. Vidi Civitatem Sanctam Ierusalem novam descendentem de Cœlo, à Deo paratam, sicut Sponsam ornatam viro suo: quæ Mysticæ ad Deiparam deflectit; & hoc num. 251. ab illis verbis: Descendentem de Cœlo, à Deo paratam, sicut Sponsam ornatam viro suo, interpretationem cęptam prosecuta est.

134 Secundò est præmittendum, hoc toto numero de gratijs, donis, privilegijs, & dotibus supernaturalibus, quibus in Matrem Filij, & Sponsam totius Trinitatis ornabatur Deipara, & preparabatur, esse sermonem: ita ab illis verbis colligitur: Et hic adventus, & ingressus (in mundum) tot, tantisque Divinitatis donis fuit factus, ut eorum Lux ipsam, Aurora elegantiorem, Luna pulchriorem, Soleque ipso selectiorem, & singulariorem reddidit, nulli secundam, fortiori, atque potentiore omnibus Cœli exercitibus, atque Sanctorum; & hinc: Descendit ornata, &c.

135 Tertiò præmittendum est intuitu Maternitatis, & huius admirabilis dignitatis, fuisse Virgini collatas has gratias, & dona; ut aperte inuitur per ly, Descendit ornata, & præparata Deo, qui dedit ei, quod voluit, &c. Ut David de Templo à Salomone ædificando dixit: Opus grande est, neque enim homini preparatur habitatio, sed Deo, 1. Paralip. 29. vnde Ven. Mater consentit Sanctis Patribus, & Doctoribus, unanimiter aientibus prærogativas omnes, & privilegia gratiæ, quæ in Beata Virgine inveniuntur, fuisse collatas, & debitas conferri ratione Maternitatis. Ita D. Thom. 3. part. quæst. 27. art. 5. in corp. Ex ea accepit humanitatem; & ideo præceteris maiorem debuit à Christo gratiæ plenitudinem obtinere. Et Sanctus Augustinus. de natura, & gratia, cap. 36. subintulit ex dignitate Matris eximiæ gratiæ collationem: Inde enim scimus, quod ei plus gratiæ collatum fuerit, ad vincendum omni ex parte peccatum, quod contriperere, ac parere meruit eum, quem constat nullum habuisse peccatum. Vi-

Deatur Pater Suarez tom. 2. in 3. part. disp. 1. sect. 2. Et Pater Rispalda tom. 2. de ente supernaturali, disp. 79. sect. 7. Pater Petrus Morales in caput primum Matthæi, lib. 3. tract. 7. num. 22. Et Pater Ioannes de Cardenas in suo Geminus Sydere, disp. 1. cap. 6. num. 88. & 89. ubi ad satietatem Theologos, & Interpretes reseru iuniores, & veteres, pro firmando hac veritate.

136 Quartò præmittendum est: tunc verè dici posse, Deum alii cui dare totum, quod potuit; cum nihil maius, aut excellentius in eo ordine est possibile, quod illi conferatur; si enim alicui Deus daret donum, quo meliora, & excellentiora multa, aut aliqua es- sent possibilia; tunc non verificaretur, ei dedisse totum, quod potuit; sed totum, quod voluit; ut ergo utrumque verificetur in aliquo eventu, necesse est, quod in tota possibilitatis sphaera, non restet aliud, aut melius, aut excellentius donum, quod Deus possit dare: in hac hypothesi sane verificatur, & quod Deus dedit, quod voluit, & quod voluit dare, quod potuit, ut est per se notum.

137 His præmissis, sit prima Conclusio nostra cum Ven. Matre: Deus Sacratissima Virgini dedit totum id, quod voluit; eique voluit dare totum id, quod potuit. Probo Propositionem, & Conclusionem Patrum, & Theologorum auctoritate; eandem deinde probatur rationibus. Guillelmus Parisiensis Parisiensibus in 1. loco est obijcendus: in festo Concept. quæst. 3. pro expendendis donis, Deiparae collatis, hanc omnibus præfigit regulam: Quod Deus potuit facere, & decuit, hoc fecit. Pater Salmeron tom. 3. tract. 5. §. Nobis vero, inquit: Quædam etiam, quæ nulli alteri competunt, modò constet, Deum posse, & decere donare, atque illam posse accipere, dedisse, ne dubites: Clarius tract. 12. §. Deinde: Deus hoc efficere poterat, hoc etiam facere, illum decebat: fecisse ergo ne dubitemus.

138 In assertis Salmanticensibus Patris Ioannis Barbiani assert. 2. sic celeberrima toto Orbe illa Universitas, audivit: Reliquis omnibus possibilibus donis, atque perfectionibus cumulatam fuisse propugnamus, scilicet conferri, ei decuisse, quidquid ei conferri potuit, nisi ex adverso manifesta probetur indecentia; quasi per se notum accipimus. Et infra, assert. 3. Itaque omni gratia, omni plenitudine, omni ratione plenitudinis, & omnibus modis gratia plenam fuisse volumus, & omnia illustria, & gloria in reliquis omnibus, ac singulis, sive Angellis, sive hominibus, vlo rñquam tempore dispersa, collatim in ipsam, summa cum accessione, fluxisse; ex ipsis, veluti terminis, non solum existimamus, & c. Unde non aliam privilegiorum ipsius mensuram, nisi solum Dei potentiam assignamus. Eandem regulam approbat Suarez tom. 2. in 3. part. disp. 3. sect. 5. §. 5. ratio, ibi: Ex quibus etiam

Etiam, veluti inductione quadam, concluditur mysteria gratiae, que Deus in Virgine operatus est, non esse ordinarijs legibus metienda, sed Divina Omnipotentia, supposita rei decentia, absqueulla Scripturarum contradictione, aut repugnantia.

139 Ex quibus sic accingor syllogizare: Deus, quidquid gratarum, & donorum voluit conferre Beatae Virgini, contulit; at voluit quidquid potuit: ergo dedit quidquid potuit. Probatur minor constanti citatorum Doctorum consensu; regulam privilegiorum Deiparæ esse statuendam Divinam Omnipotentiam. Deinde probatur duplici statuta Conclusionem à Patre Ioanne de Cardenas libello, cui titulus est Geminus Sydus: prima, disp. 1. num. 3. quæ sic se habet: *Igitur Conclusio nostra continet duas partes, & dignitatem Maternitatis Dei esse simplicitè infinitam, & illam tantam esse, quanta possibilis est in pura creatura; adeò, ut omnino impossibilis sit maior dignitas in pura creatura.* Ex hac Conclusione, quam probat latissimè Sanctorum Patrum testimonijs, copiosa rationum varietate, atque Theologorum plurium consensu: secundam proponit disp. 2. num. 33. in hunc modum: *Sanctissima Virgo habuit totam gratiam sanctificantem possibilem; sed tota gratia possibilis in pura creatura necessario est infinita simplicitè: ergo Beata Virgo habuit gratiam simplicitè infinitam.* Maiorem supponit, cap. 1. & 2. latissimè probatam doctrinis Theologorum: minorem probat autoritate Sanct. Anselmi lib. de Concept. Virginis, cap. 18. *Decebat, ut illius hominis Conceptio de Matre purissima fieret: nempe decens erat, ut ea puritate, qua maior sub Deo nequit intelligi, virgo illa niteret.*

140 Similiter loquitur Sanct. Antoninus part. 4. tit. 15. cap. 20. §. 7. Bartholomeus de Pisis, lib. 7. de Laudibus Virg. fruc. 6. pag. 220. Pelvartus in Stellario, lib. 1. part. 5. art. 2. cap. 3. vbi sic ait: *Per hoc, quod dicitur gratia plena, intelligitur preeminentia sanctitatis, quae in hoc attenditur, quod ipsa super omnes Angelos, & Santos infra Deum est Sanctissima, & Purissima, ea puritate, qua sub Deo maior nequit intelligi.* Bernardinus de Bust. in Mariali, 4. part. ferm. 10. Abulensis paradox. 1. cap. 6. August. de Ancona in expositione salutat. Angelicæ, lect. 6. Ambr. Spiera, Daniel Agricola, Armando de Bellovito, Alanus Varenius apud Cardenas disp. 2. cap. 3. quod absolvit dicto Beati Andreæ Apostoli apud revelationes B. Amadæ raptu 8. ibi: *lustum, & rationabile fuit, ut Mater Dei tanta puritate splenderet, & tanta pulchritudine fulgeret, ut sub Domini nostri pulchritudine, nulla interris, aut in Cœlis maior cogitari possit.* Deinde cap. 4. citat pro hac Conclusione sua Chrysostomum sermone de Bea-

Beata Maria apud Metaphrastem, Ambros. lib. 2. de Virginibus. Sanct. August. apud Aegidium Roman. tom. 3. Bibliothecæ Virg. Andraeam Cretensem serm. 1. de dormitione Deiparæ. Basilium in Catena D. Thomæ, cap. 1. Lucæ, Hieronymum sive, ut alij malunt, Sophronium, serm. de Assumpt. Bernardinum Senensem tom. 1. serm. 61. art. 2. cap. 10. Bernard. serm. de Nativitat. Chrysologum, serm. 143. Laurentium Iustinianum serm. de Assumpt. Bonav. serm. 3. de Beata Maria. Angelicum Doctorem 3. p. q. 27. art. 5. in corp. aliquoque innumeris ferè Patres, quos apud ipsum invenies.


141 Modò iterum sic libet ratiocinari: tunc Deus verè dici potest, quod dedit quidquid potuit; quando sub Deo nequit intelligi aliquid, quod supersit donandum, aut melius, aut dignius, aut excellentius; sed sub Deo nequit intelligi iuxta Patrum dicta, proximè adducta, melius quidquam, aut maius, quam id, quod contulit Deiparæ: ergò Deiparæ contulit totum id, quod potuit: vel quo patet; si posset intelligi sub Deo quidquam melius, aut excellentius ijs, aut eo, quod Matri dedit; tot Patrum locutiones erunt capienda. Appositè Bernard. de Busto 12. part. Marialis, serm. 2. sic cum D. Bonavent. fatur: *Deus namque illi contulit tantam bonitatem, ac gratiam, tantamque dignitatem, quod maiorem alicui puræ creaturæ, non vnitæ personaliter conferre non potuit. Quid clarius?* Modò audiendus Sanct. Bonavent. in speculo, cap. 4. *Ipsa est, qua maiorem Deus facere non posset. Maiorem mundum facere posset Deus, maius Cœlum facere posset Deus; maiorem Matrem, quam Matrem Dei non posset facere Deus.* Unde Bernardinus ait: *Neque enim decebat Deum alia Mater, quam Virgo; neque Virginem alias Filium, quam Deus; quia nec maior inter Matres, nec maior inter Filios nasci potuit.*

142 Richardus de Sancto Laurentio, lib. de Laudibus, cap. 4. sic ait: *Ipsa autem sic usquequa gratia plena fuit, quia maiorem gratiam habere non potuit, nisi ipsa Divinitati uniretur; hoc est, nisi ipsa esset Deus.* Sanct. Petrus Damianus sermone 47. *Quidquid enim sanctitatis, quid iustitiae, quid religionis, quid perfectionis singulari huic Virginis deesse potuit, quæ totius Divinæ gratiæ charismate plena fuit?* Dionysius Richelius lib. 1. de Laudib. Virginis, art. 26. relatis varijs gratiarum donis, ait: *Nunquid parva sunt ista? Nonne tam magna, tam summa, & singularia sunt, ut puræ creaturæ, citra personalem unionem cum Verbo Æterno, maiora dari non valeant?* Sanct. Thomas à Villanova concione 3. de Nativit. *De his quid dicere possumus, nisi quod illi datum est, quantum capax est pura creatura?* Simili-

littere loquitur Almañces in 3. dist. 3. quæst. 2. Nota 3. Anteolos in
 3. dist. 3. quæst. vnica , att. 7. §. Effectus : pudet transcribere alios
 innumeratos , quos Pater Cardenas concessit , disp. 2. cap. 5: &
 cap. 6. Recentiores citans , producit Salmeron , Sanderum , Chry-
 sostom. à Visitatione , Parr. Ludovicum de Ponte , Patrem Benedi-
 ctum Fernandez , Ludovicum Granatensem , Hieronymum de Orria-
 chea , Adamum Broverum , Alexium à Salo , Albertum de Marquesijs ,
 Angelum de Pace .

143 Ex horum omnium loquendi modis , quod scilicet Dei-
 para accepit dona , quorum capax erat , gratiam simplicitè insi-
 nitam , summam , maximam , quod ei nihil defuit ; quod Deus de-
 dit , quod potuit dare : manifestè deducitur gratias , & dona , qui-
 bus descendit ornata , & præparata Deo metiendas , proflus esse
 mensura Divine Omnipotentiæ , quæ dedit ei , quidquid potuit , &
 dedit ei totum , cuius capax erat ; & dedit ei , quid possibile fuit
 dare ; ut repugnet amplius , aut melius , aut minus quidquam puto
 creaturæ donari : ergo propositio illa Vener. Matris : *Dedit ei quod
 voluit , eique voluit dare totum id , quod potuit : nec nova , nec singu-
 laris , nec falsa , nec temeraria , nec Evangelicæ veritati contraria est :*
 alioqui Evangelicæ veritati oppositos Sanctissimos Patres , Docto-
 res , & Interpretes , qui eandem docuerunt , fatendum erit : at quis
 sibi hoc persuadet ? Videat Sacra Facultas , quo examine , qua dili-
 gentia , quibus studijs ! Deputati notissimam , vocalissimam

Propositionem damnarunt , & Censuræ se
 opposuerunt ?



SECTIO SECUNDA.

D E I P A R A E D E D I T D E V S T O T V M I D,
quod non erat esse Dei.

144 **H**ec nostra Conclusio est secunda, quam ex Sanctis
Patr. sic probo: ex Anselmo libro de Concept.
Virgin. apud Pelbartum lib. 2. Stellarij, part. 3. art. 1. cap. 5. Ex
parte creature, ait Pelbartus, nihil maius potest dici, quam quod sit Ma-
ter Dei; hoc enim est summum gratiae, & glorie, qua maior creature
communicari non potuit; sicut vult Alexander de Ales 1. part. & Al-
bertus super Missus est: ideo Anselmus libro de Conceptu Virginis, dicit:
Nihil tibi Domina est aequale, nihil comparabile: omne enim, quod est,
aut supra te est, aut infra te est; quod supra te est, solus Deus est; quod
infra te est, est omne quod Deus non est. Quid aptius? Ergo Virgini de-
dit totum id, quod non erat esse Dei: siquidem sub se est totum id,
quod Deus non est; & supra se id solum, quod Deus est.

145 Sanct. Petrus Damianus serm. 44. in Nativit. Attende Se-
raphin, & in illius superioris natura supervola dignitatem, & videbis
quidquid maius est, minus Virgine; solumque Opificem opus istud super-
gredi. Sanct. Albertus Magnus tract. Bibliot. Virgin. in caput 2. Lu-
cæ, ad illa verba Gratia plena; sic ait: Nisi enim ipsa Divinitati vni-
tetur, maior gratia non potuit intelligi, quam quod de ipsa acciperetur;
scilicet quod vniatur. Nam nisi ipsa esset Deus, non posset maior gratia in-
telligi, quam quod esset Mater Dei. Hæc eadem verba mutuatus Sanct.
Antoninus à Sanct. Alberto repetit, part. 4. tom. 15. cap. 20. fol. 9.
Sanct. Thom. à Villanova concion. 3. de Nativit. S. Bernardin. tom.
3. serm. 6. art. 3. cap. 1. Abbas Celensis lib. de panibus, cap. 12. alij-
que innumeri videndi apud Cardenas, disp. 1. cap. 1. in hunc sensum
erant adducendi. Sed brevitati consulens, illos omitto.

146 Hinc non assentior Illustrissimo Samaniego varijs in locis
Quarum Notarum, videlicet Nota 25. §. 4. Nota 21. §. 2. primæ
Partis: nec Authori satisfactionis pro Religione Sancti Francisci,
Imitantibus gratias, & dona Beat. Virginis ad potentiam Dei ordi-
nariam, non audentibus ea metiti per Spheram Omnipotentis,
secundum se consideratae: non ut bene Pater Cardenas disp. 2. cap.
27. num. 483. regula, per quam mensuranda sunt Deiparae privi-
legia, sic ex plurium Theologorum iudicio, quos dedit cap. 20. est
construenda: Quando non repugnat Sacrae Scripturae, neque principijs
fidei, totum illud in ordine gratiae concedendum est Beat. Virginis, quod
Deus potest ei tribuere, & ipsa potest recipere, quodque eius dignitatem
debet

decet. Hinc statuit p̄dictus Pater Maternitatem simplicitē infinitam, disp. i. & gratiam sanctificantem, etiam infinitam simplicitē deberi titulo Matri: quæ utraque assertio eruditè, solidè, & ingeniōsè est ab eodem suffulta, & à Doctoribus Universitatis Vrsao-nensis approbata, & commendata. Imò integer Libellus, *Geminum Sydus* à p̄dicta Universitate est laudatus, & dignus habitus, qui in-ter omnium manus versetur; videatur ergo, legatur. Ibi enim in nostræ Agrediensis doctrinâ, & præsertim in huius Propositionis sensu fulcra natant, testimonia redundant.

SECTIO TERTIA.

OBJECTIS OCCVRRIMVS.

¶47. **L**icet duplex statuta Conclusio ad speciem videatur diversa, re tamen verà una est, & omnino eadem: idem est realiter, Deum dedisse Beat. Virgini totum, quod potuit, præter esse Dei; ac dedisse, & voluisse dare quidquid potuit; sed ita locutiones fuerunt à nobis distinguendæ, ut consonæ Patribus, & Theologis demonstrarentur. Quare hac Sect. quæ contra hanc Propositionem obijci possunt, dissolvam argumenta; æquè vbiique locutioni, & Conclusioni adversa.

Dices pro Deputatis, & Sacra Facultate: primo, ex hac doctrina sequi Virginem fuisse impassibilem, deinde habuisse cognitionem omnium; eo enim ipso, quod Divina Omnipotentia sit regula, qua metienda sunt dona gratiæ Deiparæ, ita ut bona sit hæc consequen-tia: Deus potest hoc facere; & Virgo habet capacitatem, ut in se fiat: ergo & ita factum est; sed hoc est à nemine concessum, imò repugnat Evangelicæ doctrinæ, & præcipue verbis illis: *Pater tuus, & ego dolentes quærebamus te.* Simeonis Prophetiæ: *Tuā ipsius animam per-transficit gladius.* Ecclesiæ consensu de transitu Virginis, &c. Ergo & eiusmodi assertio falsa est, & Evangelio iniuriosa.

¶48. Ut obiectioni satisfaciam, prius regula illa pro cognos-cendis donis, & metiendis privilegijs à nobis posita ex mente Theo-logorum, querenda est in doctrinis, & scriptis Vener. Materis; ex illa enim ferè omnes difficultates facile solvuntur, num. 1515. se-cundæ Partis, sic ait Vener. Mater: *In his favoribus, & Mysterijs Mariæ Sanctissimæ longè diversa res est investigare rationem, ob quam Altissimus illa in ipsa operatus est; ac investigare rationem, ob quam tot sæculis illa occultari passus est.* Primum metendum est, atque regulan-dum Omnipotentia Divina, atque amore immenso, quo prosecutus est Ma-trem.

trem, atque dignitate, quam ei dedit super omnes creaturas. Vides regu-
lam donorum Virginis omnipotentiam, & capacitatem Mattis? Mo-
dò limitationem accipe tertia Parte, num. 39. fine, sic ait: In illa (sci-
licet Virgine) exercuit totam virtutem Omnipotentie; nullus favor, be-
neficium nullum, etsi grande sit, denegandum est ei, quæ fuit unica, &
singularis, dummodò non dissonet veritati Catholicæ. Imò ex ore ipsius
Dei Genitricis, ait num. 623. tertiae Partis: Sciunt p̄ij, atque pruden-
tes, & ita ab illis edoc̄tum est in Ecclesia mea, regulam, qua metiuntur do-
na, quæ suscep̄i de manu Filij mei Sanctissimi, esse omnipotentiam suam, &
capacitatem meam.

149 Ex quibus omnibus iterum hic repono regulam ex mente
piorum, atque prudentium constructam apud Cardenas locis supra
citat: Quando non repugnat Sacra Scriptura, neque principijs fidei; bre-
vius Vener. Mater veritati Catholicæ, totum illud in ordine gratiæ con-
cedendum est Beat. Virgini, quod Deus potuit ei tribuere, & ipsa potest
recipere, quodque eius dignitatem decet. An non hæc regula ab innu-
meris Doctoribus, & Patribus statuta, eadem est, atque illa, quæ
usa est Ven. Mater pro donis Deiparæ extollendis? Ita sanè ut col-
latis textibus est innegabile.

150 Modò ad argumentum respondeo ex doctrina Vener. Ma-
tris, non sequi Virginem fuisse impassibilem, quia esse tales con-
trairit Catholicæ veritati; non enim regula illa generalis sine hac li-
mitatione, dummodò non opponatur Evangelicæ veritati, fuit ab
illa constructa; vt patet ex adductis verbis Vener. Matri. Præte-
reà ex eo quod non fuerit impassibilis, nec sequitur, nec sequi po-
test, quod Deus ei non dederit, quod voluerit; imò potius sequitur,
quod dedit ei quod voluit, & voluit esse passibilem: non enim Divi-
na Omnipotentia astruit regula donorum Deiparæ absque divino
beneplacito, & voluntate divina. Tandem illa Propositio, saltem de
Christo Domino, ut homine, vi unionis hypostaticæ verificanda est:
Dedit ei Deus quidquid voluit, & voluit dare quidquid potuit, & potuit
dare quidquid non erat esse Dei per identitatem: & tamen Christus fuit
passibilis; quia eiusmodi locutio non destruit divinam ordinationem;
sed potius firmat, cumque voluerit Deus Filium, quæ Hominem, esse
passibilem, nec hoc derogat excellentissimæ eius perfectioni, quæ
maior nulla est, nec esse potest; sic nec derogat infinitati gratiarum
Matrem fuisse passibilem.

151 Ad id quod additur, nimis Virginem habituram em-
nium cognitionem. Respondeo, vel cum Patre Vazquez tom. 1. in 3.
part. disp. 50. afferente, Scotum, Sanct. Bonaventuram, Gabrielem,
Almainum, Maiorem, Marsilium, Ochamum, & Aliacensem, nullas

creaturas videri in Deo ex vi visionis Beatificæ. Vnde cum Patre Ier-
iu in 1. part. disp. 51. num. 21. posse intellectum Beati videre om-
nia possibilia in Deo; cuius sententiæ sunt apud Herze Gothfredus,
Vassolis, Durandus, & Albertus. Ita Pater Ioannes de Cardenas disp.-
2. cap. 27. num. 493. apud quem soluta invenies plura alia argu-
menta, quæ ex Patre Thoma Hurtado obiecta, sibi solvenda propo-
nit, & ex Doctoribus Universitatis Vrsoensis, quibus supersedeo:
non enim animus est rem fortius protrahere; sed satis erit Orbi
Christiano ostendere, Vener. Matrem maiorum suorum leges non
despexisse, sed Catholice, & cum Patribus, & Theologis fuisse hic
locutam; ad extremum audiendus Gerson tract. 9. super Mag. qui
obiecto sibi à Discipulo simile argumentum, scilicet: *Non placet ra-*
tiocinatio aliquorum generalis, dum arguunt: Deus potuit conferre gra-
tiam hanc Matri suæ: ergo & contulit; potuit itaque dare fruitionem
patriæ ab instanti Conceptionis cum alijs multis, quæ certum est non de-
disse. Ignorantiam Discipuli Gerson, sive Magister, retundens, sub-
dit: *Quid si addatur ad posse Dei, quod hæc decuit dare Matri suæ?* Po-
terant Censores Cancellarium suum adire, vbi clara solutione do-
natur locutio Vener. Matis, ipsaque Censorum obiectio, & Cen-
sura despicitur. Nec sibi contrarius est Gerson, quando Alphabeto
88. hanc argumentationem improbat: *Maria potuit Deus conferre*
hanc gratiam: ergo contulit: quia iuxta decentiam virginitatis ean-
dem admittit, vbi supra: Crism Censuræ non adne&tam; satis enim
ex prædictis tota hac dissertatione, eius exorbitantia arguitur, at-
que temeritas accusatur: uno ferè impetu Theologos, Patres,
& Interpretes obvolvens, vt de se est
manifestum.



DISSERTATIO NONA.

EX NVM. XI. CENSVRÆ DEPVTE,
& ex art. 7. Sacre Facultatis.

*VTRVM DEI MATERNITAS, ET MATRIS
 Dei perpetua Virginitas dependeat, & originem trahat ab illibata, & Immaculata eiusdem Conceptione, vti afferitur. Propositioni subiectienda ex num. 252. primæ Partis.*

152 **P**ropositionem subdo, sic se habet: *Declaro semel, & pluries, & in r̄m veritatis, & luminis, in quo video omnia ista Mysteria inefabilia, quod omnia privilegia, omnes gratiae, omnes prærogative, omnes favores, & omnia dona purissimæ Mariæ, in eis comprehendendo dignitatem Matris Dei, dependeant, & originem trahant, secundum quod mibi revelatur, ex eo quod fuerit Immaculata, gratia plena in Conceptione sua purissima; ita ut sine hoc privilegio, omnia alia apparerent defectuosa, aut velut superbū adificium sine fundamento solido, aut proportionato.*

SECTIO PRIMA.

DEPENDENTIA HÆC SECUNDVM SE CONSIDERATA, nullis est exposita Censuris.

153 **H**æc Propositio, atque ex illa suborta Dissertatio, dupli sensu agitari potest. Vel attenta astricta dependentia secundum se, & vt iacet, vel considerata vt cohærens cum alijs principijs, quibus innititur Vener. Mater: in hac Sect. de illa agemus; prout in primo sensu se offert; in alia acturi, prout proprijs Vener. Matris principijs consona, aut dissona eiusmodi dependentia apparetur.

154 Illustrissimus Placentinus Antistes Nota 24. hanc Propositionem assunxit explicandam: & §. 1. supponit, videri Patres, atque Catholicos Doctores unanimi consensu statuisse, Maternitatent Dei esse titulum, cui omnia privilegia, dona, atque gratiarum momenta cedunt; ac proinde Maternitatem esse originem, causam, fundamentum, atque principium, vnde Abyssus gratiarum Mariæ collatum, & debet colligi, & colligitur. Idque latè probat plurimis adductis Patribus, & Doctoribus & longe plures adducit Pater Ioannes à Car-

Cardenás, disp. I. de infinita dignitate Matris Dei, cap. 6. Quare hæc poterit esse prima sententia, militans pro Maternitate, à qua vel ipsa originalis gratia, & iustitia, & peperit, & originem duxit.

155 Fundamentum huius communissimæ sententiæ esse debet, quod substruit Pater Suarez tom. 2. in 3. partem, disp. I. sect. 3. his verbis: Ideo ergò Beata Virgo prædestinata est ad tantam gratiam, & gloriam, quia electa est in Matrem Dei, ordo enim executionis manifestat ordinem intentionis: ergò ideò fuit electa ad tantam gratiam, & gloriam, quia in Dei Matrem erat præelecta. Hanc Patis Suarez sententiam, eius iuratus adverfarius acutissimus Vazquez 3. part. disp. 116. & alibi saepius improbat, atque ex opposito sentit.

A primæva originis Matræ gratia Maternitatem Dei dependere, atque originem ducere; quem sequuntur quamplures, quos Pater Ferdinandus Quirinus de Salazar tom. de Concept. cap. I 4. de electione Beat. Virgin. post præscientiam peccati, num. I. refert: eius verba sunt pro his Doctotoribus: Neque verò dicunt, eam in eo instanti (in ordine decretorum tertio) ex Christi meritis prævisis; primam ad dignitatem Matris Dei, seu ad gloriam (ut aiebat Suarez) deinde ad gratiam efficaciter electam fuisse, sed ita decernunt Deum simplici quadam, & ineffaci, sed tamen ardenti voluntate, tūm Matris Dei dignitatem, tūm etiam Beatitudinem Mariæ desiderasse, & ex hac voluntate, primūm iustitiam originalem, & deinde alias gratias, eidem efficaciter per Christi merita decrevisse.


156 Hanc Vazquez, & aliorum opinionem firmat Salazar solutione cuiusdam obiectioñis, quam eo libentius subiçiam, quo elegantius primam Virginis puritatem commendat: Quod si obijcas iuxta hanc opinionem, quæ electionem Virginis efficacem ad Matris dignitatem, ad ipsam usque Incarnationem, moratur, eius Regnum à Conceptione auspicari non posse: quia cum efficax illa electio, ex qua ius regandi procedit, ut supra admonuit, cap. 5. longo intervallo post ipsam Conceptionem subsistat, nihil est, quod Regnum hoc retro, ad ipsam Conceptionem revocari possit. Quamvis hac de re infra loco citato, pluribus agere oporteat; hic tamen aliqua præmittam. Dico ergò etiam in hac sententia Mariam per originalem gratiam ab ipso Conceptionis instanti Reginam, & Dominam rerum omnium fuisse initiatam eo tanto nomine; quia isthac gratia, tanquam quoddam Maternitatis Dei semen ipsi collata est. Et proposito exemplo instorum, qui iuxta id Petri in I. Cán. cap. 2. Vos autem regale sacerdotium, gens sancta, &c. Reges appellantur, ea quod propriè in gratia, tanquam in semine Regnum gloriæ contineantur, subiungit: Ad eundem modum Sanctissima Deipara ab ipso Conceptionis sus articulo, cum primum originali iustitia decorata est Reginam.

ac Principis, tam bonum, quod in Angelorum nomen tulit; quia ex tunc, accende, Regni istius semen accepit, gratiam videlicet originis, quae Maternitatis Dei, atque adeo Regni illius latissimè potentis feminam, & primordia in se cohibuit. Hec Salazar.

157 Ex quibus Maternitatis Dei dependentia à prima originis gratia, tanquam à radice colligitur. Nec absimilitè Pater Torres in caput 24. Eccles. part. 2. ad versum 5. sect. 29. num. 8 3. ad illa verba: *Omnis gloria eius filiae Regis ab intus, id est, iuxta versionem aliam: A principio eius, vel principium eius, sic fatut: Tantum primo Reginæ Deiparæ principio momenti inest, ut universa eius gloria primario hoc Conceptionis purissimum principio contineatur, & ab illo promanet.* Huc revocari possunt ex humanioribus flores nonnulli, quibus primaria hæc gratia dignitas decoretur: ut est illud Caij Iuris. Consulti lib. 1. ad leg. 12. Tabul. *Cuiusque rei potissima pars principium est; & illud Iustiniani, Authentic. principio: Bene autem universa geruntur, & competenter si rei principium fuit decens, & amabile Deo; atque illud Ovidij: Omnia principijs inesse solent; quibus accedit Ausonius: Pro toto est prima operis pars; sed Prophanis eloquentius, & elegantius S. Leo epist. 87. Dificile est ut bono peragantur exitu, que malo sunt incobata principio.*

158 Hæc probabilitatem excogitata sunt; nec nisi involvendo horum Theologorum sententiam, Propositionis huius sensus, de dependentia donorum, & origine à gratia Conceptionis Deiparæ inuri potest. Ast nondum ullum Ecclesiæ Tribunal in prædictos animadvertisit: ergo dependentia illa, etiam considerata secundum se, & præscindendo ab expositione, qua ipsa Vener. Mater se expedit, & iuxta propria principia, Propositionem firmat, irreprehensibilis est: ergo etiam sine recurso ad decretum intentivum, & executivum; dependentia hæc defendi potest; siquidem prius efficaciter fuit prædefinita gratia originis, remorante Deo electionem ad dignitatem Matris ad usque Incarnationis tempora, ut inquiunt hi Doctores citati.

Sed quoniam non est V. Matri mens, & sententia huic opinioni conformis, aliter de eadem Propositione nobis agendum erit.



SECTIO SECUNDA.

*SENSVS HVIVS DEPENDENTIAE IVXTA
V. Matris principia deponuntur.*

159 **C**ap.4. huius primæ Partis agit Ven. Mater de signis, sive instantibus rationis, quibus commodissimè Theologi explicant ordinem divinorum decretorum erga opera ad extra: & in primis in primo instanti obijicitur Deus, nostro concipiendi modo, cognoscens suas divinas perfectiones mira, & inefabili propensione, atque inclinatione, ut sese ad extra communicet. In secundo instanti obijicitur conferens huius divinitatis communicationem, atque eam decernens ijs motivis, ut huiusmodi communicatione cederet in maiorem sui gloriam ad extra, atque exaltationem eius infinitæ Maiestatis, hac ostensione infinitæ magnitudinis eius. Tertio instanti obijicitur cognoscens, & determinans ordinem convenientiorem, atque dispositionem aptiorem huius communicationis; ita ut ille gloriosissimus finis huius tam arduæ determinationis consequeretur; & in hoc instanti decrevit Deus, quod Verbum Divinum carnem assumerer. Hinc opus primum ordine, & dignitate stitit unio hypostatica. In quarto instanti decrevit Deus dona, atque gratias, quæ conferendæ erant Humanitati Christi, Divinitati unitæ. In hoc eodem instanti consequenter, & veluti secundario decrevit Deus Matrem Verbi; ita ut post Humanitatem Filij, & donorum huius Humanitatis, immediatè ante omnem aliam creaturam. Mater Dei prædefinita, & decreta intelligatur. Et in hoc etiam instanti post Matris prædefinitionem, fluvius gratiarum, atque donorum convenientium tantæ dignitati fluxit. Hæc ex num. 35. 38. 39. 41. & 42. reposuit, ut mens clarior V. Matris comprehendatur.

160 Ex his ergo colligitur in sententia, & principijs Agredensis Maternitatem Dei esse intentam, priusquam Deus intenderet gratiarum cumulum, ac proinde; ideo prima gratia originis fuit ipsi collata; quia in Matrem Dei fuit electa, & prædefinita, ut sanctificatio illa Conceptionis dependeat à dignitate Matri, & ab illa originem ducat; non vero è converso, ut dignitas Maternitatis pendeat, aut originem trahat à gratia primæ sanctificationis.

Ita præter PP. quos Nota 24. refert Samaniegus, expressè D. Thomas 3. part. qu. xli. 27. art. Et ex ea accepit humanam naturam; & ideo præ ceteris malorum à Christo gratia plenitudinem meruit obtinere. D. Thomas ex Augustino lib. de natura, & gratia, cap. 36. ex dignitate Matri gratia plenitudinem intulit. Ita etiam Sanct. Bernardus

epist. 174. Idioti lib. de contemplat. Alijque Patres , quibus accedunt Barradas tom. 1. concord. lib. 6. cap. 2. Titulus Matris principium est, quo collata à Deo eximia munera ijdem Theologi inferunt. Lenzana in Apolog. pro Concept. Immaculat. cap. 25. §. Nec silentio. Broverus tract. de Salut. Angelic. cap. 1. quest. 36. Alexius à Salo in Arte Amandi Deiparam, cap. 3. alijque innumeris.

161 Communissimum hunc Patt. Interpretum , atque Theologorum assertum firmat Venet. Mater varijs in locis ; & præterim Parte secunda, num. 1515. & eadem secunda Parte , num. 10. & num. 99. & num. 578. & in hac prima Parte numeris suprà citatis: in quibus, & sèpè alibi Matri dignitatem esse fundamentum , testatur; quo cætera gratiarum momenta, tanquam vasi innituntur. Et ex præelectione ad hanc summam Matri dignitatem cætera privilegia colligit.

In hac propria Vener. Matri sententia , vt adnotavit Samaniegus, difficultas est obvia; si enim à dignitate Matri gratiæ Deiparæ promanaret, atque fluxerunt; quo pacto hic ab eadem Vener. Mater asseritur à gratia priori dona alia , etiam Matri Dei dignitatem, originem duxisse? Verùm enim verò tota hæc ad speciem urgentissima obiectio, facile diluitur; recursu illo vulgari ordinis , intentonis, & executionis , vt etiam animadvertisit Samaniegus : quæ enim prius sunt in intentione , posterius sunt in execuzione : sicque & finis pendet à medijs , & media pendent à fine in diverso genere dependentiæ ; nam media præparativè , dispositivè , atque in execuzione à se finem promanare , dependere , atque originemducere faciunt. Et converso finis à se promanare , dependere , atque originemducere , facit media intentivè , principaliter , & motivè. En quomodo , sive in sententia particulari Vazquez , sive in communisententia, modo attendatur dependentia secundum se ; modò examinetur iuxta principia V. Matri, quæ ubique consequentiæ , & admirabilis consonantia tenax invenitur ; Propositio illa irritis arietatur iactibus, atque inutilibus iactibus quatitur.

162 Hucusque Scholasticè ferè egimus , longe ab utraque opinione erat mens Vener. Matri in Propositione præfata ; proindeque germanus eius sensus expendendus restat, & Propositionis indemnitas declarandæ. Revoceamus ergò gradum, & antecedentia immedia- tè verba ex num. 231. fine, auscultemur : ornata integrè depingitur descendens Beat. Virgo , omni Sponsi supellectili ditata : At ornatus iste integer nou esset, argumentatur Vener. Mater , si ei aliquid defuisse: at defuisse, si vel aliquo instanti existeret sine innocentia originali, & gratia. Hinc pergit, & ex macula peccati quamdam indecentiam, sic in-

infest: Hoc rotum minus decens era: Marie Matri, Deique Sponsa; atque ipsi sibi indecens, & Dco quoque, qui eam (interveniente peccato originali) adornaret, & præpararet, non Sponsi amore, & filij cura; si domi habens pretiosiorem telam, & fulgentiorem; protritam, atque maculatam aliam quæsisset, vt vestiret Matrem suam, & Sponsam, & simetipsum. Vide Num. 251. finc.

163 Hinc non Maternitatem absolutè, sed decentiam tantæ dignitatis dependet à purissima eius sine labe Conceptione afferit; & iterum in eodem sensu se exponens, argumentum perficit verbis illis: *Ita ut omnia alia, sine hoc privilegio, apparerent defectuosa, aut velut superbum ædificium, sine fundamento solidio, & proportionato.*

Igitur si huius persuasionis vis, & energia, pro Conceptu Immaculato firmando, vt intendunt Censores, venit eliminanda, atque expungenda; nihil aliud subdole mihi machinare videntur, nisi prætextu Religionis, arma è manibus nobis prætriperere, quibus illimen Deiparæ Conceptionem defendimus. Hoc acutissimo in minus pios Doctores usus est Pater Suarez telo: *Decebat, ait: disp. 3. in 3. part. tom. 2. sect. 5. §. ultimo: Enim Deum puritatis, & sanctitatis amatorē, talem sibi formare Matrem, quæ omnino esset pura, & sancta, & ab omni peccato aliena.* Idque probat ex D. Thoma. At unde decentia hæc dependet? Vnde profluit, nisi à prima gratia? Num originale delictum decentiam ullam in dignissimam Matrem refunderet? Absit.

164 Similiter discurrevit Pintus Ramirez de Concept. Antilog. 18. §. 4. num. 1250. Cogita sedatae Virginis illuviem, infamiam, & opprobrium; & totam hanc labem, quoad dedecus transfert in Christum; idque ex mente D. Thomæ, qui honorem, vel infamiam Matris in Christo meritò refundendam. Hoc assumptum latissimè omnimoda eruditione exornat. Sed in hunc scopum præ omnibus, arreptis auribus, excipiendus Origenes hom. I. ex varijs: *Mater eius, Mater immaculata, Mater incorrupta, Mater intatta: Mater eius, cuius eius? Mater Dei unigeniti, Domini, & Regis omnium Plasmatoris, & Creatoris cunctorum;* illius, qui in excelsis sine Matre, & in terra est sine Patre: *buius itaque virginitati, dum dicimus, hæc Mater Virgo Maria; digna digni, Immaculata sancti immaculati, una vnus, vnicula vnici.* Cogita Virginem in Adæ peccatum lapsam; erit ne digna digni? Vnica vnici? Immaculata immaculati? Ergo decentia huius dignitatis petenda est à gratia Virginis.

165 Ex inde frequenter apud Interpretes invenies decus dignitatis Matri Dei auspicari; vt Padilla in Habacuc part. 2. cap. 3. vers. 11. annot. 27. num. 433. versans illud 2. Paral. 24. *Dextrum*

xeruimus domum Dei, sic inquit: Noli ergo crederet Beata Maria Virginem, quæ domus Dei, & ipsius Templum est, vsquam fuisse dæmoni dicatam, neque ad minimum Conceptionis instans: nam hoc admissio, ad habitaculum Dei prorsus redderetur incapax. Nec dubitare possumus digniorem futuram Matrem Dei, quæ sine peccati labe afferatur concepta, quam quæ originis nævo supponatur fædata.

166 Præterea ex honore debito Matri inferunt Theologi Filium debuisse ipsam prævenire, ne communi posteritatis Adæ afficeretur iniuria; vt Gabriel in 3. dist. 3. quæst. 1. art. 2. ait: *Ad benignitatem pertinet Dei, Matri servare honorem, qui legem solvere non venit, sed implere.* Et prævidens obiectionem, quod non erat Mater concepta, donec Christus nasceretur, subiungit: *Nec impedit, quod concepta nondum Mater fuit; quia quod non fuit in exhibitione, semper fuit in aeterna prædestinatione; nec enim temporaliter, sed ab aeterno in Matrem electa est.*

167 Pelbartus lib. 4. Stellarij, part. 1. art. 3. ex honore etiam debito Matri sic infert. Exodi 20. Lex Divina præcipit dicens: *Honora Patrem, & Matrem: ergo sequitur quod Christus honoravit Matrem omnino modo, quo potuit.* Idem docet Nicolaus Sanderus lib. 6. de Clave David, §. Qui novit, pag. mihi 369. Alexius à Salo in Arte Amandi Deiparam, in declaratione Stellæ 9. qui non solum honorem, reverentiam, & placidis verbis debitum Matri tuetur; sed insuper munificientia, & liberali beneficiorum largitione à filio credit commendandum: *Non enim honor ille, quem liberi debent parentibus sola reverentia, & verbis placidis aestimatur, sed munificientia, & beneficiorum collatione liberali, quantum liberorum vires, opesque patiuntur.* Fusè Guevara in cap. 1. Matthæi observat. 15. §. 7. & luculentè ex Gerson part. 2. serm. de Conceptione, estque frequens hic discurrendi modus apud Doctores.

168 Igitur sic expressius rem expendo: honoratior, atque dignior est Dei Maternitas, si ipsa fuit concepta sine peccati labe, quam è converso; sed hic honos, hæc decentia, atque specialis dignitas pendet ex Immaculato Conceptu: ergo, & c. alitè ignominia Matris, moraliter esset ignominia Filij; & Matri candor, & excellētia in Filij excellentiam, & candorem refunderetur: sed ex Matre infecta dignitas vtriusque, non vndequaque absolute omnibus numeris esset: vt ergo perfecta, absolute, integra, atque dignissima adstruaatur; ex pura Conceptione, & mundo origine repetenda est integritas, puritas, & candor vtriusque dignitatis. Reetè Gerson vbi supra: si adducit August. contra 5. hæreses, cap. 4. Si Maria potuit inquinari, cum ipsam facerem, potuit ergo inquinari, cum ex ea nasceret; sed se-

cundum non est possibile: ergò nec primum. En ex Matri labo optimus ille Dialeticus intulit maculam Filij; atque ex Matri honore , Filij honorem; est ergò principium , origo , atque fundamentum integræ dignitatis Matri Dei eius gratiola Conceptio, à qua pendent , profluunt, atque dimanant cætera gratiarum dona, origine mundissimo decorata,fundamento solido inixa, atque lapide primario ingenuitas stabilita. Crisim in Censuram adiungamus.

CRISIS THEOLOGICA IN SACRAE FACULTATIS,
& Deputatorum Censuram.

169 **C**ensura huius Propositionis, eo sollertius, & artificiosius est disposita , quo longius à virgula iudicaria ipsa Propositio distabat ; & ne impiam de Immaculata Conceptione Virginis, iam ferè omnium sententiam Censores animadvertere viderentur,præmuniuntur obtestatione , qua se Defensores huius opinionis proclaimant: sic inquiunt. *Quamvis Facultas Theologie Parisiensis tenuerit , ac teneat, Sanctissimam Virginem fuisse in sua Conceptione à labe peccati originalis præservatam: tamen hæc doctrina, quæ dogmata de Sanctissima Virgine ad fidem pertinentia , vt Dei Maternitatem, & perpetuam Virginitatem pendere afferit à sententia , quæ de Fide Catholica non est;* & ita pendere , vt alioqui fundamentum solidum non haberent ; falsa est , temeraria , & fidem in Concilijs stabilitam infirmans.

170 Si Censuram cavillari fas est, vt par pari reddamus , Propositionem enim nostram, non tam serio expendunt , quam sophisticè cavillantur. Erit in primis contestatio artificiosa refellenda; *Quamvis Sacra Facultas Theologie Parisiensis tenuerit , & teneat, Virginem sine labe fuisse conceptam.* Si Sacra Facultas modò tenet hanc opinionem, vt olim tenuit , non securi , sed falsi , & nobis suspecti videntur amici : olim tenuit de mandato Mauritij Episcopi anno 1175. vt ait Vincentius de Castro-Novo, cap. 20. opinionem minus piam, & duobus ferè sæculis ita in Universitate viguit , vt nefas putaretur contraire mandatis. Si ergò ita est , aliud exprimit Sacra Facultas,aliud sentit, si tenet, vt tenuit. Sed quoniam scrutans corda, & renes Deus, progrediamur; & paralogizare viros Iudices , & gravissimos Authores audiamus.

171 *Hæc doctrina , quæ dogmata de Sanctissima Virgine ad fidem pertinentia , vt Dei Maternitatem , & Virginitatem pendere afferit à sententia , quæ de Fide Catholica non est:::: falsa est , &c.* Hac vnica Censura ò venetabilis, & Sacra Facultas ; ò integerrimi Sacræ Deputati Facultatis , Doctores omnes , Theologos omnes , & quod

maius est, Sanctos Patres inutiliter discutisse, turpiter insudasse, atque infructuosè disservisse, convincitis; cum discurrendo, opinando, differendo dogmata fidei, nobis exponunt: ergò vna hac Censura vultis uno impetu Orbem litterarum eliminare, & à Scholis Doctores exulare; Disputationum ardorem, & strepitum opinionum relegare.

172 Opinionem distinxit Sanct. Bonaventura in 3. dist. 24. quæst. 5. in opinionem, quæ sit assertio vnius partis cum formidine alterius; & in opinionem, quæ sit assertio animæ, generata ex rationibus probabilibus :::: Si autem opinio dicatur secundo modò, sic circa idem simul, & semel potest esse fides, & opinio; quoniam multi fideles habent ad ea, quæ credunt, multas verisimiles rationes, & multas probabiles, quæ habent generare opinionem, & illa acceptio generata fidei non repugnat, imò subservit, & famulatur. Est enim in fidei fomentum quoad infirmos, & oblectamentum, quantum ad perfectos. Hinc dogmata nostræ fidei non pendent, nec possunt pendere obiectivè ab opinionibus Catholicorum; sed possunt pendere expositivè, & explicativè; quatenus expressius clarius, & facilius dogmata fidei explicantur, exponuntur, & persuaduntur: non ergò istæ opinions fidei repugnant, imò subserviunt, & famulantur, & sunt in fidei fomentum quoad infirmos, & in oblectamentum quoad perfectos, ut egregiè dixit Sanct. Bonaventura. Hinc etiam illud Augustini de Trinitate, lib. 1. cap. 3. *Expedit plures liberos à pluribus fieri diverso stylo, non diversa fide, ut ad plurimos res ipsa perveniat, ad alios sic, ad alios verò sic. Sic, & sic ad unos, & ad alios pervenit fides, quæ una semper est, & eadem, ratione opinionum variarum, quarum una sic, alia aliter dogmatibus subservit, & famulatur.*

173 Exemplis rem declaro: & sumo realem Christi Domini in Sacramento Altaris præsentiam; hanc omnes fatemur, qui Catholicî sumus; ast hanc præsentiam pendere aiunt nonnulli ab actione productiva, qua Christus sub speciebus denuò producitur; alij ab actione eductiva, qua idem Christus sineulla productione adducitur. En dogmati huic viraque laudabilitè subservit epinio, & præsentia veritas nova luce perfunditur. Insuper medijs Sacramentis Novæ Legis conferri rectè subscriptientibus gratiam, dogma Catholicum est; ast hanc gratiam pendere ab actione physice productiva docent plures, plures ab actione moraliter effectiva. Et sane veritas hæc, dum utrumque probabilibus agitatur rationibus, & magis elucet, & clarius obijcitur, & firmius fidelium mentibus inhæret.

174 Quāmōbrem Vener. Mater proponens num. 72. huius
prīmæ Partis Deo, cur tot, tantaque sunt Ecclesiæ Doctorum op-
niones, ex Deo accepisse narrat: Se permettere, atque disponere mūl-
tosties Doctores, & Magistros inter se habere diversas opiniones: :::::
bac enim varietate veritas, & lux ipsius veritatis subodoratur, & Sa-
cramenta occulta amplius manifestantur, quia dubiam mentem pungit
ad veritatem indagandam; & in hoc iustum, & honestam causam Ma-
gistrorum controversia habent, &c. Ergo occulta mysteria, abscondita Sacra-
menta, dogmataque fidei hoc sensu ab opinionibus Do-
ctorum pendere possunt, vt veritas ipsa amplius illustretur, &c.
Præterea, & dispositivè, vt aliquando in lucem nonnullæ verita-
tes, quæ adhuc Dei providentia nos latent, olimque latuerunt, pro-
ferantur, ab opinionibus pendere possunt; vt enim latè probat Ca-
bassutius in notitia Conciliorum erga Canones Laodicenos, can.
159. & sequentibus, pag. 215. ex opinionibus veritatis definitæ sur-
reverunt. Et Pater Martinus Delrio lib. 4. Magic. quest. 3. sect. 4.
idem probat: quid ergo si in hoc sensu, vel in præcedenti dependen-
tiā illam accipiamus à V. Matre assertam: Nonne paralogisticè ip-
sa Censura est compaæta?

175 Ulterius, vt quam fallaciter, & versutè sit machinata ex alio
capite probemus: Supponamus à Vener. Matre fuisse fide Theolo-
gica, & privata creditum Mysterium Immaculatæ Conceptionis,
in vim siquidem veritatis, & luminis, in quo videbat mysteria hæc, ea-
dem declarabat: hoc supposito, rogo, an ex una veritate, fide Theolo-
gica credita, possit aliam veritatem, Fide Catholica definitam
inferre? Cum eadem substantialiter sit utique fides penes haben-
tem revelationem privatam, illatio est indubitabilis: ergo potuit di-
tere Ven. Mater dependentiam, & originem habere Maternitatem
Dei, quam Fide Catholica credebat, ab alia veritate, scilicet Imma-
culata Conceptione, quam Fide Theologica, & privata tenebat. Hoc
enim casu dogma illud Catholicum, non ab opinione, non à senten-
tia, sed ab alia veritate de fide, quamvis privata penderet; ast hic est
sensus V. Marris, cum loquitur de Mysterio Conceptionis: ergo non
est ad rem Censura illata.

176 Tandem, si contextus integer attentiùs expendatur, luce
clarius fiet, Censores toto Cœlo aberrasse in Censura conficienda:
imò Censuram ipsam in favorem Ven. Matris fuisse prolatam, sic
declaro: sicut inconclusa, o Censores, vestra sententia, & simul scrip-
tam deleri non patiamus: Non possit dogma Catholicum à sententiâ,
quæ de Fide Catholica non est, pendere hoc vobis totum libertè da-
mus, & siquidem erga Vener. Matrem districti, & ayari iudices fui-
stis;

stis; erga iudicia vestra futuri sumus liberales, ergo à vobis Canonis præscriptus subsistat. Quid inde? Id ipsum sibi vult Vener. Mater scilicet sententiam à sententia pendere, non dogma aliquod à sententia: patienter relegite, quæ impatienter damnatis: à Conceptione purissima dependent alia privilegia, etiam Maternitas, etiam Virginitas, non defectuosa, non improportionata, sed proportionata, solida, integra: Hoc explicuit fundamentorum edificij exemplo; hoc explicuerat, telæ maculatæ, & preciosæ ornatu: ergo sua hæc est argumentatio, fuit & Getsonis, fuit & aliorum: Maternitas dignior, Virginitas decentior, dona Mariæ integrerrima, absolutissima, perfectissima, ut talia à purissimo eius conceptu pendent: non enim ait, Maternitatem secundum se, & præscindendo à digniori, & minus digna; neque Virginitatem secundum se, præscindendo à decentiori, & minus decenti, pendere à gratiâ originis; quod si vos vultis minus dignam Maternitatem admittere, hanc solum offendit; sed debetis probare hanc Maternitatem reduplicative, ut talem (quæ talis esset Matri Dei originali labi maculatæ respectu Maternitatis Immaculatæ) esse dogma de fide; at hoc improbat in ipsa contestatione ad Censuram præmissa, ibi: *Cuius quidem honoris vindicem se præ ceteris præbet hac tenus, & qualibet occasione data præstituram se spondet, scilicet Sacra Facultas:* ergo vestra Censura prorsus evanescit, & disparet; non enim debebatis Censuram vocare, quam in confirmationem Propositionis potuistis subrogare.

177 Rem exemplis declaro, Maternitatem Dei, simpliciter infinitam in dignitate, defendit Cardenas; similiter & gratiam infinitè intensam, & sic argumentatur: Sacratissimæ Virginis dignior Maternitas est concedenda; sed dignior est infinita, quam finita: ergo illi prima est concedenda: similiter gratia perfectior est illi danda; sed perfectior est gratia infinita, quam finita: ergo illi concedenda: Quid si Doctores oppositi dicant has doctrinas, quæ dogmata de gratia, & Maternitate Deiparæ pendere faciunt à sententijs, quæ de Fide Catholica non sunt, esse damnandas? Nonnè subridet Doctissimus Virarte, dialectica à primè imbutus, se non loqui de Maternitate secundum se, sed de digniori Maternitate, &c. Similiter Vener. Mater, cum à gratia prima originis iudicet in Sacratissimam Virginem, eiusque privilegia quamdam decentiam, & venustatem derivari; sine qua non vndeque, ut à Sponso laudatur, tota pulchra dici posset, & sine macula, Virginitas dignior, Maternitas excellenter; perfectionesque aliæ numeris omnibus absolute, veluti à radice ab hac gratia pendere, & promanare ait.

178 Hanc doctrinam falsam, temerariam, & fidem in Concilijs

91

Hjs stabilitam infirmatatem repudiant Censores : debebant Concilia producere; vbi Canon, ab ipsis positus, inveniatur. Sed cum non præstent, & in auras fuisse locutos constet, non est cur amplius in notis immoremur adiectis, quæ tangere Thesim non valent; sive secundum se attentam, ut Sectio prima probavimus : sive iuxta principia Ven. Matis sumatur, ut Sectione secunda ostendimus; sive ex antecedentibus, & subsequentibus sensus exhauriatur, ut etiam animadvertisimus; sive in sensu ab ipsis adversariis intento excutiatur, ut Crisi hac perpendimus. Sanè quoquo versum Propositio versetur, ipsa indemnis est, & nullius Censuræ rea.

DISSERTATIO DECIMA.

EX CENSURA SACRAE FACULTATIS ART. VII.
ex Deputatorum Censura. num. I 24. 08. mun. 2.

VTRVM VENERABILIS MATER TRIBVERIT
Sanctissimæ Virginis Regimen Ecclesiæ, num. 290. illis verbis,
quibus eius amor depingitur, scilicet : Iste amor refulsi amplius in nocte, quam mors dilecti Filij sui toti Ecclesiæ causavit; in gubernio, quod hæc magna Regina habuit in principio Legis Evangelicæ, & in ferventi affectu, cum quo ipsa petiit stabilimentum eius, & Sacramentorum illius cooperando omnibus?

179 **H**uius Propositionis Censura ex unius Traductoris in curia irrepsit : & incuria ex unius vocis variatione manavit, quia loco illius nominis, *In gubernio*, debuit vertere in *Magisterio*, per magnum inter utriusque significationem discrimen, quod mediat: sed ut sic adhuc locutio substineri debuit, præsertim cum apud V. Matrem nullam erroris inducat suspicionem, ut ex sequentibus apparebit.



SECTIO PRIMA.

QVO SENS V G V B E R N I V M , S I V E M A G I S T E R I V M
Ecclesiæ iuxta Venerabilis Matris doctrinam sint
accipienda.

180 **E**X huius loci à Sacra Facultate confixi declaratione, & expositione, pendent alia quamplura non dissimilia, hoc revocanda, tunc ex secunda Parte, num. 150. ibi: *Omni- bus vobis, vestrisque successoribus, ait Christus Apostolis, erit in Ma- trem (scilicet Mater mea) in superiorem, & caput.* Et tertia Parte, num. 29. dicitur, *Mariam descendisse de Cœlo, ut Ecclesiam planta- ret;* & prima Parte, num. 545. ait: *Virginem, ut Ecclesię Imperatricem, unicam docuisse, & gubernasse Sacros Apostolos in Primitiva Ecclesia, ut ipsam fundaret.* Et in secunda Parte, num. 1512. Loquitur similiter; & num. 580. terriæ Partis. Inde mihi non incongruè videtur Cen- sores celeriter primam Mysticæ Civitatis recognovisse Partem, & captiosè simul relegisse; quia locum vocalissimum ex num. 545. præ- terierunt, & non adeò clarum ex numero Censuræ addito exposue- runt; in gubernio Virginis, num. 290. ubi Magisterium erat verten- dum habebant: & ipsos latuit gubernandi, fundandi, docendi mini- sterium, num. 545. Sic animum Deputatorum discutere lubet: vel legerunt virumque textum, vel non? si primum, cur non vterque, imò potius ille prætermisssus, non fuit excerptus, ibi enim dicitur: *Quod Virgo docebat, gubernabat, & Primitivam Ecclesiam fundabat,* & *velut Imperatrix unica procedebat.* Si secundum, segniter protrsus huius sibi à Sacra Facultate concessum, sunt exequunti; non enim expur- gatur rotum librum, & dolium expuncturi, iplos debuit præterire lo- cisi, adeò omnium oculis pervias.

181 Ast vterque locus, & fuit versatus, & fuit recognitus à De- putatis, amici Lectores, & hoc ita accidisse, iurate audeo: erant enim intensissimi, & solertissimi, & Religionis zelo diligentissima singula scrutabantur. Si ergo ita res se habuit, quid fieri potuit, ut locus ille prior ex num. 290. infelicitè sit proscriptus, & locus iste posterior, qui patulati prodibat gubernium, transiens per medium illorum islet? Et è manibus illaberetur? An hic satis versutia, & cap- tiosa sollertia Deputatorum deprehendatur, vos, quos tantisper sum- remoratus Lectores, testes advoco, & Mysterium latens sic patefa- cio.

182 Num. illo 290. Chrysolliti lapidis mysticè proprietatem quamdam amoris Deiparæ, erga Ecclesiam suam referentem Ven-

Mater exposuit, obiterque de directione, & Magisterio eiusdem post, Christi mortem egit; & hic locus visus est ad Censuram aptus; quia et si sanum Ven. Matris sensum fuisus non explicabat; nec redargui poterant Censores de sensu, in quo Virginis, sive Magisterium, sive gubernium tribuebat. At verò locus ille ex num. 545. rem totam definiebat, clarissimam eius mentem depromebat, & Gubernium Magisterium, & Imperium Beatae Virginis erga Ecclesiam suam & Quem lidiisimè, & dilucidè declarabat, ipsosque Censores, sive stupidos, sive ignaros Censura ipsa prodiret. Textum repono Hispanicè: *El exercicio de la prudencia Regnativa, ó Monarchica tuvo, como Emperatriz unica de la Iglesia, enseñando, ammonestando, y governando á los Sagrados Apostoles en la Primitiva Iglesia, para fundarla, y establecer en ella las Leyes, Ritos, y Ceremonias mas necessarias, y convenientes para su propagacion, y firmeza. Y aunque les obedecia en las cosas particulares, y preguntaba, especialmente á San Pedro, como Vicario de Christo, y Cabeza, y á San Juan, como á su Capellan; pero juntamente la consultaban, y obedecian ellos en las cosas generales, y en otras del Gobierno de la Iglesia.* Hac ex terminis Latinè sic transfero: Habuit exercitium Regnativæ prudentiæ, seu Monarchicæ, veluti Imperatricæ Ecclesiæ unica, docens, admonens, & Sacros Apostolos in Primitiva Ecclesia gubernans, ut ipsam fundaret; atque ut in illa Leges stabiliret, Ritus, & Ceremonias magis necessarias, & convenientes ad eiusdem Ecclesiæ propagationem, & firmitudinem. Et licet eis obediret in rebus particularibus, atque eisdem interrogaret, præsertim Sanct. Petrum, vti Christi Vicarium, & Caput; & S. Joannem, vti suum Cappellum; & simul illam ipsi consulebant, ei que obediebant, & alij id ipsum præstabant in rebus generalibus, alijsque ad Gubernium Ecclesiæ pertinentibus.

183. Satis hic Gubernij species, quod in Ecclesia Virgo habebat, sine primatus Petri præjudicio, proditur, satisque fuit à Deputatis natura huius Imperij, sine primi Capitis Petri detimento animadversa, & recognita: ob idque huius numeri locum urbano Censores salutarunt; & ne in astutia ipsos caperemus, alto silencio hunc Textum sacrarunt, vt vel parum cautos deterrerent, vel parum studiosos deciperent. Sed reverè utriusque loci unus est sensus, vna mens, vna sententia, & primus exponitur hoc posteriore; & sicut iste Censuræ tricas evassit, sic ille attendiculis erit absolvendus.

184. Verum amplius, vt quam secura Petri iurisdictio, sublimitas, & potestas in doctrina Vener. Matris consistat, & quietcat; indigitare libet loca, in quibus Petro Christi Vicario, Ecclesiæ

Capiti Supremo, legitur, Virginem ipsam exhibuisse reverentiam, secunda Parte, num. 1499. num. 1081. num. 1458. tercia Parte, num. 50. num. 81. num. 98. num. 136. num. 212. num. 378. num. 415. num. 459. num. 476. num. 489. num. 569. num. 570. Præterea Petrum Ecclesiæ Caput Ven. Mater exptessè agnoscit; & hoc nomine vocat; in tercia Parte, num. 64. num. 103. num. 227. num. 231. num. 377. num. 499. num. 568. num. 730. & alibi. Ipsumque Petri nomen à Sacratissima Virgine revereri legitur: in tercia Parte, num. 730. num. 737. Deinde hanc supremam Petri dignitatem à Christo collatam asserit: secunda Parte, num. 1188. num. 1184. & in tercia Parte, num. 215. num. 229. num. 558. & 559. Tandem ab Ecclesia Primitiva Petrum fuisse Caput reveritum docet: tercia Parte, num. 231. num. 377. num. 381. num. 403. videant Deputati an offenderit in primam Ecclesiæ solidissimam Petram Vener. Matrem; quam longè reveritam, commendatam, & indemnem pronuntiat, tot locis, tot numeris, tot modis: ergo Gubernium, Magisterium, & Imperium Sacratissimæ Virginis, non obfuit Gubernio, Magisterio, & Potestate Petri; quia diversi ordinis; & conditionis sunt, ut Sanctorum Patrum locutionibus Sectione sequenti demonstrabimus.

SECTIO SECUNDA.

EX PATERVM LOCUTIONIBVS SENSUS VENERABILIS Matris explicatur.

A 185 Derunt statim Richardus à Sanct. Laurentio, lib. 2^a part. 2. Maria Apostolorum Magistra facta est, qui nostri postea Magistri facti sunt; & ascendebo Domino, Apostolos Noe vnum docuit Testamentum, quod ad docendum nos ipsis Apostoli conscriperunt. Sanct. Ignatius Martyr in Epistola ad Ioannem, Mariam appellat nostræ Religionis Magistrum. Ioannes Gerson, tract. 9. super Magnificat, ad illa verba Petri: Domine ad quem ibimus? Verba vita eterna habes: ait, ad id responderendum quod Petrus fuit illuminatus a parte: Fortassis, & à Magistra adstante, nutibus, & signis admonitus. Richardus de Sanct. Laurentio lib. 7. de laudibus: Sole Iustitiae ascendente in Cœlum, dimissa est Maria in mundo ad tempus, ut novellam Ecclesiam, quæ erat quasi novus quidam mundus, suis illustraret exemplis, & instrueret documentis. Sanct. Thomas de Villanova concione 3. de Assumptione: Maria propter singularem, & excellentem erudititionem Cœlestis Magister ad Patrem, unde venerat, redditurus, Scholam, & Cathedram suam reliquit, ut Discipulos suos Cœlesti sapientia, quam

ab eo didicerat ; erudire. Sanct. Vincentius Ferrer serm. de Ascensione, sic Christum Matri alloquenter inducit : *Mater Benedicta, vos manebitis loco mei, consolaberis Apostolos, & propter sapientiam, quam vobis dedi, destruetis Heresies, quae insurgent.* Richardus de Sanct. Laurentio lib. 11. de laudib. Virginis , mortuo Christo, de Virgine ait: *Ipsa verò, sicut mulier fortis, tunc sola gubernaculum fidei constantè tenuit, &c.* videndus tract. 2. dissert. 3. sect. 2. §. Quinta ratio. Rupertus lib. 5. in Cantic. Anselmus lib. de Excel- lenti Virginis , cap. 7. & apud Patrem Suarez disp. 19. in 3. part. sect. 1. Hieronymus , Ambros. Euseb. Emilienus , Rupertus , & Anselmus à nobis laudati : & iterum Suarez sect. 3. §. Sed quares.

186 Pluribus commendat Hieronymus de Guevara in cap. 1. Matthæi in vers. 5. observat. 10. à num. 8. Mariæ Magisterium ait: *Discipulos Domini tres frequentasse Scholas, seu Classes, dum discen- tes erant; quarum alteram infimam, alteram medium, supremam al- teram possumus nuncupare :::: in Classe infima Dei Verbum :: eos vultu truncos informes asciantos suscepit. Sic iam proiecti aliquantum ad medium Classem ascenderunt, rbi eos Magister Spiritus Sanctus dolan- vit:::: iam tunc ad Supremam Classem promoventur, in qua Santissi- mam Mariam Magistrum sortiuntur :::: O incomparabilis Mariana do-ctrina celitudo, quæ inter aeternam Sapientiam, & Spiritum Sanctum Divinitatis Academia Sacrae Theologiae professores primam Cathedram obtinet! O quām opportunè exclamat Rupertus: O Beata Maria, Ma- gistra Magistrorum, idest Apostolorum! Mitto ex eodem Ruperto in Concilio Hierosolymis congregato, act. 15. illud: *Imò & illic (id est, in Concilio) & in ceteris agéndis, tu Princeps omnem solvi- sti quæstionem.* Ad illa verba, Cantic. 1. Indica mihi: mitto innumera alia in hunc finem collimantia testimonia, apud Guevara citatum vidēnda. Apud Cerdà de Beat. Virgin. pag. mihi 31. num. 4. Ze- lada de Judith figurata. Salazar de Conception. & Sanct. Birgittam serm. Angelic. pag. mihi 550. Castro de Beat. Virg. cap. 19. num. 2. & num. 5. pag. 455. Novafin. Umbra Virginea, num. 692. Idio- ta de Contemp. cap. 5.*

187 Et Sanct. Patrum titulos, quos serid Mariæ tribuant; se- ligo: *Magisterium*, ei concedunt Rupertus, Ignatius, Anselmus, Christi Cathedram ei tribuunt. Sanct. Thom. à Villanova, & Vin- centius, quam primariam vocat Guevara. *Gubernium*, agnoscit Ri- chardus de Sancto Laurentio; *Principatum*, apertè proclamat Ru- pertus: ergò Censores mei, hi omnes veniant expungendi; hi omne- nes falsum, temerarium, & erraneum sensuο exhiberunt? *Homo-*

nes à vobis veniunt corripiendi? Mirum sane dictu! Ut quos Doctores fidei, Ecclesiae Magistros reverenter suscipimus, sub Sacrae Facultatis, & Deputatorum virgula admiremur correctos; imò dolamus, non sane intellectos, nec ingenuè susceptos.


188 Frat. Lutius Dexter in suo Chronicon anno Christi 34. pro omnibus, & singulis Deiparæ titulis, in legitimo sensu usurpandis his verbis lucem præfert: *Sacra Virgo consilio, luce doctrinæ, & mirabili vita exemplo præsidet Collegio Apostolico; nihilque grave gerunt illi, quod non eius consilio, ductuque ferant.* Hinc Magisterium Virginis differt à Magisterio Petri, in eo quod illud, eti excellentissimum, supremum, & admirabile sit, fuerit privatum, directivum, consultivum; at verò Petri Magisterium publicum, authoritativum, iurisdictionale. Principatus Virginis, eti hominum, & Angelorum decoretur dominio, erat prudentiæ Regnativæ, & Monarchicæ, non verò clavium, & potestatis judicialis, spiritualis, quælibet sicut Principatus Petri: Cathedra Virginis, eti sapientiæ, & omnimodæ doctrina insignis, ut Guevara ait, erat Cathedra docendi, non definiendi, illuminandi, & consulendi. Tandem Gubernium, & Regimen erat exactissimum, sed privatum, consultivum, directivum; Petri verò potestativum, & iurisdictionale. En sensus, in quo illius modi tituli, rām à Ven. Matre, quam à Sanctis Patribus Virginibus buuntur, absque offendiculo primatus Petri, sine iniuria Vicarius Christi, illæso iure Capitis visibilis cotius Ecclesiæ; inoffensoque limine eius superexcellentis potestatis. Adèd reverenter de Christi successoribus est Ven. Mater locuta, adèd dignè Capitis Ecclesiæ iuxta tractavit; ut vel hinc piè sperare possemus à Supremo huius Militantis Ierusalem. Duce, & Pastore tantam Scriptricem regatianam.

CRISIS IN SACRAE FACULTATIS; ET DEPUTATORVM Censitram:

189 **H**ec Propositio falsa est, temeraria, & erronea: Sic Deputati. Et cur has gravissimas Notas emerita est illa Propositio? Quia tribuit Sanctissimæ Virginis regimen Ecclesiæ. Ait Sacra Facultas: & quod regimen tribuit? Vidimus supra aliud esse potestativum, & iurisdictionis, aliud privatum, & directivum. Silet Sacra Facultas: & ego clamorem ad sydera tollo. Vbi de Ecclesiæ regimant Vener. Mater iurisdictionali loquitur? Vbi tribuit Deiparæ Petri autoritatem? Ceteri nullibi, ut productis locis ostendimus Sectione præcedenti. Sciebant clarissimum esse sensum

Sum huius Propositionis, & Gubernium, sive Magisterium Virginis erga Ecclesiam, hic obiter attactum, fusiū in hac eadem prima Parte, num. 545. citato fuisse declaratum, ut animadvertisimus, & certa scientia. Proh facinus! Simulant hic Ecclesiæ régimen esse violatum, quod indeinē recognoverunt, legerunt, & neque misitare ausi sunt prædicto num. 545. O sincerissimi Iudices, & ingeniosissimi Censores! Debebant recognoscere sub Censura non-solere venire ea, quæ obiter, & incidenter à Scriptoribus tractantur, nisi perspectis, & examinatis locis, ubi plenius, & ex proposito res eadem discutitur, & declaratur, ut est communis sententia ex Grabina t. 3. præscription. controversial. 1. quæst. 1. art. 4. Athanasij, Basilij, Vincentij Litinensis, & plurium Doctorum: & in hunc sensum adduci possunt ex Iurisconsultis Mantica de coniecturis ultimar. voluntatum, lib. 11. tit. 3. num. 4. Alciatus tract. præsumption. regula 1. præsumpt. 51. Thuscus littera O, conclus. 150. & conclusione 149. Accedit Roland. a Valle cons. 1. num. 187. lib. 2. quod etiam extendunt ad assertiones incidentes Hencedeus cons. 61. num. 21. lib. 2. & cons. 57. num. 77. Nevizan. in Sylva nuptiali, lib. 5. vers. Sed quæro. Abbas in cap. Benè 2. num. 3. Sed mihi plus placet de postulatione tribut. Tobias Nonius cons. 23. num. 17. & alij quamplures. Facitque lex: In civile est, nisi tota lege perspecta, una aliqua particula eius proposita, iudicare, ff. de legibus.

190 Cum ergo incidenter, & perfunctorie num. illo 290. ad declarandum Deiparæ Virginis amorem erga Ecclesiam in Christi morte, de eius Magisterio, sive Gubernio obiter loquatur: requirendi erant loci fusiores, atque expressiores, ut ex illis sensus illius Magisterij manifestus fieret, & de facto num. 545. eiusdem primæ Partis, longè clarius, & à consilio Ven. Mater agit de Magisterio, Guberno, & directione Deiparæ erga Ecclesiam; quem locum Censores non intercepserunt, nec ad subsellia produxerunt; quia ibi luce meridiana expressior erat mens Ven. Matri, & sensus illarum vocum legitimus apertior, ut & calijs innumeris test. Partis locis, supra Sectio secunda notatis; perpetam ergo, captiosè, fraudulentè, infraactis censendi iuribus, atque despectis prudentiæ regulis. Censores processerunt.



DISSERTATIO VNDECIMA.

E X A R T I C . IX . S A C R A E F A C V L T A T I S
*Censuræ, ex num. 12. Censuræ Deputatorum
 Sacré Facultatis.*

*VTRVM VERBA ILLA CAP.VIII. PROVERBIORVM,
 per me Reges regnant, &c. possint intelligi de Sacratissima
 Virgine de se loquente.*

191 **V**T inui videtur per illam Propositionem ex num. 30. Censuræ adiudicatam, scilicet: *Cum h.ec Divina Regia loquens de se ipsa dicat, quod per ipsam Reges eleventur, & manuteneantur super thronos suos, quod Principes imperent, & potentes teræ decernant iustitiam*, cap. 8. vers. 15.

192 Huic Dissertationi occasionem præsticit Sacra Facultas, Censura Propositioni adiecta, eo quod putaverit enormiter à Ven. Matte fuisse appropriatum Deiparæ locum ex 8. cap. Proverb. Cum perspicuum sit, ut ait, *Sacra Facultas, Scripturam dicti capit is de sapientia increata fuisse locutam.* At verò Deputati Censores, non ex hoc capite præfatam Propositionem eliminaverant, sed ex eo quod cum solus Dei Spiritus locutus fuerit per Scripturas, Virginem de se loquentem in subiecta Propositione Ven. Mater induxerit. Hæc sunt dubitandi rationes, ob quas in disquisitionem, & examen fuit revocanda Propositio, quam triplici Sect. absolutam ab vitaque, altera iniqua, frivola altera, ipsa Dei sapientia favente dabimus Censura.

SECTIO PRIMA.

*LOCKS ILLE PROVERBIORVM RECTE DE SACRATISSIMA
 Virgine est intellectus, & interpretatus.*

193 **L**Icet compilatorem agere videar, & defensoris nomine frauder, hac in Sect. ex aliorum scriptis dives evadam, nec vitio mihi erit revocandum in questione, quæ ex autoritate Patrum, & Interpretum pender; cum Interpretibus, & Patribus ferè semper loqui. Primus in occursum p. iest Guevara, qui ex proposito ferè nodum difficultatis dissolvit tom. 2. in cap. 1. Mathæi observ. 15. sect. 12. §. 1. à num. 3. Qua propter, inquit, quidquid

quid de Divina Sapientia , & de eius generatione eterna , & temporali scripsit (Salomon) Sancti Patres Ecclesiam ipsam , tanquam exemplar secuti , de Maria , absque aliqua violentiae , aut temeritatis nota , censent interpretandum . Si doctissimus Hieronymus de Guevara Sacrae Facultatis Censuram ob oculos haberet ; nec aptius , nec opportunius poterat Notas , quibus est concinata , refellere , obiurgare , & reprehendere .

194 Si ergo quidquid de Divina Sapientia , & eius generatione eterna , & temporali Salomon scripsit , de Maria absque violentiae , aut temeritatis nota , Patres Ecclesiae exemplar secuti , censent interpretandum , qua fronte : *Perspicuum est verba capituli 8. Proverb. de sola Sapientia increata , vel incarnata , iuxta Sanct. Patrum vnamen sensum esse intelligenda , ut audacter effutivit Sacra Facultas ?* Quo ausu , si absque violentiae , aut temeritatis nota de Virgine Beata interpretantur , Ecclesia duce , à Sanct. Patribus , à Sacra Facultate falsitatis , & temeritatis nota præfata interpretatio inuitur ? Ut in sequenti Propositione art. 12. plura Scripturæ loca producit Sacra Facultas , quibus obviam ire videbatur Propositio , ibidem suggesta ; poterat in hoc art. Patres indicere , quibus ille perspicuus sensus arridebat . Sed quos adire , aut invenire pro se poterant ? Erit ne illus è Sanct. Patribus , qui insolentissimo , superbissimo , & procacissimo Lutherò adharet ?

195 Hæreticus iste , vt testis est Canisius de B. Virgine , lib. 5. cap. 6. attendens ab Ecclesia Mariæ adscribi cap. 24. Ecclesiastici , veneni sui tenebras illicè evomuit , vt hoc sublime Marianum præconium infamaret , atque corrumperet , impudentèque auras est dicere : *Ab Ecclesia tortam esse Epistolam , quis Divina Sapientia tantum competit , ipsi nempe Christo , qui ante sæcula fuit , & in quo omnia condita sunt ; quod autem Mariæ hæc tribuantur , merum mendacium , & in Deum blasphemiam esse.* Sic ille : Sed qui , (ad hæc succedit citatus Guevara) sed qui merum semper inhibabat , & eo ingurgitatus incedebat , optimè merum coniunxit cum mendacio . Quis si conferat Lutheri delitium cum Sacrae Facultatis iudicio , & sententia lata , statim non dicat , aut Censuram fuisse à verbis Lutheri mutuatum ; aut Lutherum in Comitijs ad fuisse ? Falsum est , & temerarium , inquit veneranda Facultas , de Maria intelligi , Mariæ tribui , quod soli Sapientie increata , vel incarnata tribuitur , & adaptatur : mendacium est , & blasphemia Virgini tribuere , quæ Divina Sapientia tantum competit , ait Lutherus : ergo vel Sacra Facultas causa coincidit in Lutherum , quod piè suspicari audeo , vel à Lutherò Censura fuit mutuata . Quid Sanctis Patribus cum Lutherò ? Quid Sacris Doctoribus cum sacrilego

Hæretarcha? Voluit Sacra Facultas inconsideratæ Censuræ robur,
& vices addere, & mentem, & verba Sanctorum, cum pestifero sibi
lo draconis confundi. Vnus pro ipliis est Lutherus, & si qui amplius
huius furfuris alij, nullus occurrit S. Pater. Aut verò, qui dicant de
Sapientia increata, & incarnata simul fuisse locutum Salomonem, &
Lutheru obviam eant, sunt plures Patres, & Interpretæ.

196 Richardus lib. 1. de laudibus, sic fatur: Propter hanc con-
venientiam, & multiplicem unionem inter Mariam, & Divinam Sapien-
tiam, ferè omnia, quæ dicuntur de Divina Sapientia, exponi possunt
de Maria, & eis eadem tribuuntur; & forte propter hoc dictum
est et, Dominus tecum. Quid ad rem aptius? Gerson vester Can-
cellarius, part. 3. tract. 5. super Magnificat, sic ait: Paulus ex
te muliere dicit Christum factum sub lege: muliere siquidem illa, quæ
fas habet dicere: ego Mater pulchra & dilectionis, cum ceteris in laudem Sa-
pientie positis, sibi per Ecclesiam anthonomastice, & emphaticè laudabilitè
attributis. Innumera sunt loca, quæ ex quinque Salomonis libris, tūm
ab Ecclesia, tūm à Sanct. Patribus illius vestigia, & Magisteria inse-
cuis, Matræ addicuntur. Videndum Gerson 2. part. serm. de Concept.
B. Matræ: & 4. part. serm. in eadem solemnitate, recolendi indices
operis Richardi de S. Laurentio, vbi concinata plura invenientur.

197 Sed nec prætereundus Haimo Episcopus Germanus in Epist.
fæsti Assumptionis: Lectioñis huius capitulum specialiter laudem ster-
nae Sapientie Dei, per quem omnia creata sunt commendare videtur; sed
hæc particula à Catholicis, & eruditis Patribus in solemnitate perpetua &
V. Marie, de qua eadem Sapientia carnem assumpit, ad legendum ordina-
ta est, & potest pars quedam illius non incongruè eidem Genitrici aptari,
quæ ab ipsa Dei Sapientia talis creata est, ut per illam ad redimendam hu-
manam naturam Dei Filius sine humana concupiscentia crearetur.

198 Hæc Ecclesiæ est interpretatio, hæc Patrum frequens in-
telligentia, hæc Catholicorum promiscua usurpatio adaptantiam,
tūm Sapientię increatę, tūm Matrę incarnatę Sapientię eadem ferè
loca, imd̄ ferè omnia, ut loquitur Richardus. Vnus oblatravit calidis-
simus Lutherus; vna (suffundi rubore, & pudore necesse est, vel cor-
gitanti talia de gloriosissima Orbis Facultate) sed talia protulit Fa-
cultas Sacra Parisiensis; & quod deterius est, Patres vñanimes pro se
ausa est compellare; sed nec vocati veniunt, sicut nec conficti fa-
vent; non enim Patres Hæreticis astipulantur, imd̄ potius contra Hæ-
reticos citantur.

199 Patrum vestigia reverenter observantes Doctores Catho-
lici, in eundem sensum Salomonis libros, & sententias accipiunt.
Guevara vbi supra: sic luculentè num. 4. interpretationem præfa-
tam

tam firmat: Illud expendere non omittant, inenarrabilem gloriam, maius statemque incomparabilem Mariæ ex eo adventare, quod Salomon eius dignitatem, perfectionem, prærogativas, gratiarum excellentiam, & pulchritudinem, adeò Divinæ Sapientiæ laudibus, & elogijs intexuerit, & immiscuerit, ut quasi geminos fratres ab eodem mentis vetero, & oris vulua, sub eorumque verborum in volucro connexos, ipsamet Divina Sapientia obstetricice, uno eiusdem partus nixu simul effuderit. Nescio quid sublimitas, & glorijs habendum, vel quod Divina Sapientia laudes suas, & notitias ad eas voces, quæ Mariæ explicant cognitionem, & gloriam, certaverit, vel quod Mariæ excellentiae tot sint, & tante, ut verba, quæ sterna Sapientie pariunt, notitiam, & encomia explore unde quaque valuerint, & adquare? Hæc ille, vbi fuisus rem exagitat. Nec solus, nec unicus inter Interpretes Guevara, ut sequenti Sectione videbimus.

SECTIO SECUNDA.

**SPECIALITER CAPVT ILLVD OCTAVO PROVERBIORVM
de Sapientia increata, & Deipara promiscue interpretatur.**

200

LIcet Sect. præmissa ostenderimus ferè omnia sapientialium loca æquè de æterna Sapientia, & de Virgine passim intelligi, cum Richardo, Gersone, Haimone, Canisio, & Guevara: nec aliquid specialius latere in hoc cap. 8. Proverbiorum, & vers. 15. nobis opponant Sacrae Facultatis laureati Censores; specialiter & capit, & versus interpretatio fuit hic examinanda, ut interrogatæ iniuriæ propulsandæ, nullum eis permittamus latibulum, & ruboris vintandi gratia nullum non circumveniat effugium.

201

Galatinus lib. 7. de arcanis agens de his, quæ in hoc cap. 8. Proverbiorum habentur apud Salazar, ait: *Quodam ex his, quæ in hoc capite dicuntur, melius longè de Virgine, quam de Sapientia posse interpretari.* Ipseque Salazarius in hoc etiam cap. de Virgine omnia ferè commentatur; & præsertim versum 15. sed in Epist. dedicatoria ad Philippum Tertium huius nominis Hispaniarum Regem, versans dictum locum: *Per me Reges regnant, & legum conditores iusta decernunt,* ait: *Per me Reges regnant, &c.* ait ipsa Virgo Proverb. 8. *Quod usque adeò verum esse decrevimus in eum locum, ut cuncti humani, ac terreni Reges ipsiusmet Virginis Proreges appellari debeant.* Sed qui in Epistola expressè fuit locutus, fuscè in cap. 8. sensum Epistolæ fuit prosecutus; & vers. 15. num. 134. hæc habet: ex quo etiam fit, ut siicut Filio pronuntiare licet illa verba: *Per me Reges regnant, &c.*

Sic etiam Matri quum sit eadem usurpare, in eodem sensu. Idque multis probat, afferens Damascenum orat. 2. de Assumpt. Oportebat Dei Matrem, ea, quae Filij sunt possidere. Et ibidem de Moysē à rubo imperium auspiciente, sic ait: Per simulachrum quoddam, & umbram Maria tantus Legislator, & Princeps creatus est.

202 Deinde eiusdem capituli verba: Dominus posse dicit me in initio viarum suarum. Idem Salazar tunc in proverbia, tunc de Concept. cap. 2. num. 1. de prædefinitione Virginis interpretatur; eademque à Patribus refert, tūm Græcis, tūm Latinis de Sapientia increata, intellecta cap. 19. similitè Velazquez de Conceptione, diss. 5. annotat. 1. num. 2. illa eadem verba: Dominus posse dicit me in initio viarum suarum. Capit, & ab Augustino in hoc etiam sensu putat usurpari tract. de 5. heresis, cap. 5. contra Manicheos, vbi Christus Hæreticis inducitur, dicens: Ego Matrem, de qua nascerer, feci; ego viam meo itineri præparavi.

203 Novarinus ad illa etiam verba: Per me Reges regnant, dicti cap. 8. vers. 15. sic ait: Mariae quippe, & Ecclesiæ Doctores hæc verba tribuunt. Ita num. 629. & num. 630. producit S. Augustinum, serm. de Nativit. Maria facta est Laus Martyrum, Norma Principum, Iustitia Regum. Nolo fastidium Lectoribus ex prolixa citationum illustracione gigni; ob id pluribus supersedeo, videatur Canisius lib. 5. cap. 6. à quo non pauca mutuatus est Guevara, sicut & nos à Guevara plura transcripsimus.

204 Solum ad hæc poterit Sacra Facultas dicere, eiusmodi loca fuisse ad litteram etiam à Ven. Matre intellecta de Sapientia increata, ut pag. 61. editionis Gallicæ habetur. Ac proinde ad litteram hinc non sunt intelligenda de Beat. Virginem: rogo, ait ne Ven. Mater, quod litteraliter hic sunt de Virgine accipienda? Non equidem. Sed esto dixerit æquè in eo sensu litterali, tūm de increata Sapientia, tūm de Virgine esse intelligenda. Quid inde, nonne id ipsum censem Catholici, & gravissimi Interpretes citati? Imò longè melius de Virgin. aliqua ex prædicto cap. 8. quam de Sapientia exponi non dixit Galatinus, esto excesserit: æquè bene poterunt de virisque?

205 Præterea communis Interpretum sententia afferit eundem Sacrae Scripturæ locum posse subire plures sensus litterales; ut optimè contra Lutherum arguit Pater Canisius in nostro casu, lib. 5. cap. 6. producens S. August. lib. 3. de Doctrina Christiana, cap. 21. & cap. 31. exemplis assertum confirmat. & lib. conf. cap. 10. D. Thomas 1. part. quæst. 1. art. 10. & alibi. Lyranus prologo 2. Bibliorum Burg. in additione super vitrumque prologum. Abulensis,

Catherinus , & alij contra Michaelem de Medina lib. 6. de recta in Deum fide, cap. 25. & productis pluribus locis, probat Escalante lib. 1. de substa script. cap. vltim. ergo poterit locus ille in litterali sensu expendi , vti de facto expenditur à pluribus ex supradictis de increta Sapientia , & Beata Virgine. Nisi Sacra Facultas velit tanti ponderis esse Michaelis de Medina sententia ; vt valeat oppositam ferè omnium cum D. Augustino, & Thoma sententiam fallam, & temerariam qualificare , non capio qua via evadere pos sit , ipsa vide rit.

SECTIO TERTIA.

INSVLSA DEPUTATORVM CENSURA CONVELLITVR.

206

Censura Deputatorum fuit : Cum solus Spiritus Dei locutus fuerit per Scripturas, hæc Propositio , quæ inducit Sanctissimam Virginem de se dicentem , quod ipsa dixerit Proverb. 8. per me Reges regnant, &c. falsa est , temeraria , & verbo Dei contraria. Insipide , pueriliter , aut per iocum Deputati Censuram meditati sunt. Certum est spiritum Dei loqui per Scripturas , ideo ipse est Scripturarum Author, certum etiam est loqui homines , qui hunc tanquam instrumentis , quæ Deus loquebatur , libertis mandabatur. Sic Salomon, sic Moyses scripsit , quæ Deo inspirante , scripta servamus; sic & alij Authores Librorum Sacrorum , etiam certum est , sive in Historia Divina , sive in propheticis narrationibus , indaci personas loquentes. Sic dicit dæmon : Circuiri terram , & perambulare eam. Iob. 1. & Dialogus Dei , & dæmonis alterne loquentium describitur. Modò Deputati , si solus spiritus Dei locutus fuit per scripturas; quid de dæmons , per ipsas Scripturas loquente , agendum erit? An erit expungendus ille locus , & quamplures alij , in quibus , & ipse loquitur , & Pilatus loquitur , & Cayphas ? Ergo omnes personæ , quæ inducuntur loquentes in Scripturis , vel ita fuisse locutas , vel ita posse loqui , dicit Deus , & Deus loquitur nobis , quæ certissima sunt , dictans , & illæ personæ loquuntur; quorum locutiones in eorum personis nobis Deus refert , proponit , & narrat : ergo exercitè loquitur Deus signatae personæ inducere , hoc est , Scriptura est Dei loquentis , & significantur plures in Scripturis loquentes.

207. Sic Beat. Virgo inducitur , dicens : Per me Reges regnant , & sic Interpretes loquentem reverenter excipiunt. An non Salazar hic , ita excepti: Per me Reges regnant , ait ipsa Virgo ; & iterum sicut Filius pronuntiare licet illa verba , per me Reges regnat; sic etiam Matri sequuntur illa eadem usurpare in eodem sensu? Celada ad illa verba : Ego Sa-

pientia habito in Consilio, eiusdem cap. 8. Proverb. ait : Sic loquitur B.
Virgo: ego Sapientia, &c. tract. de Iudith figurata , cap. 11. vers. 16.
num. 77. & passim Interpretes loquentem Virginem audiunt : ergo
Propositio inducit Virginem dicentem de se, & quod dixerit, Per me
Reges regnant: signatè dicentem de se, non exercitè de se dicentem;
quod solius est Dei loquentis. Hæc clarissima, nec nisi vestris paralo-
gismis irretita, cuiquam obscura videbuntur.

208 Præterquam quod stet vestra periculosisima sententia,
stet solum de Sapientia increata, & incarnata capi debere dicta Pro-
verb. loca: modò arguentem me patienter sufficeret: sic insurgo , nec
de Sapientia increata , nec de incarnata loca illa possunt intelligi:
non de increata:hæc Sapientia procul est à clamoribus , illa à multis
retro sexulis procul: ergo neutra in prædicto loco est contenta.Quid
ad hos sales insipidos, atque insultas facetias, viri sensati ? Nisi subci-
dere, vel subsanare iocantes. Clamores metaphoricè Sapientiae tri-
buuntur; & nostro lequendi more , quæ Dei sunt , ut possumus, decla-
ramus. Quæ in tempore fuerunt, & sunt ab æterno prævisa, sunt fu-
tura; & de futuris Deus loquitur, ac de præsentibus , quoniam neque
futurum, neque præteritum est apud Deum , apud quem omnia sunt
præsentia. Pono calamus , & Crism non subiungo præfatis Censu-
ris ; tūm, quia altera Sacræ Facultatis Lutheranisimum redolat , tūm
quia Deputatorum altera paralogismum caput.

DISSERTATIO DVODECIMA.

EX CENSVR. SACRÆ FACVLTAT. X. ex Deputat. Censura, num. 14.

VTRVM BEAT. VIRGO EX BRACHIJS S. ANNÆ,
per Sanctos Angelos, tenella Infantula deferri potuerit, ordinatæ
solemni processione ad Cœlum Empyreum? Et an sapiens corpo-
raliter elevaretur?

209 D issertationis titulus ex Propositione num. 330. pri-
mæ Partis expuncta exoritur; estque confixa à Sa-
cra Facultate sua Censuræ art. 107. Deputatis in Censura sua, num.
14. talis est Propositio.

Tunc potens Altissimi brachium in ipsa capit nova operari mirabi-
lia super omne id , quod homines imaginare possunt; & primum, ac valde

stupendum fuit, mittere multitudinem innumerabilem Angelorum, ut in Cælum Empyreum elevaret in corpore, & anima illam, quæ erat electa, ut esset Mater Verbi Æterni, ad id, quod Dominus volebat de ea dispone-re. Beati illi Principes executioni mandarunt hoc decretum, & accepta hac amabili Infantula ex brachijs Matris suæ Sanctæ Annæ, ordinarant unam solemnem processionem, & novam. Et num. 382. Ipsa sapientia elevabatur corporaliter per voluntatem Domini, & ministerium Angelorum in Cælum Empyreum.

210 Accingebar discutere Propositionem Dissertationi mancipatam, & apparare in votis erat Censuræ defensionem, quam non eram hic controversurus; cum eccè D. D. Ioannes de Leyba, viri jus-que Iuris notissimus Doctor, & in Granatensi Imperiali Universitate in Facultate Pontificia Decanus, & in eiusdem Civitatis Regia Cap-pella Regius etiam, & Maior meritis Cappellanus, simul & Re-verendissimus Pater Fr. Antonius à Iesu, Provinciæ Burgensis Regu-laris Observantia Sancti Francisci Ex-Custos, ac causæ Ven. Matris Mariae de Iesu Procurator Generalis in Curia Regis Catholici; uterque yti amicitiæ fædere, inter se obstricti amore, & veneratione erga Ven. Matrem etiam obligari, sic & compaginati simul in quodam li-bello Compluti edito hoc ipso anno 1697. apparuerunt. Alter nimirum Doctor Leyba præeleganti iuridica exclamazione adversus Acta Sacrae Facultatis adeò feliciter rem in Censuram eiusdem est agres-sus, ut vel à fundamentis subselia Parisiensium Censorum detubans, imò evertens ad extremum iniquitatis, & iniustitiae facinus ducat processum, nullitatibus, vitijs, inordinationibus, vnde assutum, vnde dispensum. Alter vero nempe Reverendissimus Ex-Custos sua Censura Censuræ, egregiè meditata, & Propositionum indemna-tum sensum, à Notis, & iniuriosis qualificationibus impactis vindici-cans, & Notas, & qualifications in ipsos Censores contorquens, hinc inde celeri dexteritate singula versans in angustias, & Sacram Fa-cultatem, & eiusdem Deputatos, tales adegit, ut de virtutique actum ferè mihi videatur. Et licet in utraque Defensione, tūm Iuridica, tūm Theologica, nihil quod abs re sit, inveniatur; plura nihilominus de-siderantur, tūm quia D. Leyba brevissimè Propositiones expen-dendas percurrit, quamvis & celeriter per cursas restauret; tūm etiam, quia Reverendissimus Ex-Custos articulum 14. sive num. 19. Deputatorum iste; ille vero Sacrae Facultatis sarcina plurium Propo-sitionum implicatus, sive prolixitatem pertulit, sive parvipendens Censuræ virgulam obiter fuit prosecutus, & perscrutatus.

211 Igitur Nos, quæ desiderantur in prædicto art. & num. tract. 2. huius nostræ Propositionis supplebimus, quæque leviter à D. Ley-
ba

ba fuerunt attacta: hoc nostro 1. tract. & 2. præstamus, & 2. præstabilis. Modò ad id vnde discedimus revertentes, Dissertationem præfixam enodare accingebar: cum eamdem Propositionem iterum Censura donatam in num. Deputatorum 19. & in articulo Sacrae Facultatis 14. esse comperuit, ut quam aptè, hinc appareat Dominum Leyba criminari præcipitem, properam, & festinatam Censuram; & quibus tertiam vitijs refertam nullitatem coarguit §. 3. per totum; animalium ergò perturbatio, præcepsque iudicium satis innotescit, cum semel affixam Propositionem obliti, iterum refigere non omiserunt. Sed ne actum agere constringamur ad prædictum tractatum Lectorem remittimus, ubi Dissertatione 8. Sect. 2. præfixa Propositio ex professo vindicatur: et gò aliam Dissertationem subiiciamus, & prædictos Auctores, quos socios in labore suspicimus duces, hinc in explicatione, & defensione consulamus.

DISSESTITO XIII.

EX SACRAE FAC. CENSURA ARTIC. XI. ex Deputatorum Censura, num. 15.

VTRVM PARTVS SANCTISSIMÆ ANNÆ ITA mundus, & purus fuerit, prout conveniens erat eius Divinae Filiæ, cuius puritas resultabat in Matre; & an licet ideò nulla alia purificatione indigeret, ipsa tamen communi debito legis satisficerit, quam valde punctualiter adimplevit; & an ita hac Mater, quæ erat exempta à muneribus, quæ lex imponebat quo ad purificationem, pro immunda haberetur in oculis hominum?

Dissertationis titulus, ipsa est Propositio obliterata damnata à Sacra Facultate, excerpta ex num. 344. prima Partis Ven. Matis, quæ tribus erit Sectionibus, post liminis iure in pristinam libertatem revocanda: quarum prima, partus munditiem Beat. Annæ; secunda, purificationis legem, sine obligatione servatam; tercia, Annæ humilitatem, & expendent, & commendabunt.

SECTIO PRIMA.

MUNDITIES PARTVS S. ANNÆ IN LVCEM EDENTIS
Deiparam investigatur.

213 D. Ioannes de Leyba in Iuridica Expostulatione, §. 16;

num. 138. videtur supponere Censores admittere
Beat. Annæ limpidissimum partum, sic enim ait: Non negant Censores
liberam fuisse à pensionibus partus felicissimam Annam, &c. Et exinde
humaniores, & urbanos colligit, sive Deputatos, sive Sacrae Facultatis
Censores erga partus Annæ munditiem, quod eorum Censura tan-
tum in obligatione legis purificationis ab ipsis, Verbo Dei admitta-
tur contraria; quare munditie supposita, ex cessione finis legis, plu-
ribus utriusque iuris momentis productis, & Propositionem absolvit,
& Censores obstringit. Sed licet de Censorum animo, satis nobis
non constet, suspicor, tūm legis exemptionem, tūm partus munditiem
in Censura ab ipsis fuisse comprehensas. Præsertim cum privilegium
partus videatur aptari verbis illis, Genesis cap. 3. vers. 16. *Mulier*
quoque dixit: *Multiplicabo arumnas tuas, & conceptus tuos: in dolore pa-*
ries filios, &c. Sicut & privilegium non adimplendum purificationis,
aptatur legi: *Mulier, quæ concepto semine pepererit, &c.* Leviti-
ci cap. 12. ex quibus locis fundamentum potuit occurrere Censori-
bus, tām partus munditiem, quām legis purificationis exemptionem
Verbo Dei esse contrarias: & sanè ita ex Censura colligitur; hæc
Propositio, ait Sacra Facultas, *falsa est, temeraria, & Verbo Dei con-*
traria. Et licet Reverendissimus Ex-Custos tūm de munditie, tūm
etiam de privilegio purificationis agat; brevissimè se expedit ab hac,
quæ, me iudice, inter Propositiones abrasas, præcipuum habet diffi-
cultatem; totamque defensionem in revelationis privatę vim, & pos-
sibilitatem refundit; at Censoribus leve hoc fundamentum semper est
visum, vt vel ipse Reverendissimus Pater non semel in sua Censura
Censurę animadvertis; proindè longius aliquantulum est Propositio
examinanda, & vindicanda.

214 Ad difficultatis enodationem, nonnulla prælibare duxi:
Primo, Virginem, absque parientis Annæ dolore, fuisse communem
lucem adeptam. Hæc Annæ singularis prærogativa aliquibus non vi-
debitur; cum Iosephus lib. 2. Antiquitatum, Iochabel Moysis Mæstrum
ad eò facilè referat enixam, vt nihil eorum, quæ in communibus
puerperijs, & vulgaribus accidere contingit; fuerit ab Scrutatoribus
Pharaonis persentitum, aut animadversum. Hoc ipsum in ortu San-
ctæ Lyduvinae evenisse narrat Thomas de Kempis in vita ipsius part.

1. cap. 1. hinc substerñitur via ad firmandum hoc privilegium pro Sanctissima Anna, eo validius, quo nata excellentior, atque præstantior, non solum Moysè, sed cunctis omnibus natis, aut nascituris, si Filium Virginis excipias. Præterea D. Thom. 3. part. quæst. 164. art. 2. affirmat in statu innocentie futuros partus absque emitentium dolore. Et S. August. lib. 14. de Civitate Dei, cap. 26. hanc felicitatem sic describit: *Cum fetus in utero iam partui fuisset maturus, tunc fore, ut Materna viscera sponte in tantum laxarentur, ut commodum fætui sine matris dolore transitum præberent*, ita ut sicut ad concipiendum, non libidinis impetus, sed voluntarius, ordinatusque utriusque Parentis consensu ipsos copullaret; sic non doloris gemitus, sed matutritatis impulsus feminea viscera enixuræ feminæ relaxaret. Hinc ad Annæ partum non inefficax efficitur argumentum; cum enim non ex libidinis incendio Ioachimus, & Anna convenirent, aiente S. Birgitta lib. 1. revelation. cap. 9. *Quod magis voluissent mori, quam carnali amore convenire, & voluptas in eis erat emortua, convenerunt carne contra voluntatem suam ex divina dilectione, non ex concupiscentia*: ergo sincerissimo amoris superni vinculo conceptui respondere debebat, non gemitus dolor, aut cruciatus afflictio, sed latissimus, atque iucundissimus, semota omni molestia Matri Annæ, Deiparæ exortus. Ita Damascenus apud Suarez, qui cum Patribus ex libidine conceputus dolorem partus colligit. Disp. 13. seet. 2. in 3.p. D. Thom.

215 An tamen in illo felicissimo statu illius modi enixus naturaliter evenirent, an ex privilegio Dei; dubitat Pererius in Genesim cap. 3. vers. 16. num. 156. aitque non ab ipsa natura, sed ab speciali Dci beneficio, & visitatissimo miraculo; quod quia commune, tale non reputaretur, indemnitas hæc tunc status proveniret; & in peccati penam nunc in statu naturæ lapsæ tale miraculum patrare noluisse Deus, sed naturam reliqui, suis in parturientibus obnoxiam difficultatibus. Hec dixerim, ut facilius credatur in Matri sue gratiam, Deum non omissum miraculum, quod in innocentiae status felicitatem coniunctiter erat facturus.

216 De doloris privilegio Annæ in gratiam tantæ sobolis concessio, & sine peccato conceptæ, & sine gemitu, aut Matri cruciatus enixa, ad partus munditiem transcamus: itaque 2. prelibo S. Ildefonsum serm. de Nativ. Virg. expressè afferuisse Mariæ exortum mundissimum à sordibus vulgaribus fuisse: *Nascitur Maria, inquit, extra consuetudinem mulierum, mundo corde, & corpore ab omni pollutione carnali orta est*. Nec singulare hoc etiam privilegium Annæ, & Mariæ, mirabitur ille, qui Sursum die 16. Novembris legerit, simile aliud

fiarrat in ortu S. Emundi, qui nomen à mundicie sui ortus nactus, atque sortitus est: Emundus enim, adeò ab visitatis, & consuetis, Dei singulari privilegio, Matrum pensionibus expers est natus; vt vel limpissimus pannus, cui fuit exceptus, & involutus, nullam, vel levissimam maculam contraxerit. Quia ortus novitate obsterices ingenti admiratione suspensa præter consuetas sordes mundam reverebantur Emundum, eiusque Mater inde à Sacro fontis labacro hoc nomine nominandum iussit. Mitto Historias alias aliorum Infantium eximo circumfusorum fulgore nascentium; vt .est illa , quam etiam Surius texuit ex Ruperto die 12. Martij de S Heriberto; qui exoriens, è Matri obstruso secreto cubiculum mita claritate illustravit, qua etiam corpus tenellum circumquaque decoratum fulgebat. Eadem refert Surius de S. Avito die 17. Iunij; & Gretserus in Apologia pro Gregorio VII. eadem ferè pro natali illius Pontificis observavit. Quid memorem plura? Videatur Surius, etiam in Nativit. S. Suiberti die 1. Martij. S. Gregorius Heronensis lib. de Vita Patrum de ortu Elisei. S. Epiphanius de ortu Eliæ, Petrus de Natal. lib. 4. cap. 143. de natali S. Cataldi, apud quos inassueta, portentosa, atque singularia invenies mirabilia, quæ naturæ leges superantia , singularia quæque de ortu Deiparae memorata, portenta suadent, atque convincunt.

217 Tertio prælibo: in Nativitate Iesu-Christi , nihil sordium, seu squaloris, labiisve intervenisse, vt testantur Patres Trullani, Can. 79. qui probatur in 7. Synodo, act. 7. Can. 1. vt Guadalupe refert in Lucæ 2. & Forniellius in Annal. ibique habetur: Non licere ex communibus, & ijs, quæ in nobis fiunt, inenarrabilem Virginis partum , quæ supra mentem, & sermonem Verbum peperit, definire, metiri , ac describere. His consentiunt Epiphanius lib. 3. contra Hæreles , Nacianzenus in tragœdia Christus patiens, Cyprianus serm. de Nativit. Aug. contra Faustum, cap. 3. & 4. & D. Thomas q. 36. art. 6. in 3. parte. Alijque Patres apud Suarez, tom. 2. in 3. part. disp. 13. sect. 2. videndi. Et quid si Mariæ Nativitas fuit hoc etiam privilegio munita , hoc beneficio decorata?

218 Ex his rationes insinuatas in prælibatis ceptas , sic instaurò pro munditie partus Beatissimæ Annæ persuadenda. Illa Genesis maledictio in dolore partes filios: longè à Sanctissima Matre Anna distare fecit Nobilissima Filia, quæ vti procùl ab omni inordinationis scrupulo concepta; sic, semoto omnis doloris cruciatu, fuit nata : Sed hæc dispensatio major esse videtur, quam sordium: ergo in his credendum est Deum dispensasse. Minor exinde mihi videtur admittenda , quod nihil aliud inter molestias fœminarum, aut magis formidatur, aut plus extollitur, aut amplius vexat , quam enixus intolerabilis ferè crucia-

tus: idque ex Regio Prophetæ ad illud Psalm. 114. Circumdederunt me dolores mortis, testatur D. Basilius: Transtulit autem, inquit David, dolores partus ad mortis pœnas circa animal, in animæ, & corporis divisione instantes. Et Dominus noster in Evangelio horam mortis, horam partus videtur appellare illis verbis Ioannis 16. Mulier, cum parit, tristitia habet, quia venit hora eius. Ab Aristotele satis id ipsum intimatur lib. 7. de Historia Animalium, cap. 9. Plinio lib. 7. cap. 9. & alijs; simò ipsa formidine, & timore matrum comprobatur: Cetera constant.

219 Secundò pro munditię privilegio, Annæ collato, sic arguo: quod intuitu S. Emaundi eius Matri miraculosè præstitum est, non est dubitandum Deiparę intuitu, Deum Annæ denegasse; sed partus Matris Emaundi refertur munditia nobilitatus: ergo & Virginis ortus ita fuisse purus est credendus. Nititur ergo hęc argumentatio illo Patrum, & Theologorum principio; quod vel paucis mortalium concessum est privilegium; Virgini non est denegandum, ac proinde non inefficaciter partus Annæ munditiem persuadet.

Tertio ex Christi Nativitate, partuque Virginis, ad partum Annæ, & Virginis Nativitatem debet philosophari; præsertim in sententia illorum, qui vti Christi instantaneam formationem defendunt; ita Virginis in eius conceptu momentaneam formationem tuentur, quos Disserr. 1. tr. 2. Sect. 1. §. Quarta sententia dabimus: ergo sicut par exstitit Matri, & Filij in formatione conceptus, licet altera consueta generatione, alter operante Spiritus Sancti virtute; ita utriusque par debet existimari exitus: non enim maius mihi videtur esse miraculum Virginem concipi instantanè, vel sex horarum intervallo formari, aut septem, sive decem dierum spatio, vt loco citato referemus, quam nasci, liberam à lubricis partus maculis, & labibus: ergo ita accidisse credendum est. Alias omitto probationes, quia perpendenti subiectas, & piè ponderanti sufficere mihi videtur; & quivis facile poterit plures ad eamdem rem convincendam excitare ex miraculis in tertio prælibato annotatis. Quo tamen pacto hęc miraculosa mundities partus Annæ evenerit, licet nostri instituti non sit, tamen sect. 3. declarabimus.

SECTIO SECUNDA.

EX PRIVILEGIO MVNDITIE I IN PARTV S. ANNÆ
ab obligatione legis Leviticæ adimplendæ probatur exempta.

220 **R**atio, ob quam lex illa purificationis fuit lata; fuit propter immunditiam corporalem parturientium, vt patet illis verbis: Orabit pro ea Sacerdos, & sic mandabitur à profluvio san-

sanguinis; sed B. Anna munda fuit à sanguinis illuvie, sordibus, & vulgaribus in puerperis affectionibus: ergo in illa Levitici lege non fuit comprehensa. Maior Propositio huius tylogismi est plurimum Doctorum, eamque latè probat Abulensis Levitici, cap. 1.2. q.2. & sequentibus, licet hic Auctor oppositam sententiam teneat; etiamque in partu Deiparae affirmet Sacratissimam, & mundissimam Virginem ob id purificationis legi fuisse subiectam, quia profluvio sanguinis non caruit; sed deseritur ferè ab omnibus, qui piè, & reverenter sentiunt de Christi Nativitate; & licet admittant antecedens, negant consequentiam; & similitè negant Virginem illa Levitici lege fuisse comprehensam; quia nimis edidit Salvatorem, omnis labis masculæ, aut immunditiae nævo prorsus expertem: itaque ob manditatem fuisse positam legem purificationis, cum Abulensi tenent ferè omnes Interpretes iuniores, ut monet Pater Suarez, tom. 2. in 3. partem, disp. 16. sect. 2. citans Oleastrum in Levitici locum cap. 12. Iansenium cap. 10. concordiæ; Caietanum 12. Levitici, quibus addo Cardinalem Toletum in cap. 2. Lucæ, annotat. 35. qui inter potissimas causas, ob quas Virgo Deipara legi illi non fuit subiecta, ait: *Esse fluxum sanguinis, propter quem lex illa fuit lata, quem non est passa;* ob idque exempta. Similitè Maldonatus in cap. 2. Lucæ; & ferè omnes, qui, ut ait Suarez, Hebraicarum litterarum peritiores sibi videntur.

. 221 Licet enim nonnulli illis verbis legis Levitici cap. 12. *Mullier, si suscepto semine, pepererit, &c.* fuisse Deiparam exclusam opinentur, quæ de Spiritu Sancto, non suscepto viri semine, conceperit: patrum huic mysteriosæ interpretationi fidunt linguae Hebraicæ doctiores, quia in Hebraico tantum valet, ac si dicat *si prolem generit,* ut etiam animadvertisit Maldonatus vim vocis Hebraicæ: *Imthzriahh* ex-pendens; proindeque multum fudit in priori ratione à nobis data, quamvis non despiciat hanc ex Mysterio petitam; sicut nec Suarez ubi supra, nec ego illam reijciam. Modò ad minorem, quam tota Sect. antecedenti pluribus probavi exemplis; & Ildefonsi authoritate, in prælibato secundo, iterum rationibus probandam venio.

. 222 Et prima mihi urgentissima sit ipsa ratio, ob quam Deus legem illam tulit, de non adeundo templo fœmina enixa, nisi transactis, si masculum edidit, 40. diebus; siveverò fœminam, 80. dies; isti tam pro masculis, quam pro fœminis divina ordinatione sunt dispositi in lege illa purificationis; quia eadem divina providentia fuit ordinatum, ut masculus à conceptu, usque ad formationem, animæque rationalis infusionem, quadraginta dies retardetur, fœmina vero octoginta; ad h. ec respexit Deus; cum legem illam Levitici statuit, ut ait Maldonatus: *Quò dubium non est respexisse Deum, cum mulierem, qua mas-*

masculum peperisset, quadraginta; quæ fæminam, octoginta immundam haberi iussit: quam rationem prius tradiderat S. Ildefonsus serm. 1, de Purificatione. S. August. lib. 88. qq. cap. 56. Cyrus lib. 15. de adoratione: estque Philosophorum communis cum Aristotele lib. 7. Historiæ Anim. cap. 3. vbi licet ignarus huius Divinæ Legis, eisdem pro masculis, & fæminis dies formandis taxavit. Ex quibus sic in favorem Annæ arguo.

223 Lex illa prior, quæ exigebat ad naturalem formationem fætus Deiparæ in utero Annæ octoginta dies, iuxta consuetam, & naturalem fœminatum formationem, privilegio, sive instantaneæ formationis corporis Deiparæ, & eius animæ infusionis; sive formatione paucarum horatuum spatio completa, aut dierum, fuit dispensata in Sacratissima Anna: ergo & altera lex huic respondens, potuit etiam dispensari; non solum quoad profluvia sanguinis, miraculosè resoluta, aut alia via, virtute divina impedita; sed etiam quoad obligationem talis legis adimplendæ. Consequentè nimis Deus erga suam Aviam segelsit, ut quam perfectissimæ prolis, non spectatis naturæ cursibus, thesauro dictaverat, quam Conceptione ordinatissima, longeque à crepitantium turbine libidinis motuum Matrem efficerat; legemque originalis maculæ dispensaverat, etiam partus dolorem, affectiones, deliquia, vulgaresque pensiones adimeret; profluvia tollesret, fordes amoveret: cumque ex his purificationis lex asturget, liberam à legis obligatione indemnaret. Hæc mihi consentaneè dicta videntur, nec unde improbabilia videantur, apparet.

224 Aliter cædem indemnitatem, & legis exceptionem sic persuadeo: lex illa oblationem agni, turtarum, aut columbarum iubebat offerri pro peccato: *Vnum in holocaustum, & alterum pro peccato, & orabit pro ea Sacerdos, & sic mundabitur.* Leviticii 12. Dubitant Interpretes, pro cuius nam peccato obligatio illa erat deferenda; an pro peccato Filij, an Matris? Pro Matris peccato offerti sentiunt Lyra, & Abulensis hic, q. 23. accedunt Caietanus, & Iansenius hic, cap. 10. concordia ille in Leviticum eo loci: Ast quodnam est hoc peccatum fæmine, sive Matris, pro quo sacrificium offerebatur? Caietanus, & Abulensis in particulari nullum determinant peccatum: Lyra ait offerri pro peccato libidinis, quod in congressu, quamvis licito, admiscetur. Alij DD. censem illud sacrificium fieri propter aliquod prolis peccatum expiandum: Sed quodnam est hoc prolis peccatum? Originale, sive quoad culpam, sive ut probabilius videtur Suatio quoad pœnam, scilicet immundicias contractas in Nativitate ex vi Conceptionis impuræ. Docissimus Suarez, tam pro Matre, quam pro Filio esse intelligendum illud sacrificium oblatum, sentit ita ille ubi

Supra, §. Quo circa ; quæ sententia modò non est examinanda.

225 Ad rem ergò lex illa, sive respiciat S. Annam , sive Mariam carissimam Filiam, utramque ab obligatione sacrificij inveniet liberam, & exemptam : ergò neutra tenebatur illa purificationis lege. Probo antecedens : respectu Matris lex illa iubebat offerri sacrificium pro peccato libidinis in congressu, sive inordinationis in coitu; sed B. Anna, ut supra ex Sancta Birgitta ostendimus, nullam libidinis scintillam est passa in Conceptione Filiae: ergò libera, & immunis erat à lege. Deinde neque ratione Filiae; quia pro Filia offerebatur sacrificium pro peccato originali , sive ratione culpæ contractæ in Conceptione; sive ratione pœnæ sequutæ ad istius modi peccatum , sordium immunditium, &c. Sed B. Virgo Filia Annæ à macula peccati originalis fuit expers, & prorsus illimis, & immunis : ergò etiam à lege exigente eiusmodi purificationem propter eiusmodi peccatum: ergò sive Anna consideretur ratione sui, sive ratione prolixi, lege illa purificationis erat exempta, ut potè quæ, & mundè peperit , & mundissimam Filiam protulit. Ratio ergò legis , qua mulier post partum mundari iubebatur, erat quod esset immunda; & ibi lex habet locum, ubi ratio legis locum habet: ex leg. Quædam sunt, §. Nummularios, ff. de pactis. Vbi Iurisconsulti notant, quod vbi eadem est ratio ; ibi est idem ius ex leg. 32. ff. ad legem Aquiliam , iunctis alijs textibus à D. Leyba congestis , §. 14. num. 138. ibidem videndis : sed neque Anna, neque eius Filia Dei Genitrix habuerunt in Conceptione altera, altera in congressu ad Conceptionem, unde hæc immunditia procederet; neque in partu Annæ , neque in prole nata sordes adfuerunt; ergò lex non habuit locum, ibique defuit ratio legis , tam penes Matrem, quam penes Filiam.

SECTIO TERTIA.

ANNAE HVMILITAS IN OBSERVANTIA LEGIS , AD QVAM
non tenebatur, ex dictis colligitur; & obiecta nonnulla.
solvuntur.

226 **A** Niequam Annæ humilitas, & pietas pro legibus servandis aliquali commendatione donetur , obiecta contra prædicta sunt removenda. Dices primò Indice Expurgatorio- Supremæ Inquisitionis Hispaniarum iusti, edito anno 1640. in supplemento litteræ J, expungi, & deleti iussæ sunt quædam Propositiones, quibus asserebatur: Partum Deiparae caruisse secundinis, & in toto hoc opere (erat enim opus lucidarium Deiparæ) omne quod est aequaliter

partum tribuerè Virginis, ac Iesu; ita ut reducatur partus Annæ ad leges communes. Sed stante hac prohibitione, partus Annæ nequit defendi mundus: ergo mundities partus Beatæ Annæ, quam Vener. Mater astruit, & nos defendimus, authoritati Supremi Tribunalis opponitur, & eiusdem sententia est comprehensus. Maior constat ex Indice loco citato, minorem probas: eo ipso, quod in partu Annæ sint concedendæ secundinæ; & quod ille partus sit trahendus ad communes leges partuum, mundities erit inde eliminanda; quia secundinæ cum omnimoda munditie residere non possunt, nec communis legis partitio munditium patitur, vt experimento constat: ergo Sacra Facultas iustissimè abradere iussit illam Propositionem, quam delere iusserat Supremum Tribunal Hispanum. Hincque iterum argumentaris: Sed supposito partu iuxta cōmunes leges peracto, & sordibus maculato; erat Beata Anna legi purificationis obnoxia, & ex obligatione inde exorta, vt nos probavimus, tenebatur legem adimplere: ergo eadem Propositio, quatenus hanc moralem, & civilem obligationem longe distare à B. Anna affirmat, venit etiam iniurenda, & abolenda; ac proinde quidquid in eius suffragium hucusque dedimus, aut hinc præstabisimus.

227 Hæc ad speciem vrgens videtur ratio, nec contemnenda, ex eo præsertim, quod armis iustissimi Sanctæ Fidei Tribunalis Supremæ Inquisitionis progrediatur susulta, cui Hispani reverenter adsumus; suspicimus eius decreta, & mandata reveremur; sed decretis, mandatis, aut Sanctæ Inquisitionis legibus esse Propositionem illam comprehensam negamus: quare admissa maior, nego minorem: ad cuius probationem dico, quod licet Annæ partus ad leges communes trahatur, & secundinæ admittantur; nihilominus potuit esse mundissimus: & in primis, quod admissis secundinis, adhuc partus puritas defendatur: ex ipso Expurgatorio colligitur, ibi etiam damnatur Propositio, quæ secundinas in partu Virginis tollit; & tamen partus Virginis fuit mundissimus, purissimus, & immaculatus: ergo ex eo quod secundinæ admittantur, non proinde mundities est neganda. Eximus Doctor eas admittit in Christi conceptu, nec tamen cogitur inde maculatum Virginis partum admittere; fuisseque mundissimum latè probat disp. 13. in 3. part. tom. 2. sect. 2. §. Dico ergo: adductis Patrum innumeris testimonij: ergo ex eo quod secundinas in partu Virginis admittamus, mundities inde non relegatur. Ulterius neque ex eo quod iuxta communes leges partus ille accidet, puritas improbatur; quia communes leges non infringuntur; admissis ijs omnibus, quæ ad partus communiter concurrere solent, interim interveniente aliquo miraculo, quo nonnulli effectus impe- dian-

diantur, ut accideret potuit, si sordes omnes profluxuræ miraculose resolventur, aut evanescerent, propter decentiam Virginis nascentis. Neque ex his æqualem Annæ partum licet colligere, partui Virginis; quia etsi hæc in ortu Iesu acciderint, alia longe præstantiora ibi adfuerunt portenta, & prodigia leges communes supergredientia, ut Matris integritas, Filij penetratio, quæ in partu Annæ, neque à V. Matre admituntur, neque ab ullo Catholico admitti possunt: ergo perperam esse Propositionem illam in Expurgatorio comprehensam affirmatur.

228 Neque argumentum exinde conflatum ad legis purificationis obligationem persuadendam urget, imò potius legis illius exemptio roboretur; quia deficientibus profluvio, sordibus, & maculis, propter quas lex illa erat posita; & legis videbatur obligatio ceseare; idque mihi videtur innuere Doctissimus Castro de Vita Virg. sive Historia Deiparæ, cap. 2. num. 12. vbi ait: *Certissimum debet esse Annam hanc legem (purificationis) sicut & cæteras pro sua pietate observasset.* Vbi ad hanc legem non ex obligatione aliqua, sed ex pietate observandam afferitur adducta. Ruit ergo tota adversariorum machina.

227 Hæc omnia clarius intelligentur, si partum Annæ, iuxta Ven. Matri descriptionem attendamus: ergo num. 326. Agrediensis sic fatur: *Nata fuit pura, & munda, (Virgo) pulchra, & gratijs plena, ipsis manifestans immunem attributo, & peccati lege venire.* En qualiter partus miracula, miraculis conceptus respondere monstratur: *Etsi quamvis nata fuit in substantia, sicut Adami cæteri filij nascuntur.* En partus ad communes leges nascentium revocatus: *Sed talibus conditionibus, & gratiarum affectionibus prodijt, ut ipsæ hunc exortum toti narrurs mirandum proponerent, in laudem oblatum authoris æternam.* En miracula, quibus mundities inniti aiebamus, & puritas sustineri defendimus: & paucis de hora Nativitatis interiectis lineis, sic iterum fatur: *Non est passa eius Mater (Anna) tunc alienis manibus attrectari, in. & ipsa suis manibus pannis involvit; quin supervenientia ad partum, quidquam obstarent, quia libera fuit onerosis pensionibus, quas pati solent in suis partibus aliæ Matres.* En quomodo supervenientia ad partum conceduntur, & non obesse, aut obstasse affirmantur; onerosis pensionibus, miraculosè impeditis, sive resolutione, sive in alium locum transmissione, quod non est huins loci disquirere: ergo ster, & mundam natam fuisse Virginem, & à Filia in Matrem mundities manasse, ut cum Rodolph. Agricola canere liceat.

*Conspicuos præstant alios benefacta Parentes;
Tu contra nata nobilitate nites.*

*Magna quidem, meritisque tuis pietate, fideque
Quis neget? At nata hæc splendidiora facit.*

230 Et Lanspergius serm. in felto Annæ: *Deus Aviam prædesti-
navit dulcissimam fore, ut quo Filius natæ celsior, eo Genitricis Mater,
gratiarum multitudine ditione nasceretur. Et ibidem: Hæc est Terra San-
cta, (Anna) quæ rubum ardenter, sed incorruptionem permanentem germe-
navit. Ex quibus Annæ humilitas satis extollitur; cum tantæ sobolis
illustris agnoscetur, immunis à lege, munditia ipsa facta, nobili pu-
rificatione à Filia decorata, inter cæteras immunda reputari non re-
cusavit. Ad Crism deveniamus.*

CRISIS THEOLOGICA IN SACRAE FACULTATIS & Deputatorum Censuram.

231 **V**Na Facultatis, & Deputatorum Censura hæc fuit:
*Hæc Propositio falsa est, temeraria, & Verbo Dei con-
traria. Sed neque temerariam, neque falsam, neque Verbo Dei con-
trarium probant hucusque dicta; nec in notis nobis est immoran-
dum, quas alijs Crisisbus eadem in consideratione prolatis, supra pro-
havimus, & in sequentibus erimus acturi: interim hæc pro illis regu-
la observanda, quæ ipsis non placent, verbo Dei statim dicuntur con-
traria, quod mihi Spiritus privati gustum redolere videntur.*

DISSERTATIO XIV.

DEPVTAT. ARTIC. XVI.

*VTRVM VIRGO BEATA DICI POSSIT OMNIBVS
modis Mediatrix gratiæ, & Mater misericordiæ, ut num. 402.
primæ Partis dicitur Propositione illa Censuræ subiecta: Ut ip-
sa esset omnibüs modis Mater misericordiæ, & Media-
trix gratiæ, nullo interposito momento, nulla deperdita
operatione, & occasione merendi gratiam sibi, & nobis:*

232 **A**ntequam Dissertationem in Sectiones scindamus;
Traductoris in verbo illo: *Omnibus modis, lapsus est
corrigendus; non sanè, quia vel sic, vi à Traductore est Propositio
con-*

constructa, quidquam periculi præseferret, vt videbimus; sed quia ansam Censoribus obtulit: loco verbi *in toto*, hoc est singulis actionibus, vt ex superius dictis à Ven. Matre hoc numero claret, reposuit Recollectus: *Omnibus modis*, quod vulgariter loquendo, non ad Lydium Dialeticę lapidem, aut Theologorum Dictionaria examinandum, sed vsu communi, patrio sensu, vt historica narratio sustinet, fuit dictum. Cum enim quis singulis suis actionibus, votis, desiderijs, studijs, curis, & diligentij est intentus, vt iratum Regem adversus alium deflectat in amicitiam, gratiam, & favorem, indignationemque conceptam amittat: his vulgo dicitur *in toto* gerere Mediatorem, sive omnibus modis Mediatorem agere. In hoc sensu cum Ven. Mater Sacratissimæ Infantulæ Mariæ vota, desideria, macerationes, studia pia, atque intensissima suspiria referret, quibus flagrabit pro deflectendo Deo ad nostri remedium, gratiam, & amicitiam *in toto*, sive omnibus modis flagitans, & exorans, Mediatrix gratiæ huius, & amicitiæ recte, verè, piè, & laudabiliter asseritur, Materque misericordiæ sincerissimè pronuntiatur. His præmissis, sit

SECTIO PRIMA.

VIRGO DEIPARIA TVTISSIME APPELLATVR GRATIAE
Mediatrix, & Mater misericordiæ, omnibus modis infra
explicandis.

233 **M**ediaticis nomen, sive Mediatoris officij est, & ministerij: Propriè enim dicitur Mediator, qui inter duas personas intercedit, vt eas aliquomodo coniungat, *vel in aliquo pacto, aut negotio consentientes efficiat*. Ita Suarez in 3. part. ad q. 26. D. Thomæ in Comment. art. 1. Interdum nomen Mediatoris ad significandum substantiale vinculum inter duas extremitates substantiales usurpatur; sed de prima, non de secunda significatione, est nobis sermo; quamvis D. Thomas utramque loco citato non discriminaverit.

234 Rursus: Mediatoris nomen commune est ad perfectum Mediatorem, & minus perfectos: Perfectus Mediator fuit solus Christus, iuxta id Pauli ad Timot. dicentis: *Christum esse unicum Mediatorem Dei, & hominum*. Sic exposuit Paulum D. Thomas hic: & S. Chrysost. Ambros. August. Fulgent. Cyrillus. Epiphanius Hilarius apud Patrem Suarez citatum. Hinc, qui perfectum Mediatorem alium praeter Christum agnosceret, longe à via veritatis aberraret; atque media-

diatores alios per participationem dispositivè, & imperfectos agnoscet, & verè loqueretur, & Patribus, & Thomæ consentiret. Ij enim Sanctos, Angelos, Sacerdotes, & Iustos mediatores appellant, & Moses mediator appellatur ab ipso D. Paulo ad Galatas 3. Lex data est per Angelos in manu Mediatoris.

235 Iam vero Christus fuit unicus Mediator; & quia fuit unicus, Virgo Mediatrix omnibus modis dici non potest: *Nisi iniuriam irrogemus Christo, qui solus Redemptor, ac Salvator, & unus per Redemptionem Mediator est.* Ita Censores. Et rogo: Christus ita ne fuit unus Mediator, ut excludat alios mediatores, quocumque modo accipiuntur? Ita unus Redemptor, ut alios Redemptores quocumque modo dicantur, confundat? Ita unus Salvator, ut alios Salvatores non admittat, quocumque modo intelligantur? Nec Censores concedent, nec nos admittimus talem esse Christum Redemptorem, Salvatorem, & Mediatorem. Modò sic: ergo alios Redemptores, Salvatores, & Mediatores admittere tenemur; non quidem perfectos, & proprios, sed imperfectos, & minus proprios: ergo in illa linea, in qua isti sunt mediatores, omnibus modis possunt mediare: non ly omnibus distributivè ad alias lineas, sed collectivè ad propriam. Sicut & Christus in linea unica, & perfectissima Mediatoris, omnibus modis illi lineæ consentaneis, potuit mediare, non alterius lineæ ipsi dissentaneis; ut clarius procedam, pono hanc Propositionem, quam à nemine negandam ausim affirmare: *Christus Dominus fuit omnibus modis Mediator noster.* Verissima est; Christi gratiam mediatoris commendat. At stando cavillandi methodo Censorum, & arti mille fraudes docendi, falsissimam esse demonstro: unus modus mediandi, est per semper ipsum ad Deum accedere; aliis modus mediandi, est accedere per alium; at indecens est dicere, Christum accedere per alios, per quem omnes accedunt: ergo Christus non est Mediator omnibus modis. Distingo consequens: ergo Christus non est mediator omnibus modis consentaneis, & proprijs talis Mediatoris: nego consequentiam: dissentaneis, & proprijs talis Mediatoris, concedo consequentiam.

236 Aliter sic eamdem Propositionem versor sub nomine Redemptoris: *Christus omnibus modis fuit noster Redemptor,* vera sanè videtur Propositio; & sic illam impugno: unus modus redimendi est authoritativè, & principaliter, pretio accepto, captivum absolvere. Alter modus redimendi est instrumentaliter pretium ipsum libertatis tribuere: (mitto alios de congruo merendi, coadiuvandi, disponendi ad ipsam Redemptionem) Sed Christus hoc dupli modo, non fuit Redemptor noster; quia primo modo fuit tota Trinitas Redemptrix;

secundo modo Christus qua Homo , vt explicant Gabriel disp. 19. q. vniuersitatis, art. 3. dub. 3. S. Bonavent. dist. 19. lib. 3. & Gerson part. 2. in Compendio Theologiae, exposition. 3. art. fidei. Et D. Thomas 3. part. q. 48. art. 5. & Theologi ibidem: ergo Christus Dominus non fuit omnibus modis noster Redemptor. Distingo iterum consequens; non fuit omnibus modis proprijs, & consentaneis sibi, nego : non fuit omnibus modis sibi dissentaneis, concedo : ergo Christus fuit noster unicus Redemptor solus, & unus perfectissimus, abolutissimus, propriissimus. Idque saepissime docet Apostolus ad tit. 2. *Dedit semetipsum pro nobis, ut nos redimeret ab omni iniquitate.* Petrus 1. cap. 1. *Non corruptibilibus auro, & argento redempti estis, sed pretioso sanguine,* &c.

237 Hæc tamen redemptio propriissima, absolutissima, & perfectissima alios Redemptores non excludit; qui, omnibus modis , quibus competit sibi redimere, sive mediare , sive salvare Redemptores, Adiutores, & Salvatores esse dicantur. Beata Virgo omnibus modis sibi proprijs, & nobis proficuis nostra Mediatrix, Redemptrix , & Salvatrix fuit; sed quot modis? Suarez 3. p. disp. 23. §. Dico, tres modos assignat cooperationis Deiparae ad nostram salutem, scilicet : Primo, merendo de congruo Incarnationem. Secundo, orando , & petendo quandiu fuit in via de congruo merendo nobis salutem. Tertio , concipiendo Christum nostræ salutis Authorem, & hos tres modos Irenæ , Anselmo, Fulgentio, August. Innocentio, Bernardo, Germano, Ephren, Damiano, alijsque Patribus corroborat : ergo his omnibus modis fuit Mediatrix Deipara : Insuper alijs tribus modis fuisse salutis nostræ Cooperatricem, docet Arnoldus Carnotensis, tract. ad illa verba Ioanni. 10. *Mulier, ecce Filius.* Primo modo munus Redemptricis fuit alesquata, desiderio moriendi pro hominibus. Quo etiam modo Redemptionis Adiutrix vocatur, & Mediatrix : hæc enim nomina hic pro eodem accipiuntur. Praestolabatur, si forte etiam sua morte publico muneri aliquid adderetur. Ambrosius de inst. Virg. cap. 7. Ildefonsus, serm. 2. de Assumptione: *Parata enim stetit, si non defuisset manus persecutoris.* Richardus de S. Laurentio lib. 4. de laudibus : *Praesto erat se ipsam impendere, dum tamen sic posset divina voluntati se conformare.*

238 Secundo modo fuit Mediatrix ratione oblationis , ait Arnoldus: *Nimirum in tabernaculo illo duo videres altaria , aliud in pectore Mariæ; aliud in corpore Christi;* Christus carnem, Maria immolabat animam , optabat:::::& cum Domino Iesu Redemptionis nostræ consumare mysterium; sed hoc solius summi Sacerdotis privilegium erat , ut de san-

guine munus intra sancta inferret. En titulus Redemptoris, Mediato-
ris, & Salvatoris proprius, perfectissimus, in quo unicus sine socio, so-
lus sine consorte, sibi Redemptoris Christus vendicavit authorita-
tem; sed alio modo, & Mediatrixis nomen Maria sibi adsciscit obla-
tione, nimurum sui ipsius ad Christum. Sicque dicitur Mediatrix ad
Mediatorem à Sancto. Idem Arnoldus tract. de laudibus: *Dividunt co-
ram Patre inter se Mater, & Filius pietatis officia, & miris allegationi-
bus muniunt Redemptionis humanae negotium, & condunt inter se recon-
ciliationis nostrae inviolabile testamentum: Maria Christo se spiritu im-
molat, & pro mundi salute obsecrat: Filius impetrat, Pater condonat.*
Tertio modo meditatione ipsa, ut etiam tract. de laudibus ait Arnoldus:
*Securum accessum iam habet homo ad Deum, ubi Mediatorem causæ
suæ Filium habet ante Patrem, & ante Filium Matrem, &c.* Richardus
de S. Victore, cap. 39. in Cantic. *Inter divina, atque humana media,
& Mediatrix est Maria, ut humana supergrediatur, dum tamen divina per
Filium operatur.* S. Bernard. serm. de Virgine Maria: *Potens est enim,
nempe vellus est medium inter rorem, & aream; Mulier inter Solem, &
Lunam, Maria inter Christum, & Ecclesiam.* Richardus de Sancto Lau-
rentio lib. 2. de laudibus: *Sicut Filius Mediator est Dei, & hominum.*
1. ad Timotheum: *Sic Maria nostra ad Filium est Mediatrix; quæ scilicet
mediante, venit ad nos Filius Dei, & qua Mediatrix ad filium pervenitur.*
Vbi & textum Apostoli, & Mediatrixis nomen cum Filio confert Ri-
chardus.

239 Tribus alijs modis Richardus de S. Victore: *Hanc Mediatri-
xis gratian Virginis commendavit, cap. 36. in Cantica: Omnia salutem
desideravit, quæ sibi & obtinuit; immo salus omnium per ipsam facta est,
vnde & salus mundi dicta est.* Alter Richardus de S. Laurentio, lib. 3.
de laudibus, sic ait: *Redemptionem mundi operata est Maria, quando por-
tio ipsius à Dei Filio assumpta in cruce immolabatur.* En alter modus me-
diandi. Insuper addit Richardus: *Nec solum tune operata est salutem;*
*& Redemptionem, sed quotidie operatur; quia carne eius, & sanguine
passimur, & potiamur in Filij Sacramento: & ideo cum Filio potest ipsa
dicere, caro mea verè est cibus, & sanguis meus verè est potus.* Mitto in-
numera alia, quæ huc sponte venire sciunt eruditii: & Propositionem
repono. *Quid est omnibus modis Mariam esse Mediatrixem gratiæ?*
Ese plures modos mediandi, ipsamque nullum, cuius erat capax, pro
hominum salute prætermissee. Mediatrix intercessione, Mediatrix
merito de congruo, Mediatrix concipiendo Mediatorem; Mediatrix
mortis desiderio; Mediatrix oblatione; Mediatrix ipsa mediatione; &
Mediatrix, quia caro eius in Christo mediationem, salvationem, &

Redemptionem operabatur in Cruce, & operatur in Altari. Cum ergo tot modis Mediaticis nomen, & titulus sibi vendicet, omnibus modis sibi competentibus erit Mediatrix: sive *in toto*, & *per totum*, quod apud me tantum valet: neque enim hic Censuræ ansam præbuit Recollectus; sed censendi prurigine refricati, ipsi infelicissima equivocatione decipere nos voluerunt, ut Sectione sequenti declarabo.

SECTIO SECUNDA.

AEQVIVOCATIONES, FALLACIAS, ET INSIPIDAS
fallecias, quibus Propositiō Ven. Matris est implicata in
Censura detegit.

240 **P**ropositionem V. Matris sub titulo Dissertationis, legistis; Censuram Sacre Facultatis sub titulo. Sectionis, oro ut videatis: *Licit Sanctissima Virgo præ omnibus Sanctis Mediatrix sit per intercessionem: Hęc tamen Propositio*, quatenus afferit illam esse omnibus modis Mediaticem: falsa est, erronea, & Christo, qui solus Redemptor est, ac Salvator noster est, & unus per Redemptionem Medicator, inluriosa.

241 In primis Censores unicum tantum modum mediationis concedunt Virgini præ omnibus Sanctis, scilicet Mediaticis per intercessionem: alios modos, quos Suarez agnovit, explicnit, & ex mente Sancti. Patrum ehibit, non agnoscunt; quos etiam ex Patribus dedimus, prorsus ignorant, aut scientes non admittunt; & ne deroget Mater Filio, ipsi Matri derogant excellentias, glorias, gratias, & titulos Mediaticis, quos, & revera habuit, & Catholici fatentur. Potorem, præ omnibus Sanctis tribuunt Mariæ intercessionem; Co operationem ad Incarnationem, merita, oblationem sui, mortis desideria, & mediationem inter nos, & Filium, aut confundunt, sola intercessione, aut actiones Mediaticis fateri nolunt. Et cur? Ne Maria plusquam uno modo sit, aut possit dici Mediatrix: sciebant, admissis alijs ab intercessione modis, duobus, aut tribus; omnibus modis posse dici Mediatrix, & ne hoc legentibus adesser salvandæ locutionis effugium, unico modo consticti sunt, Mediaticis titulum Virgini addicere. Ulterius ne in astutia caperentur: *Ly omnibus modis indefinitè accep runt*, ut sub illo termino communi perfectissimus Christi modus, excellentissimus, & propriissimus, quo nos redemit, contineretur. Et inde iniuria Christo Redemptori facta criminaretur. Sed quam insipide, supra notayimus lect. I. ubi ad proprios uniuscuiusque modos ly-

*omnibus modis esse referendum demonstravimus , productis exemplis
in ipso Christo Redemptore , & Mediatore.*

242 Præterea , si Christus solus est Redemptor , ac Salvator , & vnuſ per Redemptionem Mediator , ut pote ſolus , ut pote vnuſ , media-
tores alios excludit , & mediandi modos aliorum : ergo ipfe ſolus , &
vnuſ , omnibus modis eſt Mediator , & Mediatrix , alia ſive Mediator
nullus , nulla , nulloque modo : ergo neque per intercessionem Media-
tricem Virginem appellare poſsumus . Quomodo coherent hec ? Vos
qui de modis eſtis ſoliciti , & ſine modo vlo iudicatis , ſcrutamini ,
amicī Cenſores .

243 Ulterius ut Christo Mediatoris , & Redemptoris titulus pre-
cipiuſ auferretur mediatione , & redēptione Virginis , neceſſe erat
quod Virgo enuntiaretur Mediatrix propriissimè , perfectissimè , ſcili-
cet ſanguinis effuſione , vt ſuprā ex Paulo , & Petro oſtendimus , &
act . 22 . 1 . ad Corinthios 2 . ad Philip . 2 . Dedit ſemel ipsum pro nobis ,
vt nos redimeret ab omni iniquitate . 2 . Apocalypſ . 5 . v . 9 . Redemisti nos
Deo in ſanguine tuo . Act . 1 . bræos 9 . Christus aſiſtens Pontifex : : : per
proprium ſanguinem introiuit ſemel in Sancta Redēptione inventa , &c .
Sed Cenſores viderunt , legerunt officijs pictatis virginem occupa-
tam , mortificationibus intentam , macerationibus mancipatam , ora-
tionibus addictam , vt in toto , ſive omnibus modis Mediatrixem gere-
ret : ergo capiōſe , patalogiſticè , fraudulentè , & malitiosè virginī tri-
buunt mediationem propriissimam Christi : ergo pluribus modis ad-
mittere debent Virginem Salvatricem , Mediatrixem , & Redemptri-
cem generis humani , imò omnibus modis virginī consentaneis , ex-
cluso illo propriissimo , perfectissimo Christi , de quo Arnoldus , vt de
*Sanguine munus intra sancta inferret ſoliuſ Summi Sacerdotis privile-
gium.*

244 Hic obiter notare libet à Ven . Matre enuntiari Virginem
ſine vlla interruptione merenteim ſine amiſſione temporis , aut actio-
nis , aut occaſionis ; quominus & ſibi , & nobis gratiam ipla mereretur .
(Supra quam ſolitudinem omnibus modis Mediatrixis nomen appin-
gitur , ſive in toto , & pro viribus , quod longè à Cenſura diſtare confe-
cta , & à ſenu , in quo eſt affectata , luce clarius eſt .) Et nihilominus
quoad hanc non interruptionem meritorum nihil muſitant nostri
Cenſores ; cum deinceps , vt traçt . 2 . oſtendemus , hanc in terminis
Propositionem damnent , vt videre eſt Diſſert . 10 .

245 Tandem , vt quam temerè Cenſores errore illo craziſſimo
iñſimulent mentem Ven . Matri , luce meridiana clarius demonſtra-
bitur , ſi eamdem Agredienſem conſulamus de ſenu , & ratione , in
quo

quo, & propter quam ipsa Deiparam Redemptricem, & Mediatrixem agnoscat. Igitur Part. 2. num. 78. agens de finibus, quos Deus in nostra reparatione habuit, reparationem cum creatione confert, & si-
cut Adamus sociam in crimen habuit Eam; sic consonum videba-
tur, ut Christus sociam, & adiutricem in reparatione lapsus illius Ma-
riam haberet; ita ut sicut illa, scilicet Eva, ad nostram ruinam coope-
rata est; sic ista, scilicet Maria, ad nostram redemptionem coopera-
tur. Et quamvis auscultamini Censores, in solo Christo, qui est Caput
nostrum, adfuisse virtus, & adequata nostrae Redemptionis causa, ut hoc
mysterium exequatur dignitate, & proportione, qua erat exequi conve-
niens, fuit necessarium, ut adimpleretur in Christo Domino nostro, & Ma-
ria Sanctissima, quod Altissimus dixit informatione primorum Paren-
tum: non est bonum hominem esse solum, faciamus ei adiutorium simile
ipsi. Hæc est mens V. Matris, quam contortam, & in reprobum sen-
sum deflexam, vix valuerunt adulterare Censores. Hæc Divi Bernar-
di est mens etiam, serm. de B. Virg. de verbis Apoc. B. Ioannis: Pru-
dentissimus, & Clementissimus Artifex, quod quassatum erat, non con-
fregit; sed utilius omnino refecit, ut videlicet novum nobis formaret
Adam ex veteri, Evā transfunderet in Mariam. Et quidem sufficere pote-
rat Christus, siquidem, & nunc omnis sufficientia nostra ex eo est; sed
nobis bonum non erat hominem esse solum. Congruebat magis, ut adesse
nostræ reparationi sexus uterque, quicrum corruptione neuter defecisset
Fidelis planè, & potens Mediator Dei, & hominum Christus Iesus: opus
enim est Mediatore ad Mediátorem istam; nec alter nobis utilior, quam Ma-
ria, &c. Richardus similièr lib. 2. de laudibus, & paſsim Interpre-
tes ad illum Genesis 2. locum. Videantur Casianus, §. Tota, apud Ale-
xium à Salo tom. 1. Bibliotheca Marian. Damianus, Georgius, Nico-
mediensis, S. Albertus Magnus, S. Bernardinus, agentes de Maria Me-
diatrice; & de modis, quibus Mediátorem gesit: ad Crism venia-
mus.

CRISIS THEOLOGICA IN SACRAE FACULTATIS, & Deputatorum Censuram.

246 **L**icet tota Sectio præcedens Crisis loco merito sit ha-
benda; cum tamen illa sit Sacrae Facultatis, & De-
putatorum, sine examine non debuit præteriti. Sic Propositionem
corripuerunt: Hæc Propositio, ut iacet, falsa est, erronea, & Christo, vni
per Redemtionem Mediátori, iniuriosa. Vidit Sacra Facultas hanc Cen-
suram, & introspexit eamdem, ut iacet viris Theologis esse inver-
cun*ti*


curdam; si enim ait Propositio, ut ipsa esset omnibus modis Mater Misericordie, & Mediatrix gratiae; illis omnino modis Deiparae conveniebat esse Mediatricem, quibus & esse Matrem gratiae ipsa enuntiabatur; quatenus Mater gratiae non competebat ei Patis, gratiae, & capitum, modus mediationis: ergo neque Christo unico Mediatori, poterant modi Matris Medicatricis esse iniuriosi; erat ob oculos Deputatorum supina ignorantia, & patula inscitia, quia ipsa Propositio V. Matris coartans modos Medicatricis ad rationem Matris, Filij iura inviolata servabat, & Censura delusos, aut cecos, aut mente correspondos, ne dicam captos, Deputatos ipsos arguebat. Quid in istius specie casus Sacra Facultas? Propositionem non valens acescere, ipsos acescitos in Censura conficienda, declaravit. Et captiosam, paralogysticam, & larvatam, quam initio Sectionis secundae fuimus scrutati, eadem Propositioni substituerunt, quem miserabilitatem, ut palam fecimus.

DISSERTATIO XV.

VTRVM IN HAC PROPOSITIONE EX NVM. 300.

Si mortales oculos haberent satis penetrantes ad videntia lumina purissimae Mariæ, faterentur, quod ipsa sola sufficeret ad illuminandos omnes homines, qui veniunt in mundum, & ad eos conducendos per vias securas æternitatis beatificæ. Et quoniam omnes, qui pervenerunt ad notitiam Dei, ambularunt in lumine huius Civitatis, Sanctus Ioannes dicit: Quod nationes in lumine eius ambulabunt, tribuatur Deiparae, quod soli Verbo competit?

¶47 **H**æc Dissertatio nec absimilis est præcedenti, neque aliter erit difficultas illius, si quæ est, enodanda, nisi quod brevissimè, præmiso legitimo Propositionis sensu, venit percurrenda.



SECTIO PRIMA.

SENSVS TRÆFATÆ PROPOSITIONIS PRÆMITTITVR.

248 **V**enerabilis Mater versans verba illa Apocalyps. Ioannis cap. 21. vers. 14. scilicet: *Et ambulabunt gentes in lumine eius; illa intelligit Mysticè de Beata Virginem: & in primis si textus Apocalypsis consulatur iuxta versionem Græcam, ut notavit Viegas hic: Ambulabunt gentes in lumine eius; vox eius non ad agnum, sed ad lumen Civitatis referatur in lumine eius, id est, Civitatis, non agni, ut patet ex Græco contextu, ait Viegas, num. 3. Vnde egregiè sunt decepti, tūm Sacra Facultatis Doctores, tūm Deputati Censores, quando Censura sua supponunt illa verba esse soli Verbo competentias, cum iuxta hanc interpretationem, quam sine contradictione Viegas erudit; ad Civitatem Lumen referatur, per quam sive Ecclesia Militans, sive Triumphans, ut ipse putat, venit intelligenda, sive Virgo Deipara, ut Vener. Mater commentatur, & communis fert Interpretum sensus, intelligentium per Civitatem Ierusalem, Virginem Mariam. Ita Sanctus Anselmus in Psalt. B. Virg. part. 2. eam salutat: *Ave Cœlestis Civitas. Sanctus Damascenus de se dicentem, sic eam inducit: Ego Civitas refugij. Richardus lib. 7. part. 3. & iterum lib. 11. de laudibus Virg. Benè Civitas Dei, quæ tota fuit Dei. Plures alios refert Sylveira, cap. 21. Apocalyps. vers. 2. quæst. 3. num. 31. Ne dicant Censores in illo, cap. 21. Civitate Virginem non fuisse figuratam, ergo rectam interpretandi methodum fuit assecuta Vener. Mater; quando ex suppositione quod illa verba: *Et ambulabunt gentes in lumine ipsius*, sunt ad Civitatem referenda, non tamen ad Agnum, sive Christum, Virgini applicuit: imò Censores minus benè ad Agnum referunt, legibus Grammaticalibus non attentis.**

SECTIO SECUNDA.

SENSVS A FACULTATE SACRA INSERTVS ETIAM defenditur.

249 **S**ed demus illa verba Christo competere; est enim illa lux vera, quæ illuminat omnem hominem venientem in hunc modum: proinde ne deflecti non poterant ad Virginem Deiparam? Audiendus hic P. Suarez loquens de nomine Mediatoris ad quæst. 26. D. Thomæ in Commentario, art. 1. vt Dissertationem præ-

teritam præsentí non absimilem , vt monuimus , comprobemus ; itaque ait ille , § . 2 . colligitur : *Sicut Christus est lux vera , quæ illuminat omnem hominem , & nihilominus ipse dixit Discipulis suis : Vos estis lux mundi ; & sicut ille est Pastor bonus , & verus Magister , & tamen alios constituit Doctores , & Pastores : ita ipse est Mediator perfectus , & nihilominus alios vult esse mediatores . Quid ad utramque Dissertationem aptius ? Pace Deputatorum , verba antecedentia Propositionem inustam ad maiorem Censorum confusionem transferant : Et ambulabunt gentes in lumine eius , num . 300 . Quia si Christus Dominus noster appellavit Doctores , & Sanctos , lumina incensa , positaque super candelabrum Ecclesias , vt eamdem illuminarent splendore , & luce , quam Patriarchæ , & Prophetæ , Apostoli , Martyres , & Doctores fuderunt , plena est Ecclesia Catholica per magna claritate , vt appareat tamquam quoddam Cælum multiplici Sole , & Luna decoratum ; quid dici poterat de Maria Sanctissima , cuius lux , & splendor incomparabiliter supergredi sunt omnes Magistros , & Doctores Ecclesiæ , ipsosque Cœli Angelos , hincque progreditur : Si mortales oculos haberent , &c.*

250 Vbi de Virgine ad omnes alios Iustos , Sanctos , Angelosque fit comparatio , eiusque inefabiliis excellentia aliorum omnium , imd totius Ecclesiae etiam collectivè sumptæ , superans splendorem , claritatem excedens , tām piè , quām verè ponderatur . Aliorū ne respergit S. Petrus Damianus , cum serm. de Assumption. scripsit : *In illa inaccessibili luce perlucens , sic utrorumque spirituum habebat dignitatem , vt sint quasi non sint (pertimescendum nobis erat ne hic verba illa , vt sint quasi non sint , ab Isaia , cap . 40 . n . 17 . Omnes gentes quasi non sint , sic sunt coram Deo , competentia à S. Damiano Virgini adaptarentur ; sed tanti Patris authoritas , & ipsos deterret , & nos iuvabit .) Et comparatione illius nec possint , nec debeant apparere . Et Damascenus orat . I. de dormit . Virg. Dei Matris , & servorum Dei infinitum est discrimen . Et Sanctus Petrus Chrysolog . serm . 140 . Quantus sit Deus , satis ignorat ille , qui huius Virginis mentem non stupet , animum non miratur . Vnde sic cogot mortales iterum in Vener . Matri sententiam revocare . Si haberent oculos satis penetrantes ad videnda lumina Purissimæ Mariæ , faterentur , quod ipsa sola sufficeret ad illuminandos omnes , & ad eos conducendos per vias securas : quoniam omnes , qui pervenient ad notitiam Dei , ambulabunt in lumine huius Civitatis : Imd quantum sit Deus , satis ignorat , qui huius Virginis mentem non stupet . Legendus August . serm . 35 . de Sanctis , ab illis verbis : Altior Cælo est . S. Irinæus lib . 3 . contra Hæreses , ab illis verbis : *Sicut Eva . Richardus lib . 1 . de laudibus : Sicut Sol radijs suæ claritatis illuminat mun-**

mundum, sic ipsa (Maria) suis virtutibus, & exemplis Populum irradiat Christianum. Vnde dicit (ipsa Deipara, vclint, nolint Censores, ipsam in Scripturis loqui) illuminabo omnes sperantes in Domino, alios nequaquam. Ecclesiast. 44. *Ipsa etiam illuminat Ecclesiam Militantem:* ::::: *illuminat & Triumphantem.* Vnde dicit Ecclesiastici 24. (audite iterum loquentem Mariam, vel si non eam de se loquentem vultis auscultari, digitis aut aures contorquere) *Ipsa dicit: Ego feci, ut in Cœlis oriretur lumen indeficiens, id est, ego genui Christum, qui est in Cœlis lumen indeficiens, propter quod de ea canitur, quod vita eius cunctas illustrat Ecclesias, id est, Militantem, & Triumphantem, ipsa etiam post Filium est illa vera lux (ab auribus tantisper digitos extrahit) est illa vera lux, Ioan. I. Qui illuminat omnem hominem venientem in hunc mundum, supple, qui illuminatur; vnde dicit ei Pater, Isaiae 42. & 49. *Dedi te in lucem gentium.* Hæc omnia Richardus. Et sanè Censores, nisi percusi cæcitate talia in Propositionem clarissimam effutire non potuerunt. En illud Ioannis 1. *Erat lux vera.* Illud Isaiae 49. *Dedi te in lucem gentium.* Illud Ecclesiast. 24. *Ego feci: Christo competentia loca, Mariæ tributa.* Quid refragamini, nisi veritatem, quid torbis oculis intuemini, nisi splendorem, quid nisi ad lucem cœcutimini? Legite D. Bonaventuram in Speculo, cap. 3. Vestrum Gersonem part. I. serm. coram Concilio Constantiense. Petrum Damianum serm. I. de Epiphan.*

251 Et ut finem Sectioni imponamus, iterum Richardum lib. I. de laudibus, cap. 2. *Quo penitus obruti taceatis, fante sic transcribimus: O vere Stella mirabilis, vere laudabilis!* Igitur venite corruptioni subiacentes, ad incorruptibilem, ut per illam vobis corruptibile hoc induatur incorruptionem, & mortale hoc induatur immortalitatem. I. Corinthior. cap. 15. *Gratia vacui, ut cum sitis vacui,* gratia de plenitudine eius, sicut adipe, & pinguedine repleatur anima vestra. Psalm. 62. *Imperfecti ad perfectam,* ut cum venierit quod perfectum est, evacuetur quod in nobis ex parte est. I. Corinthior. 13. *Parbuli ad magnam,* ut per eam in eo crescat, cuius magnitudinis non est finis. Psalm. 144. *Humiles ad sublimem,* ut per eam vos exaltet, qui per eam deposituit potentes de se. de. Lucæ 1. *Claudicantes à semitis vestris ad circumvolubilem,* ut mulier, quæ circumdedit virum gremio veteri sui, sit in circuitu populi sui ex hoc nunc, & usque in sæculum. Psalm. 124. *Debiles ad eius virtutem,* ut cum aliquis ceciderit, non collidatur, sed Mater Divinæ pietatis supponat manum suam.

252 *Quid ad hæc omnia testimonia;* quæ Sanctissimæ Virginis tri-

tribuunt, quod soli Deo, aut Verbo Incarnato competit, dicent nostri Censores? Nisi Richardum, aliosque Ecclesiæ Doctores, & Patres consimilitè interpretantes falsa docere, scandalosa scribere, & erronea fidelibus libanda proponere? Sed absit ut talia credamus, malumus enim cum Patribus ignorare, quam cum vestra Facultate, vestrisque Deputatis quidquam sapere. Ergò dolemus, & nimis queritamur mortalium socordiam, & gentium misericordiam cæcitatem, nec non & Deputatorum deploramus argutias, atque Censorum cavillationes miseremur, qui cum tantis irradiati fulgoribus incedere, illis Dei misericordia fuit datum, retrogredi propria miseria huius coruscante lumine fulgentissimæ Civitatis, est permisum; quia non rectis oculis respexerunt, quam omnium oculis Dei providentia Agrediens obversabatur. Satius erat luce tanta circumfulsos cecidisse perterritos, quam nebulis densissimis horribili tenebrarum caligine obtrusos, & cæcitatem percusso, splendescensem Civitatem de Cœlo descendenter affectare, se non vidisse: sed Censuræ innebulosam caliginem Crisi instar Solis clara depellamus.

CRISIS THEOLOGICA IN SACRÆ FACVTATIS; & Deputatorum Censuram.

253


Prius Deputatorum Censura; deinde Sacræ Facultatis est adnectenda, illa fuit: *Hæc Propositio, quatenus sancti Sanctissimæ Deiparae tribuit, quod soli Christo competit, falsa est, erronea, & Christo Salvatori nostro iniuriosa.* Ly ipsa sola sufficeret, punxit Deputatos, & Propositionem exclusivam machinantur, vbi hypotheticam legunt thesim: an excludit Christum, Sanctos, Angelos, quos præmisit locutio? Neminem excludit sola Virgo, sed sola concipitur, vt lucis eius radios contempleremur; sola proponitur, vt splendoris, & luminis claritas attendatur, qui sane solius Virginis tanta fuit, vt incomparabilitè virtorumque spirituum excederet claritatem, vt sint quasi non sint in conspectu eius; luceant, quasi non lucerent, vt Stellaræ in meridie, fulgente Sole.

254 Ut Deputatorum vesania amplius detegatur, considerandum est, vt suprà notavimus locum illum Apocalypsis ab Interpretibus frequentè tribui iam Ecclesiæ Militanti, in cuius lumine ambulant gentes; iam Ecclesiæ Triumphantí, cuius lumine fruuntur Beati, & desiderio adipiscendi, ambulant in terris: iam Sacratissimæ Virginis, cuius splendor virtorumque civium collectionem supergreditur,

ut fert Pater Suarez tom. 2. in 3. part. disp. 18. sect. 4. §. Dico secundo. Probatque ingenti Patrum manu vocata: Si ergo literalis sensus, sive mysticus, sive anagogicus Ecclesiam Militantem, sive Mariam, sive Triumphantem, signans textus illius, Agnum, sive Christum non exprimit; non enim de lumine Agni loquitur Ioannes, sed de lumine Civitatis ab illo participato: quo ausu, qua fronte audent Propositionem iniuriosam statuere Christo, de cuius lumine longe excellentiori alio quovis finito, ut fatemur, Vener. Mater non agit; nec Ioannes agit? Ergo si iniuria aliqua ex inde oriebatur, non Christo, amici Deputati, sed Ecclesiæ, aut Militanti collectivè sumptæ, aut Triumphantí etiam collectím consideratæ interrogabatur. Sed virtusque tantæ Imperatricis gloriatur excessu, tantæ Dominatricis exultat triumpho, tamque Reginæ gestis trophyo. Vos ergo, etiam si textus de lumine relato ad Christum ageret, vñacum Ven. Matre animadvertisistis in Patres, Doctores, Interpretes, qui promiscuè plura tribuunt Virgini, quæ Christo competunt; ut uno Richardo, producta Sect. 2. alij non desiderentur.

255 Sacra Facultatis Censuram adeamus: eadem est cum Deputatorum iudicio, nisi quod illa verba: quatenus soli Sacratissimæ Virgini fuit scrutata, & Verbum soli redundare comperuit, ipsumque ademit. Sed quo studio, qua solertia? Ne comparatio illa instituta ab Agrediensi de Virgine sola, ad omnes alios Sanctos, Doctores, Magistros, Martyres, &c. ipsos deponeret fraudulentos, ut Deputatos declaravit illius vocis positio vecordes. Sed defecerunt scrutantes scrutinio; immanis illa textus, allucinatio vñosque occupavit.

Proindeque in ipsos Censuræ pondus erat convertendum,
ad Crisim aliam remittamus.



DISSERTATIO XVI.

CIRCA ARTICVL. XVII.

Deputatorum.

VTRVM IN HAC PROPOSITIONE EX NV M. 13.

Introductionis: Facies, ò Purissima, rem tua clementia dignam, si miseram de pulvere subleves, & subiectum prorsus debile, & omnino incapax assumas in instrumentum ad opera adeò difficultaria, & sublimia, quibus exaltabis tuam gratiam, & gratias, quas Filius tuus tibi communicavit, admittatur gratia distincta ab illis, quas ei Christus communicavit?

256 **N**on dubito fastidire viros sensatos in re gravi tenditculas, quibus pueri capi, & præpediri aversantur. Hæc Propositio proscripta fuit à Deputatis, vnius vocis *gratia*, æquivalvocatione decepti. Quare si vocis *gratia*, varias easque communes acceptiones præmittamus, sensus Propositionis elucecet, & malitia, sive ignorantia evanescet; vt apud Sacram Facultatem evanuit: observatione in supposititiam Sacrae Facultatis Censuram id nos admonuit R. P. Antonius à Iesu in sua Censura Censuræ, art. Deputat. 17. quia recognovit miserè fuisse delusos; vt vel ipsi Deputati palinodiam recantare non dubitarunt. Sed licet apud dictum Authorem brevitè, & clarè Propositio sit vindicata, nè hic quidquam desideretur, iterum erit vindicanda.

257 *Gratia*, quandoque importat id, quod gratis datur: ex Arist. lib. 2. Rethor. cap. 7. ibi: *Gratia est, per quam dicuntur rogati, aliquid facere; non pro re aliqua, neque ut sibi quidquam, qui faciunt, subveniant.* Quo sensu Apost. ad Roman. 11. ait: *Si autem gratia, iam non ex operibus; alioquin gratia iam non est.* In hoc sensu agnovit Vener. Mater gratias Sacratissimæ Virginis collatas ex liberalitate divina, pluribus in locis.

258 Deinde *gratia* significat amorem, quo quis erga alterum bene afficitur: sic notant in Scripturis testimonia; ijs videlicet, in quibus iusti dicuntur invenisse gratiam apud Deum: & inter omnes præcipue Beata Virgo hanc gratiam, seu amorem apud Deum invenit. Et de illo

Ilo loquitur Anselmus, cum dicit lib. de Excellent. Virg. cap. 4. Ostendit ergo amorem erga Matrem, quo nullum putemus esse posse maiorem. Ipsaque Virgo mutuò rependit, vt Bonav. in Speculo, cap. ait: *Quid mirum, si præ omnibus diligat, quæ præ omnibus est dilecta?* Et hæc gratia, tām Filij ad Matrem, quām Matris ad Filium, vbiique ab Agrediensi commendatur.

Vtterius, *Gratia* valet quodcumque donum obiectivum, dignum amore. Quo sensu pulchritudinem, & gratiam appellamus iuxta id: *Fallax gratia, & vana est pulchritudo.* Proverb. vltim. Quod si donum est spirituale, longe excellentior gratia erit & estimabitur. Et de gratijs, in utraque acceptione, pluribus in locis agit V. Mater. Quandoque *Gratia* dicitur etiam retributio ex gratitudine pro dono accepto: vnde illud solemne est apud Sophoclem emanavit: *Gratia Gratiam parit.*

259 His acceptationibus prævisis, ad Propositionem veniamus: *Facies, o Purissima, rem tua clementia dignam, elevare, &c.* Et de subiecto incapaciore facere instrumentum ad operanda opera adeò difficultia, & sublimia, per quod exaltabis gratiam tuam. Quam? Scilicet donum mihi collatum facundiæ, intelligentiæ, sermonis, & orationis, eximum beneficium, quod etiam gratia appellatur. Ecclesiast. 6. num. 5. *Verbum dulce multiplicat amicos, & mitigat inimicos: & lingua eucharis (idest gratiosa) in bono homine abundat.* Et sanè in venustate sermonis, huius Historiæ textura, operisque totius elegantia; adeò Venerabil. Mater plures alios excelluit, vt hanc verè Deiparæ gratiam, sibi collatam, dignationem exhibitam, per quam & ipsa exaltetur, & gratiæ à Filio Matri donatæ, commendentur, iure meritò vocare beat. Nec hinc iterum in nos criminis, illam gratiam facundiæ, & sermonis, hic proponit distinctam à gratijs, quas Christus ei communicavit: quia vt ipsa Venerabil. Mat. paulò post loquitur; *Virginem gratiæ illius instrumentum agnoscit, Filium originem, & fontem:* ita fatur: *Transenant dona illa tua de manibus eius (scilicet Dei)ad manus tuas; & per manus tuas, in servos tuos effundantur.*

260 Aliter: *Exaltabis gratiam tuam*, idest amorem, quem mihi, licet indignissimæ, exhibes te habere: & dignationem manifestabis erga me humilem, in opus hoc superbum, vastumque conscribendum; vbi gratiæ, quas Filius tuus tibi communicavit, nova luce perfundentur; ipsaque, mihi facta, gratia te exaltabit & mirum in modum liberalitatem tuam manifestabit. Clariissimè *gratiæ*, & gratiarum acceptationem discriminat ipse contextus: qua-

re Crisiſ in Depūtatorum Cenſuram, vñ Tractatū finem imponā-
mus, meditemur.

CRISIS IN DEPUTATORVM CENSVRAM.

261

Cenſuram, quam vel ipsa Sacra Facultas, penes quam
nihil in votis erat, aut animo fortius hærebatur,
quam appetitus censendi, despexit: nos parui etiam, aut floci cœti-
mandam cogit: quare sic eam hic inseram, pro non insecta, habe-
ri Lectores admoneo: *Hæc Propositio, quæ in Sanctissima Virgine
Deipara gratiam admittit distinctam ab illis, quas Christus ei commu-
nicavit: falsa est, temeraria, & Verbo Dei contraria.* Vbi in tota
hac Propositione gratiarum, illa distinctio intervenit, vt à De-
putatis fingitur, & falso appingitur? Exaltatio doni collati Agre-
diensi, sive commendatio gratiæ, sermonis ipsi ad vitam Virginis
scribendam oblati, inde, vel maximè accrescere, manifestari, &
elevari necesse erat, quantò infirmius instrumentum assumebatur,
& debilior virtus ad opus, vndique admiratione laudandum, aut
silentio honorandum, quam vlla vocum exornatione extollendum.
Imq; huius gratiæ Authorem, huius beneficij causam, Virginem,
quæ gratiæ amplius elucet, & donum micat; tanto
magis Authorem commendat, & causam
magnificat.



TRA-



TRACTATVS SECVNDVS.

TRIGINTA ET SEX PROPOSITIO NES
 complectens , appositas , & indigna Censura
 iniustas per Doctores Deputatos in Indiculo
 præfixo sub Articulo decimonono ; simulque
 illas , quas Facultas Sacra , confixas eadem
 Censura , exaravit in suo Indiculo , sub
 Articulo quartode-
 cimo.

Vindicans eas à Censura vtrorumque Censorum.

DISCEPTATIO PRIMA.

VTRVM PRIMA CONCEPTIO CORPORIS BEATÆ
Virginis facta fuerit die Dominica , correspondente diei creatio-
nis Angelorum , quorum Regina , & Superior
esse debebat ?

TRIA , de quibus iudicium ferre necesse duxi , continent dis-
 ceptatio ; singula seorsim erunt examinanda , ut post-
 modum de omnibus simul sententiam proferamus .

SECTIO PRIMA.

*AN PRIMA CONCEPTIO BEATAE VIRGINIS FACTA
fuerit in die Dominicæ?*

264 **E**cclæstica traditione constat Virginem Deiparam fuisse conceptam octavo Decembri die; quo autem die hebdomadæ nata, vel concepta fuerit, incertum est, inquit Suarez tom. 2. in 3. partem disp. 2. sect. 2. Hiuc suspicor Parisienses Censores arripuisse occasionem temeritatis nota inurendi, & fabulosi adinventi fugillandi thesim, à nobis pro questionis titulo affixam.

265 Verum, ut clarius procedamus, & quām longè præiacta propositio à temeritatis nota, adinventi fusco, alij vè Censuris, qui bus à Facultate Theologica Parisiensi lacesitur, distare videatur; supponendum est, magnum esse inter Doctores, & Patres dissidium, pro ali signandis anno, mense, die, & hora Conceptionis Beatæ Virginis, ut videre est apud Patrem Ioannem Baptistam Poza, lib. 1. Isagogę ad Chronologiam tract. 1. de annis dubijs Conceptus, & Natalis Deiparæ; & tract. 4. de Chronographia Astrologica, Mystica, & Mortali omnium Mysteriorum Infantiæ Virginis, vbi Chronographis supputationibus ferias omnes, & Planetas probat, & convincit pro Conceptione Virginis certare.

266 Insuper notandum est, omnes debere iam admittere, octavo Decembri die fuisse Virginem conceptam: licet enim nonnulli hunc diem credant fuisse diem infusionis animæ in corpus; alij è contra iudicent fuisse diem Conceptionis corporis tantum: cum Ecclesia festum Conceptionis octavo Decembri diei addixerit, varijsque revelationibus hoc die fuisse conceptam Fideles acceperint, licet privatim, de illa minimè fas est dubitare.

267 Prima ergo sententia assertit Mariæ corpus aliquot mensibus sub vita plantæ, & embrionis stituisse antequam anima rationali informaretur. Pro hac citatur Enricus, & Eramatus Medicus tractatu de eo quod miraculosum accidit in Conceptione Mariæ. Quare die octavo Decembri credit fuisse conceptam; die vero octogesimo, hoc est, vigesimo quinto Februarij, iudicat animam fuisse creatam: subscriptibit Bandellus fol. 83. Guillermus Pepinus Dominicanus, lib. de imitatione Sanctorum, serm. de Conceptione: Hilaretus in sermonibus de Conceptione, & Nativitate Virginis: eadem graditur

via Lutherus serm. de Concept. vbi ait : *Virginis corpus progressu temporis, iuxta aliorum infantorum ritum, factum est, usque ad anima. iu-fusionem.* Accedit Gundisalbus Durantus in notis ad librum primum Revel. S. Birgittæ cap. 9. Incognitus super Psal. 28. iisdem hætit vestigijs, ait siquidem : *Antequam anima Virginis esset creata, illud se-men fuit purificatum.*

268 Huius sententiae Patroni pro se adducere possunt plures ex Sanctis Patribus, nimirum Epiphanium, Hermanum, Damascenum, Anselmum, Vincentium Ferrerium, Simonem Casianum, Thomam à Villanova, Gersonem, & Birgittam; quorum verba videri possunt apud Poza in suo Elucidario Deiparæ lib. 3. tract. 2. cap. 2. Quibus si obijcas non videri rationi consonum, Ecclesiam celebrare festum Conceptionis octava Decembris die pro corpore, aut embrione nondum anima donato; Pepinus pro omnibus difficultatem soluit, ait ; enim : Festum, quod hodie facimus, non est referendum ad diem praesentem determinatè, sed ad illum diem, in quo primum caro Virginis suscepit animam rationalem; & quia talis dies non est notus Ecclesiae, accipit diem certum pro incerto.

269 Secunda opinio est illorum, qui assertunt corpus Mariæ paucis horis à consummato Matrimonio Annæ, & Ioachimi, spiritu rationali fuisse informatum. Pro hac refertur Beatus Amadæus, cuius meminit Chtonica Patrum Ordinis Minorum part. 3. lib. 6. cap. 30. in quodam libro quatuor dam revelationum : huic novissimè subscribit Saabedra Ordinis Sancte Mariæ de Mercede tom. de Conceptione, disp. 4. sect. 2. num. 235.

270 Tertia opinio poterit esse Sancti Ildefonsi, qui apud Trium lib. de Scriptor. Ecclesiasticis, Conceptionis solemnitatem decima octava die Decembris quotannis celebrat; vnde in eo fuisse sensu videtur, ut crederet, fuisse Virginem primò conceptam Conceptione materiali die octava Decembris; fuisse tamen anima donata Conceptione formalí post decem dies ab utriusque Parentis con-gressu.

271 Quarta sententia assertit die octava mensis Decembris corpus Beatæ Virginis consueta generatione fuisse conceptum, formatum, delineatum, anima rationali instrutum, ac tandem summa perfectione donatum. Hanc sententiam primus evulgavit Doctor quidam Parisiensis Philippus Malla ante annum Dei 1488. quem sequens est Pater Granadus lib. de Conceptione Virginis : eandem tunc Pater Poza, illamque authoritatibus, revelationibus, & rationum momentis firmat in Elucidario libr. 3. tract. 2. cap. 4. subscribit M.

Frater Gabriel de Morales libro Hispanico idiomate *Complacencias gozosas*, cap. 2. num. 4. estque communis recentiorum Scriptorum.

272 Quinta sententia esse poterit illorum, qui cum fateantur octava Decembris die fuisse creatam Deiparæ animam, suspicari possunt nonnullis ante octavum Decembris diebus, aut mensibus per etum fuisse congressum Annæ, & Ioachimi, ita ut licet octava die Decembris cœperit Virgo vita rationali vivere, nihilominus octoginta, aut nonaginta diebus ante animationem accidisse corporis Conceptionem: quam sententiam non nullum Philosophiarum dissidium persuadere videntur Historiarum nonnullæ, quarumdam foeminarum, quæ usque ad duodecimum, sive decimumquartum mensem prolem in utero retinuerunt; ut refert Plinius lib. 7. naturalis Historiarum, apud quem reddidit rationem Praetor Papirius, scilicet, quoniam nullam certum tempus pariandi videtur statutum. Et Sanctus Ambrosius in Exam. cap. 10. Unde iuxta hanc sententiam fieri poterat, primam Conceptionem octoginta, aut nonaginta diebus præcisissime secundam, idest animæ infusionem.

273 Sed ut rectè ait Barro Sloti M. in 3. sent. dist. 3. *Si debet errare, vult potius errare in abundantia laudis Mariae, quam in diminutione.* Proindeque parum decens hic philosophandi modus mihi videatur. Praeterea ex Historia de Ortu Deiparæ apud Hieronymum, cuius præcipua partis in Gregorio Niseno, Germano Methaphraste, & Græcis Scriptoribus, fidem habent, planè convincitur, pluribus ante octavum diem Decembris diebus, Annæ, & Ioachimi fieri non posuisse congressum, ut postmodum ostendemus num.

274 Modo sexta sententia sit nostræ Agrediensis I. Part. de Mystica Civitate Dei cap. 15. num. 218. ubi afferit ex doctrina cœlitus sibi concessa, Conceptionem primam Corporis B. Virginis factam fuisse die Dominica, ante octavam diem Decembris, videlicet die secunda huius mensis; secundam vero Conceptionem, sive animæ infusionem factam fuisse die octava Decembris; quæ tunc temporis fuit feria 7. sive Sabbatum. Hæc sententia mihi inter alias probabilior, Chronologicis supputationibus conformior, Sacra Scripturarum germanior, Sanctis Patribus vicinior, ac tandem rationi congruentior videtur, quam stabilendam suscipio.

121

SECTIO SECUNDA.

AGREDIENSIS SENTENTIA PATRVM TESTIMONIJ firmatur.

275 **A** Nequam ullam ex Patribus pro hac sententia authoritatatem producam, vos admonitos esse cupio, Agrediensem agnovisse quamdam Mystologicam proportionem inter Mundi huius creationem, & formationem Corporis B. Virginis, ita ut huius Sanctissimae Matris productio, & creatio respondere videatur Mundi conditioni, & creationi: ita cap. citato num. 220.

276 Modo probatur Agrediensis assertio primo verbis Sancti Vincentij Ferrer sermone 2. de Nativitate Mariae, ibi: In principio creavit Deus Cœlum, & terram: ista simultas terræ, & Cœli figurabat simultatem coniunctionis matrimonij Ioachim, & Annæ: Ioachim dicitur Cœlum, Anna dicitur Terra. Quibus verbis indigetare videtur Sanctus Vincentius congressum Annæ, & Ioachimi non solum præfiguratum in Cœli, & terræ simultate, sed etiam die Dominica fuisse peractum, videlicet eadem recurrente die, qua Deus fecit Cœlum, & terram, quæ cum steterit Dominica, huius, in qua Dei Mater concipitur typum, & præfigurationem gessit.

277 Deinde suadetur Agrediensis assertio testimonio Ricardi Sancto Laurent. lib. 7. de Laud. Virg. ibi: Maria primarium opus Dei, sic Genes. 1. In principio creavit Deus Cœlum, & terram, & ipsa primarium opus Dei dignitate, & præfiguratione: vnde ipsa dicit Proverb. 8. secundum aliam litteram: Dominus creavit me in initio viarum suarum. Unde expendere libet ly *primarium opus Dei dignitate, & præfiguratione*: dignitate quidem; quia nulla dignior, præter Filium, suit à Deo condita creatura. Præfiguratione; quia sicut Dominica dies stitit prima, in qua Deus creavit Cœlum, & terram, sic die Dominica, ut umbrae illi, lux ista responderet, Mariam concipi decebat. Sed adhuc clarius idem Richardus lib. 4. De excellentia suæ creationis loquitur Maria: ab initio, & ante sæcula, la creata sum Creata, idest, prævilla creari quodam privilegiato modo: vel ab initio creationis Mundi creata sum, idest, præfigurata creari per creationem. Eodem ferè locutus est sensu Hugo Cardinalis: *Ab initio creata sum*: idest, *præfigurata creari per creationem lucis, de qua factum est corpus Solis.*

Con-

278 Consonat itenim Sanctus Vincentius Ferrer serm. 2. de Nativ. ad illa verba : *Fiat lux*, statim Ferrerius: *Ecce Conceptio Virginis Marie*: in eadem verba Rupertus Genel. 1. *Fiat lux*, accinit: *Quasi iam diceret Deus Mariae illud (Isaiae 4)*. *Dedi te in lucem gentium*: *Deus enim banc lucem fecit quando B. Virginem de tenebris lucere, & splendescere dixit.*

279 His accedit Nicolaus Cardinalis Cusan. lib. 2. excita fol. 393. ibi: Interna prædestinatione Pater in Divinis ab antiquo for-
,, mavit in sua i lea hoc glorioissimum vas reparationis humanæ
,, conditionis miro, & ineffabili modo: & Moyses nobis hoc exprim-
,, mens dicit: In principio creavit Deus Cœlum, & terram: id est, Cœ-
,, lestem Angelicam, & humanam terrestrem vitam simul in Virgi-
,, ne Maria, quæ fuit Altissima dignitate Cœlum, & infima humili-
,, tate terra.

280 Ex his adductis testimonijis non improbabilis constituitur Agrediensis assertio; sicut enim Mundus à die Dominica sumpsit exordium, sic Mundi reparatio, quæ à Maria traxit initium, die Dominica erat auspicanda: & sicut Mundus septenario dierum circulo fuit absolutus; sic Deiparæ creatio erat etiam septenario dierum spatio consumanda, ut præfigurata videatur creari per Mundi creationem.

281 Memini Venerabilem Beda libello de ratione comput. cit. de hebdom. & 7. Planetis interrag. 5. Gentilium hominum circa planetas fallas, & errorcas opiniones, sic declarare: Existimabant se à sole spiritum habere; à Luna corpus; à Marte fervorem; à Mercurio sapientiam; à Iove temperantiam; à Venere voluptatem; à Saturno tarditatem: Sol, spiritus instar, calescit, & vivificat; Luna per humorem corporibus incrementa suggerit; Mars, ut soli proximus, colore simul, & natura fervens; Mercurius perpetuo circa solem discurrendo, quasi exhausta sapientia luce radiare putabatur; Iupiter frigore Saturni, & ardore Martis hinc inde temperatur; Venus luminis venustate, quam ex solis vicinitate percipit, suo cernentes allicit aspectu: Saturnus ed tardior cæteris Planetis, quod & superior incedit.

282 Hæc cœlestium influxuum erga homines sedula officia, in Virginis obsequium adnectamus, & quid, quisque Planetarum, sive dierum in tantæ Reginæ formationem obsequium præstiterit, videamus, quia ad Mariam ait, Poza lib. 1. tract. 2. cap. 5. Luminaria universa, & hebdomada dierum septem, quæ candelabri instar affulget orbi, respiciunt universa Cœli luminaria, certant pro Maria; illaque superior Machina, quasi septi lustri lucerna suas opes Mariæ ostendat.

ter, ne vlla sit dies, quæ non anhelet ad gloriosam fœminam, in qua velut in Imagine superiores orbes, & influxus adumbrantur: Guarri-
quæ Abbas: *Cælum est septem circulis constans, & Gerson tract. 2. Can-*
ticordi: Videre erat in organo Mariae corporeo motum, vel ut obliquum cur-
sui Planetarum non omninè absimilem.

SECTIO TERTIA.

SINGVLARVM FERIARVM A PRIMA, IDEST, DIE
Dominica, obsequia, & præfigurationes, ut Mundi conditione
respondeat Mariae formatio, in ipsis septem diebus in-
seminata percurrit.

283

VT præfiguratam Mariam creari per Mundi creationem ostendamus, opera pretium duxi singularum feriarum Hlius primæ hebdomadæ, vel exinde Virginis creationem adumbrantium, famulatus, & obsequia seorsim indigitare. Prius tamen Sancti Irinæi verba lib. 4. cap. 23. de Christo in Scripturis ubique obumbrato producamus, vt non absimilia S. Bonaventuræ cum ipsis conserferamus. Dei Filius, ait Irinæus, inseminatus est ubique in Scripturis: modo de Dei Filia Maria præstd sit S. Bonaventura in ser. 13. in Hexaem. Secunda est Mater Dei Maria, quia mira dicuntur de ipsa in Scripturis; in omnibus refertur Scripturis relatione ad Filium. Et quod dicunt aliqui: quare ita pauca dicuntur de Beata Virgine? Nihil est: quia multa dicuntur de ea, quia ubique de ipsa, & plus dicitur de ipsa, quam si unus tractatus fieret. Ubique de Filio quia inseminatus est in Scripturis, ubique etiam de Matre, quia de ipsa agitur ubique.

284 Iam vero diei Dominicæ cum Virgine mysterium adnecimus: dies ista prima, digniorque cæteris materiam tanti operis Efermandi luscipit libenter, quia ut S. Lec epist. 81. ad Diocorum ait: huius diei laudes perstringens: *Quidquid est à Domino insignius constitutum, est in huius dies dignitate gestum.* Lodulfus parte 2. de Vita Christi cap. 69. inter alias diei huius excellentiam extollit, quia fuit 1. dierum, quam nox non praecessit; eritque ultima dierum, cui nox non succedit. Quo ergo faultori die decebat Virginem primo concipi, nisi illo, qui suum lucidissimum exortum inter cæteros adumbrabat? Quo die congruentius concipi oportebat, nisi illo, quem nullæ antecedentes tenebrae, nullæ successuræ supererant caligines. Et infra:

Quo

Quo modo Mater Dei Maria inter omnes mulieres primatum tenet; & inter ceteros dies hæc, id est, Dominica, omnium est Mater. Patrum absuit, ut vtriusque primatum Virginis, & diei similitate vtriusque originis declararet, sicut dignitatem primatam vtriusque comprehendaret. Huc revoca Richardi verba sc̄t. præcedenti alata: Cœlum est Maria, quia primarium opus diei dignitate, & præfiguratione. Et Vincentij verba: In principio creavit Deus cœlum, & terram; ista similitas figurabat similitatem coniunctionis Matrimonij Iacobim, & annæ.

285 Ut feriæ secundæ præfigurationem in Mariæ formationem collimantem pandamus, adderit S. Albertus Magnus super Missus est cap. 162. *In secunda die possum est firmamentum, & dividit aquas ab aquis: hæc est Beata Virgo, quæ habet stellas duodecim, id est, omnium Sanctorum in capite suo.* Præterea in divisione aquarum ab aquis hanc latitatem Virginis formationem perspexit Damascenus: Ex terra (inquit) natura Cœlum, id est, Virginem, in terra ille condidit, qui olim firmamentum ex aquis fixerat, atque in altum extulerat: ac sanè hoc illo longè diuinus; nam iustitiæ Sol, qui in illo solem efficerat, ex hoc ortus est: sic ille oratione prima de Nativitate. Nec refert, quod diei huic inter ceteros non fuerit à Deo impedita benedictio; id enim accidit, ut Galatinus lib. 3. cap. 13. ex Rabi Baban, & Rabi Losen; quia ea die Ignis hama producta est; ast & Mariæ in eadem feria præfiguratur produci, ut ignis, & orci balbas potenter occludas.

286 Iam vero quæ præfigurationis indititia feria tertia præsestat, ex inde colligitur, quod maris, terræque facies hac die apparuerunt, & vtriusque separatione exhilaratus est univerlus; per mare Maria à S. Bonaventura in Speculo cap. 3. intelligitur: *Mare propter affluentiam, & copiam gratiarum; sic etiam intelligit, congregations aquarum appellavit Maria.* Per terram virore vernantem Rupertus lib. 4. Virginem gratiæ rore vicescentem capit, ad illa verba Canticorum: ortus conclusus, &c. Unde ergo ortus conclusus est tu, o dilecta dilectilnis quia in te natum est aliquid, quod nunquam definit, & fructus tuus nunquam marcescit.

287 Feria quarta lucidissima Astrorum Solis, & Lunæ formatione Mariæ dum tacitis augetur incrementis in Annæ vtero, adstare videtur. Sed quoniam sub luce est, an Luna facta fuerit plena in sua prima conditione, an crescens; placet Lunam crescentem defendere; licet Divus Thomas 1. part. q. 70. art. 2. ad 5. satis probabile iudicet, quod Luna facta plena: audiendus tamen Rupertus lib. 2. in Genesim cap. 20. ibi: *De Sole, & Luna hodie inter doctos diver-*

, sa sententia est : alijs dicentibus, quod Lunam creans Deus statim plenam ostenderit; alijs è contra assertoribus, quod utrumque , & simul fecit; ita & in coitu posuerat, vt paulatim Luna de sublatere Solis emergetur cum cremento mutuati luminis. Sic procedebat hac feria Virginis illa defæcatissima materia, quasi Luna crescens, de sublatere adumbrantis ex tunc virtutis Spiritu Sancti , & Sabbato sequenti toto Solis est adverto lumine irradiante, idest , gratiæ splendore circumclusa plenissima claritate coruscaret: sicque fieret identidem, & aliquando ex ipsa tanquam , ex quapiam Luna , cœlestibus fulgoribus plena.lux ipsa Solis, hoc est Filius, processisset.

288 Quintæ feriæ typus succedat huius diei opus, ait S. Albertus super missus est cap. 162.. Est formatio piscium, & avium ; & quid sunt pisces, & aves, nisi Beata Virgo, quæ ut piscis natavit in mari tribulationum, vt avis volavit sepe pennis ventorum ? Quid plura? disertè quidem immunitas labis originalis culpæ moliebatur in piscis præfiguratione, eo quod vnde , quæ in aliorum viventium suffocationem delerunt, in piscium tamen vitam , indennitate quadam, conspirent. Aptius per dies præfiguratam Virginem fateberis, quarum conditio plus ad Cœlum tendit , quam terris inhærere videtur.

289 Tardo gressu succedit feria sexta, quæ, vt Maria tantis iam delineata mysterijs, proximus ad perfectissimam speciem accederet, totius universi votis debet at præcurrere. Ast per Evæ formationem hac die absolutam, Mariæ indicari constructionem, iam iam absolvendam, non inficias iri , opinabor : *Non est bonum hominem esse solum, faciamus ei adiutorium, &c.* hic Richardus lib. 1. de laudibus: *Illa enim iteralis Eva viro suo non fuit adiutorium, sed destructorum magis: haec, scilicet Maria, in adiutorium.* Et Tertullianus in eadem verba lib. 2. adversus Marcionem cap. 4. *Sciebat enim illi sexum Mariæ profaturum.*

290 Optatissima Sabbati dies, in qua delineatum illud sex diebus præcedentibus, fore divinum opus erat absolvendum, adest : iam corpus illud virtute divina compactum, corporisque formatio , non tam naturæ legibus subiecta, quam in seminatione mystica in mundi creatione, septem dictum circulis obumbrata arcana cœlestis numinis providentia perficitur ; vt tandem omnipotens in huius operis creatione, absolutione , & perfectione , & dulcissime, & securius conquiescat : *Compl. vitque Deus die septimo opus suum quod fecerat, & requievit* Genes. secundo : *vt post tumultus Angelorum, & hominum, & reclinarerit* (in Maria de qua loquitur hic S. Bernardus serm. 3. de Na-

tivitate , qui est etiam Conceptionis) & requiem inveniret.

291 Hæc alicui videbuntur piè potius coniectari , quam affir-
mari posse : sed ut optimè Celenlis epist. 9. lib. 9. Præsumantur
multa de Virgine , quæ nusquam leguntur , & præsumptionibus
standum est, donec probetur in contrarium: singulare Virginis pri-
vilegium non habet similitudinis consortium. Igitur si in Scriptu-
ris *ubique de Virgine*, & plus dicitur de ipsa , quam si unus tractatus
ficeret; cur non in Moysis de Mundi conditione , & historia libro Virginis
formatio non legatur ? præsertim cum Virginis formationem , vt aie-
bat Cardinalis Cusanus, vbi supra Moyses nobis expressit, dicens : *In*
principio creavit, &c. Sed adhuc tota mundi creatio simul sumpta
Virginis creationem obumbravit , vt sectione sequenti videbi-
mus.

SECTIO QUARTA.

TOTA SIMVL MVNDI CREATIO VIRGINIS CREA-
TIQVM, PRÆFIGURAT.

292 **P**AUCIS me expediam : Statim in suffragium huius asser-
tionis advoco S. Bernardum serm. de Beata Maria : *Dic-*
minus altissimus eam, quasi mundum specialissimum creavit, quam in ius-
stitia, & Sanctitate coram ipso fundaret, &c. Præterea Sancta Birgitta
serm. Angelico cap. 5. *Mundo creato, ab his unus minor mundus coram Deo*
cum omni venustate increatus astabat. Quid ? nonne in similitudinem
Mundi aliquando creandus ? accedat Arnoldus Carnotensis de lau-
dibus Virginis: *Maria creaturis constat omnibus: quidquid enim singulis*
distributio iustus contulit, Matri adornandæ concessit. Quid aptius, &
rationi ordinatisimæ conformius, quam Deiparam tot spatijs in lu-
cem edi à supremo conditore, quo mundus ipse editus, & creatus est;
vt non inepta Patrum comparatio, aut parum accommoda videatur;
cum alioquin in utriusque conditionis similitudine quidquam absur-
di, aut inveniri queat, aut vel à factiosis, attenta consideratione , va-
leat repetiri?

293 Nec refert dicere; Patres in adductis testimonij mysticè suis.
se loquatos; quia quandoque sensus iste mysticus rei figuratae penitus
convèltit veritatem, & velut imago prototypum umbra corpus, spe-
cies obiectum; sic sacramenta, obscuris licet delineamentis , obvol-
bynt veritatem, quam Sacri Interpretes mentis à cumine , veluti peni-
zeli

147

cell o quodam vivis coloribus in communem lucem subducunt, de-
pro munt, subtrahunt.

294 Non disimilis mihi videtur Sancti Hieronymi recepta af-
sertio apud Lodulfum part. 2. cap. 62. vbi non solum diem, sed lapsus
horam Adami depingit: *Qua bora primus Adam mortem peccando
induxit, eadem bora secundus Adam mortem moriendo destituit.* Mira
ergo temporis correspondentia! mira lapsus, & reparationis conso-
nantia! frequens enim iste discurrendi modus Patribus a fridet, qui
passim mysticis parallelis Christi, & Virginis sacramenta r̄mantur.
Excepimus Hieronymum, nec gravabimur excipere Augustinum.

295 Igitur Augustinus tom. 3. lib. 4. de Trinitate cap. 5. &
tom. 4. lib. 8. qq. & 56. Christi Domini in utero Virginis, sic tem-
pus, recondito mysterio eius gestationis in utero supputat ad illa ver-
ba Ioannis cap. 2. n. 19. *Solvite templum hoc: adiunctis alijs Iudeo-*
tum: Quadragesimæ annis edificatum est templum hoc, &c. Modo
„Augustinus: Nōh absurdè quadraginta & sex annis dicitur, fabri-
„catum esse templum, quod corpus eius figurabat; & quot anni fu-
„erunt in fabricatione templi, tot dies fuerint in perfectione Corporis
„Christi Domini. Tot inquam multiplicatis ly quadragesimæ & sex diebus,
per sex; ita ut gestationis tempus, hac supputatione, deveniat ad du-
centos septuaginta & sex dies, qui à concep̄t̄ Verbi in utero Virginis
die 25. Martij ad quintam supra vigesimam Decembris fluxer-
unt; ut vel in ipsa ludeorum obiectione veritatis veritas ipsa, sacramento
quoddam obvelata, panderetur; quam primus in lucem ingeniosissima
calculatione edidit Augustinus.

296 Eodem ductus est Rupertus discurrendi modo lib. 3. in
Ioannem cap. 13. vbi ex nomine Adam, qui quatuor litteris græcè
est compactum numerum sextum supra quadragesimum conficit,
proferendo templi, & Corporis Christi mysterio. Prima littera
Alpha. q. 1. rum est Alpha, & equivalens unitati: Secunda Beta,
Beta. q. 2. & equivalent quaternario: Tertia est Alpha rursus, &
Alpha. q. 3. unitati rursus equivalent: Quarta Mi, & valet qua-
Mi. q. 4. draginta; ex quibus omnibus, numerus quadragesimæ
tex respondentis templi fabricatione, & Corporis
Christi gestationi (ut explicatum manet) conficitur.
Si ergo hæc frequentissima sunt, cur novum, & insul-
latum Agredensis debet cuiquam videri ascertum de mundi
creatione ad Corporis Virginis formationem de nobis
longior. 2. connotiq̄um translatumq̄lib tam elongatum
eiusm̄ omnis ministeriū, s. 2. 2. 2. sed ille ob. d. 2. 2.
secundum

SECTIO QUINTA:

RATIONE EX RECEPTA HISTORIA VIRGINIS;
veritas eadem suadetur.

1. 297 **T**andem convinci poterit hæc Agrediensis de Virginis formatione sententia ex historia n. 11. sectionis primæ citata, de ortu Virginis, vbi habetur: Factum est, ut Encœnorium festi vitas appropinquaret; vnde cum nonnullis cōtribulibus suis Ierofo, lymam Joachim ascendit; vbi, quia sterilis, & prole indignus, relatus à Pontifice, celer remeat Nazareth, & cœlestè oraculum defuturum sibi prole accipit. Et hæc encœnorum solemnitas, ut habetur 2. Maëhabæorum cap. 10. prope finem Mensis Novembris agebatur, & diebus octo perdurasse fertur: ob ritus Patrios, & priscam Religionem, ait Iosephus lib. 12. de antiqui. cap. 11. vnde, ut optimè Ioannes Baptista Poza observavit, à reditu Joachimi, apparitione Angeli, oratione varijsque, Annæ in orto, & Joachimo in monte, de quibus Si Hermannus encomio de Virginis præsentatione: *Vix ellici possunt sempiternam dies ad octavam usque Decembrit in quibus tacer illus congressus eveniet;* ut minutissime, & per quam exacte convincit civitatis Poza lib. 3. tract. 2. cap. 7. omnino videndus. Iti ergo septem dies sunt illi, quos Agrediensis assertus interfuisse à prima Conceptione Corporis die Dominica facta, ad secundam, scilicet Animæ creationem Sabbatho sequenti, assertam.

298 Iam vero in quo hæc Agrediensis supputatio Censoribus infensa, aut Religionem deturbare, aut modestiam retundere, aut sanos Ecclesiæ sensus inficere, aut Patrum dicta detruncare, aut scandalum fidelibusingerere, linceis oculis intueti, necesse est, qui videat. Firmioribus ne innituntur momentis, qui instantaneam Corporis, & Animæ Conceptionem tuentur; quorum Philippus Palla, Parisiensis extitit primus, & Corifeus nec ab ullo hucusque reprehensus; quia in aliis Virginis, eiusque gloriam, pia illa sententia vertebarunt.

299 Sed neque diei determinatio, scilicet Dominicæ, & Sabbathi, ipsos Censores pangere debet, cum vix ullus sit dies; cui, iuxta varios supputandi modos, Conceptione Virginis non videatur responderet: ab anno 12. natalis Virginis ad annum. usque vigesimumquintum magnopere sunt discrepantes. sapientum opiniones, S. Augustinus lib. de mirabilibus Sacrae Scripturae, credit Mariam anno ætatis

suæ duodecimo Iesum peperisse. Driedo lib. 3. de dogmatibus tract. 3. cap. 5. & Annius in sua Chronologia: *Anno decimotertio.* Niceforus, & S. Vincentius serm 2. de Nativ. *Anno decimoquarto.* Epiphanius anno decimoquinto completo: & decimosexto inchoato: Abulensis in Marthæum q. 95 *Anno 16.* aut 17. *completo.* Ioannes Georgius Gerbasius in Chronica cap. 247. *Anno 18. completo.* S. Anselmus in fine operum, & Albertus Magnus cap. 39. super Missus, ac Cayetanus in 2. *Lucæ: Anno 25.* aut trigesimo, aut intermedio ætatis suæ anno.

300 Modo, si duodenis parit Salvatorem, iuxta Chronologiam supputationem Pozæ lib. 4. tract. 4. concipitur Maria die Dominica octava Decembris, sub littera Dominicali F. Si ætatis suæ decimotertio edidit Iesum, eius Conceptio incidit in diem octavam Decembris, quæ tunc fuit Sabbatum, sub littera Dominicali G. Si parit anno decimoquarto, eius Conceptio fuit die octava Decembris, feria sexta, sub littera Dominicali A. Si parit anno 14. completo, eius Conceptio fuit octava Decembris die, feria quinta sub littera Dominicali B. C. si parit anno duodecimo completo, eius Conceptio fuit octava Decembris, feria 3. sub littera Dominicali D. Si parit decimo-septimo anno completo, eius Conceptio fuit octava Decembris die, feria secunda sub littera Dominicali E. Si decimo octavo anno parit, eius Conceptio fuit die octava Decembris, feria 1. sub littera Dominicali F. &c. Sic usque ad annum vigesimumquintum, aut trigesimum, trahi potest hæc supputatio per dies, & ferias determinatas, iuxta varios sentiendi modos, & assignari dies certa poterit Conceptus Deiparae.

301 Sed quoniam supputationes istæ parum Agrediensi inservire possunt, parumque nos iuvare; est enim unaquæque, iuxta unius cuiusque sensum composita: nullo aptiori argumento veritas Venetabilis Abbatissæ persuaderi potest, quam si speciale, eiusque propriam Chronologiam, quam pro Deipara in sua Historia subtexuit; attenta ratione considerare, ad numeroique devolvere, & mathematica demonstratione ostendere, an sibi constet foemina ista? Quod si constans sibi inveniatur Agredensis, & in rebus minutissimis consequentia tenax deprehendatur, non ultra modum suspicabitur quis-

quis, illam superioris luminis claritate fuisse perfusam miretur; celestibusque afflatibus, tanti operis molem fuisse meditata. *

SECTIO ULTIMA.

TOTAM DISSERTATIONEM ABSOLVIT:

*An dies Dominica, in qua Beata Virgo fuit primò concepta, cor
responderit diei creationis Angelorum, quorum Regina,
& superior futura
erat?*

302 **A**ctum erit de tota huius dissertationis difficultate, si probaverimus diem Dominicam, assertam pro primo Virginis conceptu correspondere diei creationis Angelorum, quæ erat secunda dissertationis pars. Non immorabor Veterum Patrum præterim ex Græcis & creatione Angelorum ante Mundi constitutionem referre sententiam, quam Divus Thomas Græcis, præsertim Nazianzeno, & Anselmo tribuit 1. part. q. 6 1. art. 3. ad tertium: licet Salianus epitome annualium cap. 7. eam Latinis etiam Patribus aliquibus adtribuat: cum iam post acta Concilij Lateranensis cap. fulmiter de summa Trinitate, verior, ac tutior, & omnium Catholicorum communis sit sensus, Angelos fuisse creatos, non ante Mundi constitutionem; cum Deus ab initio temporis utramque de nihilo considerit creaturam spiritualem, & corpoream; Angelicam, videlicet, & humanam. Ubi animadvertisendum est Græcorum Patrum sententiam olim displicuisse Divo Thomæ, nec tamen erronea fuit a. Angelico Doctore censenda: præcipue (air ille) propter sententiam Grægorij Nazianzeni, cuius tanta est in doctrina authoritas, v. nullus unquam eius dictis calumniam inferre præsumperit; sicut, nec Athanasij documentis. Quæ verbâ, licet non multum ad rem, c. i. ca quam versamur, conducere existimantur; tamen libenter re-tuli, vt Factiorum Censorum ora, Angelica modestia, obtundantur; ipsi enim in suis commitijs, ausi sunt mirabiles Damascenum, & alios sibi obiectos in Agrediensis defensionem Græculos vocitare: nisi forte parati sint nobis obiecere S. Thomam, aliotque Patres, Viros pios, sed ingenuos esse, vt ibidem inverecundi homines blasphemarunt.

303 Ad rem ergo; nec illorum sententia placet, qui opinati sunt Angelos feria sexta simul cum homine fuisse creatos; illo parum solido principio nisi Iobi 40. vbi dicitur: *Ecce Behemoth, quem feci te-* temp.

tentiam Pererius lib. 1. in Genesim num. 195. & refert, & satis efficaciter refellit: proindeque cum constet Angelos fuisse conditos in tempore, superst corundem creationis diem assignare.

304 Communiter Patres, & Scholastici affirmant fuisse creatos die prima, id est, Dominica; sive eorum creatio tacite nobis innuatur per ly creavit Cœlum, &c. sive per ly fiat lux. Huius opinionis sunt S. Augustinus lerm. 251. de tempore apud Patrem Suarez tom. 2. in 3. part. disp. 66. sect. 1. eandem tribuit Rupertus in Genes. cap. 10. nominatissimis Patribus, ait ille: *Magni, & nominatissimi Patres intellectu exerunt naturam Angelicam lucis nomine.* In eandem, tanquam à nullo in dubium revocatam, propendet Ledulphus de Vita Christi part. 2. cap. 69. Iunilius apud Lipomanum, cum Cœlos, vel Angelos à Deo fuisse creatos afferit, & à Deo ita atestatum esse proponit: *Quos in principio, inquit, cum Cœlo, & terra esse editos :::: Testatur ipse conditor.* Huius etiam sententiae sunt Beda, Epiphanius, Theodoreetus apud Suarez de Angelis cap. 3. Ergo si Angeli diei Dominica creati sunt, huic Angelorum conditioni respondet prima Virginis Conceptione, quæ die etiam Dominica generata refertur. Nisi velint factiosi opinionem illorum, quos supre solo nomine, retullit Pererius, ubi supra, de creatione Angelorum facta feria sexta, ad eum certitudinis gradum evchere, ut prævalere possint Patribus nominatissimis; ut exinde acrius in Agredensem nostram impetuosis censuris ferantur: aut Grætorum Patrum sententiam prorsus sepultam, penitus effodire. Doctores Scholastici cum Magistro in 2. sent. dist. 2. & D. Thoma 1. part. q. 1. art. 2. August. & Patribus adductis consentiunt apud Arriag. disp. 1. de Angelis sect. 1. Hic brevem proponendam duimus demonstrationem mathematicam de prima Virginis Mariæ Conceptione, die Dominica; & de secunda Conceptione, & animatione eiusdem die Sabbati: quam demonstrationem sic perspicuam habebis.

DEMONSTRATIO CHRONOLOGIÆ DE DIE SABBATI in Conceptione Immaculata Sanctissimæ Virginis MARIAE in primo instanti Animationis suæ.

305 **I**uxta Chronologiam librorum de Civitate Dei Mystica in Historia Vitæ Beatisimæ Virginis Mariæ lib. 3. num. 138. Mundus creatus fuit in Martio, & transferunt usque ad Verbi Incarnationem § 199. Anni, ut tenet Sancta Ecclesia in Martyrologio. Et eodem lib.

M. 3. num. 475. quando natus fuit Dominus; erant Mundi ipsius
5199. Anni, post novem Menses complendi, fine Decembris anni
Mundi 5199. Eodem anno, & ipso lib. num. 114. Sanctissima Vir-
go tempore Incarnationis: *Habebat Annos 14. sex Menses, & septem-*
4.3.17. *decim dies.* Et lib. 8. num. 742. dicitur: *Quando natus est Domi-*
nus, habebat Sanctissima Virgo quinde eim Annos, Menses tres, &
septemdecim dies.

Sic patet quod Sanctissima Virgo nata est Mundi anno 5184.
currente à creatione eius: & cum dicatur lib. 1. num. 218. & seq.
Quod fuit prima Conceptio Sanctissime Virginis, hoc est, Corporis, in die
Dominica, correspondenti primo diei creationis Mundi: Sabbato sequen-
ti proximo, fuit 2. Conceptio, hoc est, infusio Animæ, corresponden-
ti septimo diei creationis Mundi: & lib. 1. num. 315. nata est San-
ctissima Virgo octavo die Septembris, integris novem Mensibus,
post Conceptionem suam, duodecima hora noctis: patet, quod anno
5183. Mundi concepta fuit eadem Sacratissima Virgo, ipso Anno
emergenti currente.

Ut fiat Chronologica demonstratio prædictæ diei Sabbati in
Conceptione eadem, supponendum est, quod reformatio anni Iu-
lianæ, seu Imperialis incepit ante Nativitatem Domini annis 45. vt
tenet Communis opinio ex Suetonio, Censorino, Macrobio, Plinio,
& ex omnibus eius temporis Chronologijs: & Annus Conceptionis
Beatissimæ Virginis fuit, ex hac regula, integro Cyclo solari trans-
dato ab Anno confusionis, seu ab initio prædictæ reformationis Cesa-
rianæ: & per anticipationem intercalationis ab Ethnicis Sacerdotibus
factam, character anni Mundi antecedentis 5182. cum factus fue-
rit intercalaris, seu Bissextilis, præcessit ad annum 5183. eiusdem
Conceptionis B. A. Ex quo per locum intrinsecum in characteribus
Iulianis fuit 5183. Character Dominicalis G. & ex eadem regula-
tione, supposita Conceptione eadem; emergens item 5184. à Men-
se Ianuario littera F. in anno Nativitatis, itidem emergenti, in Men-
se Septembri complendo in annis sequentibus.

Ex quibus præmissis facile fit, non solum de anno prædicto Con-
ceptionis; sed & Nativitatis Beatissimæ Virginis, & de littera nomine,
& numero diei demonstratio hac evidenti ratiōne, qua patet
Conceptionem Purissimam Beatissimæ Virginis
fuisse in Sabbato.



Mundi annus 5183.
Mense Decembri.

Mundi Annus 5184.
Mense Septembri.

*Ipsæ est annus 17. ante Domini
Nativitatem.*

*Ipsæ est annus 16. ante Domini
Nativitatem.*

Sequitur December.

Sequitur September.

CORRESPONDENT AD DIES CREATIONIS MUNDI SEQUENTES
Characteres, Numeri, Nomina dierum.

Characteres.	Numeri.	Nomina dierum.
F.	1.	Sabbatum.
G.	2.	Ex G. Charact. Dñca.
A.	3.	Feria secunda.
B.	4.	Feria tertia.
C.	5.	Feria quarta.
D.	6.	Feria quinta.
E.	7.	Feria sexta.
F.	8.	Dies Concept. Sab.

Characteres.	Numeri.	Nomina dierum.
F.	1.	Ex Charact. F. Dños.
G.	2.	Feria secunda.
A.	3.	Feria tertia.
B.	4.	Feria quarta.
C.	5.	Feria quinta.
D.	6.	Feria sexta.
E.	7.	Sabbato.
F.	8.	Dñca. Nativit. V. SS.

In prædictis Libris de Civitate Dei Mystica, hac eadem ratione, sunt demonstrationes, mathematica consequentia ductæ in omnibus eventibus, & Epochis; alijs difficilimæ investigationis apud sacros Expositores, tam ex Testamento Veteri, quam ex Novo, & in omnibus Chronologijs in eisdem Libris expressis; ita ut cuilibet ad stuporem sit, quod cum vla fuerit Scriptrix eorum vniuersali Chronologia, ducta à versione Græca LXX. Interpretum (omissa vulgata latina) quæ ab octogentis retro annis stabat obliterata; omnia sibi benè content; vt laboranti clarum fieri.

Supereft: an ipsis displicuerit ultima huius propositionis pars, in qua Maria superior Angelis, Domina, & Regina Angelorum prædicatur futura? sed paucis hæc evidentissima Virginis celitudo absolvatur, Sancti Petri Damiani serm. 44. in Nativitate B. Mariæ vers. bis: *Quid grandius Virgine Maria, quæ magnitudinem summæ Divinitatis infra sui ventris concludit Arcanum? Attende Seraphim, & in illius superioris naturæ supervola dignitate: & videbis quid quid maius est, minus Virgine; solumque opificem opus istud supergredi. Similiter S. Anselmus apud Pelbartum, aliquique Patres paſsim à sex Interpretibus in Virginis laudem collecti, quorum magnam cohortem congregavit Pater Cárdenas libello illo, cui titulus Geminius syrus per totum.*

DISCEPTATIO SECUNDA , CIRCA NUM. 2 18.

AN virtus Divina imminuerit tempus naturale in formatione Corporis Sanctissimæ Filiae, & id quod fieri debebat in octoginta diebus (aut in illis, qui naturaliter requirebantur) maiori cum perfectione factum fuerit in septem; ita ut Sabbatho sequenti, & proximo huic primæ Conceptioni, facta fuerit secunda, Altissimo creante Animam suæ Matri, eamque in Corpus eius infundente.

SECTIO PRIMA.

IMMINVTVM TEMPVS FVISSE IN FORMATIONE
Deiparae defendimus.

306 EX dictis in tota præcedenti disceptatione facile evincitur huius dubitationis resolutione: nec quidquam aliud superest enodandum, quam asserta hæc temporis imminutio in formatione Corporis Beatae Virginis. Et in primis hæc temporis imminutio longè miraculosior afferitur à Philippo Palla Parisiensi, Granado, alisque disceptatione superiore citatis, virpotè instantanea, & omnino similis formationi Corporis Christi. Præterea similiter breviata defenditur formatio Corporis Deiparae, & imminuto tempore absolta, à Beato Amadæo; quem novissime secutus est Saavedra ubi supra. Tandem imminutam temporis formati nem videtur defendere Sanctus Ildefonsus ubi supra, apud Tritium. Modo rogemus Censoris; an adversus hos omnes sententiæ modis ceteratim ferantur, ita ut non solum Agrediensis sententia sit abradendus; sed etiam Philippi Palla, Amadæi, Sancti Ildefonsi, & aliorum opiniones sint expungendæ? Ipsi sani, integrique Iudices videant?

307 Quapropter stet, & miraculosam fuisse Corporis Deiparae formationem; & nulla dignam censura, aut animadversione Agrediensis sententiam de temporis imminutione: cui consonat Gerlon, Cancellarius Parisiensis Serm. de Nativit. Sanctæ Mariæ tmo 3.
„ Inveniemus, ait ille, Corpus Mariæ miraculose compositum, ac „ pro inde colligimus, nec malevolus aspectus cuiuslibet ex Planetis „ nocuisse credendus, in ipso Conceptionis, seu Nativitatis exordio; „ sicut nec huiusmodi formatio subiicitur Cælorum influxibus (vide Censores an spectaverit cursum naturæ hæc miraculosa forma- „ gio)

,, tio) quia quidquid agebatur, hoc totum magis erat grātē, quam
 , naturæ. Hucusque Parisiensis Cancellarius, quem in hac re socium
 habent Epiphanius, Damascenus, & Gregorius Nisenus, alijque Pa-
 tres à Philippo Palla, & Patre Poza, pro sua instantanea formatione
 adducti, & à nobis relati sunt. 1. inter referendum Doctores quatuor
 sententiæ.

308 Sed rationum momentis id ipsum persuadamus. Prima sit
 , desumpta ex Agredensi nostra, hoc loco, num. 216. Eo mirabi-
 lius, & excellentius te gessit Deus in formatione Corporis Deiparæ,
 , quām in foimatione primorum Parentum, quòd & admirabilior, &
 , excellentior; non solum illis, qui statim erant peccaturi, verū.
 , etiam omnibus alijs creaturis corporeis, & spiritualibus futura erat.
 Ergo decuit formationem Virginis portento similem, excellentiorem,
 & mirabiliorem esse formationibus primorum Parentū, ut enim inquit
 Hilpanus (Hispani quidem, & reverenter, & piè de Virgine Deipa-
 ra semper confuerunt) tract. de Conceptione: *Honestior disputatione es-
 set, excellentiā aliquā sacrae Virginis Conceptionis supra primorum Paren-
 tum concedere, quām ipsam illis inferiorem appelliare præsumere.* Modo sic:

309 Primorum Parentum formationem Philo lib. de Mundi
 , opificio ita commendat: Non ex quavis terræ parte, humo sump-
 , ta, videtur hanc humana specie statuam formare (scilicet Deus)
 , voluisse, summa cum diligentia; sed selecta vnde quaque, optima,
 , & pura materia, ad id, quod inerat, purissimum excolasse accura-
 , tè, quod maximè ad hoc opus aptum erat. Qua, quæsto, diligen-
 tia, se gereret Deus in aptando Corpore dilectissimæ Matris, tanto
 nobilioris conditionis præ Adamo futuræ; quantò excellentioris ma-
 neris, & nominis præstabilitiam ipsa erat habitura?

310 Ulterius S. Augustinus de Genesi ad litteram lib. 9. cap. 15. non dubitat asserere Angelos formationi Adami fuisse administratos; & licet, quale illorum ministerium extiterit, non exprimit, nonnulli, quos suppresso nomine citat Peretius in Gens. lib. 4. de creatione ho-
 minis cap. 4. vers. 7. audatores Augustino facti, forsam ipsas Au-
 gustini testimonio; non dubitant Angelos pulverem collegisse, cora-
 pegisse materiam, eamque in similitudinem humani corporis con-
 formasse, atque figurasse: quæsententia non displicuit Divo Thom. I.
 part. quæst. 2. art. 4. apud Bonifacium Constantinum epitome de
 historia Angelorum part. 4. cap. 1. ergo solicitiori, & excellentiori
 studio credendum est Deum se gesisse in formando Corpore Virginis,
 non attentis naturæ tardis gressibus; nescit onim tarda molimina vir-
 tus Spiritus Sancti;

311 Non prætereundus hic mihi videtur Pater Alfonius Salme-
ron in Evangelia traët. 7. qui Corpus Beatæ Virginis, ne pigrum na-
turalis conformatioñis cursum pateretur; piè credit Angelorum mi-
nisterio fuisse formatum: *Piè creditur in formando Corpore Christi, &*
Beatæ Virginis ministerium suum, quod potuerunt, Angelo exhibuisse: er-
go imminutum est virtute divina tempus naturale formationis Cor-
poris Diciparæ: nisi velint Centores cum Peramato, Hermano, & alijs,
pro prima sententia dissertationis primæ allatis, nos cogere natura-
lem formationem, ferè à nullo ex nostri temporis Doctoribus admis-
sam, defendere; & veluti indubitatem admittere; quod sane nos fa-
cturi non sumus, cum decentius honori Virginis præmissa sententia
consultatur; & alioquin media via inter alias gradiamur; ita ut nec
per excessum, neque per recessum, aut decori Virginis quidquam
detrahamus, aut metas Religionis, & Fidei per exorbitantiam trans-
grediamur.

SECTIO SECUNDA, CIRCA NUMER. 218.

*SABBATO SEVENTI, ET PROXIMO HVIC PRIMÆ
Conceptioni, facta fuit secunda, Altissima creante Animam
sue Matris, eamque in Corpus eius
infundendo.*

312 **C**um ex superioribus constet, hanc Deigenitricis Con-
ceptionem, & formationem fuisse miraculosam, eius-
que Corpus virtute divina compositum; nec naturæ legibus, nec tem-
porum spatijs subiectum: insuper cum à nobis ex pluribus SS. Patrum
locutionibus ostensum sit non incongruenter, nec violenter, fuisse
adumbratam Virginis formationem in Mundi conditione, septem
diebus absoluta, & perfecta; parum laboris, aut oneris esse poterit,
stando præmissis, eius animationem factam fuisse Sabbatho sequenti
à prima die Dominica, eius materialis Conceptionis defendere. Qua-
propter licet plura à nobis sint exhibita, non incongruentia testimo-
nia, quibus hæc assertio non sine gravitatis pondere suadetur: in gra-
tiam tamen huius animationis ab Agrediensi Sabbatho assertæ, pauca
quidem, sed speciosa subiungam.

313 Et in primis non parum ad rem esse videtur, quod de flu-
vio Sabbatico Plinius scribit lib. 31. cap. 2. ibi: in Iudea rivus Sab-
batis omnibus siccatur. Eiusdem fluminis meminit Elias Thesbites

Iudeus : fluvius est, de quo dicitur, quod per singulos dies Hebdomadis tanto impetu errat, dempto Sabato, & lapides magnos moveat, ut nullo modo pertransiri possit, ex quo sapientes vocarunt Sabbatum, ab eo quod cesset, sive quiescat in Sabbato. Pro ciutmodi naturæ portente plures alios refert authores Pater Poza tract. 3. lib. 1. cap. 3. vbi ex sententia à se relatorum sapientum, rationem reddit huius miraculi Sabbathi fluminis: quod vero, ait ille, non alio die nisi Sabbatho fluenter, idcō existimant, quod Sabbatinas ferias Virginis ab Ecclesia dicendas, præmonstraret. Ipse vero Poza sententiam suam de fluvio Sabbatico ad Virginis conceptum revocat: meus sensus est, ait ille: hoc Sabbathi fluminis miraculum in ipso concepto, aut ortu Virginis incepisse; sibique patrocinari, ait, S. Anselmus de Virginis excellentia cap. 2. Ibi illud coniunctione, inquit Anselmus, apud me, Nativitatem Deiparae magna quædam, atque miranda Divinorum signorum industria præcurrisse. Nec temere hoc signum sub id temporis accidisse coniectatur, cum ante Virginis conceptum, neque in Scriptura, neque in Græcorum, Egiptiorum, aut Romanorum historia huius miraculi ullum vestigium reperiatur.

314 Nec mirum, nec novum Agrediensis assertum iam vide ri debet, cum eruditissimus hic Doct̄or animum deslegerit ad Sabbathicum Virginis formalem conceptum: etenim cum prædictus Poza, secutus Philippum Palla Parisiensem, Corporis instantanciam in formationem, & animæ infusionem tuebatur; hicque Sabbatho sententiatum hoc accidisse: prima non fuit Agrediensis huius sententiae scriptrix, quam Pater Poza præcessit.

315 Rursus iure septenarius iste dies, innumeris circuncinctus mysterijs, Virginis spiritualem conceptum sibi vendicare videtur: ast quia prolixum satis erit septenarij numeri præstantiam, & sacramenta percurrere, quæ passim ab Interpretibus Virgini adaptantur: videnti Eusebius lib. 3. de præparatione Evangelica cap. 7. Clemens Alexandrinus lib. 6. extromatum, Beda in Exaemeron, & S. Augustinus lib. 1. de Genesi contra Manicheos cap. 13.

316 Interim ex innumeris, quæ Filo, libro de Mundi opificio in laudem septenarij numeri exagerat, vnum decerpamus: *Hic soli numero, ait, nec gignere natura dedit, nec gigni; quam ob causam cæteri quædem Philosophi numerum hunc assimilant natæ sine Matre, Virginis Vesperæ, quam ex Iobis capite exortam narrant fabulae.* Aptare reformido Deiparae fabulosa quæque, dum cum Parisiensibus res agitur; sed quia commenta Philosophorum, quandoque etiam à SS. Patribus in veritate confirmandam adducuntur, ut illud de Pandora, humanioribus quibusque obium à fabulosis substractum, S. Thomas de Villanova

ad exprimendam congeriem gratiarum Virginis in ipsam detorserit,
patientur Censores nostrum de Victoria Virginis Deiparæ applicitum
acroama, ut dignum auditu.

317 Sicut septenatio nec gignere natura dedit, nec gigni (quo
paecto id fiat Philonem adite) sic Virginis Deiparæ gigni, nec gigne-
re natura dedit; sed supernaturalis virtus vtrumque præstirit. Genita
est miraculose ex Patribus exterilibus: (cita Anselmi verba huc non
,, vulgariter adducta deflectam: Natura gratiæ cedit, ac tremula stat,
,, progredi non substinens; quoniam itaque futurum erat, vt Deige-
,, nitrix ex Anna oriretur, natura gratiæ fœtum artevertere minimè
,, aula est, verum tantisper expectavit, dum gratia fructum suum pro-
,, duxisset. Oratione 1. de Nativitate. Succedat Angeli assertum in
,, historia de ortu Virginis, qui Ioachimo apparuisse fertur: Cum
,, alicuius uterum claudit Deus, ad hoc facit, vt mirabilius de novo
,, aperiat, vt non libidinis esse, quod nascitur, sed Divini muneric ag-
,, noscatur. En quomodo natura Virginis gigni non dedit, sed gratia,
Sed neque gignere, cum proles in eius utero suscepta supernaturali-
ter, simpliciter, & absolute sit concepta, vt Theologi affirmant, cum
Divo Thoma 3. p. q. 33. art. 4. & ibidem Suarez in textus commen-
tario:

318 In id ipsum collimare videtur quedam alia facia similitu-
do, quam S. Petrus Damianus lib. 2. epist. 5. de Sabbatho cum Mel-
chisedech factam, observat: Ad similitudinem Melchisedech Sa-
cerdotis, etiam Sabbathum Moyles introducit, id est, sine Patre, sine
Matre, sine aurora, & vespere; non enim ad instar aliorum dierum
de creatione Sabbati aliquid prius dixerat Moyles, sed sic ad illud
quasi iam notum repente prorrumpit. Par est ratio conferendi Sab-
batum cum Maria, par etiam inferendi conceptum eius fuisse in Sab-
bato: in Scripturis enim nulli Virginis memorantur Parentes, nulla
infantia, mors nulla; sed ad instar Sabbati repente iuxta Matthæi
Evangelium prorrumpit illis verbis: *Ioseph Virum Mri.e*: vt intel-
ligatur ab arbore genealogica avulsa.

319 Hæc non mediocriter, licet exornationis gratia sint à nobis
adducta, innuunt animationem Sanctissimæ Virginis Sabbatho fuisse
factam; dies enim iste ex tunc, vel ab exordio Mundi insicum Virgi-
nis complementum adumbrabat, iuxta id: *Complevit Deus die septimo
opus suum, quod fecerat*. Sed quoniam de his iterum est
redditurus sermo, sectioni finem
imponamus.

DISCEPTATIO TERTIA , CIRCA NUM. 220.

AN DIES ISTE DEO FVERIT , QVASI DIES FESTVS ,
 & dies Paschatis , & omnibus simul creaturis ; & an ob myste-
 rium illud Conceptionis Gloriosissimæ Mariae Spiritus
 Sanctus ordinaverit quod Ecclesia consecraret
 diem Sabbati Beatae Virginis .

SECTIO PRIMA.

DIRES ISTE , QVASI DIES FESTVS FVIT DEO , ET
 quasi dies Paschatis .

320 **O**Riginis homilia 23. ad illa verba Numerorum 25. *Quae offeratis mihi in diebus festis meis.* Rogat , forte ut fermpulum ableget à Centoribus ; an Deus habeat dies festos suos , his prope verbis : *Habit ergo Deus dies festos suos ? babet ; est enim ei magna festivitas humana salus.* Cum ergo initium solutis cæperit in Conceptione Deiparæ , dies ille Deo , quasi festus , & Paschatis proculdabio fuit . Dies requierionis Sabbatum illud Deo extitit , vt habetur Levitici 22. dies inquam , in quo Deus perfetè requievit , vt ait Iacobus à Voragine infra citancus : *Dies in quo , ut in Persona Mariæ loquuntur Sancti Patres ; qui creavit eam , requievit in Tabernaculo eius .* Ecclesiastici 24.

321 Sed age , & Celebritatis Erymon observemus : *Sanctus Isidorus Erymo.* lib. 6. cap. 18. ait : *Celebritas nominatur , eo quod non ibi terrena , sed cœlestia tantum agantur :* erit ne celebritas , & festivitas vocanda , dies illius formationis fortunatissimo calculo insignitus , in quo cœlestis Aurora Maria , irradiae Mundo cœpisse fertur ? Plura poteramus adducere Patrum testimonia pro locutione ista firmando , nisi in te adeò clara tempus inutiliter terere videmur . Dubitare non possunt Centores hunc loquendi modum , Deo obnoxium non esse , aut illi affectionem aliquam , sive mutationem impingere : ipse enim Deus tactus dolore cordis intrinsecus , per oppositum Genesis 6. est , quām sibi hominum peccata infesta sint , declareret , se se prodit : quid ergo si ex hī minū salutē , nostro loquendi modo , Deum læsum , & scilicet alloquamur , & meditemur .

322 Sanè Rupertus lib. 7. de Divinis Officijs dies requietionis Dei, & festivitatis, sic expendit: *Dei requies, causa Sanctificationis diei est* (quis sanctior dies ab exordio Mundi, illo , in quo sanctificatus , & gratiarum abyssus fuit creata Maria; aut quis dies solemnior , quam illa in Dei obsequium sanctificavit, vel ab exordio suæ animationis) consequenter ubi maior, & uberior eius requies illic sanctificator, copiosior: sic Rupertus argumentatur pro die Paschatis in quo Christus resurrexit: sic non absimiliter nos argumentari possumus pro Sabbato, in quo Deipara Mundo illuxit perfectè requievit Deus in Maria; ubi maior Dei requies, ibidem sanctificatio copiosior; & è contra : ubi sanctificatio copiosior, ibi Dei requies, & festivitas maior prædicatur : Cum ergo festum Deo solemnius ullum esse non possit , quam pura mens, cor sincerum, anima sancta, templum spirituale, inde fit , quod dies ille creationis Animæ Sacratissimæ Virginis ipsi Deo fuerit festum solemnne, & quasi per Antonomasiam, dies Paschatis.

SECTIO SECUNDA.

DIES ISTE CONCEPTIONIS DEIPARÆ FUIT D^{ES}
quasi festus omnibus simul creaturis.

323 C ettè nemini dubium esse poterit creaturis omnibus solemnissimum esse debere diem Conceptionis Deiparæ: nobis visitatissimus Patrum loquendi modus saltem non relinquit ambiguendī locum: inter alios, S. Anselmus hunc diem ad stuporem vsque extullit, homilia de festo Conceptionis: *O quanta est illa dies in qua noſtre reparatricis Anima digne creatur, & sacratur, & Sanctissimo Corpori unitur; non est verus amator Virginis, qui respuit colere diem Conceptionis, & creationis eius.* Videte Censores, ne vestra Censura prudat vos Virginis veros amatores. Et in epist. ad Episcopos Angliae sic fatur: *Diem Conceptionis, & creationis Matris Domini nostri Iesu Christi solemniter celebrabis: huc etiam revocanda sunt verba ab Ecclesia in Officio Immaculatae Conceptionis habita: Conceptionem badiernam perpetue Virginis Genitricis Dei Marie solemniter celebremus.* Accedit quædam revelatio habita Iodoco Clitoveo lib. 1. Purit. V. cap. 15. ubi hæc ex Persona Deiparæ intimantur: *De cetero festum Conceptionis celebres annuatim sexto Idus Decembri, & ubique celebrandam presides;* aliam huic revelationem similem inveries in Claudio Rota cap. 185. aliam reperies factam à Sancto Nicolao Episcopo, & Mat-

tyre, Helsino Abbatii Remensi, iam iam naufragium ineunti iussa
Deiparæ, apud Varonium in Martyrologio, Dionysium. Cartusianum
serm. 1.2. & 3. in festo Conceptionis, & Iacobum de Voragine set.
de Concept. huicque proditur cœpisse celebrari festum Conceptionis
anno Domini 1070.

324 Dices: verum esse ab anno 1070. festum Conceptionis ce-
lebrari, ut ex revelationibus adductis convincitur: ast hinc colligitur
tunc temporis, & conceptio quando haec Animæ creatio, multis retro
sæculis, facta fuit octava Decembris die, neque dies festus, neque à
creaturis omnibus celebrari potuit, siquidem his intervenientibus re-
velationibus, dies festus esse cœpit anno supra memorato; quare ad in-
tentum inventum iacta testimonia dolebimus.

325 Sed miror, & vel adversarij mirati teneantur, quam apta fuit
Agrediensis proprietas in exponenda festivitate diei illius: non enim
ait illa, dies iste simpliciter creaturis fuit dies festus, sed quasi dies fe-
stus; ac si diceret, illa dies tecum attulit condignitatē quamdam ex eo
quod in illa Animæ Mariae fuit creata, ut ab omnibus creaturis, si om-
nibus tantum fuisset patefactū mysteriū, colleretur, celebraretur, & re-
vereretur. De viro iusto ait Clemens Alexandrinus septimo Stromati-
num: Universa eius vita est quidam celebris, ac Sanctus dies festus, ac se
diceret, condigne sunt in forum dies, ut profectis habeantur. Multo po-
tius de creationis Animæ Sanctissimæ die, festivitas, & solemnitas qua-
dam erit prædicanda.

326 Sanè hunc conceptus Virginis diem Angelii in Cœlo tri-
pudijs hilares, & per quam læti fræquentarunt; cum enim in Divinitatis
speculo eis fuerit Virginis Conceptio perspecta, præ laetitia, &
gaudio tantæ futuræ creaturæ hilarescere ceperunt: ita Sanctus Vi-
ncentius Ferrerius eos meditatur exultantes: Sancti Angelii conceperant
Virginem in eorum mentibus, per quam eorum ruina repararetur, & ince-
perunt tripudiari, & facere festum magnum. Sermon de Conceptione
Virginis. Quid si mentis concepta Virginem apprehensam Angelii
gratulantur, fecisse purgandi sunt, cum re vera in lucem editam con-
pexerunt? quantum gaudij, & exultationis Cœlesti Curiæ ex natali
Principiilæ Mariæ aeterville credendum erit? ergo dies ille omnibus
simul creaturis, mente pollutibus, festus extitit: Angelicis simpliciter
dies festus fuit; quia dici eventum, & gratulationis motivum æqua-
lance librarunt; hominibus festus dies ille, vel quasi festus fuit, quan-
tum ex se erat, vt cum Scholasticis loquamur; quia ipsis etiam after-
rebat eorumdem reparationem, & libertatis restitutio felicissime exi-
cum omnibus oppresis moliebatur. Si enim, vt aiebat Clemens Ale-

xandrinus 3. Strom. *Dij miserti humani generis, quod natum fuerat laboriosum, ut a laboribus conquisceret, dierum festorum constitueretq; eis vicissitudines: quo pacto diei illius capillo felicissimo signati, ab ipso Deo non sit statutus festus, ex quo nostræ salutis initium, nostræ infinitatis remedium, nostræ mætitudinis solarium, ac tandem nostrosrum laborum refrigerium, faustissimum trahebatur auspicium?*

327 Memini Iudeos hunc diem, scilicet Sabbatum (Sabbato enim formaliter Concep. Deipara assertur concepta) festivis iubilationibus, & inprecationibus præstolari: *Invenimus Rabi Chaninab cum veturum Sabbathum esset, probè vestitum, solitum dicere: venite occurramus Sabbatho, & Regina: & Rabi Iona dicebat Veni sponsa: Veni sponsa.* Hic erat quidam Hebræorum ritus apud Novarinum lib. 8. cap. 2. de Sabbatho, quo Iudei quasi parentem Mariam ibi subodorantes reverebantur, & inquantissimis desiderijs preceabantur adesse.

328 Ut velint adversarij diei huius festivitatem contrahendam creaturis rationalibus tantum, ac proinde assertum Agrediensis exorbitare, eo quod omnes simul creaturas, sine discrimine ullo, in huius diei solemnitatem cumpellere videatur: quod quidem effugium puerile iudicabitur, vel ab ipsis pueris, qui Analogi termini significacionem, memoriter retinuerunt: Orbis enim totus exhilaratus inducitur ab Ecclesia: *Gaudiorum annunciatione in universo Mondo Conceptio tua Deigenitrix Virgo,* ait Ecclesia: codem sensu ait Agrediensis Conceptionis diem exterrisse festum omnibus simul creaturis.

329 Huius tantæ solemnitatis, festique diei grata inhilaratio, tum Deo, tum Angelis, tum hominibus, & unib[us]que simul creaturis, rationem philosophicam supra mysticas, quas adduximus, perscrutemur: & quia proprijs mihi disidere mos est, dum SS. Patrum suffulcios, securius, & solidius experiet incedi; ob id Sanctum Bernardinum Senensem tom. 1. serm. 61. art. 1. cap. 9. auscultemur: Omnes enim naturas, & Mundi perfectiones, ultima sua perfectione Virgo Sacra implevit: Deus quidem, licet in Mundi creatione, nihil produxit imperfectum, sed omnia perfecta, sicut eorum exigebat natura, tamen ultimæ perfectionis consummatio vique ad partum Virginis dilata est, & soli Virginis reservata; omnia namque entia vnum ens nobilissimum appetebant; viventia vnum nobilissimum vivens; sentientia vnum nobilissimum sentiens; Conceptiones nobilissimum conceptum; Nativitates optimum nascibile; rationalia singularissimum rationale; spiritualia excellentissimum spirituale; & breviter omnes creaturæ appetebant vnum quoddam optimum purum creatum: his sic existentibus (attenuis obsecro aliquanto, que

que succedunt excipite) provisum est Mundo de vna foemina illa, per omnibus benedicta, que vnico suo partu, omnibus generibus rerum summam, & ultimam perfectionem adduxit. Hucutque, & pie, & verè philosophatus est Senensis: inde si Pascha solemnissimum fuit uiverso Mundo dies ille, in quo tot appetitus rerum, tot desideria naturarum, tot Mundi tacita suspicia Christi Nativitate sospiebantur, faciabantur, complebantur; quid futurum credat, accidisse tunc temporis, *cum his sie existentibus imperfectis*: provisum est Mundo de vna foemina super omnibus benedicta, & perfecta? Dies ne ille quasi festus erit censendus uiverso? Erit ne quasi Paschatis Deo iudicandus? Unico hoc nobilissimo Virginis conceptu, perfec-
tissimo, absolutissimo, spem orbi anxiò indicens futuræ supremæ Nativitatis Filij iam adesse supremum, & optimum complementum? Haud scio si modus iste loquendi, aut Fidei, aut Religioni, aut Christianæ pietati infensus, etiam vel ab ipsis, qui non rectis oculis, sed distortis potius obtutibus, nostri Agrediensis scripta introspicere præsumunt, probetur?

330. Consimili loquendi modo Ecclesia Franciscana in Officio Conceptionis dicit: *Celos adinstar mellis dulceratos esse in die Concepcionis Desparæ: melistui facti sunt Celi dum manu Domini fabricata est Mater Dei:* sic figuratè est etiam locutus Plutarcus in Diony. cum inducit: mare vna die dulces potus, & per amenas aquas præbuuisse, sci-
licet illo, quo Dionysius Lyranus imperio Syraulano spoliatus, & exutus factus, nisi vellitis miraculose mare dulceratum fuisse, vel Sjculis indulcedinem conversam eius saltuginem fuisse, vix pro Lætitia, & gaudio libertatis patriæ. Quid ergo ob felicissimum Virginis conceptum accidisse Mundo credendum est, devicto, calcato, & superato Lucifero? quo optiori modo exprimi potuit uiversi felicitas, nisi præ lætitia gestientis?

331. *Dies ille portatar in tenebras, aiebat Iacob: nec regiras cum Deus de super, & non illustretur lumine cap. 3. n. 4.* audire D. Thoniz apollinariam interpretationem apud Patrem Pineda: Deum non exposcere cum diem, ut sibi consecraretur, aut festus, dies solemnisque institueretur: & cur? quia anima amici Iobi in inimici dominium, & potestatem reddita, & captiva fuit: ergo cum anima Mariæ, illo die, glorioissimum de Doemone reportaverit triumphum, utique cum exposcit Deus, ut sibi solemnis, & festus consecratur, totisque creaturis per celebris proponatur. Quid ad hæc oculatissimi Deputatii? Sed quia vos additissimos mysterio Conceptionis esse coniocio, in mentem venit id ipsum quod nos sentimus, & vos sentire. Sed quia

ingeniosissimi, & dillertissimi estis suspicor per ly: fuit dies febus omnibus simul creaturis. Dœmones etiam sub intelligendos conqueri, & doleri, quibus luctuosissima, extitit illa dies, in qua capita Dracorum Maria contrivit, deque infensissimis hostibus gloriosum Victrix triumphum reportavit. Sed facile vobis erit ex logicæ abyssō terminorum suppositiones hoc deflectere; quare ab his satis. Alibi enim reddibit sermo.

SECTIO TERTIA.

*VTRVM OB MYSTERIVM ISTVD CONCEPΤIΟNIS
Gloriosissimā Mariæ Spiritus Sanctus ordinaverit quod Ecclesie
sua consecraret diem Sabbati Beatae
Virgini.*

332 **D**uo in præsenti sectione sunt nobis discutienda; primum: quan dies Sabbati fuerit ab Ecclesia Virgini dicatus? Secundum: an in causa fuerit huius consecrationis eius limpidiſſimā Conceptio; quæ facta hodie asseritur à Venerabili Abbatissa, & proper hanc rationem Sabbatum Virgini consecretur?

333 Sabbatum in gloriam Virginis fuisse ab Ecclesia dicatum, non tam probant, quam supponunt nominatissimi Patres, & Doctores, inter quos est Author lib. de Paſſione Domini apud Sanctum Bernardum cap. 2. Richardus de Sancto Laurentio lib. 11. de laudibus Virginis, Iacobus de Voragine serm. 2. in Sabbato post cineres, Molanus lib. 3. de picturis cap. 78. hac solemnitas non ſolum à Concilio Claromontano sub Urbano II. ut arbitratur Hieronymus Rabena lib. 5. historiæ, & Arnoldus Uvionus lib. 5. ligni vitæ, verum ab ipſis Ecclesiæ natalibus Mariæ est attributa: quare de Sabbathi dicatione, & consecratione à naſcentiis Ecclesiæ exordio, ad noſtra uſque tem- pora in honorem Beatæ Virginis non dubios eſſe ſuspicor eruditissi- mos Parisienses Censores, quod ſi rem hanc, minus bene inspectam habuerunt, cum deturpare Agrediensis ſcripta meditabantur, iam ob oculos expafam offecimus, ut amplius in hac parte cecutire non affeſtent.

334 An insuper mysterium Conceptionis Deiparæ in causa fue- rit, ut Ecclesia Sabbatinam solemnitatem Virginis dicaret expenden- dum ſupereret. Non una eſt Doctorum ſententia pro consecratione Sab-

Sabbati in Gloriam Deiparæ, quid tam ex ipsis habeamus in me-
dium producemos, ut attenta lance libratis aliorum dictis, nostram
sententiam proferamus. Igitur.

335 Lodulphus de Vita Christi part. 2. ex Sancto Augustino,
credit: Sabbatum esse Virgini sacrum: quia in ea sola remansit Fides
Ecclesiæ: Augustini verba sunt: *In hac (scilicet Maria) sola interim
Fides Ecclesiæ in triduo illo stabat, ob idque ait Lodulphus / specialiter dies
Sabbati tribuitur ei.* Richardus vbi supra credit etiam: *Ad id Ecclesiam
motam: quia dormiente Domino in navicula Crucis, motus magnus factus
est in mari, ita ut navicula Ecclesiæ operiretur fluctibus, sicut legitur Mat-
thæi 8. num. 24.* Ipsa vero (scilicet Maria) sicut mulier fortis
tunc sola gubernaculum Fidei constanter tenuit, totaque Ecclesiæ
navis tunc eius Fidei innixa est, scilicet in vespere sextæ feriæ, &
Sabbato Paschali; propter quod universi fideles Ecclesiæ, in ipso
Sabbato, ipsam specialiter venerantur. Sic ille cuius sententiaz sunt
author lib. de Passione Domini, & Molanus.

336 Iacobus de Voragine vbi supra, non una tantum ratione,
aut motivo iudicat Ecclesiam fuisse adductam, ut Sabbatum Dieparæ,
consecraret: Ecclesia namque ut dictum est, inquit & ille, diem
Sabbati Virgini consecravit. & hoc multiplici ratione: prima est,
quod passio Sanctorum convenit in aliqua die celebrari: Beata au-
tem Virgo, et si non passa sit martyrium carnis; passa est tamen
martyrium mentis, iuxta illud, & tuam ipsius animam pertransibit
gladius, & illud martyrium continuatum in ea fuit in tota feria sex-
ta, & toto Sabbato sequenti: sexta autem feria dedicata est marty-
rio Filij; & ideo, sequens Sabbatum dedicari debuit martyrio Matri.
En longè diversam rationem à prima, quam Augustinus, Richardus,
& Lodulphus tetigere, Iacobus attingit; sed quia non est con-
tentus, alias prosequitur; & nos pacienter cum ipso singulas proso-
quamur. Secunda ratio est, pergit ille: Quia sicut in die Sabba-
ti Deus requievit ab omni opere suo :: sic perfectè requievit in
Christo, & in Virgine. Tertia ratio est: quia sicut Dominus in Sab-
bato omnes creatureas fecit, & complevit, sic in Beata Virgine uni-
versa refecit. Quarta ratio est: Quia sicut Deus diem Sabbati be-
nedixit, sic Beata Virgo fuit ab omnibus benedicta, & à Deo qui
ipsam elegit, & ab Angelo, qui ipsam salutavit, & à toto Mundo,
qui ipsam laudat, & veneratur. Sic per recapitulationem poterit
Parisiensis Facultas reponere, quæ à nobis de sentivitate, & motivis
diei Conceptionis Deiparæ dicta sunt; non enim dispar est iste loquen-
di modus illi; quem in Agredienſi lacinare, & convellere sunt ag-
gres-

gredi, eo quod hunc diem quasi festum Domino simul, & creaturis.
 „Quinta ratio est: Quia Sabbatum est medium inter diem gaudio-
 „sum, & diem pœnalis :: sic ipsa est Mediatrix inter Deum, &
 „homines. Sexta ratio est: Quia in die Sabbati tota Fides perire, &
 „in sola Virgine remansit, & ideo merito haec dies sibi dedicata fecit.
 Consentit Iacobus in hac ultima ratione sententiae superius allatae Lo-
 dulphi, Richardi, & aliorum. Non est animus illam ex his rationibus
 enervare cum satis piè fuerint à suis Doctoribus excogitatæ, nec in
 certamen adducere; an si les tantum Sabbato illi tristi permanenterit in
 Beata Virgine: quæ assertio, licet ipsis probetur, & Alensi, Cajetano, &
 Turrecrematæ arriserit, plurimis alijs displicebit. Id vnum non omit-
 tam hic investigare: cur inter mysticas, variasque, eti sufficientes
 rationes Iacobus de Voragine aliam non addidit, scilicet: quod Sab-
 batum etiam Virgini fuit dicatum propter eius liminem ab omni
 labore conceptum? Præsertim cum pia haec meditatio non minus,
 quam alia Sabbato concernere videatur; imò in Sabbati benedictio-
 ne videatur subducta: sicut enim Sabbatum à Deo fuit benedictum, sic
 B. Virgo fuit ab omnibus benedicta, addam, & nunquam maledicta, &
 sicut omnes creaturas fecit, & complevit, sic in Beata Virgine vniuersa
 refecit: apollissimus hic se se offerebat in serendæ Conceptionis locus.

337 Ratio illa mihi videtur esse, quod Doctor iste, licet pius, &
 de Sacra Virgine optimè meritus, minus tamen piè opinatus fuit Dei-
 param fuisse labore peccati originalis infectam: quod si in pia sententia
 fuisset, opinor immunem Conceptionem Virginis, inter ceteras ratio-
 nes, pro dicatione, & consecratione Sabbati allatas in honorem Dei-
 paræ, hanc etiam allaturum.

338 Sed quoniam omisit Iacobus, Virginis conceptum fuisse
 in causa huius dicationis, adeamus alios Doctores, forte quod ille
 subtilius, alij non tacuerant. Et quidem Pater Ioannes Baptista Poza
 in suo Elucidario Deiparæ lib. 1. cap. 3. de Chronologia infantia
 Virginis pag. mihi 128. colum. 2. per necessariam supputationem
 convincit; Mariam fuisse conceptam die Sabbati, octava Decembri, que
 coniuncta fuit luna decima octava Chislem sub littera Dominicali G. ex
 Sententia Driedonis lib. 3. de Dogmatibus tract. 3. cap. 5. & Ioan-
 nis Anij in sua Chronologia, existimantium ante expletum annum
 decimum quartum Mariam peperisse Iesum; quibus favere videtur
 Petrus Icelensis lib. nono epist. 9. hincque ait Pater Poza, fortassis in
 gloriam Conceptionis, aut ortus Virginis, Sabbatum Marie destinatur;
 hucque revocanda monet, quæ de fluvio Sabbatico latè dixerat hoc
 eodem lib. tract. 3. cap. 3. ubi non levibus ductus conicaturis, sic

inquit : Verum quia lux Sabbati ab initio Ecclesiaz , Mariæ obie-
lio, quio invigilat, videamus quo iuste illam sibi poscat ex miraculo
Sabbatici fluminis; & post pauca addit: Meus Iesus est hoc Sabba-
tici fluminis miraculum in ipso conceptu , aut ortu Virginis irce-
pisste. Tandem referens opinionem illorum, qui arbitrii sunt, Sab-
batum in gloriam Virginis ab Ecclesia addictum, quod sola per illud
eristicum Sabbatum stetit in Fide, proferens Conceptionis motivum co-
elicit: Satis est existimare tot miraculis elementorum ab ipso concepta,
Ortu Virginis illustratum fuisse diem Sabbati.

339 Hac dixerunt, ut non tanquam novum , & insolitum Agre-
diensis assertum pro dicatione Sabbati Parisiensis Sacra Facultas acci-
piat : cum Doctores alij, studio veritatis conquerendæ, quod ipsa per
revelationem sibi factam proponit; pie, & solidè rimabuntur. Verum
ipso modo rogare liber Centores Parisenses, an siquidem & ipsi pie
satentur animationem Virginis expertem prorsus fuisse ab on. ni sus-
pitionis labore) inquam ex hypotesi, quod sabbato fuerit Deiparæ An-
ima Sacratissimo Corpori unita, Sancta Mater Ecclesia sufficienter, &
rationabiliter moveretur ad hunc diem tanti numinis decoratum na-
tali Deiparæ consecrandum ? Haud dubios fasuros libenter ? modo
ipso patienter exoro recollere ea omnia, quæ Venerabilis Mater pro
Sabbato isto firmando , cultuque statuendo præmisserat. Ipsa enim
asserit sibi cœlitus fuisse patefactum Virginis conceptum primum,
die Dominica peractum : Secundum, idest, Animæ creationem Sab-
bato sequenti: hincque in huius creaturæ constructione quamdam
servatam proportionem ad Mundi creationem: quid ergo mirum, si
consequientia tenax, addat Animæ creationem in causa fuisse , ut Spi-
ritus Sanctus ordinaret , Ecclesiam Sabbaticam lucem Virgini con-
secrare?

340 Sed dices: idem à Deputatis Sacrae Facultatis priores illas
propositiones improbari, quia illis admissis, de hac non erat relictus
ambigendi locus. Dieam & ego, satis à nobis ostensum ; in superiori-
bus non laterè ullum, aut temeritatis, aut insolentiae periculum, aut
inconsuetudinem, aut irreverentiam scrupulum; quare neque hanc , quæ
præmissis amico fædere copulatur, tam dura plecti substinemus Cen-
sura.

341 Fateor Agredensem forsitan nihil modestiaræ regulas
hic offendisse, si hanc suam rationem , & sententiam ita p. openetet,
ut cæteras à Religiosis viris excogitatas excluderet. Ast ubi illam
ullam exclusisse probabitur ? Ait Sabbatum Virginis sacrum ; quia in
hac septima feria sibi fuit declaratum eius Animam fuisse creatam:

improbatur, aut excludit alias aliorum Doctorum assertiones? minime gentium. Christo Domino consecrata, & dicata est ab Ecclesia dies Dominica: sed quantis, & qualibus est mota rationibns? An quia hac die natus est? An quia hac die alia dedit nobis misericordiae, & benignitatis portenta, quae percurrit Lodulphus de Vita Christi. part. 2. cap. 69: singula horum Sacmentorum prodigia sibi diem dominicam vendicant; omniaque simul pro eiusdem dici tolemnitate descertant: & cum tot, tantaque sint, quae iure hanc lucem adaptandam sibi exposcant: non se se mutuo singula excludunt, sed potius amicis nexibus omnia devinciuntur. Satis acerbè Sacra Facultas, ne dicam satis temerè, in Venerabilem Matrem animadvertisit; sed nos non temerè, nec acerbè quidem ipsos nodum in scirpo querere iudicamus;

DISCEPTATIO QUARTA.

VTRVM VSVS PERFECTIOR RATIONIS, QVI PROPORTIONATUS esse debebat ad dona gratie, quæ recipiebat, fuerit etiam ipse concessus?

342

QUAM modo nos cogunt Parisienses Censores difficultatem in controversiam adducere olim excitarunt plures de Patribus Theologis, & Doctoribus: inter alios Eximus Doctor Suarez tom. 2. in 3. partem dilp. 4. sect. 7. hanc eandem suscipit difficultatem encendandam: rogatque an Virgo Deipara in primo instanti habuerit usum rationis, & actum eius cum perfecta cognitione, & iudicio? Cui difficultati affirmative responderet, adducens pro se Sanctum Bernardinum Senensem serm. 51. de Beata Virgine cap. 2. att. 1. Caletanum, & Biguerium, quibus addi possunt Barradius in Evangelia tom. 1. lib. 6. cap. 3. vbi afferens iterum Sanctum Bernardinum Senensem serm. 61. tom. 1. art. 3. cap. 3. haec speciosissima verba ex ipso decerpit: Tanto lumine illustrata fuit Beata Virgo, quod non tantum plena fuit lumine rationis, sed etiam altissimæ contemplationis, &c.

343 His accedat P. Ioannes Poza lib. 3. tract. 10. cap. 4. qui, collatis studijs cum gravissimis Philosophis, Theologis, & Medicis, hunc perfectissimum rationis usum ab initio Virginis concessum ratione philosophica convincit ob relegatas à Corpore Virginis, vel ex tunc excrementicias, & asciticias cruditates, & humiditates opprimentes humidum nativum. Huius etiam sententiae sunt iuniores

Theos

Theologi omnes, & Sacrae paginae interpretes, quos longum esset re-censere. Videte Censores optimi, quam impetuose vestrum iudicium fuerit contra Agredensem prolatum? Vel potius quam iniuridice de iudicio Agredensis sublata est? uno verbo: vos contra gravissimos Philosophos, Theologos, & Medicos; & quod maius est, Patres, & Interpretes vestram Centuram protulisti. Fortè legistis S. Thomam 3. part. q. 27. art. 3. aliud sensisse: *Virgo ait*, Angelicus Doctor, *non statim habuit usum liberi arbitrii, adhuc existens in ventre Matris; hoc enim est speciale privilegium Christi.* Sed poteratis simul Caletani interpretationem contulere, qui S. Doctorem in nostram mentem interpretatur, scilicet: non fuisse usum rationis semper permanentem, de quo infra indicabimus.

344 Sed demus Angelicum Doctorem in ea fuisse sententia; non ne, & alij pro nostra sunt Sancti, & Doctores, qui validissimis argumentis hoc Christi Domini privilegium eius Matti fuisse datum concedunt? Si vobis pauci videntur alati afferamus, & alios, Dionysius Cartusianus in lib. de Laud. Virginis art. 12. tom. 1. operum minorum à Ioannis Baptiste privilegio, verbis S. Bernardi Epist. 174. sic ad Virginis privilegium argumentatur: *Quod vel paucis mortuum constat fuisse collatum, fas certè non est suspicari tantæ Virgini fuisse negatum;* sed Ioanni cum sanctificatione fuit in utero Matris usus rationis concessus, ut fatentur innumerii Patres, quos refert Suarez ubi supra longum agmen subtexens: ergo Deiparae liberum arbitrium, & rationis usus cum sanctificatione fuit collatus: at in primo instanti sue animationis fuit Virgo sanctificata: ergo in illo instanti habuit liber arbitrij, & rationis usum.

345 Huius esse sententiae assertio Sancta Birgitta passim adducta, quam pro se, & Dionysius afferat art. 6. ibi: *Cum Anima sanctificatur (loquitur Deipara) & suo Corpori iungebatur, tanta animæ meæ advenit letitia, ut impossibile sit affatu.* Quid clarius ex probatis, & privatis revelationibus potuit adduci pro nostra revelatione private?

346 Præterea eadem veritas probatur argumento ab Angelis desumpto: omnes Angeli ipso instanti, quo conditi sunt, intelligendi usum habuerunt: ergo ne in hac re Angelorum Regina ab Angelis separetur, infert Doctissimus Pater Barradas, dicendum est, & Virginem habuisse. Quamobrem, ait ille, ubi supra merito dicitur amicta Sole Apocalypsis 12. & Psalm. 88. *Tberonus eius sicut Sol;* quia sicut Sol semper habuit splendorem, ita Beata Virgo semper habuit rationis usum. Tandem huius sententiae est Iacobus Christopolitanus in *Canticum Virginis*, ad illa verba: *Ecce mibi magna, &c.* idè dicunt,

,, cunt, inquit: Quidam contemplativi viri, quod Virgo in sua prima
 ,, sanctificatione consecuta est hanc gratiam simul cum cæteris, & il-
 ,, lico incepit ut libero arbitrio, & mereri, quia debuit exceedere
 ,, Ioannem Baptistam, & quia nullum tempus debuit cessare ab actu
 ,, merendi.

347 Quid ad hæc respondere possunt ingeniosissimi Censores?
 nisi ipsos calore indignationis incensos, advertus Venerabilem Hispanam Monialem, & furore impetuoso percitos, ut mos est Gallis, in consultis doctrinis Patrum, Interpretum, & Theologorum, proprijs
 ,, sensibus nixi, in Civitatem Dei Mysticam catervatim irruisse: Ve-
 ,, rum & nos quid talibus respondebimus (verba sunt Sancti Juliani
 Archiepiscopi Toletani, lib. de demonstratione ætatis sextæ tom. 5.
 ,, Bibliot. V. PP. pag. 195.) aut quomodo contra inermes arma
 ,, levabimus; imbellies ergo, & inermes huiutmodi iudicandi sunt,
 , quia non de Scripturis arma aripiunt, sed de antro malitiæ iniusta
 , proponunt: ora enim talium armata sunt non Fidei ferro, sed per-
 , fidiæ gladio: nec testificatione prophætica, sed obstinatione dolosa:
 , ergo inermes ob hoc per omnia approbandi sunt, quia nullis armis
 , scripturarum muniti ista obijciunt. Non absimiliter arietate co-
 nantibus Dei Mysticam Civitatem, irritis licet iætibus, delusis allo-
 qui possumus Censoribus Parisiensibus.

DISCEPTATIO QUINTA, CIRCA NUM. 226. & 229.

VTRVM FVERIT REPLETA VIRGO DEIPARA SCIEN-
 tia infusa, & habitibus omnium scientiarum, & aliarum
 omnium artium naturalium?

INSVPER AN CVM MAGNA PENETRATIONE
 intellexerit ab instanti suæ Conceptionis omnes homines, om-
 nes Angelos, eorum ordinem, dignitatem, & operationes, &
 omnes creatureas irrationales cum eorum instinctibus, &
 qualitatibus, &c?

348 **D**ico primo: Deiparam ab initio sortitam fuisse scientiam
 infusam supernaturalem: ita Sanctus Bernardinus tract.
 , de Beata Virgine serm. 4. art. 1. cap. 4. In prima Sanctificatione
 in

, inquiet quantum ad rationem, & intellectum, tanta ei sapientie clausitas superinfusa est, quod perfecte intelligebat creaturas, & Creatorem, & spiritus, & omnia bona amplectenda, & mala fugienda.
 „ Et tom. I. serm. 61. Tanto lumine, ait, illustrata fuit Beata Virgo, „ quod non tantum plena fuit lumine rationis, sed etiam altissimae contemplationis; in quo quidem lumine perfecte haec quatuor intellectum, saltem secundum genera singulorum, secundum quosdam: primo, naturam creatam irrationalē: secundo, naturam creatam rationalē: tertio, naturam creatam spiritualem: quarto, naturam incretam Divinam: quæ distinctione cognitionem Creatoris, & omnis creature in se comprehendit; quia in lumine Creatoris cognovit omnes alias creature, sicut Propheta ait: in lumine tuo visum debimus lumen. Ad tantam enim contemplationem sublimata est, ut perfectius etiam in ventre Matris contemplaretur Deum, quam unquam fuit contemplatus aliquis in perfecta etate. Hucusque Senensis, ubi tota fermè à Censoribus infixā doctrina complectitur Senensis, scilicet, quam tradit Venerabilis Mater cap. 16. num. 226. scilicet ab illis verbis habuit scientiam infusam, &c. Et num. 229. Et his omnibus modis sibi manifesti fuerunt ab instanti sae Conceptionis omnes homines, omnes Angeli, &c. Ubi quam inversus sit Autographus à traductione modo non libet examinare, quoniam de his specialiter actuti sumus in Christi Theologica, ad calcem vniuersitatis tractatus adnectenda.

349. Præterea in eandem sententiam conspirant S. Albertus Magnus lib. de Beata Virgine cap. 71. quatenus asserit supra Fidem puræ creature habuisse cognitionem, & cap. 96. ubi cum habitu excellētissimæ Fidei, ait, habuisse habitum scientiæ, quod scientiam Adami in secessore datam est supergressa, & Ioannis ex pectore Domini exauitam sapientiam superexcelluit: & Pauli in raptu notitias habitas coelestium mysteriorum superavit. Imò cap. 132. claram Dei visionem sive mediam concessit Albertus, & ulterius exprimit per cognitionem matutinam scientiam infusam; & per vespertinam Fidei habitum. Talibus est suffulta præfidijs Agrediensis doctrina, quam de medio tollere, licet humaniter nititur Sacra Facultas.

350. His accedit S. Antoninus 4. part. tit. 15. cap. 17. licet non a primo Conceptu hanc scientiam illi tribuat, sed ex quo Deum in secessore concepit; sed quæ maior utroque ratio? Propterea ab initio habuisse Virginem splendidissimam, & exuberantissimam sapientiam sibi infusam; non ambigit asserere Dionysius Riquelius cant. 5. Item Berardinus de Busto in Mariali serm. 2. Et licet Suarez tom. 2. disp. 19.

nam Antonino, iudicet hanc scientiam infusam satis probabilitatem, & verosimiliter Matri Dei tribuendam, praesertim post Filij Conceptionem; nam de anteriori tempore non videtur adeo verosimilis ratio scientiae adstruendae; nihilominus ex fundamento etiam à Suarez adducto, par invenitur utroque ratio: fundamentum solum est, quia Deus potuit hanc perfectionem Matri suæ tribuere, & est consentanea dignitati, & statui eius: ergo non distulit privilegium hoc, sed statim ab initio Conceptionis fuit concessum. Quare exclamat Sapientissimus Pater Barradas: O fuctus admirandum in modum præcoce; nimurum ut ait Ambrosius lib. 2. in Lucam, nescit tardus molimina Spiritus Sancti gratia tom. 1. in Evangelia lib. 4. cap. 3. & ibidem: O beatum intellectum, quem nullæ vñquam obcaecauit tenebrae, sed clarissima rationis, Divinæque contemplationis lux, vbi primum creatus est, statim illustravit.

351 Dico secundo: Beata Virgo habuit scientias omnes naturales, & humanas sibi infusas: ita S. Antoninus 3. part. tit. 15. cap. 19. §. 2. afferens pro se S. Albertum Magnum: Suadetur primo quia Adam habuit has scientias infusas: ergo & Beata Virgo, ne in hac parte superari ab Adamo videatur. Secundo quia haec scientiae sunt necessariae tum ad perfectionem habitus Theologici, quem excellentissimum Virginis tribuunt Sancti Pares, & Doctores, quos refert Suarez disp. 19. sect. 3. §. dico 2. adeo ut superaverit incomparabiliter ipsos Apostolos; ut ait Anselmus: Incomparabiliter tamen eminens, ac manifestius ipsa per eum Spiritum Sanctum, veritatis illius profunditatem intelligebat: quare a plerisque: Apostolorum Magistra, vocatur. Tum etiam haec scientiae necessariae erant ad exactam Sacrae paginae intelligentiam, quam etiam habuit Beata Virgo: Tandem ad scientiam morum, & prudentiam: ergo scientiae naturales infusa Virgini danda sunt, vel ab ipso Conceptionis exordio.

352 Non me latet, scientiam dividi in scientiam supernaturalem per se infusam, & scientiam supernaturalem per accidens infusam: scio vltetius etiam scientiam naturalem aliam esse per se infusam, aliam per accidens infusam. Præterea invenio Doctores alios esse, qui sub vnico habitu, & indivisiibili qualitate scientiae supernaturalis, capi posse etiam res naturales affirment, aliosque qui diversos habitus admittant, de quibus omnibus videndi sunt Suarez ubi supra. Bernal de Incarnatione disp. 35. Arriaga disp. 38. sect. 1. aliquique Theologi apud ipsos: sed implexas has de scientia Deiparæ questiones mitto: id vnum obiter notans, nullum esse periculum in adstruendis scientijs, Deiparæ concessis, sive istæ per se infusa dicantur, sive per

per accidens , cum pro utroque loquendi modo Theologi , & Patres .
inveniri queant apud Eximum Doctorem , qui de Scientia Virginis ad
Stuporem scripsit .

353 Modo ad Deputatos Sacrae Facultatis sermonem deflecta-
mus . Quid ergo ipsis displicuit in toto hoc capite 16? aut quem le-
sisse conqueri postulant , verè piam Agrediensis doctrinam pro expen-
denda Scientia Beatæ Virginis ? Et quod mirabilius est , modestiam
que pene Angelicam redolet , & sapit : quem à DD. suis sensibus Ve-
nerabilis Mater impetivit ? Quem è PP. deservit ? Aut eos , qui
multiplices habitus huius scientiæ erga obiecta diversi ordinis requie-
rant ? Aut eos qui sub uno habitu supernaturali omnia obiecta tam
naturalia , quam supernaturalia docent posse venire ? Et quod maius
est : docet ne illa ab initio Virginem intuitivè vidisse Deum Scientia
beata , quæ longè superat alias omnes scientias , vt S. Albertus Mag-
nus non infelicit fuit meditatus ? Hæbuit enim post se omnes ferè
funiores , qui de Beata Virgine scripsero ? Nihil horum aut probari
peterit , aut affirmari valebit . Ea enim solertia est locuta ; vt etiæ scien-
tiam infusa Deiparæ addixerit , distinctionis terminos per se , & per
accidens penitus omisserit : nec eam ipsis latere reor , quæ alios verè
quidem Theologicos , & Scholasticos percaluit , & ubi opus erat dex-
teritate mira versabatur .

354 An ly : *Cum magna penetratione intellexit* : an ly : *repleta est*
scientia infusa : *censores aborrerunt* ? Supra animadverti , aliter ea lo-
ca in Autographo esse legenda : non enim ait Venerabilis Mater :
,, Cum magna penetratione intellexit : sed his omnibus modis fue-
runt sibi patentes statim omnes Angeli , &c. y por todos estos mo-
dos le fueron luego patentes , &c. Nec repleta est scientia infusa : sed
,, habuit scientiam infusam : Tuvo ciencia infusa , quæ longè diver-
sum generant sensum . Sed esto dixerit : *Cum magna penetratione in-*
tellexit : quid inde ? An non tam ex parte subiecti , quam ex parte
obiecti perfectissima fuit , ultra quam dici potest , eius quævis cogni-
tio ? De cognitione per Fidem , id docent Ambrosius lib . 2 . in Lu-
cam : Rupertus toto ferè libro in Cantica , aliquique Patres apud Suarez
disp . 19 sectione 1 . Qui omnes consimiliter de quavis alia cognitio-
ne erunt capiendi . Esto dixerit : *Repleta fuit scientia infusa* : Quid
inde ? Nonne plenius lumine rationis , & altissime contemplationis à San-
to Bernardino prædicatur ? Nonne , & Riquelius dicit ab initio habuisse
splendidissimam , & exuberantissimam sapientiam sibi infusam ? Ergo
vel stando infida traductioni Gallicæ , nihil reprehensione dignum in
prædictis propositionibus invenire potest ; aut ab ipsis Deputatis
psten-

, ostendi: Nos autem (vt aiebat Symmaticus in Apologetico ad-
 „versus Anastasium Imperatorem) humani generis conscientiam
 „contestati, qua possumus voce nullatenus cessamus omnipotentem
 „Deum suis causis minimè defuturum , & quantacumque sit huma-
 „na præsumptio, quantacumque potentia sub divino nutu huius atro-
 „citis Censuram sine dubitatione vindicandam: nam talem aulum,
 „neque hic confidimus evasurum; & in illo magno iudicio Dei re-
 „cepturum, quod ijs temeritatibus divina retribuzione debetur. Hæc
 „nos nequaquam tacuisse sufficiat, vt cum superna fuerit vltio suble-
 „cuta, & vera nos protulisse consideratio humana cognoscat.

DISCEPTATIO SEXTA.

VTRVM DEIPARA REDDIDERIT HV MILIMAS
 actiones gratiarum, una cum profundis inclinationibus corporalibus, quas protinus fecerit in finu Matris sue cum Corpore tam
 pervo? Vt istud Corpus parvum non fuerit maius
 quam una parva
Apts?

355 **D**E tribus hic dubitare possumus: in primis de gratiarum actione facta à Beata Virgine ab initio suæ animacionis: deinde de motibus, & inclinationibus corporalibus eius Corporis comitantibus animi obsequium Deo præstitum: tandem de quantitate eiusdem Corporis, septem dierum circuitu elaborati, & organizati, quæ omnia tribus sectionibus erunt expendenda.

SECTIO PRIMA.

AN AB INITIO SVÆ CONCEPTIONIS BEATA VIRGO
 humilimas Deo agerit gratias.

356 **I**Mpius, & blasphemus iudicandus erit ille , quicunque ingritudinis nota Sanctissimam Virginem affecerit : quare cum ab initio usum rationis adepta sit , statim humilima Virgo abyssum donorum , & gratiarum , quam mirabatur acceptam, in Deum velut in Authorem gratarter retulisse fatendum est : magnis Elisa-

beth

beth extollebat præconis Deiparam ; ast illa cunctas suas laudes , vt moris erat in Deum ipsum revocabat dicens : *Magnificat Anima mea Dominum* : Lucæ primo. Ubi Divus Bernardus Serm. Sig. Mag. „ Magna quidem præconia, sed devota humilitas , nihil sibi passa „ retinet, in eum magis vñiversa refudit , cuius in se beneficia lau- „ dabantur. Sed si has gratiarum actiones in primo instanti exhibitas Deo , Censores exopcam videre , ex ipso primo instanti Deo reddi- tas afferamus.

357 Aderit statim doctissimus P. Sebastianus Barradas tom. I . in Evang. lib. 6. cap. 3. qui inter præciosissimas gemmas, quibus à fundamentis hæc Dei Civitas fuit fundata, octavam sic inducit n. 51. „ Octava gemma est amoris actus erga Deum eximus , cum eximia „ Dei contemplatione , & gratiarum aetione coniunctus. Si enim „ vsum rationis in ipsa Conceptione, fidem , gratiam , virtutesque „ Virgo habuit, ociolla non fuit; Dei ergo summam bonitatem , ac „ maiestatem,& contemplari , & amoris actu excellentissimo statim „ diligere, gratiasque agere cœpit.

358 Ex Apochryphis Authoribus decerpisse Venerabilem Matrem hæc , & similia calumniantur Deputati Censores; hostem fingunt , vt scrius figant, fabulas meditantur vt inurbanus feriant, fictiones conviantur, vt securius bellicent : ergo amplissimi Iudices, si fabulosa sunt, date nobis figmentorum fontes : si apochrypha, ostendite suspe- etorum Doctorum scripta; si ficta despiciuntur, chymeras , & somnia indigitate ? Doctissimus sacrarum litterarum Interpres laudatur vbiique Barradas, pariter & piissimus magni à quibusque semper est habitus. Decepit nos ? Apochryphus est censendus ? absit.

359 Sed quia re penitus non ponderata, aulu factioſo hæc Cen- ſura compaeta est, licentioſaque notæ Venerabili Matri impactæ, ip- ſos Parisienses invare animus est, et ſi fas est dicere, oculatissimos manuducere , vt antiquitatis latibula consulamus , veterumque scripta penſemus; forte quod accidit apibus, & araneis ex ijsdem floribus mel- la, & venena prout quibusque natura est exigere; ipsis, & nobis con- tinget; nam vbi ipſi Apocryphorum figmenta subodorantur: nos fanæ doctrinæ pigmenta redolebimus.

360 Igitur Franciscus Ximenius Hierosolymitanus Patriarcha lib. 2. cap. 2. ex Theodoreto in Magnificat, & ex his Etuditissimus Pater Ioannes Baptista Poza, in suo Elucidario lib. 2. tract. 15. cap. 4. plura pag. 581. pro his, & infra dicendis, non iniucunda testimonia ſuppedant; ſingula suis proprijs locis inferenda, modo versamur in gratiarum aetione , & nobis gratias rependent Censores pro-statim

adducendis ex Theodereto apud Hierosolymitanum Patriarcham
 , cap. 17. & hæc Poza transcripsit: Sanctissimo Viro, cœleste sive
 oraculum, sive in somnium obtigit, in quo Virgini à primo Concep-
 tione momento, tripartitam fuisse considerationem intimatum est,
 vt Deum primo, deinde se ipsam, tandem humanam gentem, &
 Angelicam tempublicam contemplaretur. Et infra: Vertebat
 deinde se Maria ad se ipsam, quasi totam se ex Dei vberibus confa-
 tam cogitabat; corporis speciem; sacram illam animam ut Divi-
 nitatis radium; tot scientijs, munetibus, prærogativis, & oraculis
 refertam animadvertisens; illico à se extiens in Deum diffusa, gratia-
 rum actionem vt Vestigia pendebat. Iam tunc, vt 18. & 19. cap.
 eius lib. scriptum est, considerando, & examinando Canticum Mag-
 nificat (quod multo post evulgandum fuit) assidua temper erat,
 atque intenta. Eo usque devenimus Censores cordatissimi, vnde
 vestrum iudicium arma in Agrediensem depromere potuit: subaudi-
 re me vos reor hic iam clamitare: *Hæc fabulosa sunt, incerta sunt, apocriphas sunt.* Unde probabitis? Hæc opuscula Patriarcha Hierosolymitanus tribuit Patribus Theodoreto, Nazianzeno, & alijs: numquid delusus nos, aut nostras in retia deduxit mentes? An melioris condi-
 tionis habenda sunt pura alia volumina sub nomine Chrysostomi, Athanasij, & Cyrili, quæ in lucem prodierunt vnius solum Bibliopolæ beneficio? Ut rectè hic convincit Poza.

361 Hæc in vestræ Centuræ gratiam quæsta sunt, & in nostræ
 defensionis munimen inventa: plenissimam nolumus à vobis erga
 Agrediensis scripta Fidem extorquere, sed nec patiemur iniuriose
 simpliciter denegari. Nos ergo has gratiarum actiones libenter sus-
 picimus, nec vos nisi urbanè respuere potestis: nos Virginem ab ini-
 cito ingratum domino silentium non dedisse fatemur: vos si libet im-
 pingite: à nota qua Rupertus lib. 2. in Genesim cap. 39. inuisit Ada-
 sum, Deiparam longè distare credimus: Formante Deo, inquit, &
 inspirante spiraculum vitæ, non suspiravit eodem spiraculo vitæ in Pleste
 sui faciem, vt adoraret, & glorificaret; vt gratias ei ageret: Nos è con-
 traria meditamus formante Deo, & inspirante spiraculum vitæ,

Virginem pretinus suspirare eodem spiraculo vitæ in
 Plestæ sui faciem, vt adoraret, & glorificaret:
 vt ei gratias ageret.

SECTIO SECUNDA.

**CORPORIS HVIVS EXTENSIO, ET MENSURA
taxatur.**

362 **A** Nequam de corporalibus inclinationibus Sacratissimæ Virginis in sui Authoris obsequium, & reverentiam exhibitis, agamus; corporis eiusdem molem, & magnitudinem taxemus. Incidimus ergo in lepidam, & per gratam decertationem de mensura Corporis Deiparæ in eo instanti, in quo ad stuporem constructum, & Dei supernaturali virtute mediata, te ad miraculū usque fabrefactum, septem dierum circuitu absolutum à Venerabile Matre pronuntiatur. Prima Parte Mysticæ Civitatis num. 221. Agrediensis miratur è Cœlesti Curia à supremo Domino, ex nobilissimis quibusque, mille Angelos destinari, ut excubias agant Thesauro preciosissimo Corpusculi Deiparæ, vix magnitudinem apiculæ referentis.

363 Huius Corporis tantula protensio immanissima visa fuit Deputatis Parisiensibus, nam licet tenuis ad modum aliquibus videatur quantitas, hæc ad mensuram apiculæ pertracta, ipsis velut ingentis, vastæque molis machina, adeò faucibus ingessit, ut transversa credulitatis gutture, ab ipsis minimè, aut degluteri, aut devorati poterat. Sed quoniam nondum nobis compertum est; an Apiculæ huius extensionem, velut grandem molem perhorrescant: an velut exiguum, tanto hospiti ædem parvam, atque humilem detestentur: nec nobis in suis observationibus dignati sint aperire, an per excessum Venerabilis Mater philosophicæ constructionis Corporis Deiparæ terminos supergressa traiecerit: an per recessum humanæ formationis ad animæ usque rationalis infusione metas non attigerit, utrumque ambi dextra eruditione digladiandum erit.

364 De tempore fabricæ corporis humani, quæ à Philosophis, & Medicis obscurè disputantur; clarissimè ex illo Levitici cap. 12., instruimur, & docemur: Maliter si sucepto semine pepererit masculam, immunda erit septem diebus iuxta dies separationis menstruæ, & die octavo circuncidetur Infantulus; ipsa vero triginta tribus diebus manebit in sanguine purificationis suæ. Hinc tot diebus à partu monstrua fluere, aiunt DD. quos in prima confirmatione fuerunt consumpti: ita etiam SS. Patres ad hunc Levitici locum Ildefonsus Serm. 1. de Purificatione. S. Cyrilus lib. 5. de adoratione,

„ Ericus Homil. in festo Purificationis , his verbis : Quod Mulier
 „ pro masculo Filio quadraginta diebus aditus templi interdicitur;
 „ idē iuxta litteram factum est, ut quod diebus infans formatur in
 „ vtero, tot etiam diebus purgatio illius peragatur. Cui adhæsit Eso-
 „ chius ibidem: Quia enim octogesima die in vtero formari fœmi-
 „ næ dicuntur, euidem numerum ad impletionem purgationis :::
 „ præcipi si fœminam peperit, & Lyranus forsitan hinc Hypocrates
 Moysis libris edocetus, vel ingenio, & experimentis ductus; hanc ean-
 dem legem pro corporis humani formatione statuit.

365 Sed quanta Corporis extensio ad Animæ susceptionem erit
 assignanda? Quæ proceritas, aut magnitudo? Si fides adhibenda est
 sapientibus, vix corpus humanum exequavit apiculæ mensuram; sic
 satur, te penitus inspecta, & collata cum Medicis Doctoribus P.Ioan-
 nes Baptista Poza lib. 3. tract. 3. cap. 1. loquens de extensione, in
 qua Anima rationalis inducitur, ita etiam apud ipsum Fienus lib. de
 formatrice virtute; qui extensionem grani hordei, ait non excedere
 corpus, cum luscipit animam rationalem: Ita etiam Fernelius de ho-
 minis pro creatione lib. 7. cap. 10. num. 20. qui se vidisse ait, Die
 quadragesima eicelum factum (vt ait Atistoreles) formicæ maiusculæ
 magnitudine verè, ac protus conformatum: nos etiam, qui Authores
 Medicos ad usum non habemus, Doctores Medicos cōsultavimus ex-
 pertissimos, doctissimos, versatissimosque; qui omnes fidem esse
 dandam Pozæ iurarunt.

366 In memoriam revocate modo, Censores solertissimi, secun-
 dam huius articuli à vobis propositionem avulsam, scilicet: Nibilo-
 minus virtus divina imminuis tempus naturale in formatione Corporis
 Sanctissimæ Filie, & id quo a fieri debet in octoginta diebus (aut in il-
 lis, qui naturaliter requiri cantur; à Consilio satis hoc addidit V.Ma-
 ter, quia nondum est inter phisicos fixa formationis Lex, aut Canon
 statutus) ergo si septem diebus virtute divina perfectum est, quod
 octoginta, aut his, qui naturaliter requiruntur, peragit natura: exten-
 sionem Corporis Deiparæ ad apiculæ mensuram debuit produci, cum
 anima rationalis inducitur. Sanè iuxta leges phisicorum apiculæ exi-
 guitatem referre debuit Corpus Sacratissimum Virginis cum mira-
 culose septem diebus, maiori cum perfectione, quam si octoginta
 fluxissent, assentitur organizatum. Miramini, ô Censores, deposito
 tantisper iracundia tumore, autem Agrediensis catenâ filis subtilissimis
 connexam, & consequentiæ constantiam obstupescite!

367 Sed quoniam convictos, utinam & confessos Deputatos in
 re agnatusima contemplor, liberte hinc inde de parvitate, & magni-
 tute

radine Corporis Christi , atque etiam Deiparæ iudicia proponere .
 S. Bernardinus Senensis tom. 4. serm. 1. de Reg. Dei de instantanea
 Corporis Christi extensione formata , sic fatur : Quando Virgo
 concepit , & ait ecce ancilla Domini , immediate Spiritus Sanctus
 cœpit tantum de sanguine Virginis , quantum vix posset stare super
 aciem vnius parvula acus ; & ibi erat integer , licet esset ita parvus ,
 quod vix illius vidisset eum . Et iterum tom. 4. serm. 3. Dom. 2.
 serm. 20. art. 2. cap. 7. ait : Cum Christus in uterum Virginis carnem que
 assumpsit , tanta brevitate circumamictus est , ut si positus fuisset super
 papyram , vel palmam manus , vix cum humanus oculus perceperisset . Qui-
 bus S. August. contentire videtur serm. 20. de tempore ut i ait : Quan-
 tus ibi erat , & quam magnus ? quam parvus factus fuit ? Ecce in tanta
 exigitate Senensis corpus absolutissimum , & perfectissimum con-
 templatur , ne vos apiculæ tenuitas in admirationem rapiat , aut in
 confusionem abripiat .

368 Sed si ex his apiculæ protensionem portentosam , velut ma-
 chinam execramini , in longè productiorem extensionem eritis addu-
 cendi , & in exempla majoris proceritatis trahendi , ut penitus , & du-
 bitationem , & anxietatem satis puerilem depenatis . Hieronymus in
 natalis in lib. de Laudibus Virginis existimavit ipso Incarnationis Do-
 minicæ die ; sic intumuisse Virginis ventrem , vt in eo cœperit Iose-
 phus conturbari : Contigit illa Iosephi ambignitas eodem Incarnationis
 die , inquit ille , cui ad finem libri subscriptis Eminentissimus Cardina-
 lis Toletus .

369 Si ergo instantanea formatio Corporis Christi in tantum
 crevit , vt in eodem die anxius Iosephus , & conturbari , & dubitare
 cœperit , proculdubio fatus longè lateque apiculæ mensuram supera-
 bat , & extensionem ampliorem valde ieferebat ? Qui instantaneam
 Matri , & Filij defendunt formationem ; his sententijs iuvati possunt
 ad taxandam utriusque Corporis , aut miram exiguitatem cum Senen-
 si , aut miraculosam protensionem , cum Natali : qui vero Virginis for-
 mationem non instantaneam tinentur (nam de Filij formatione erro-
 neus habendus , qui aliter iudicaverit , vt ait Suarez tom. 2. in 3. p.
 disp. 11. §. ex quibus) poterunt , vel naturæ leges inviolatas afferere
 in formatione Matri , quibus cum rectè componitur apiculæ exten-
 sio ad animæ rationalis ingressum , vt fert tota ferè Medicorum ca-
 terva , vel miraculosam temporis imminutionem defendere , qua cum
 rectè consiliatur eiusdem apiculæ extensio , & mensura , vt V. Mater
 media quadam via tutissima ivit .

370 Videte oculatissimi viri , quam inepte carpitur Agrediensis ,
 Z 2 quam

„ quam inaniter impeditur ? Nolite imitatores esse noctuæ , aiebas
 „ Ambrosius serm. 43. ad finem; quæ licet per noctem vigilet , per
 „ diem namen pigra , vel cæca est , quæ grandibus oculis tenebrarum
 „ caligines diligit . Splendorem solis horrexit : mirum enim in mo-
 „ dum illuminatur obscuritate , luce cæcatur : istud animal hæretico-
 „ rum figura est (addam , & Deputatum Censorum) qui dum se
 „ putant subtilibus evolare sermonibus , tanquam noctuæ veri lumi-
 „ nis splendore turbantur . Hic tumor ; hæc reconditæ scientiæ vestra
 iæctatio , Amplissimi viri .

SECTIO TERTIA.

AN PROFUNDISSIMIS CORPORALIBVS INCLINATI-
nibus, has gratiarum actiones cum Corpore isto tam parve
Deipara comitaverit?

371 **H**uius difficultatis resolutio pender ex illa , quam Divus
 Anselmus in Elucidario de infantibus in Paradyso na-
 cituris dilolvit . S. Doctor in ea fuit mente , ut crediderit infantes sta-
 tum , ac nati fuissent , locuturos , progressuros : & alia , quibus obest
 modo natura corrupta , munia obituros : *Infans in Paradyso* , ait , mon-
et nasceretur ambulares , & absolutè loqueretur , & contra singulos defe-
ctus delignis ibi postis vteretur . Hinc P. Ioannes Baptista in Elucidatio
 lib. 3. tract. 1. cap. 2. rogat : An motus utriusque scilicet Christi , &
 Mariæ esse potuerit ab initio expeditus ? difficultati responderet , rem
 esse , quæ hinc inde probabilis opinionis agitari queat . Sed quoniam
 in nullius suffragium ipse declinare videtur , nos cum V. Matre par-
 tem affirmativam defendimus .

372. De motu necessario , qui est ille , qui à facultate naturali
 provenit velut motus ad nutritionem , & incrementum substantiale
 non est dubium : augebatur enim B. V. tacitis naturæ incrementis , v-
 sit Anselmus oratione de Nativitate . Demixto , qui quidem licet à
 facultate naturali proveniat , potest nihilominus à principio libero ,
 vel impediri , vel iuvari , ut actio aspirandi , & respirandi , quæ licet
 necessarius motus sit , liberè tamen suspendi potest , aut liberè fre-
 quentari actio lacrymandi , quæ licet à concavis naturalibus oriatur ,
 liberè tamen suprīmi potest fletus , aut augeri , de quibus suo loco
 agemus .

373. Suaderi potest primo hæc sententia : quia cum corporis hu-

mani triplex à Medicis, & annotomicis motus, & actio assignetur, vt Andræas Laurentius, etiam Parisiensis, testatur, scilicet motus necessarius, liber, & mixtus, iuxta principia, & facultates totidem à quibus nascuntur: positis his facultatibus expeditis, remctis vndique obstantibus, & prohibentibus obicibus, eiusmodi metus exerceri possunt: sed ab initio habuit Deipara comprincipia, at eiusmodi motus, & actiones obeundas: ergo & exercuit.

374 De liberis autem motibus hic lequimur, qui sunt illi, qui humanæ actiones dicuntur, & proveniunt à facultate libera, superiore imperante inferiorem, qualis est libera inclinatio capitis, aut manus extensio liberis motibus imperio voluntatis, si alioqui homo non est impeditus, exercetur. Fateor non omnes motus, & actiones, quas extra uterum Virgo libere potuit exercere, in ventre Matri exercuisse, sed eas tantum, quas patiebatur motibus necessarijs fætus iam in dextrum, iam in sinistrum, iam sursum, iam deorsum agitantur: ergo cum Beata Virgo ab initio liberam, & expeditam facultatem habuerit utendi ratione, & libero arbitrio, vt probavimus: potuit eius ardentissimus amor erga Deum, actionem externam profundæ humiliationis imperari, & exequi. Quæ hinc repugnantia, aut impossibilitas erit à nobis timenda?

375 Suadetur secundo: Quia motus exultationis Ioannis Baptistæ humanis fuerunt, & à principio libero imperati, non enim analogè, aut metaphoricè, vt cum Scriptura ait: *Montes exultaverunt ut arietes*; sed propriè, & rigorosè gaudium illud capiendum est, vt ferè omnes Patres Græci, & Latini hic interpretantur apud Suarez. tom. 2. in 3. part. disp. 4. scđt. 7. §. dico ergo, & apud Haye in triumpho veritatis tom. 1. cap. 6. nota 5. versu 3. ex quibus omnibus Ambrosium, & Leonem clarissimis testimonij locutos adducamus. Ambrosius: *Habebat intelligendi sensum qui exultandi habebat affectum*. Lib. I. in Lucam. S. Leo serm. 10. de Nativitate: *Præcursor Christi spiritum Prophetæ intra Viscera Matri accepit, & nondum editus genitrici Domini signa exultationis ostendit*. Et cur Maria nondum edita, imò illico concepta, Dein Deo suo signa subiectiōnis non ostenderit? Et cur humilibus inclinationibus supremam opificis excellētiā reverita non adoraverit? Erat ne Virginis custodia, aut strictior, aut angustior, quam Ioannis, vt ille saltibus, & exultationum tripudijs genitricem Dei veneraretur; & ipsi Genitrici erga ipsum Deum nullus eslet relictus aditus honorandi supremam eius maiestatem in- clinationibus profundis?

376 Confirmatur; quia vt colligitur ex Historia de Ortu Virgi-

nis, quæ nomine Hieronymi circumfertur, Virgo Deipara, cum adhuc triennis esset, Templo fuit præsentata, motibusque adeò infante imparibus, gradus quindecim templi percurrit: quid mirum, si adhuc in utero Matri in minore extensione apiculæ mensuram non excedente, inclinationibus corporalibus Deum collet, & veneratur? Posito ergo libero arbitrio, & rationis usu in corpusculo Virginis perfectè organizato, & aliundè non impedito, ut non impedit probavimus ad eiusmodi motus obeundos ex Ioannis exultatione, & gaudio: tam inauditum portentum erit, tam insolitum prodigium reputabitur, corpusculum illud inclinari sub tantula quantitate productum: quam apem volare, formicam currere, et si quæ sunt alia minitoria viventia, ipsa moveri, distendi, aut contrahi.

377 Dices: has inclinationes, & motus corporales situi, & positioni fetus in utero repugnare: est enim in sua membra complicatus, & convolutus, ut Ferrarius ex Medicis, ait lib. de hominis procreatione septimo, cap. 11. ita ut caput inter genua, manus ad oculos, & pedes versus pygam, totus implicatus existat. Quo ergo modo inclinari poterit, etiam si facultate libera, & imperio voluntatis polleat, ut possit iniungere has externas inclinationes?

378 Hoc argumentum vrget in primis omnes ferè Patres, qui signa externa exultationis Ioanni tribuant: vnde quidquid ad Praecursoris exultationem tuendam Censores excogitaverint, corporalibus Deiparæ inclinationibus subiiciemus. Deinde suspicor, Venerabilem Matrem à Consilio dixisse: *Cum corporalibus inclinationibus, in quo innuitur non capitum humiliatio, qualis à recto situ hominis fieri solet; sed forte integræ totius corporis demissio, quæ, & imperari potuit ab actu interno religionis, & exequi externo totius corporis motu.*

379 Hæc clarissima mihi videntur, nec improbabiliter adducta; tunc ad Dialecticæ trutinam expensa, tunc ad lydiam philosophiae sapientem probata: sed Censoribus adhuc invita; non enim verbo Dei credere videntur; ex illis fortasse sunt, quos Clemens Alexandrinus lib. 1. Stromatum latius elegantè percutit: nec Philosophiam volunt attingere, nec Dialecticam, sed nec contemplationem discere naturalem, sed solam, & nudam fidem requirunt; perinde, ac si cum nullam vitis curam gesserint, vellint ab initio statim vitum accipere.

(X)

DISCEPTATIO SEPTIMA.

VTRVM IN COGNITIONE , ET DOLORE , QVEM
habebat Deipara delapsu hominis , ploraverit , & lacrymas
fuderit in sinu Matris suæ?

Ex num. 231.

INSPVER : AN ROGAVERIT CVM HAC TENERITV-
dine miraculosa ab illo instanti , quo recepit esse pro remedio
hominum , & incepit ex tunc exercere officium ipsorum
Mediatricis , Advocata , & Reparatrixis ? Ex num. 232.

TANDEM AN DEVS IN ILLO INSTANTI MANI-
festaverit ei Angelos , quos illi dabant in custodiam ; & ipsa
viderit , illos agnoverit , & gratissimè suscepit ? Ex n. 231.

380 **L**icet ex proximè dictis huius Disceptationis proposita ,
 dubia consimiliter resolvi possint , & debeant , nihilominus , ut nihil intactum relinquamus , nihilque non examinandum tem-
 temus , pauca pro vtriusque difficultatis dissolutione adnectemus .

381 Dico primo : In cognitione , & dolore , quem habuit Dei-
 para delapsu hominis ploravit , & lacrymas fudit in sinu Matris suæ .
 Probatur assertio autoritate Theodořeti in Magnificat , & ex illo au-
 thoritate Patriarchæ Hierosolymytani Francisco Ximenio lib. 2. cap.
 24. quibus consentit Pater Ioannes Baptista in Elucidario lib. 2. tract.
 15. cap. 4. pag. 580. colum. 2. his propè verbis ex Theodoř-
 reto transcriptis . Theodoretus docuit :::: Mariam plures habuisse
 , iniectas animo species ; vndè nosset iacentem tunc humanam natu-
 rari in æterni squalloris fordibus turpem , laceram , deformem , &
 cruentam , nullum timorem numinis , Religionis sentum nullum ,
 nulos pietatis ignes vigere in orbe terrarum , à Dei oraculis hause-
 rat :::: hæc omnia , ait Theodoretus , Mariæ commoranti in vtero
 non sine magna tristitia , & dolore animi occurrebant . Addit : Iu-
 storum passiones , & tormenta ipsius oculis iam tunc Obversau ; qua-
 impietate traherentur ad Prætorum subsellia , & à subsellijs ad pu-
 blicas lanienas , ybi nova Dei fabrica post Christi Victorias struere-
 tur :

, tur: & post pauca. Deipara lacrymas profundens in utero , & pro-
 , , ximè post ortum evaporabat affectus, ex tot alienis malis sibi argo-
 , , rem imprimens :::: Carea anima Virginis , & ad miserationum
 , , motus flexibilis, vt quæ sc̄mina, vt quæ ḡra calamitatum, vt q̄d
 , , hominum Mater electa, vt quæ iniuriatum Domini zelatrix ad la-
 , , crymas erat proclivis , & cura Iob merito prædicabat: ab infantia
 , , crevit mecum miseratio. Hæc ex P. Ioanne Baptist. vbi supra.

382 Hæc omnia ob oculos habebat Virgo Deipara , hæc ipsius
 menti obversabantur, & commiserationis teneritudine cōmota, lacry-
 mas piissima Mater vbertim fundebat. Quid ergo facturam putatis
 d Censores , d Sacra Parisiensis facultas ? O Syndice ? O vos omnes
 quicumque mysticam Dei Civitatem in iudicium adduxistis, si vidisset
 ex tunc impietatem , qua Venerabilem Matrem ad vestra subselia
 traxistis; & à subselijs ad publicas lanienas produxistis ? Si agnovisset
 vestrā de eius primo tom. crismū veſlanam, improbam, feram , in-
 nanem, turbidam , & perversam ? Quod si ipsam non laterent ve-
 stræ comitiae factiosæ, tumultuosæ, horrisontæ, scismaticæ ; atque hos
 inter motus, medio flagrante tumultu, indemnātam foeminam , aris
 proximam , explodi, conculcari , & exhibili ? Quid si fuissent sibi
 species obiectæ de vestri Syndici fallacia, caliditate, astutia, qua tra-
 duxit , scellit , decepit viros peritos , integrissimam Sa-
 cram Parisiensem Facultatem, totoque orbi litterario ludibrio addi-
 xit? Quid, si vestrorum Deputatorum Censorum audaciam, petul an-
 tiam, procacitatem, impudentiam , quibus configunt, dilacerant, ab-
 radunt, & penitus convellunt piissima, dissertissima , atque limpidissi-
 ma Venerabilis Matris Agrediensis scripta in sui honorem , cul-
 tum, & reverentiam meditata, Cœlitus inspirata , & ferè divinitus
 conscripta, introspiceret ? An non hæc omnia deploranda, & dolen-
 da erant ? Ut potè quæ nullum timorem numinis, nullum Religionis
 cœnum, nullius pietatis ignes recesserant ? Sed ex tunc , nec vidisse,
 nec cognovisse forsitan subridetis. Num non vidile, nec cognovisse
 hæc omnia die 2. Maij elapsi 1696. & deinceps sanare potestis ? Sed
 quoniam satis, abundèque infelicissimum vestrū iudicium ad iuris
 stateram examinat sapientissimus , & in utroque iure versatissimus,
 ac mihi ex animo additissimus D. D. Ioannes de Leiva, Capellanus
 Maior, in sua Declamatione iuridica, paucis his contentus, ad nullitas
 vestri inordinatissimi Iudicis ab ipso demonstratas, vos remitto.

383 Dico secundo : cum hac teneritudine miraculosa ab illo
 instanti, quo recepit esse pro remedio hominum, rogavit , & incepit
 ex tunc exercere officium ipsorum Mediatricis, Adyocatæ, & Rep-

gatricis. Probatur ex eodem Theodoreto apud Poza hic, ubi ex cap.
 p. 20. Doctoris Liconis, haec transcripsit: Mariam, ait, se vertisse ad
 fabricam universi, Angelorum item, & hominum familias, tot ce-
 lata errantium, & inerrantium simulachra mente conspicata; diffusas
 camporum immensitates, animantium, arborum, clementorium enatu-
 ras. Ergo si Deipara tanta extunc cognitione fuit donata, ut praeditam
 fuisse ostendimus: Grandem (iterum alloquitur Theodoreetus)
 intus mærorum ex hac rerum calamitate, hominum miseria com-
 mota volutabat cordè, & sollicitè pro avertenda malorum illuvic,
 Deum præcabatur. Hæc, ille quibus quidquam addi nefas duxi-
 mus.

384 Dico tertio: Dominus in illo instanti (Conceptionis) manifestavit ei Angelos, quos illi dabat in custodiā, ipsa vidi illos, cognovit, eosque gratissimè suscepit. Ita Patriarcha Constantinopolitanus cap. 23. Magnam iam ex utero, ait, amicitiam inter Michaelem Archangelm, & Deiparam S. Gregorius Nazianzenus ex Divino responso neverat. Sufficiat invenisse Patrem aliquem, qui hac in re cum V. Matre consentiat: & quia propositio hæc cum illa coincidit, quæ exuberantissimam, & splendidissimam Angelorum, & hominum Scientiam, & notitiam astruebat, quam longè, latèque examinavimus ex ibidem dictis; hic erunt rationes, & authoritates reponendæ.

Si liber. Nos autem ad ulteriora progredimur, & ut tantisper vires resumamus, calamum dimittamus.



DISCEPTATIO OCTAVA, EX N. 329. 330. 334.

VTRVM IN INSTANTI QVO NATA EST NOSTRA RE-
gina Maria altissimus miserit S. Archangelum Gabrielem, ut
annunciaret SS. Patribus Lymbi hunc Nuntium tam felicem, &
iucundum pro ipsis? Ulterius utrum multitudo innumerabilis
Angelorum ordinaverit novam, & solemnem Processionem ele-
vantes cum Canticis incomparabilis gaudij veram Arcam Nostrae
Testamenti, ut esset pro aliquo spatio, non in Domo Obe-
dedon, sed in Templo Supremi Regis Regum, &
Domini dominantium.

TANDEM: AN EVERIT DETERMINATVM IN CON-
sistorio, & Tribunal Divino Sanctissime Trinitatis, dare
nomen infanti Regine: & an sua Maiestas voluerit illud ei
imponere, & dare per se ipsum in Cœlo, interim uno Angelo
sua custodia occupante suum locum, corpore aereo ad hanc
effectum?

385 **Q**uartuor complectitur hæc dissertatio, Nuntium factum
Patribus Lymbi de ortu Deiparæ: ad Thronum usque
Sanctissimæ Trinitatis ab vlnis Matris Annæ translatio-
nem, atque elevationem: nominis gloriosissimam impositionem: &
Angeli mirabilem substitutionem, quatuor etiam unctionibus discu-
tienda.

SECTIO PRIMA.

VTRVM IN INSTANTI QVO NATA EST DEIPARA
alliger Gabriel Patribus Lymbi ortum felicissimum
reportaverit?

186 **E**uditissimos Viros Deputatos, fieri non potuit, ut tam
claros, & quibusque pervios de Virginis ortu succel-
sus laicerent, vel si hoc latuit, eruditionis sacrae limina veneranda fa-

teri debent, nunquam salutasse. De communia letitia, & gaudio in Virginis ortu, egit Sancta Birgitta lib. 6. Revelationum cap. 56. ibi:
 „ Amici vero Dei, qui in longa expectatione erant, dicebant inspi-
 „ rante eis Deo: gaudendum potius est nobis; quia nata est lux, qua
 „ illuminantur tenebrae nostræ, & desiderium nostrum perficietur.
 „ Ubi Gundisalbus Durantis ait: Ex his ergo potest inferri, verili-
 „ num esse, quod scribitur hic, Patres in Lymbo existentes in Nati-
 „ citate Mariæ exultasse; quippe quæ patitur a erat eum, qui eos à
 „ Lymbo liberare, secumque in Cœlum transferre debuerat.

387 Clarius candem veritatem repetit serm. Angelico cap. 8. ibi: *Ita etiam amicis suis* (loquitur de Patribus lymbi) *ex hoc quod ipsa nasceretur magnam consolationem impedit.* Eiusdem sententiæ fuit Paphnutius apud Hierolymitanum Patriarcham de Vita Christi cap. 26. lib. 2. Sanctis Patribus, qui in sinu Abrahæ morabantur, futuri expectantes mediatotem, nova quædam solatij lux affulxit: vbi enim orta est Deipara, missi à Deo sunt Angeli pacis, qui natam eam feminam prædicarent, à qua tandem sperata libertas obtinetur. Huius veritatis ea videtur esse ratio, scilicet, quod Angeli mysterium Incarnationis præcognovissent, antequam Verbum verè, & realiter carnem assumeret, ita Magister sententiarum in 2. dist. 2. Alexander 2. part. q. 26. mem. 1. Haimon super caput 3. ad Ephe. ad illa verba: *Vt innotescat Principibus & Potestatibus in Cœlestibus.* Sixtus Senensis lib. 6. suæ Bibliothecæ annot. 299. Si ergo Angeli Incarnationis mysticum ab initio cognoverunt, mirum non est si in Nativitate Mariæ gavises fuisse (ipsa enim erat, quæ Christum Dominum erat in lucem editura) huncque Patribus in Lymbo cœmorantribus, faustissimum Nuncium renunciasse admittamus.

388 Quod si Deputatis adhuc superest scrupulus de Legatione Gabrielis, remittendi erunt ad Eusebium Emilenium Homilia in Vigilia Nativitatis, vbi: Virginis Consiliatorem Archangelum appellat: ecce Gabriel Consiliator Virginis, eiusque conscius Castitatis. Et ad S. Ildefonsum serm. 5. de Assumptione, vbi tota causa Deiparæ Virginis Gabrieli Archangelo commissa afferitur, simul & Angelis sibi colletantibus, secumque loquentibus. Tandem ad S. Petrum Damianum serm. 1. de Nativitate Mariæ vbi: Duo Leones, ait, sunt Gabriel Archangelus, & Ioannes Evangelista, qui rum Alter dexteræ Virginis, alter sinistre Custos deputatus est: Gabriel enim mentem, Ioannes carnem per vigili solicitudine servaverunt. Ex his omnibus colligitur Gabrielem Archangelum in Virginis custodiā fuisse destinatum inter alios præsertim, ut Ve-

metabilis Mater ait nro. 205. ad Legationes , & munia subeunda, quæ ad Principem Mariam pertinebant. Mitto innumera alia testimonia SS. Patrum de officio, custodia, & obsequijs Angelorum erga Deiparam suis locis inserenda; non enim ampliori probatione indiget assertio præicta, dicant ergo (in simili , aiebat Germanus Archiepiscopus Constantinopolitanus oratione de oblatione Mariæ) nobis, qui ex le ipsis in rebus innanibus sunt sapientes, vbinam talia vñquam vi- derunt, qualia in vna Deipara Deus cumulavit portenta?

SECTIO SECUNDA.

DEIPARÆ TRANSLATIO AD THRONVM VSQVE
**Beatissimæ Trinitatis, & elevatio postquam nata est ab Ange-
 lis triumpho mirabiliter facta defenditur.**

389 **A** Ntequam ad præcipuā huius assertionis difficultatem de-
 veniamus, libet etiam pro alibi dicendis frequentiā, custo-
 diam, venerationes, & obsequia SS. Angelorum erga Reginam suam
 exhibita ex Sacrorum Patrum fontibus ceteratim præmittere. S.
 Bernardus serm. de Laudibus Virginis innumerabilem Beatorum spi-
 rituum exercitum ad Virginis custodiam, & ministerium destinatum
 , contemplatur : Sed & innumerabilem, inquit Beatorum spirituum
 , militiam ad ministerium tantæ Principis delegatam nullatenus am-
 , bigimus , vtpotè qui custodirent Lectulum Salomonis grati-
 , simum.

390 Gregorius Archiepiscopus Nicomediæ in oratione de ob-
 latione Mariæ : Oportebat non vnum solum ei servire Angelum;
 sed decies mille millia eam stipare. Et Sanctus Bonaventura in Spe-
 culo Virginis sect. 3. Angelorum famulatum sic describit: Intelli-
 gentia Angelica est famula, superquam Domina eius Maria inniti-
 tur, quippè tanquam familiarissima se Angelis sociando , innititur
 tanquam plenissima; innititur tanquam potentissima Angelis im-
 perando.

391 His præmissis novam, & miram cum Chrysostomo, & Ri-
 chardo lib. 5. tit. de Corporali pulchritudine Mariæ quæstionem ex-
 citemus: An scilicet maiorem gloriam habuerit Maria in sua Af-
 sumptione quando caro eius tota sole amicta est, sicut dicit Apoca-
 lypsis 12. an in Conceptione Filij, & in prægnatione sua , quando
 ipsa carne sua totum Solem iustitiae complectebatur. Unde Iere-

„ miæ 31. Mulier circumabit virum? Fateor inquit Chrysostomus,
 „ me ignorare: mihi tamen videtur, salva maiorum sententia; Glo-
 „ riosius esse suscipere Regem hospitem, quam hospitari apud Re-
 „ gem: illa tamen gloria occultior fuit, quando Regem suscepit, &
 „ omnis gloria Filiae Regis fuit ab intus: ista manifestior, quando à
 „ Rege cum Regia magnificientia suscepta est; illa secretior, illa so-
 „ lemnior.

392 Non dubito Deputatos concessuos libenter argumentum de minori ad maius esse securissimum, & validissimum: ast quæ major gloria Deiparæ? Ad Empyreum transferri, & apud Regem hospitari: en Regem hospitem suscipere? Salva Maiorum sententia, gloriosus est Regem hospitare, quam hospitari apud Regem. Hinc pingo: erat ne Maria hospitatura Verbum? erat ne suscepturna Dæum? erat sanè: ergo si maius hoc, & gloriosius privilegium negare non potestis, vnde solemnissimam hanc elevationem, & hospitationem vobis repugnare videtur? Unde improbari, vnde calumniari, nisi temere potuit? Num numerosissimi Angelici agminis series suspeccetos vos de prodigio conturvavit? Angelorum ministeria ordinatissima sunt, non permixta; non catervatim artepta concipienda. Num copiosas phalangas exhorruistis? innumerabilium Beatorum spirituum militias, ad mysterium tantæ Virginis delegatas, nullatenus ambigimus oportebat enim ei non vnum solum servire Angelum, sed decies mille millia eam stipare.

393 Hac ferè usus ratione Georgius Archiepiscopus Nicomedæ, postquam de cibo Angeli ministerio Virginis in templo ministrato, plures, easque subtiles quaestiones suscitaverat, admirabilemque vivendi rationem prescriperat, mira, & prodigiosa de Virgine quæ, que esse credenda, sic satis ad rem, & docet, & convincit. Vides inauditam naturæ innovationem, & de his dubitas? Vides ipsum Dei verbum modo ineffabili habitasse in eius vrero, & contendis, fuerit ne alimentum materiale, an expers materiæ? Vides paternum no Consilio spiritus in ea adumbrationem, & de ministerio Angelorum dubitas? Nihil est dubium ex his quæ sunt castissimæ Virginis, ex eius magnatibus nihil est, quod non sit conveniens; omnian à veritate ipsa sunt confirmata: oportebat enim divinum Tabernaculum augeri talibus ascensionibus, &c. Ascendisse Angelorum stipatam copijs, ad Thronum usque Dei Virginem non arbitretur, qui talibus augeri ascensionibus divinum Tabernaculum oportere non dubitat. Egregie quidem Georgius oratione de oblatione Virginis eius excellentiam commendans concludit: Oportebat non in

Santis Sanctorum Tabernaculis, sed in ipso Cælo Cæli in prima ætate educari eam, que his conspecta est latior, & puritate antecelluit: educatione oportebat eam in prima ætate in Cælo Cæli, & non oportuit modico spatio ibidem hospitari?

394 Sed quia difficulter acquiescere suspicor Deputatos ratione ciuij, etiam ex Sanctorum Patrum mente constructis, in huius asserti raptus vestigia erunt adducendi Censores, forte ipsos non latuit, quod sibi revellatum testatur Agrediensis, à Ruperto p̄ò meditatum. Rupertus Abbas in Cantica cap. 1. ad illa verba: oculi tui columba-
rum, rum, hæc affert: Si enim quisquam dixit, & teste D̄eo, vel conscientia, non mentiens dixit: raptum se fuisse in Paradisum, sive ad tertium Cœlum, ita ut nesciat sive in corpore, sive extra corpus raptus fuisse, rit, & audisse arcana verba, quæ non licet homini loqui: quanto magis tu Regina Cœlorum per sæpè Cœlestibus interfueristi: quippe quam & circumstarunt, obstetricum vice, gloriam Deo concincentes Angelii; & inter hæc didicisti, vel assecuta es aliquid, quod latet, & latere nos debet. Statim illa huc venit regula Patrū revocanda, quod feliciter nullum gratiæ donum, Sanctorum cuiquam sit tribuendum, quod Virgini Deiparæ latius, & largius non sit condonandum, ut facile credas Pauli raptum, longè ampliore in Virgini non esse dengandum.

395 Præterea Ioannes Beleth, & Paulinus serm. 1. de Nativitate non absimile oraculum nobis retulerunt; quod Sanctus Martyr excepit, dum supernis esset meditationibus intentus. Vedit stupendam Cœlestium militum aciem, & adamantinas Cœli portas aperiri. Cumque ipse esset maximè supplex, vedit hilares vultus, & lumina, plura suffimenta, & festivos aparatus venientium hinc, & in re beatitudinum mentium concursus: (hæc omnia quamdam solemniissimam Processionem referunt) tandem explorata causa audivit divinum responsum, quo certior est factus illam magnificentissimam triumphorum gloriam in diem natalis Virginis destinari. Hæc in Nativitatis memoriam facta sibi ostensa narrat S. Martyr: ego tamen credo in ipsa Virginis Nativitate, longè profulam Angelorum fuisse lætitiam, Cœlique portas referatas, atque triumphali pompa per ipsas, Angelorum præeunte hinc inde ordinata cohorte, Deiparam ingressam, tantisperque apud supremum Regem commoratam?

396 Sed etiam accidisse credit in ipso annunciationis die Iacobus de Valentia in Cantico. cap. 5. vel dignentur Deputati sensum horum verborum nobis aliter aperire: Per suam humilitatem, ait, meruit transcendere omnem humanam scientiam, & philosophiam,

„ phiam , quando fuit obumbrata per Spiritum Sanctum in sua ap-
 „ nuntiatione, & raptā usque ad tertium Cœlum , ubi vidi Arcana,
 „ & mysteria Incarnationis, & nostræ Redemptionis perfectius, quam
 „ Paulus. In hunc etiam trahi possunt S. Antonius 4. part. tit. 15.
 cap. 17. §. 1. Dionysius Richecius super Dionysium de Cœlesti Hye-
 rarchia art. 18. Gerson Alphab. 15. tit. 8. Alphab. 18. tit. 9. Über-
 tinus Cassabius lib. 1. Arboris Vitæ cap. 9. S. Thomas à Villanova
 serm. de Resurrect. Medina q. 27. art. 5. & Divus Cyprianus serm.
 „ de Nat. his verbis : Unde & Matri plenitudo gloriæ debet batur, &
 „ Virgini abundantior gloria, quæ carnis, & mentis integritate insig-
 „ nis, spirituali, & corporali, intus, & extra Christi præsentia frustra-
 „ tur : hic agit Cyprianus de die Nativitatis Domini , in quo dicit
 suisse Virgini oblatam abundantiorem gloriam : si ergo hi omnes in-
 tuītivam Dei visionem Deiparae datam fatentur, ipso, opinor, eleva-
 tio illa corporalis, & translatio ab Angelis ad Empyreum facta , pa-
 rum deterrebbit. Nec suspicor S. Antoninum, qui in ipso Conceptu , &
 partu ait, datum esse illi ad horam, ut videret mysterium huiusmodi, ut in
 patria, sicut Paulus vidit Deum in raptu : multum de Procesione, ele-
 vatione , & Angelorum iucunda asportatione , futurum sollicitum:
 qui enim maiora concedit de minoribus non ambigit.

397 His accedat notissima , atque receptissima S. Mariæ Mag-
 dalenæ septies quotidie in Cœlos sublevatio, quam ad numeros histo-
 riā nobis offert reddactam Franciscus Patriarcha

stipata catervis

Angelis, septemque die subiecta per horas,
 Cœlestesque audire choris alterna catentes
 Carmina, corpore de carcere digna fuisti:

Digna Magdalena; dignior Deipara : illa Angelicis sociata choris su-
 biecta creditur : hæc Angelicis stipata agminibus elevata negatur: illa
 tanto amoris ardore perstricta est; inquit S. Bernardinus Senensis ser.
 43. art. 2. cap. 7, primæ partis : Ut non iam accessorijs gradibus , vel
 passibus veteretur, sed inopinatis raptibus septies in die Angelorum auxilio
 volans, non vacens in illa sublimia secreta cœlestia ad amorem inaccessibili-
 lem rapiebat : ast hanc scilicet Deiparam rapiçevèhi, elevari nefas à
 Centoribus iudicatur. Sed quare? quia ante Christi Ascensionem
 Cœli portas obliteratas tradunt SS. Patres : quia generali locutione
 Christus Dominus ait: Nemo ascenabit in Cœlum , nisi qui descendit de
 Cœlo Filius hominis , qui est in Cœlo. Ioannis cap. 3. num. 13. quia
 nulla, et si in gratia Dei plurimæ decesserint, anima Cœlum est ingres-
 sa, usque ad Redemptoris ingressum; quanto minus corpora villa? quia
 pri-

primus Christus Cœli ianuas referavit, eiusque primum hæc Agrediensis assertio anteverit: iuxta illud Micheæ cap. 2. num. 13. *Affert enim pandens iter ante eos*, quia Sanctorum Angelorum multitudo Regem gloriae cum carne sibi unita, sanquam novum spectaculum obstupuit Cœlos ingredientem, ut loquitur S. Cytulus in exagēsi ad Achat. Hæc omnia, & urbani, & modestè obiecti poterant à Deputatis Centoribus; quæ sibi olim obiecit Illustrissimus ac Reverendissimus P. Fr. Iosephus Ximenez Samaniego, totius Seraphici Ordinis Minorum Generalis, & Episcopus Placentinus in Notis ad primum Tomum Mysticæ Civitatis Dei, vbi latius obiecta invenies proposita, & soluta, Nota 25. per totam. Imò eadem Venerabilis Mater has omnes sibi occurrentes difficultates ipsi Deiparae humilitet disolvendas proposuit; quod & præstitit B. Virgo sapientia sua ineffabili. Loquenter auscultemur, & humiliter discamus.

398 Obseratæ sunt Empyrei ianuæ; sed ferrea, imò adamanta serra sanguine agni emollienda, & referenda: ast Virgo omnis peccati expers concipitur, proprijs dispositionibus sanctificatur, ut docet S. Bernardinus, & cum eo Eximus Doctor Pater Suarez tom. 2. in 3. part. disp. 4. sect. 8. Adamo, & Angelis similis propouit: hic modo; fuit ne Angelis Sanctis Cœlum occlusum? Erat ne Adamo in statu innocentiae perseveranti occludendum? Et cur Sanctissimæ Virginis, quæ longè excellentius, quam Angeli, longè mirabilius, quam Adamus; & disponitur, & Sanctificator vestibus erat æneis Cœlum claudendum?

399 Fateor generalem esse Christi locutionem: *Nemo ascendit in Cœlum, &c.* sed generales leges paſsim gratiosissimis privilegijs dispensatas legitimas in Deipara: non ne privilegiata est eius à peccati inimicitas? Non ne privilegiata est eius Virginalis fecunditas, & foecunda Virginitas? non ne admirabilis eius, & privilegiata vivenditatio? Tu autem ò homo, aiebat Georgius Episcopus Nicomediz oratione de Oblatione Mariæ: Admirabilem, & novam vivendi rationem in Templo audiens Virginis, noli de eo dubitare; noli examinare ratione ea, quæ sunt incomprehensibilia: vides inauditam naturæ innovationem, & de his dubitas? In hoc Incarnationis mysterium velut in scopum omnia privilegia revocanda sunt; ipsaque Deipara huc etiam singularissima dona deflectit; & quis ait Sanctissima Domina Agrediensi dubitationem removens num. 340. De carne mea, & sanguine eum vestitura eram, & hominem factus, ei, eius dignatio voluit anticipate prevenire me, similemque sibi in puritate facere, & in culpe exceptione, & in alijs donis, & privilegijs divinis.

Neg

400 Nec Christi Domini primatui quidcumque officit haec. V. ergo
 nis ad Cœlos corporalis advectione, & miraculosus ingressus; quia nullus permanenter primus est ingressus; & quisquis, sive ante Christum Dominum, sive post Cœlestes est alleculus lates: intuitivamque Dei visionem est sortitus, meritum eius, & dignitatis intuitu fuit consequitus; nec permanenter, sed transiunter, ut de Virginis raptu testatur Venerabilis Mater. Et sane haec præsertim Parisiensibus, nec dura; nec inaudita debent videri; cum consimiliter locuti fuerint duo ex Doctoribus Universitatis huius in quæstione, & dubio agitato olim inter Scholasticos de loco; quem habitura erat Anima Deiparæ ex hypothesi, quod ante Christi Domini mortem, è vivis decesserit. Et licet aliquibus visum fuerit, tunc casus, Animam Deiparæ permanescram Angelis stipatam usque ad Filij Resurrectionem: Ut Dominicus Bolianus tract. de Conceptione art. 1. ad 5. sentit. Vel Paradysum commoraturam, ut Franciso de Christo in prælectione de Incarnatione lib. 6. q. 1. placuit: vel habituram locum Sellestisimum in Cœlis, ut Gerson serm. de Conceptione B. Virginis credit; quem sequitur Robertus de Lizio serm. 24. de Conceptione Beatae Virginis; & Bernardinus de Bustos in Mariali serm. 2. de Conceptione: fuitque haec sententia plausu communi subiecta ab Universitate Parisensi, imò approbata ab eius Sacra Facultate anno 1530. vt refert Antonius Cucarus Episcopus Arcensis in Elucidario Virginis part. 3. in solutione ration. Nihilominus Ioannes Vitalis Franciscanus in defensorio B. V. contra Menteson lib. 4. cap. 10. via 4. & Franciscus Martinus Carmelita, in suo Comp. veritatis Immaculatae Concept. Parisiebus ambo, docuerunt statim Animam Sanctissimæ Virginisvehendam, & Cœli ianuas ipsi aperiendas; atque visione beata glorificandam, licet nondum Christus Dominus in Cœlos ascenderit: quidquid pro primatu Christi Doctores isti defendendo, in istius specie causis dixissent, in nostro à nobis, ni fallor est dictum. Neque ut dubitationi finem imponamus, Angelorum admiratio obest, quæ iuxta varios Patres varijs etiam causis, & motivis tribuitur. Sed esto fuerit de novitate ingredientis hominis Dei orta, potuit haberi de permanenti habitacione earnis in Cœlo, cuius proprius locus terra est. Videndum omnino Illustrissimus Samaniego

vbi supra.



SECTIO TERTIA.

**PTRVM IN CONSISTORIO SANCTISSIMÆ TRINITATIS determinatum fuerit nomen dari Infanti Reginæ
Et an ab ipsa Dei Majestate ei fuerit impositum in Cœlo?**

401 **D**E gloria nominis eius, aiebat S. Bernardus serm. 4. de Alunctione B. Mariæ : nec dignum aliquid steriliis concipere cogitatio, neque ineruditate potest iocutio parturire. Unde, ut & originis venerandi nominis Maria, & impositionis exordia inveniamus; oportet eruditionis lacte secretiora latibula indagare, & mira, atque portentosa Sacratissimi nominis Sacra menta revelare, vt Factiosi videant, quam præcipitem, immaturam, & insipidam Censuram evulgaverint.

402 Doctissimum Patrem Idiotam, per antiphrasim dictum; substulerant de medio Hæretici in editione Germana: sed nobis post liminis iura, ex Parisiensi editione anno 1538. restituit Margarinus de la Vigne Docttor etiam Parisiensis in Bibliotheca V. P. tom 3. pagina mihi 878. Catholicissimus, & disertissimus Idiotæ Hæreticis in fons, & ob id nobis additissimus in contemplatione de Virgine, Maria cap. 5. sic de nomine Virginis fatur: Vocabitur tibi nomen, novum, ò Beatissima Virgo Maria, quod os Domini, scilicet Filius, Dei, qui est os Patris, per Angelum nominavit, videlicet gratia plena. Postea vero nomen Mariæ expressit: dicens: Ne timeas Mariam. Dedit enim tibi Virgini Mariæ tota super Sancta Trinitas nomen, quod post nomen super benedicti Filij tui est super omne nomen, vt in nomine tuo omne genuflectatur, ut manifestè pater, Cœlestium, Terrestrium, & Infernorum: & omnis lingua confiteatur huius Sanctissimi nominis gratiam, gloriam, & virtutem. Non enim est in ullo alio nomine, post nomen super benedicti Filij tui, tam potens adiutorium: nec est ullum aliud nomen datum sub Callo hominibus, ex quo tanta salus hominibus refundatur, quia super omnia Sanctorum nomina reficit lassos, sanat languidos, illuminat cæcos, penetrat duros, recreat fessos, ungit Agonistas, & iugum Diaboli extrudit.

403 Sanctus Petrus Damianus serm. de Annunciatione B. Virginis, ex Thesauro Divinitatis evolutum nomen Virginis assertit: Statim

¶ de Thesauro Divinitatis Mariæ nomen evolvitur, & per ipsam , &
 ¶ in ipsa , & de ipsa , & cum ipsa , totum hoc faciendum decernitur,
 ¶ vt sicut sine illo nihil factum est, ita sine illa nihil refectum sit. Ubi
 evolvi dicitur nomen, quia per integrā æternitatem, quasi in The-
 sauro custoditum, erat aliquando Sacratissimæ Virginis dandum à to-
 ta simul Trinitate.

404 Concinit Richardus de Sancto Laurentio lib. 1. de Laudi-
 bus Virginis : Dedit ei (Virginis) tota Trinitas nomen , quod est
 super omne nomen, post nomen Filij sui, ve in nomine eius omne
 genuflectatur Cœlestium, Terrestrium, & Infernorum. Et lib. 4. de
 Laudibus Virginis loquens de Maria ait : Exinanivit se exemplo
 Filij sui, formam ancillæ accipiens; propter quod, & Deus exalta-
 vit eam, & donavit illi nomen, quod est super omne nomen. Unde
 Eminentissimus Cardinalis Cusanus lib. 8. exercitationum potuit, &
 verè, & piè dicere : Primum nomen in libro illo scriptum (scili-
 cet libro Vitæ) nomen Iesus est : secundum post illud nomen Ma-
 tia. Primus enim prædestinatorum, omniumque caput est Christus:
 Secundum, post Christum, locum nobilissimum Sancta Virgo in-
 ter prædestinatos habet. Cum enim Deus hominis peccatum præ-
 vidisset, opemque illi per Incarnationem Verbi ferre statuisset:
 Christum primo Virginem, deinde illius Matrem ad summam glo-
 riām prædestinavit.

405 His similia inveniri queunt , & adduci poterant innumera
 testimonia, quibus excellentissimi nominis huius origo cōmendatur
 à SS. Patribus, & Sacræ paginæ Interpretibus, quibus brevitatis gra-
 tia supersedeo: vbique volitant, vbique circumferuntur nominis Ma-
 riae insignia præconia, è suggestu sonant: in chartis natant , omnium-
 que ore versantur. Ad rationem ergo dubicandi veniamus : dubitare
 poterant Deputati Censores, & defacto dubitare videntur : an tota
 Trinitas dederit Virginis nomen ? Sed omnem prorsus ambigendi ra-
 tionem substulerunt illis Idiota, Damianus, Richardus, Cuslanus, alij.
 que innumeris, qui huius sensus expressis verbis producuntur Patroni.
 Ulterius dubitare poterant, an tunc hoc fuerit determinatum , cum
 Deipara recens nata, coram Divina Maiestate ab Angelis præsentata
 refertur? Cum alioqui ab æterno in Thesauris Divinitatis allatu-
 & decretum nomen istud fuisse asseratur ? Sed distinctione notissima
 decreti intentivi, & decreti executivi facetiæ istæ pueriles eliduntur.
 Tandem apertissimam hanc propositionem, securissimam , & fanisci-
 mam vellicarunt , quia SS. Patribus adversa fuit reputata (omnes
 huius immortæ Censuræ vias occludere tentamus, licet divinare nos

cogniti Deputati; nunquam enim in re aedē gravi, vt erant obligati; præterim in hoc articulo, damnatum propositionum peccata, & vita dignati sunt indigitare, vt apta viceribus remedia applicarentur.)

406 Huius lugillationis fundamentum desumi potuit ex Patribus nonnullis, qui aperte dicunt nomen Virgini fuisse impositum à Parentibus. Ita Gregorius Nilenus Episcopus, oratione in Nativitate Domini: *Quam ob rem cum voti compos effecta Anna Filiam suscepit, eam vocavit Mariam, ut ipso eiusam nomine testaretur acceptum munus à Deo.* S. Hieronymus in historia de Ortu Mariæ, ibi: *Iuxta mandatum Angelicum Parentes vocabant nomen eius Mariam.* Nicephorus lib. I. hiltorix Ecclesiasticæ cap. 7. ibi: *Posquam puella è Maternis prodigi locis, Mariam eam natim nominavit.* Simeon Metaphrastes idem, quod Gregorius tentit orat. de vita, & dormitione Deiparae. Et licet Parentibus fuerit revelatum, vt vero simile vitum est Eximio Doctori A. 2. in 3. p. disp. 2. ex Sancto Hieronymo de Ortu Virginis, ubi ait: *Iuxta mandatum Angelicum Parentes vocabant nomen eius Mariam;* non proinde statim confingendum erat, à tota Beatissima Trinitate fuisse in eius divino Consistorio datum, ut Agrediensis topita, aut illusa mente sumniare videtur.

407 Hæc ex officina vestra subventata deprorsi, vt clarius, & evidentius innotescat; qua dexteritate, quo ingenio, & accumine humiliæ fœmina suæ Historiæ texturam ora fuerit: singularis fateor eius sensus est erga Sacratissimi nominis narrationem; sed talibus est convebita filii narratio, vt omnia, eaque diversa, quæ hucusque ex Patribus habebamus de nomine Mariæ in unum veluti fasciculum mito ordine colligaverit; admirabiique consonantia temperaverit, & disposerit, vt iam ostendam, si prius Sacratissimi nominis Iesu historiam, quam Lodulphus de Vita Christi part. I. cap. I. subtexuit, præmittam. Postquam Sancti Evangelij Lucæ 2. verba paraphrastica quadam expositione expenderat; & nominis Iesu originem, impositiōnem à Deo factam, declarationem ab Vngelo adhibitam, & solemnem ritu Patrio, Parentum devulgationem; synopsim, fusam huius nominis enarrationem rededit: *Aitque: unde considera huius nominis dignitates: primo quod hoc nomen fuit ab eterno præordinatum, & consecratum.* Ecce Mariæ nomen ad instar Iesu consecratum, & præordinatum, ab eterno fuisse præmisimus. *Secundo fuit divino ore nominatum.* Et nomen Mariæ per os Domini prelatum ostendimus ex Idiota: dedit enim ei nomen tota Trinitas: *Tertio: Patriarchis, & Patribus antiquis desideratum.* Quarto: *& Prophetis prophetatum.* Sic Mariæ nomen ab Itala prædictum testatur Richardus de Sancto Laurentio lib.

9, lib. 1. de Laudibus cap. 2. Unde prædixerat Isaías cap. 62. ait:
 „Vocabitur tibi nomen novum, quod os Domini, id est, Angelus;
 „vel Filius Dei per Angelum nominavit. Sic à primis Parentibus in
 desiderio habitum: Ita Sanct. Vincentius serm. de Conceptione:
 „Revelavit Deus Parentibus primis ab eis processuram Virginem
 „Sanctissimam, quæ afferret majus bonum, quam ipsi perdicissent,
 „quare conceperunt Virginem Mariam ipsam desiderando. Conso-
 nat S. Ioannes Damascenus serm. 2. de dormitione Sacré Deigeni-
 tricis: *Tu sanguis noster, o Beata Filia, &c.* Hic non præteribo his-
 toriam Chronicæ Belgicæ Genebrardi lib. 31. cap. 26. anno 1374. ubi
 inventio refertur cadaveris Seth, Filii Adami in Valle Iosaphat exhu-
 mati, & ad caput eius tabula, in qua litteris concavis, ad modum si-
 gilli Hebraici inscriptum fuit sic: *Ego Seth tertio genitus Filius Ada-
 credo in Iesum Christum Filium Dei, & in Mariam Virginem de Lumbis
 meis venturos.*

408 Quinto ait Lodulphus: *Ab antiquo scilicet Iesu Nave, qui ex
 Iose dicitur præfiguratum*: sicut & Mariæ nomen in Maria So-
 rore Moysis adumbratum: tandem Lodulphus ait: Iesu nomen ab
 Angelo pronunciatum, à Iosepho impositum, ab Angelis divulgatum,
 ab Apostolis magnificatum, &c. quibus omnibus modis de Maria lo-
 quuti sunt Patres. Cyrilus Homilia 6. contra Nestorium, Augustinus
 lib. de Assumptione, S. Ildefonsus serm. 4. de Assumpt. Ioannes Da-
 masenus lib. 4. Fidei ortodoxæ cap. 5. ipsa ævo omni antiquiore, ac
 præsciente Dei Consilio prædestinata, varijsque Prophetarum Imagi-
 nibus, ac sermonibus per Spiritum Sanctum adumbrata, atque præ-
 definita tempore ::: orta. S. Bernardus tom. 2. super Missus est. Et
 epist. 174. Laurentius Iustinianus lib. de casto connubio cap. 9. An-
 dræas Cretensis in Contio 2. de dormitione Virginis; & alij, quorum
 verba legi possunt apud Christophorum de Castro, Historia Deiparae
 cap. 1. n. 1.

409 Ex his omnibus satis liquet, quam proximè accedat vene-
 randum Matris nomen ad Sanctissimi Filii nomen, & dignitatem; Ma-
 riæ nomen cum nomine Iesu confertur, communibus laudibus extol-
 luntur, reciprocis encomijs laudantur, & plausibus communibus à
 Patribus, Interpretibus, & Concionatoribus commendantur: videndi
 Novarinus in Umbra Virg. Guevara in caput 1. Matthæi tom. 2. obser-
 vatione 15. sect. 14. 15. & 16. Canisius lib. 1. de B. Virgine cap.
 1. Vbi de hoc Mariæ nomine eleganter, & copiosè disputat.

410 Interim ad id, vnde digressi sumus, revertamus, & cohære-
 tam V. Matris cum Patribus democstremus. In primis PP. affirmant

veneranda nomina Iesus, & Maria ab æterno prædefinita à Deo , & consecrata : id ipsum afferit V. Mater num. 334. his verbis : Ibi,
 „ id est in Cœlo , manifestavit (Divina Maiestas) spiritibus Angelis,
 „ cis, tres Divinas Personas dulcissima nomina Iesus , & Maria Filio,
 „ & Matri decretuisse , atque formasse, atque in ipsis ab æterno sibi
 „ complacuisse , hispanice : donde manifestò à los Elspiritus Angelis,
 „ cos, que las tres Divinas Personas avian decretado , y formado los
 „ dulcissimos nombres de Jesus, y Maria, para Hijo, y Madre ab ini-
 „ tio ante sæcula; y que en todas las eternidades se avian complaci-
 „ do en ellos, & paulò post: & cognitis his, atque multis alijs miste-
 „ rijs, Sancti Angeli audierunt vnam vocem de Throno in Personam
 „ Patris Æterni dicentem: Maria nominanda est electa nostra : oídos.
 „ estos, y otros muchos mysterios los Santos Angeles , oyeron una
 „ vez de el Trono, que dezia en persona de el Padre Eterno: Maria
 „ se ha de llamar nuestra Electa, &c. Deinde paulò post: Dominus
 „ Spiritibus Angelicis præcepit , ut evangelizarent fortunatum hoc
 „ nomen Sanctæ Annæ, ut in terra operaretur, quod in Cœlo confi-
 „ matum erat. Et num. 335. ait : A diebus octo Nativitatis Mag-
 „ ñæ Reginæ, multitudo Angelorum pulcherrimorum , & rozagan-
 „ tium descendit de excelsis, advehentes scutum lucidum, & rutilans,
 „ in quo inscultum erat nomen Maria, totum radians, & lumine splen-
 „ dens, qui omnes manifestantes se se felici Matri Annæ, illi dixerunt:
 „ nomen illuc adveatum Maria, esse nomen Filiæ tuæ divina provi-
 „ dentia, ipsi datum: hæcque ordinabat, ut statim illa, & Ioachimus ip-
 „ si imponerent. Et post pauca : Dei imperio Ioachimus , & Anna
 „ obsequentes (ait V. Mater) determinarunt convocare consanguini-
 „ neos, & quemdam Sacerdotem, & magna solemnitate, opiparoque
 „ convivio recens nata, nominata est Maria.

411 Hæc fuisus , quam par erat transcripti, ut Deputati videant
 hac una historia in concordiam fuisse vocatos, quotquot Patres de Sa-
 cro Virginis nomine scriperunt ; & in historiæ cursum ordinatum,
 quidquid sparsim ab ipsis suis, vix ullo ordine servato, dispersum ori-
 ginem in Thesauris Divinitatis , huius nominis agnoscunt PP. agno-
 vit & V. Mater : Datum hoc nomen prædicans à tota Trinitate, da-
 tum fuisse testatur V. Mater : Per os Domini pronunciatum afferitur
 in Persona Patris, ait V. Mater promulgatum; ab Angelis revelatum;
 inuitur Angelos hoc nomen traxisse, inquit V. Mater. Tandem Io-
 achimum, & Annam Filia imposuisse nomen, frequenter inquiunt San-
 cti Patres more Patrio , rituque solemni , ita factum pronuntiat V.
 Mater. Unde, o Censores, subventare potuistis hanc gravolentiam,
 quam

quam refractibus naribus subodoramini? Quid dilucidius, quid pulchrius, quid gratius ex peramenis SS. Patrum Sylbis feligi potuit, ad hunc floridum historiae Paradisum concinandum. Apes debemus imitari: aiebat Seneca epist. 84. & quæcunque ex diversa lectione congesimus separare, melius enim distincta servantur; deinde adhibita ingenij nostri cura in vnum saporem varia libamenta confundere: ut etiam si apparuerit unde sumptum fuit, aliud tamen esse, quam unde sumptum est appareat, quod si apim imitata est Agrediensis nostra (neque enim modo compellam vos credere Historiam divinitus fuisse compactam, condono vobis, humanitus, proprio ingenio, & industria propria consertam) ex Sacra pagina Sanctis Patribus, Doctoribusque pijs, velut ex floridis hortis sapidam narrationem libavit? Sed cantharorum fragrantia quæque abominantur.

SECTIO QUARTA.

DE ANGELO GERENTE DEIPARÆ PERSONAM, *iudicium fert.*

Bonifacius Constantinus, Societatis Iesu Theologus, clavis scriptis, & eruditione sacra locuplex Author epitomen de Angelorum historia perteruit: ubi officia, & beneficia, apparitiones, miracula, substitutiones, resq; gestas omnes ab Angelis cogerit & à primo cōditionis die ad nostrū usque sēculum, æratum, & sēculorū spatijs distributo tempore, acta percurrit ad annū 4033. obsequia erga Beatam Virginem narrat, & deinceps, si quæ occurrerunt aduectit simulatus, & ministeria: sed nullum ex his, quæ ab Agredensi memorantur Bonifacius refert ministerium; nihilominus tot, tantaque de sacrī genijs evulgat, ut nec dissonum, nec fabulosum, nec Deiparæ iniurium cuiquam videri queat, Angelum eius personam subrogasse. Non distona hæc substitutio reputari potest, cum in dicto epitome innumeræ aliarū personarum, ex fide dignis historijs suppositiones, per Angelos factas referantur cap. 7. Angelum, speciem S. Pauli referentem ex Baronio, Theclæ Apostoli Discipulæ, & inter foeminas prothomartyri adfuisse testatur. Et ibidem addit S. Archangelum Gabrielem Sancti Marcellini specie visum fuisse, aliaque similia sexcenta producit; non fabulosa, ut potè quæ his comprobari potest consimilibus euentibus. Non iniuria: si enim Deus ipse Optimus Maximus dignatus est Vicarios sui Angelos facere, siquidem legem Moysi, audiente,

& spectante populo, constat à quinquagesimo, post recuperatam libertatem, die datam à Vicario Dei Angelo, ut S. Stephanus 7. act. dixit: & est communis Interpretum consensio Exodi 19. quid officit, quo minus Deiparæ speciem, & formam Angelus supponere possit, atque subrogare, quin dignitati tantæ Imperatricis, quidquam derogare probetur? Omnes ferè existimant personam ipsius Dei substituisse S. Michaelem Archangelum in Sanctæ suæ plebis gubernatione, cum Dionysio de Cœlesti Hyerar. cap. 4. August. 3. de Trinit. cap. 10. quid mirum si, ne dolore afficeretur Anna ex Filia carissimam absentia; Deus decreverit, ut pro illo peregrino tempore, quo infantula rapta memoratur, unus è Custodia Angelus infantis habitum, & induerit, & tetulerit.

413 Nisi vellitis Angelum tædere crepundiorum, & fasciarum, quibus circumvolui ipsum Angelorum Dominum non puduit: aut robore suffundi dilectissimum genium infantis tehellæ repræsentationem subiri: ante pedes Mariæ, puerique crepundia parvi pro volui gratissimum ipsi non reformido: imò ut habet Sanct. Damascentus orat. 1. de Nativitate Deiparam adhuc à Maternis pendentem vbetibus Angeli cingebant: Scalas Templi percursoram, Angeli hinc inde adiuvabant, ut S. Vincentius refert lerm. 1. & 2. de Nativ. Virg. Cibo cœlesti vnde decim circiter annos in Templo refectam ab Angelis, tradunt Germanus Archiepiscopus Constantinopolitanus: Ambrosium nutrimentum per Angelum accipiens, usque ad secundam etatem. Ita orat. de Virgin. Oblat. Huius etiam sensus est Gengius Nicomediae Archiepiscopus, alijque Patres apud Cerdæ de excellentia Angelorum cap. 8. orat. 1. de Nativ. Et Christophorus de Castro de Vita Virg. cap. 3. Bonifacium Constantimum epitome de historia Angelorum Corollatio 4. Si ergo tan familiaris, tanque assidua erat cum Virgine Angelorum societas, frequentia, ministeria, cōtigua obsequia: vnde hæc substitutio Angeli, loco Virg. cavillari potuit: Præsertim, cum neque ex parte Deiparæ, neque ex parte Angeli, neque ex parte subrogationis, neque ex omnibus simul circumstantijs, quibus eventus iste convectitur, indecens, aut indecorum quidquam intervenisse deprehendatur? Nonne hæc insignis lugillandi, vellicandi, & titillandi pruriō, sive cacoethia proditur? Egregiè aiebat S. Hieronymus esse aliquos; qui in eo se doctos ostentare volunt, si omnium dicta lacerent, quibus lingua prurit male-dicendi libidine.

* * *

DISCEPTATIO NONA.

VTRVM OCTAVO DIE POST NATIVITATEM MAG-
nae Reginæ una multitudo pulcherrimorum Angelorum descendit de Cœlo modo Magnificentissimo , habentes singuli scutum lucidum, in quo insculptum esset Nomen Mariae, totum radians , & lumine explendens.

Circa n. 352.

314 Tria in præsenti dissertatione examinanda sunt , quia de tribus potest esse suspecta Deputatorum fides , erga propositionem à nobis in examen adductam . In primis an octavo die à Nativitate , iuxta ritum Patrium , nomen Sacratissimæ Virgini solemniter fuerit impositum ? Deinde an hoc venerandum , & admirabile nomen insculptum fuerit in scuto lucido ? Tandem an Cœlestium Spirituum multitudo magnificentissimo apparatu , & triumpho hoc nomen de Cœlo advexerint ? Singula distinctius proponamus .

SECTIO PRIMA.

EN DIE OCTAVO POST NATIVITATEM DEIPARÆ
convenienter ipsi nomen afferatur
impositum.

415 MOs fuit Atheniensibus , decima post Nativitatem nocte , nomina pueris suis imponere , ut Suidas testatur . Moris erat apud Athenienses cives , natis pueris , decima post Nativitatem nocte , convocare Paternos , & Maternos familiares , & proximos amicos , & præsentibus illis nomina pueris imponere , & sacrificari Diis , deinde epulari congregatos . Apud Sinas , fœminis nunquam nomen imponitur , ait Nicolaus Trigaut de expeditione Christi , apud Sinas lib . 1 . cap . 8 . Fœmine , neque puellæ , neque adulæ nomen apud Sinas habent , nascendi ordine appellantur . Mito Egiptiorum , Hibernorum , Gothorum , aliarumque gentium ritus , & mores pro nominibus filiis suis imponendis , quos selecta eruditione congregavit Aloysius Navarinus in suis observationibus , sive schediasmatibus ,

& electis sacris : vbi copiosè satis antiquitatis abstrusa , & arcana secreta revelata pandit. Interim Hebreorum usus , & ritus adeamus.

416 Ritus Circumcisio nis à Patriarcha Abrahamo traxit Exordium, quando & signum , & nominis ampliationem accepit; qui prius Abram dicebatur , id est, Pater excellus , deinceps, ob meritum fidei dictus est Abraham , id est, Pater multarum gentium : at vero non solum ipse, sed & vxor eius augmentum , & nominis etiam mutationem promeruit : illa enim, quæ prius vocabatur Sara; hoc est Princeps mea, deinceps nominata est Sarai ; id est Princeps omnium foeminarum recte credentium . Hincque in consuetudinem venit Hebreis ad huius rei imitationem, ut pueris nomina imponantur in corundem die Circumcisio nis , octavo scilicet ab ortu: ut patet ex tex tu Lucæ cap. 2. Postquam impleti sunt dies octo, ut circuncideretur puer, &c. Ut testatur Lodulphus de Vita Christi part. 1. cap. 10 cuius fere verbis locuti sumus.

417 At vero foeminas quando apud Hebreos nomen imponebatur, dubium est; nullis enim scripturarum testimonij pro ipsis res hæc invenitur statuta: quare de die, in quo Deipara, more patrio nomen suscepit varia reperio. Primo Nicephorus lib. 1. historiæ cap. 7. immediate à Nativitate accipisse Virginem nomen existimare vide tur: Postquam puella ait: à Maternis prodit locis, Mariam statim eam nominavit, scilicet Anna. AMMIIQ. ORIUS

418 Aliorum sententia est, octavo à Nativitatibz die nomen Virginem accepisse; quæ sententia inniti potest aliquarum Ecclesiarum religiosissima consuetudine, festum Sanctissimi Nominis Mariae celebrantium octavo post eius Nativitatem die; inter quas est Ecclesia Conchensis , quæ consuetis celebritatibus impedita, alium celebrandi festi diem consignavit, quem nonnullæ Ecclesiæ ex concessione Gregorij 15. observare decernunt: & vt Christophorus de Castro de Vi ta Virg. cap. 2. ait: Hic erat etiam Romanorum mos, & consuetudo, Authore Plutarcho in problematibus Romanis cap. 102. Macrobius lib. 1. Satuen. cap. 16. Alij Doctores, lege illa Levitici cap. 12. de Purificatione , ducti , iudicarunt decimoquinto ab ortu die, iuxta id : Si autem pepererit foeminam immunda erit duabus hebdomadi bus : foeminas nomen accepisse: cui sententiæ subscriptis P. Ioannes Baptista lib. 2. tract. 17. cap. 1. nihil tamen in hac sententiarum varietate fixum statui potest: quare, pace Deputatorum, Agrediensis de octavo die à Natali Virg. opinionem , pro venerando ipsi nomine solemniter addicendo; nullus poterit, nisi audaciter , & temerè à pacifica probabilitatis sede deturbari. Vel dicant nobis : vbi definitius est

est hic dies , de quo controvertitur ; vbi statutus ; vbi Canonica tanta
 & declaratus? Quod si nullibi, præcipiti lingua confixa fuit Agre-
 diensis sententia. Demus iplos Centores, nixos Levitici lege, præfer-
 te pro fœminis sensum illorum , qui decimequinto à Nativitate die
 credunt, nomina esse adiudicanda: erat ne proinde Venerabilis Matis
 assertio statim expungenda ? minimè. Suffecisset Deputatis sua pro-
 bare, sed aliena non carpere , vt aiebat Hieronymus epist. ad S. Au-
 gustinum. Sic Divini tractatores eloquij , inquit Philippus Abbas
 , bona spei epist. 2. Sensum suum nituntur approbare , vt tamen
 , non præsumant alterius improbare, nisi forte illū à fide sana cognos-
 , verint deviare, vel ei circumstantiam lectionis manifestius obviare.
 Sciant enim, quia divina Scriptura plerisque in locis parit varios in-
 stellectus, quorum nullus dignus est reprobari, quamvis alter alteri,
 possit amplius approbari. Sanè ex verbis Levitici uterque lensus etui
 potest pro fœminis; improbari neuter.

SECTIO SECUNDA.

INSCRIPTVM MARIAE NOMEN IN LVCIDO SCVTO varia eruditione defenditur.

419 **D**E hoc venerando nomine agit Canisius lib. 1. cap. 1.
 vbi ait : Si ullum alium venustum, præclarum, & gra-
 tiosum nomen contigit mortalibus, quod scrivi , legi , decantari,
 pingi, sculpique mereatur, id Mariæ nomen videlicet potest; dignum
 sanè, quod in omnium oculis, & aures, & mentes incurrat. Mitum
 est, quantis hoc mirabile nomen est à Deo commendatum mitaculis;
 à primis saeculis enigmatibus inditum, Templorum valvis inscultum;
 ut vel inter Idolatriæ nubilla splendore fulgentissimæ lucis cæcitatibus
 caliginem eliminaret; rasis ipsis exaratum, arborum folijs infixum;
 & quod maius est, mortalium cordibus aureis characteribus cutum.
 Ne in scuto lucido Deputati mirentur nomen illud sculptum, quod post
 Nomen Iesu in Cœlis primum veneramur scriptum: singula in grati-
 tam Sacratissimi nominis breviter ostendamus.

420 Hebræi inter arcana sua celeberrimam ducunt , & inter
 creaturas omnes perfectissimam esse, quam *Mitraton*, idest Princi-
 pem facierum appellant: hæc enim in conspectu summi Imperatoris,
 cum potestate ad ipsius præsentiam introducendi benemeritos quo-

que astruitur. *Ab eruditis animadversum est*; inquit *Canisius lib. 1.*
cap. 1. Gengius Venetus in armonia Mundi tom. 5. cap. 7. & ex ipsi
Pazenensis de Maria, & *Deo Incarnato Acad. 5. lect. 1. num. 5.*
„ Animadversum est (Canisij sunt verba) ab eruditis Mariæ nomen
„ cum illo Mitraton haud perperam convenire, cum, & numeris, &
„ litteris collectis respondeat, ut supputandi sumatim efficiat 999. no-
„ vem centenarios, novem denarios, ac novem vnitates : hoc nomi-
ne Mitraton, velut in enigmate Mariæ nomen reverebatur ab He-
bræis, Deo sic disponente, ut venerandi nominis huius dignitas, &
maiestas magno in pretio ab ipsis haberetur.

421 *Præterea*: Ut Cedrenus scribit apud Ioannem Bonifacium lib. de historia Virginali cap. 2. *Templum omnium nobilissimum*, primis seculis ab Argonautis ædificatum fuisse, consultoque ab illis oraculo, cui consecrati deberet, his carminibus respondisse fertur,

Huius, cui Mariæ Nomen Sanctissima Mater
Agnoscat Templum, proprium sibi ritè dicatum.

422 Hoc oraculum usque adeò suspexit antiquitas, ut illud
 æreis litteris in marmore incisum æternitati commendaverit, atque
 in ipsis Templi valvis affixum cunctis legendum reliquerit. Huius
 etiam antiquitatis meminit *Canisius*, ubi supra.

423 Ulterius Vincentius Velvacensis in Speculo historiali lib. 7.
cap. 116. de quodam homine solito recitare quinque Psalmos, inci-
 pientes singulis litteris nominis *Mariæ* refert, inventos fuisse, eo mor-
 tuo, quinque flores roscarum, quorum unus egrediebatur de ore, &
 lingua eius, duo de oculis, & duo de auribus, & in rosa, quæ de ore exi-
 bat, inventum fuit *Nomen Mariæ* scriptum. Huius miraculi narratio-
 nem invenies apud Patrem Espinelum de Maria Deipara, Throno Del-
cap. 4. num. 24.

424 Retsus Thomas Cantipratensis lib. 2. Apum. cap. 9. Ar-
 borem ignoti generis vilam commemorat, ortam ex sepulchro cuius-
 dam hominis de Sacratissima Virgine optimè meriti, cuius folia lit-
 teris aureis insignita referebant verba hæc: *Ave Maria gratia plena.*
 Tandem Venerabilis P. Salmeron tom. 3. tract. 37. & Novarinus in
 sua Umbra Virginea num. 1128. nomina Iesu, & Maria in corde
 Sancti Ignatij Martyris, aureis etiam litteris scripta, & notata tra-
 dunt: *De Sancto Ign. tio Martyre constat, in cuius corde, & in qualibet eius*
parte, cum à Leonibus esset semidevoratus; compertum fuit hoc Sacratissi-
mum nomen Iesu (Novarinus addit, & Maria) *aureis litteris inscultum,*
& scriptum. Quid plura? mitto Sybillarum oracula, apud Bonifacium
 videnda in sua historia Virginali cap. 2. mitto etiam Sacratissimi

205

huius nominis asserationem in Romanorum tabulis, quam refert
Tertul. lib. 4. adversus Marcionem cap. 7. aliaque innumera passim
apud Expositores, & PP. videnda: vnumque non taceam, quod S.
Bonaven. in Speculo cap. 8. de hoc nomine pro cunctis reliquit
scriptum: *Quia Dominus nominatissimus, ait, sive famosissimus famo-*
sissime est tecum, ideo tu es famosissima, & nominatissima secum. O
celeberrimi Nominis Maria, quomodo posset Nomen tuum non esse celebre?
Hæc mihi videtur admiratio, sive dubitatio, Deputatis Censoribus
scripta, proposta, & relictæ. Celeberrimi nominis huius Scripturam
mirantur in lucido scuto: deleri iubent, abradi desiderant, expungi
flagitant: at hoc fiet, Sanctissima Domina, ut nomen tuum non pos-
sit esse celebre? Imò hinc famosissimum, celeberrimum, & nomina-
tissimum emerget; æreis signis in marmoribus cussum, virentibus
lineis in rosis sculatum, aureis characteribus arborum folijs inditum;
cordis penetrabilibus splendentibus cœlaturis exaratum: ut qui Ange-
lorum erga nomen tuum, reverentiam, & ministerium non accipiunt,
flores loqui, lapides fari, folia clamare, enigmata pandere, corda pro-
dere famosissimi nominis sacrum schema mirentur.

SECTIO TERTIA, CIRCA N. 334. HISTORIÆ.

VTRVM HOC SACRVM NOMEN IN SCVTO LVCIDO
scriptum convenienter dicatur ab Angelis Annae delatum
triumphali pompa, & modo magnifi-
centissimo?

» 425 **L**ætitia quanta est, quantusque concursus, cum Impera-
» toris Mundi istius natalis celebrandus est, bene no-
» stis aiebat S. Maximus in Vig. Natalis Domini, quemadmodum
» Duces eius, & Principes, omnes etiam militantes acutæ sericis
» vestibus accincti, operosis circulis, auro fulgente, pretiosis ambiants;
» solito nitidius in conspectu Regis incedere: credunt enim maius
» esse Imperatoris gaudium, si viderit maiorem suæ apparitionis or-
» natum, &c. Quam solemnissimo apparatu, & triumpho, Angeli
Natale Imperatricis suæ frequentarint, tradiderat V. Mater n. 330.
& ibidem nos Disceptatione 8. sect. 2. probavimus cum Raulino, Pa-
nuphio, Beleth, & alijs: quibus addi possunt Valbacensis in Speculo
historiali lib. 6. cap. 65. & lib. 7. cap. 119. Et Spinclus tract. de
festis Deiparae, quanta lætitia, quo splendore, & ornatu Angelis

nomen solemniter in terra vocandum Mariæ Reginæ suæ, Annæ ob-
tulerint, cogunt nos Deputati Censores indagare.

426 Fuitbertus serm. de Nativ. Virg. consentiens Hieronymo
de Ottu Virginis, non fortuito, sed divina dispositione factum putat,
& Angelica intimatione præmissa, ut Nomen *Maria* Virginis impo-
neretur: *Non fortuito, aut solo Parentum placito, sicut plerique, sed di-
vina dispensatione nomen accipit;* ait Fulbertus, hæc divina dispensatio
ministerio Angelorum facta creditur. Quare sicut de Iesu Nomine,
inquit Origines Homilia 14. in Lucam: *Vocabulum Iesu non debuit è
Parentibus, aut alio homine appellari, neque ab eis afferri in Mundum,
sed ab excellentiore quadam, maioriq[ue] natura.* Sic vocabulum *Maria*
non debuit, nisi ab excellentissima natura in Mundum afferri:
Idque restatur Idiota verbis supra relatis: *vocabit ut tibi nomen no-
rum à Beatissima Virgo, quod os Domini per Angelum nomina-
vit.* Et S. Bernardus serm. 2. de Circuncisione: *Innatum est ei no-
men hoc, non inditum ab Angelica, vel humana natura: vocabutum
plane, non impositum:*

427 Hoc ergo nomen à Deo impositum, ab Angelis in mun-
dum transmissum afferitur, festivis plausibus, profusis gaudijs, phale-
tatisque ornamentis, Cœlestes Lives reverenter traxisse: nec aliter
fieri poterat: nam vt ait Sancta Birgitta lib. 1. cap. 9. Hoc no-
men cum Angeli audiunt, gaudent in conscientia sua, & regratian-
tur. Et dissentimus Idiota cap. 5. Tantæ virtutis, & excellentiæ
est tuum Sanctissimum nomen Beatissima Virgo, quod ad inveca-
tionem ipsius Cœlum ridet, terra lætatur, Angeli congaudent, Do-
mes contremiscunt, &c. Tantæ virtutis, & efficacitæ nomen, mi-
gium quid suave, atque divinum in le continens, non nisi triumphali
pompa decebat ab Angelis in orbem adduci.

428 Et sanè cur stomachentur Deputati Agrediensis narratio-
nem de nomine scripto in scuto lucido, & eodem impetu non feran-
tur in S. Petrum Damianum, dissertatione 8. à nobis laudatum, qui
hoc nomen traditum refert à Beatissima Trinitate, evolutum è The-
sauro Divinitatis Gabrieli Archangelo in quadam epistola, vt ad Ma-
riam deferatur: profsus ignoro. Damianus ait: traditur epistola
Gabrieli, in qua Salutatio Virginis, Incarnatio Redemptoris, mo-
dus Redemptionis, plenitudo gratiæ, gloriæ magnitudo, multitudo
lætitiae continetur. In quæ verba ingeniosissimus Cerdà Acad. 5.
Sect. 6. num. 54. ait: Mariæ nomen tota epistola fuit, tot grava-
divinitatis arcanis omnia illa exarantur in cartha, & solum erat ins-
criptum Maria. Potuit Mariæ nomen in cartha exaratu; Gabrieli de-
sc-

ferendum tradi, & non potuit in scuto figi, & multitudini Angelorum, Annæ deferendum, committi?

CITATI. D. 2.

429 Ego quidem in aliqualem Deputatorum excusationem nihil aliud inveni, nisi cuiusdam Græci Poetæ lepidum apothegma, cum is vidisset Christi Nativitatem in scuto depictam esse absone id factum dixit: cum Dominus pacis in armis bellicis pingi non debuerit: sic lib. 4. Græcorum Epigrammatum latine traductum à Novarino elect. facra lib. 2. excursu 64. istud legitur.

In scutum habens Christi Nativitatem,

O quam stultus Pictor, quod exarat

Dominum Pacis in scuto nasci pictum.

Dixerat Regius vates Psalm. 45. n. 10. Arcum conteret, & confringet
arma, & scuta comburet igni. Hæc enim, ò gravissimi Censores, ve-
stra potest esse excusatio: ne illius nomen, quæ facta est coram eo,
quasi pacem reperiens, scuto cœlatum incongrue proponatur; exara-
listis, & indignatione acti scutum comburendum iudicastis. O seria
Laureatorum Theologorum mens! O pensata cordatorum Censo-
rum sententia! O iudicium! O Ingenium!

430 Ego vero, ut cum Bonaventura loquar serm. 9. in lumin.
,, illis: Sicut hoc nomen Deus scriptum est in omnibus, sic vellem
,, Mariæ nomen inscribi, aut sculpi in gentilicijs stemmatis, in Tem-
,, plis, in Altaribus, in Sepulchris, in fastigijs Ecclesiastum, in priva-
,, tis ædibus, in cubiculis singulis, inianuis, in terminis regionum,
,, & agrorum, in portis Civitatum, in vijs publicis, in navibus, in ga-
,, leis, labaris, hastis, & clypeis militiae, &c. Sic etiam exoptabat Iohan-
nes Baptista in Elucidatio lib. 2. cap. 6. tract. 17.

431 Hoc unum ipsos Deputatos, antequam Dissertationem finiam, admonitos esse vellim, ipsos viam adinvenisse infirmandæ fidei historijs veridicis; & occasionem alijs tribuisse ambigendi de pluribus factis, successibus, & miraculis, quæ non sine admiratione divi-
næ virtutis, & laude omnipotentis Dei excipiuntur: unum, aut alterum exemplum adducam. Matyrolog. Gallicum die 13. Maij San-
ctam Dymnam Hyberniæ Regis filiam laudat, & memoratur, à Bar-
baro Patre cæsam, ab Angelis mai moreo tumulo conditam imposito,
& appenso eius pectori lapillo pretioso, in quem nomen Virginis in-
ciderat. Quia nomen Dymna exaratur ab Angelis lapillo pretioso,
& fieri non potuit, vt Mariæ nomen cælaretur scuto? Præterea: hinc
quæ fides Francicis lilijs, è Cœlo demissis? Quæ fides cingulo D. Tho-
mas, ab Angelis Sanctissimo Doctori donatum? At hæc pie creduntur:
ostendite implicantiā in asserto Agrediensis, vt fides eidem denegetur.

DIS.

DISCEPTATIO DECIMA, CIRCA NUM. 3523

LAN QVANDO DEIPARA DORMIEBAT ACTIONES
 interioris amoris, & alij effectus eiusdem gratiae, qui non de-
 pendebant ab exterioribus sensibus, non cessaverint, &
 nullatenus interrumpentur in
 illas

432 Sanct. Thomas 1. p. q. 94. art. 4. Alensis 2. part. q. 86.
Smemb. 3. existimarent somnium in statu innocentia
 absque dormientium libertate contingere debuisse; ac proinde sumno
 oppresos, vsum rationis, & liberi arbitrij exercitium, in eo statu
 amissuros. Huic sententiae fundamenta substraxit Ioannes Maior in 1.
 Matthæi dubio 8. *Anima Christi tamen in somno, quam in vigilia divina
 Essentia fruebatur; non sic Deipara, quæ in somno liberi arbitrij actus, ut
 puto, non clivit. Arbitrii sunt DD. hi de natura somni eiſe, ut ligentur,
 & præpediantur libertatis facultates, & instrumenta: quare sicut
 in statu innocentia somnum libertatem everſutum credunt; sic con-
 similiter iudicant Deiparam ex vi originariz, aut quasi originariz
 sustituz; non habituram somnum, nisi impedita libertate.* Huius sen-
 tentiae sunt præter relatos Gerlon tract. 5. super Magnificat Abulen-
 sis 3. Reg. 3. q. 4. & q. 12. & super Matthæum 1. q. 55.

433 Qui vero DD. sentiunt somnum in statu innocentia non
 impediturum libertatem, ut S. Aug. illis verbis: *Tamen felicia erant somnia
 dormieantium, quam vita vigilantium:* apud Suarez 1. 2. in 3. partem
 disp. 18. sect. 2. consequenter affirmant Deiparam in somnijs non
 amissuram libertatem. Pro omnibus S. Bernardinus Senensis ser. 51.
 „loquatur: Maria, licet in utero Mattis, sicut alij Infantes, dormi-
 „ret; attamen somnus, qui abyssi, & sepelit in nobis rationem, &
 „liberi arbitrij actus, & per consequens actum merendi, non credo
 „quod talia in ipsa fuerit operatus. Hanc esse Theologorum sui tem-
 poris sententiam, testatur Patriarcha Franciscus Ximenius lib. 5. de
 Vita Christi cap. 33. & cap. 57. qui omnes assertebant somnum Dei-
 paræ iisdem donandum privilegijs, & prærogativis, quibus somnus
 in Paradiso habendus, & erat ornandus. Cumque somnus in Paradiso
 ex mente Aug. citati à Patriarcha in lib. 5. cap. 34. libertatem
 non impediret: & ut ait Ubertinus de Castali: *Alius suisset somnus*

in Paradyfo (ac modo est) nam non sepeliret libertatem, nec tolleret meritum: Inde fit, quod somnus Deiparæ, per omnia æquandus somno illius felicissimi status, eius libertatem, nec confundere potest, nec sepelire.

434 Hæc prima via conciliandi libertatem Deiparæ cum somno; longè mihi alia probabilius, quam attipuerunt doctissimi Theologi, & PP. Rupertus lib. 5. in Cantic. S. Bernardinus Senensis serm. 51. art. 1. Albertus Magnus super Missus est cap. 176. 177. Dionysius Richelius, in 5. Cantic. Bustus in Mariali 3. part. serm. 1. Ovandus ad 3. Scoti. dist. 3. q. 5. Canonicus lib. 5. cap. 1. Pined. lib. 3. de rebus Salomonis cap. 8. Suarez tom. 2. in 3. part. disp. 18. sect. 2. §. dico 4. & disp. 19. sect. 3. §. dico ergo: hi DD. ex eo quod Deipara habuerit scientiam per se infusam supernaturalem, ita ut modo Angelico per altiores species, illi fuerint divinitus proposita independenter à phantasmatibus obiecta: facile liberi arbitrij exercitium, & rationis usum cum somno conciliant: facile non interrupturni meritum defendunt: facile asiduum gratiae incrementum tueruntur; nec contemnendis rationibus feruntur. Prima sit, quia ut argumentatur „Rupertus ad ea verba Cant. 5. Ego dormio, & cor meum vigilat: „multarum quoque animalium fuit, & est; non solum secundum si- „militudinem, otio sancto dormire, id est, à terrenis cutis vacare, & „in Cœlestibus per contemplationem vigilare corde; verum etiam, „codem, quo & Iacob dormivit, secundum corpus dormire, & se- „cundum animam cœlestia videre. Sed tu, o Cœlum Dei, unica le- „des Domini in utroque vigilandi modo, cunctis mortalibus, sive „terrenis hominibus, longè eminentior stisti, longè altior ad con- „templandum cum, in quem desiderant Angeli prospicere.

435 Secundo asimili arguit pro compatibilitate somni cum libertate Deiparæ Eximus Suarez: quia Angelis Sanctis, ex quo fuerunt primo ad Deum conversi, datum est, ut nunquam ab illis actuали amore cessaverint: ergo credi potest hoc etiam donum communicatum etiam fuisse Beatæ Virginis à primo animationis instanti. Tertio, quia concessa scientia per se infusa, qua uti posset Deipara, sine conversione ad phantasmatas, facile capit etiam in somno meritorie posse operari; quia voluntas non pendet à corpore, sin minus intellectus sit impeditus ad corrigendum, & proponendum obiectum. Quarto, quia corporis defatigatio, & virium lassitudo sufficienter repararetur, per sensuum externorum suspensionem, & internorum inducias; expeditis interim spiritualis animæ facultatibus: ergo ita accidisse credendum est. Tandem S. Ambrosius lib. 1. de Virg. in hunc

ſenſum collimare videtur illis verbis : *Dormire non prias cupiditas, quam necessitas fuit: & tamen cum quiesceret corpus, vigilaret anima. Et Sancta Birgitta oratione 4. his verbis : Quamvis aliquando dormiebas, voluntatem tuam ab eo nunquam mutabas.*

436. Nescio, amici Censores, in re probabilissima , cuius spiritus fuetit vestra Censura ! quod V. Mater de ſomno Deiparae ſcripsit, alijque gravissimi Patres, & Theologis ſcriperunt: vt demonstratum reliquimus: non debuit vos præterite narratio Seniorum Ecclesiastici cap. 8. num. 11. *Ipsi enim didicerunt à Patribus suis; quoniam ab ipsis poteratis discere intellectum; & in tempore necessitatis dare refponsum.* At quæ hic necessitas ſuclamandi ? Quæ occasio ardēſcendi ? Aut quis fidei zelus vos provocavit ? conſuluistis vestrū. Cancellarium Geron, qui Alphab. 88. improbat illam argumentationem: *Mariæ p̄petuit Deus conſerre bane gratiam: ergo & contulit: ut iudicet interdum, ſaltem dormientem ab omni actu merendi ceflafſe? Legiſtis S. Thomam, Abulensem, Maiorem, Alensem, & alios paucos aīmodum, qui incompossibilitatem meriti, & libertatis tuentur cum ſomno ? Ubi oppofitam Agrediensis ſententiam villa Centura inuſtam inveniſtis ? Ioannes Maior, qui vires, & pondus huic opinioni addidit, vrbaniſſime dixit : *In ſomno liberi arbitrij attus, ut puto, non elicit. S. Thom. loco citato: ex quadam ſibi facta obiectione colligi ſomnum cum amissione libertatis in ſtatu innocentiae futurum putasse: & Angelica modestia eſt locutas : Unde hæc importuna Censura ſubreptit ? Longè probabiliorem, communisimamque Agrediensis ſententiam, nunquam percurritis ? S. Bernardinum, Albertum Magnum, Rupertum, & alios Patres non evoluistis ? In Suarium, qui plures colligit : ait in Patrem Ioannem Baptiſtam Poza, qui prolixa cenſideratione per plura capita tractatus 14. lib. 3. de ſomno Sacratissimæ Virginis, diſputat, non incidit ? Dolet Hugo Carensis : *Quod multos præterit narratio Doctorum, ſicut aqua præterit cibum.* Ecclesiast. 8. num. 11. Heu ! & dolemus vos præteriffe, quod vel ineruditis pervium eſt. Sed progrediamur, & diſertationem, non nullis illationibus legitimis, alias propositiones, huic aſſertiōnī ſubiectæ affines, complectentibus, additis concluſamus..**

ILLATIO PRIMA.

Ex præcedenti doctrina legitimè deducta, ex num. 352.

437. **Q**uando ipsa (scilicet Deipara) erat sola , vel quando ponebatur ad dormieendum , quod non nisi obrie faciebat (quia dormire non prius cupiditas , quam necessitas fuit ; vt docuit Ambrosius lib. 2. de Virg.) conferebat illa super mysteria , & laudes Altissimi , cum Sanctis Angelis sue Custodia , & fruebatur visionibus divinis , & colloquijs suæ Majestatis . Hæc propositio evidenter inferitur ex prima : si ergo dormiens , rebus divinis erat intenta ; si in actu merendi , somno credita perseverabat : si cœlestibus contemplationibus altiori , & excellentiori modo , quam fuerit aliquis alias vigilans , confixa laudatur à Senensi , extollitur , & prædicatur , vt supra probavimus ; longè verosimilius est , quod sola , quando ponebatur in cuius ad dormiendum supernis recreata colloquijs , Angelicis stipata ceteris , cœlestibus obtutis occupata à laudibus sui Conditoris , ad beneficia sibi facta ; & à beneficiis ad laudes , alterna vicitudine cum Sanctis Angelis gratissimam , atque dulcissimam habuisset collationem .

438. Imò nescio : quo ausu hanc propositionem cum superiori devoluerint Deputati Censores : dubitant Theologi an Beata Virgo toto tempore Vitæ suæ continue meruerit , & in gratia creverit ? Hucus dubitationis duplex est sensus : Primus de tempore , quo vigilabit : Et hoc *se ipse* , ait Suarez tom. 2. in 3. disp. 18. sect. 2. §. dico 4. „ non solum est verosimilis , sed etiam certa ; quia quando ratione via „ est sine villa intermissione , semper est bene operata ; vt rectè dixit „ Ambrosius lib. 2. de Virgin. in principio ; & patet , quia cum ha- „ beret perfectum dominium suorum actuum , nonquam est iudiciale- „ ratè operata ; nec vero cessare omnino poterat ab omni actu exter- „ no , & interno . Tum quia hoc est humano modo impossibile : Tum „ etiam quia in hominè utente ratione , & potestate advertere nonnulla „ la , culpa esset , si otiosus maneret ; semper ergo , ex quo permanen- „ tem vnum rationis habuit , aliquem actum liberum exercuit , vel in- „ ternum tantum , vel simul externum ; ergo continuè bene operata „ est : ergo continuè meruit . Hacusque Exinus Doct. pro primo „ sensu questionis addit pro secundo : Alio ergo modo intelligi po- „ test conclusio ; de tempore , quod somno tribuebat : & hoc sensu est „ incerta ; sed quod sit verosimilis probari potest , &c.

439. Sufficiasset Deputatis incerta , eis verosimilia , criminiarum ;

sed ausi sunt, & certa reprobare: certum est quod quandiu ratione
usa est, sine intermissione meruit Deipara: certum est, quod quando
ponebatur in cunis ad dormiendum, nondum erat somno præventa:
ergo erat vigilans. Ita sane. Num vigilarem vultis ocio traditam
Beatissimam Virginem? Num intenditis perfectissimum dominium
suum actuum de medio tollere? Num vtentem ratione, & poten-
tem, advertere ociositatis nabo sedare? Purissimam, & inculpabilis-
simam, Angelis ipsis nitidorem Reginam, machinamini? Reminis-
ci debebatis, Sacram Facultatem (si Sacrae Facultatis Censura fuit,
quod haud mihi persuasum habeo), præmunisse Censuram, varijs con-
testationibus, quarum prima est: *Tenerese etiam cum Ecclesia BB.*
Virginem speciali Dei privilegio immunem fuisse à peccatis omnibus etiam
venialibus, eamque cum Sancto Proculo, tanquam penetrale innocentie Sa-
crarium venerari. Quid ergo: ex una parte immunitatem eius reve-
temini, & ex alia non verecundi metitum vigilantis Virginis condem-
nare? A primo instanti usus liberi arbitrij, usque ad suum felicissi-
mum transitum, semper fuit in acta merendi. Ita S. Albertus Mag-
nus. Ita S. Antoninus, qui cum refert. 4. p. tit. 15. cap. 20. §. 6.
Ita Bernardinus de Busto. 4. part. serm. 9. §. ultimo. Ita Canisius
lib. 5. cap. I. *Cuius vita, inquit, iugis, & continua fuit meditatio.* Hanc
sententiam certam reputat Suarez, hanc probat ex Ambrosio: & hanc
non verecundamini damnare? Cavete ne in vos ipsos contorta Cen-
sura revertatur.

440 Sed in Angelorum colloquitionem vos coniicio recipi, ut
iacula, quibus vestra temeritas insigitur, tantisper declinetis: num
colloquitionem arguitis: Angelorum familiaritatem erga infantem
Reginam, refragamini? An non à Sanctis Angelis solitam cingi pro-
babamus? An non: *Angelici suffulta ministerijs, & supremo stipata*
agmine sponsa incedens, similis est equitatu Domini? Ita à Bernardo
serm. 39, celebratur. *Quis autem dabiter eos, Matrem Domini sui*
(inquit Guillelmus in cap 3. cant.) dum in corpore peregrinare-
tur, crebro visitasse, & cum ea sæpius dulcia colloquia miscuisse?

ILLATIO SECUNDA, EX NUM. 377.

441 **S**i ipsa non sit locuta a sua Nativitate, non fuit, quia non por-
tavit; sed quia non voluit. In plurimis, non solum B. Virgo
similis affirmatur status innocentiae hominibus, sed longè excellentior
illis prædicatur. Quare si illius status, ea futura expeditio puer-
orum innuitur, ut statim, ac nascerentur, & loqui, & moveri possent,

ut ait S. Anselmus in Elucidario: *Infinis in Paradiso mox ut nascere-
tur, ambularet, & absolutè loqueretur, & contra stagulos defensus de lig-
nis ibi positis vteretur. Quid prohibet, quo minus B. Virgo tot privi-
legijs in ortu, & conceptu ornata, posset, si vellet, loqui, vel quod-
uon sit locuta, quia non voluit?*

ILLATIO TERTIA, EX NUM. 378.

442 **S**ilentium fuit in illa maxima virtus, & una particularis per-
fectio. Hæc propositio inferatur ex præmis. Nulla enim
actio, aut omissione fuit in Beata Virgine, quæ non magni meriti actus
probaretur: quia ut ait Pater Suarez, ubi supra §. dico 1. Beata
Virgo nullos habuit actus indeliberatos, neque inter deliberatos ha-
buit aliquem malum (ut in superioribus demonstratum est). ergo
omnes actus eius fuerant mortaliter boni, quia non datur actus in-
differens in individuo, ita eo præsertim, qui perfecto modo opera-
tur: ergo omnes fuerunt meritorij (quia ut per se credibile est)
omnes actus suos frequenter referebat in Deum magna charitate
dilectionum, &c. Haec usque Eximus Doctor. An non maxima vir-
tus silentium maximum? B. Dionysius Carthusianus serm. 2. de
Conceptione ex S. Birgittæ revelationibus, sic silentium Virginis ex-
tollit: Legitur in revelationibus Sanctæ Birgittæ, quod quamvis
Virgo Maria fuerit eloquens valde, raro tamen, ac parcissime lo-
quebatur; sed taciturnitati, ac Sanctis meditationibus intenta, &
pro totius humani generis salute oravit alsidè.

443 Aptè quidem Proverb. 3.1. num. 26. de Maria dicitur:
Os suum aperuit sapientiæ, & lex clementiæ in lingua eius: sep-
tuaginta habent: Os suum aperuit attente, & legitimè. Mirificè
consouat septuaginta lectio Agrediensis historiæ: ait illa: Ordo
fuit Altissimi, quod nostra puella, & Domina custodiret hoc silen-
tium per id tempus, quo ordinariè cæteri pueri fari non possunt:
Attente custodivit Altissimi legem, legitimè ordinariam puerorum
aliorum taciturnitatem servavit.

444 Fuit ubique silentium in Deipara maxima virtus, sicut & in
Christo ferè maxima fuisse piè meditatur. Abbas Guaricus serm. 3. de
Annunciatione: Omnia humanarum infirmatum, quas pro no-
bis pertulit divina dignatio, sicut tempore primam, sic etiam hu-
militate ferè maximam existimo, quod in utero concipi, in utero
novem mensium tempore Maiestas illa incircumscripcta, passa est
contineri. Ubi enim sic se expanavit, aut quando ita penitus a se-

, metipso defecisse visus fuit? Tanto tempore nihil illa sapientia lo-
 -, quitur? :::: Sic omnipotens virtus vacat, quasi nihil possit, & Ver-
 , bum Aeternum sub silentio secessit? Sic non absimiliter sapientiae
 domus, schola scientiarum; intelligentiae aeternum. Virgo sub si-
 lentio se praemisit? Vobis tamen fratres, progradientur Guaricus, illud si-
 lentium verbi loquitur: d Censores, vobis clamat; vobis utique disci-
 plinam silentij commendat; sicut & Matiae silentium vobissem loquitur,
 d Censores, quibus plus utique silentium profuisse, quam immode-
 rata linguae procacitas.

ILLATIO QUARTA, EX NUM. 378.

445 **D**ispensavit se solum de hac lege versus suos Angelos
 Custodes, vel quando in solitudine orabat Dominum
 vocaliter. Alter in Autographo legitur, scilicet, tantum erga
 Sanctos Angelos lux custodiae, dispensatum fuit in hac lege, sive
 quando in solitudine orabat Dominum vocaliter. Sed de erroribus
 Traductoris alibi. Dispensationis huius legis, sive ordinis; si ratione-
 nemscruteris, supra num. 377. invenies; scilicet, ne in stuporem ad-
 ducerentur audientes, loquentem pueram recens natam; quare siluit
 Deipara, cum posset loqui. locuta est, tunc praelestim, cum nullus
 anti prodigijs testis humanus in admirationem raperetur. Recte verba
 illa. Cantic. 8. num. 43. Quae habitas in hortis amici auscultant, fa-
 me audire vocem tuam: desideranti Sponso vocem Mariæ audire, tri-
 buuntur, ut loquentem etiam Angeli audirent. Ita Rupertus: amici
 auscultant, etiam illi, quos non vident corporalibus oculis; Sancti, sci-
 licer Angeli. Iterum hic Guillelmus transferendus est in cap. 3. Cant.
 Quis autem dubitet eos (scilicet Angelos) Matrem Domini sui, dum in
 corpore peregrinaretur, crebro visitasse, & cum ea sepius aulegia colloquias
 miscuisse? Et Hieronymus de Ortu Virg. quotidie ab Angelis frequen-
 tabatur, quotidie divina visione fruebatur. Georgius Nicom Archie-
 piscopus orat. de Oblatione Virg. Quam obrem in dico procedente eti-
 ae crescebant, in ea dona spiritus: & versabatur cum Angelis. Nolo alia
 plura coaddere testimonia Patrum in hanc colloquationem Virginis
 firmandam, ne videamus magnitudinem Deputatorum Censuram; qua
 potius despici, atque parvi fieri debuit, quam decoratis testimoniis
 sobrui. Unum tantum Damascenum adjiccam, qui orat. 1. de Nativi-
 tate lactantem Mariam, Angelis unique stipatam contemplatur. O
 Sanctissima Filia, que Materni Uteris lacte aleris, & ab Angelis tanquam

cingeris! Ut solam nunquam Deputati credant Angelos Reginam: suam reliquise.

ILLATIO QUINTA, EX NUM. 399.

„ 446. **A** Nte ætatem trium annorum tentabat pluribus vicibus exercere res magis humiles, sicut purgare, & verrere: domum suam; sed quia non volébant illi permittere hoc, conabantur hoc facere sola existens, & tunc S. Angeli eam adiuvabant, ut in aliqua re fructum reciperet suæ humilitatis. Hæc propositione rectè cohæret luperioribus; rectè humilitatem Virg. commendat; rectè Angelorum officia erga Sanctissimam Reginam depingit: quidam in ea dissonum Deputati offecerint, non subvento: num humiliissimæ Virginis humiliatas actiones carpunt? Num Angelorum simulatus, ut sapientius alibi, reprehendunt? Aut indecorum, & iniurium Angelis verrere, & purgare criminantur? Singulà, nullis subiecta criminationibus, breviter demonstrabo. *Prima virtus*, ut Beata Methildi revelatum est libro 1. In qua Virgo nata, & infans se singulariter exercuit, fuit humilitas; quia ita modestè de se sentiebat, ut cum tot gratias haberet, nulli creature se prætulerit. Unde ut D. Bernardus ait, homilia 1. super missus est: Etsi placuit ex Virginitate, de humilitate tamen concepit. Et S. Bernardinus Senensis tom. 2. serm. 51. cap. 3, sic ait: *Gratia primæ Sanctificationis, quam eam omni virtute replevit: sic in principio mentem eius, sic in Abysso humilitatis fundavit; quod sicut nulla post Filium creaturam tantum ascendiit in gratiæ dignitate, sic nec tantum descendit in Abystum humilitatis profundæ: nec insuper alicui pueræ creature in hoc sæculo est datum tantum gustare nihilum creaturaræ, nec tantum se humiliare, & annihilare sub volito Majestatis.. Tanta fuit humilitas eius à prima gratia Sanctificationis, tam humiliter se exercuit, & infans, & adulta facta, ut nihil frequentius apud Patres invenias, quam laudes humilitatis Virginis: Veritas de terra ortæ est, id est, de B. Virginie, que dicitur terra propter suam humilitatem, ait Ugo Charentis Ps. 84. num. 12. Si plura desideras, vide Novatinum in Umbra Virg. lib. 4. Sacerdotum & clericorum per plures excursus..*

447. Interim: nec humilitatis individua exercicia Patres dissimilarentur. Epiphanius Presbyter Constantinopolitanus, sic de puella fatur: Erat docilis, & amans doctrinam, & non solum in Sacris litteris, sed etiam in lana, & lino, serico, & bysso laborabat. Similiter: S. Austinus in Vita Virg. Opus vero manuum, quod erat lanæ, lini, &

, serici. Hincque Euthimius ex traditione Patrum ait cap. 67. in 27. Matthæi : *Tunicam inconsutilem fuisse opus Dei Matris*. Videte: an cui nere, lanæ fulvum ducere, & sericis laborare laus est apud SS. Patres, vitio vertendum sit verrere, & dominiculam pauperculam purgare? aut cui Faber ex contribullibus eligitur Sponlus, & inter ovium valatus asseritur nata (à Christophoro de Castro de Vita Virg. cap. 2. num. 7.) verrere, & pargare quidquam officiat? Rectè quidem Honorius ad illa verba Cantic. 1. 11. 3. *Trabe me post te :* ait: *Maria, non didicit à Filio suo Cælos creare, sed humilitate, & mansuetudine radiare.*

448 Item de Angelorum ministerio agimus: quia iterum Angelos, verrente Virgine, aut ei famulantes, verrere negant Deputati. Sed adeant S. Ambrosium lib. 2. de Virg. Georgium Nicomedensem, homilia de oblatione, Cedrenum in comp. historiæ: Pantaleonem apud Methaphrastem; ubi plura Angelorum ministeria erga Regiam suam exhibita legent.

449 Supereft: an indecorum , aut Angelis iniurium fuerit hoc famulatus in Virginis obsequium habere? Sed quis vel suspicari hoc audeat? Cum pro sublevandis Dei servis, Angelos arare censuere, pastoriam exercere; aliaque innumera huius generis munia humilima, legantur adisse: ut per currenti epithome de historia Angelorum à Bonifacio Constantino compositum patebit: *Ergo eportet , Censores , amici, aiebat Richardus de eruditione interioris hominis: Qui adhuc , apud se in immēsum tumet ab enorme illa aestimationis propriæ al- , titudine detumescere; & ad veræ humilitatis imago gradatim descen- , dere: in tumuistis scientiæ flatu, detumescite: propriæ aestimationis , enormitatem deponite; & ad sensa Patrum supplici reverentia des- , cendite.*

ILLATIO SEXTA, EX NUM. 400.

450 **P**ropositio huius illationis in Censura Deputatorum refertur ad num. 399. cum reperiatur sequenti num. 400. primæ Partis, capit. 25. vltterius Traductor non nihil , vt asoler, sensum propositionis distorsit, vt apparet: hæc est apud Deputatos positio : Quando incepit loqui, ipsa illam (Matrem suam) roga- vit humilime, quod non apponeret sibi ullum habitum alicuius pre- tij, vel ostentationis; sed è contrario, qui esset grosus, pauper, etiam portatus (si fieri poterat) coloris cinericij; qualem hodie portant Religiose Sanctæ Claræ.

451. Aliter in Exemplari Hispano repetitur prædicta propositio,
scilicet : Quando incepit loqui, rogavit humiliter Matrem suam,
vt non imponeret sibi vestem sumptuosam, aut alicuius elegantiæ,
sive lautitiae; sed rudem potius, pauperem, & vetustam (si fieri
potuisset) & coloris fusci cineris, qualis est color, quo vrantur Re-
ligiosæ Sanctæ Clæræ. R. P. Fr. Thomas Croset Recolectus leg-
atiter, & ignave translationem Venerabilis Matris suscepit perficiendam; aut idiomatis Hispanici elementa penitus non haulit: ubique e-
labitur, frequenter exorbitat, per sè mutilat; & quod deterius est,
sensum quandoque pervertit; ex utriusque textus collatione ma-
nifestè colligitur Traductoris error: hic præcipuuſ allurgit, ex habi-
tus, & vestis acceptione; & ex assimilatione vestis Deiparæ ad habi-
tus, quibus Sanctæ Clæræ Moniales Religiosæ insigniuntur. Unde sensus propositionis gallicæ videtur esse; quod Deipara exoptabat habi-
tum pauperem, & humilem, habitus S. Clæræ speciem, & colorem
referentem: Hoc innui videtur per ly: *Rogavit, vt non ap-
poneret sibi habitum alicuius pretij; sed qui esset gratus :::: qualem hodie
portant Religiosæ S. Clæræ.* Cum tamen Venerabilis Mater tale quid
nec dixerit, nec intenderit, vt ex nostra traductione patet, salivam
enim hispanam cibimus: *Et habitus, & vestis acceptiones, & discri-
men penetramus: vnde concludimus: V. Matrem tantum intendisse,*
colorē vestis Sacratissimæ puellæ similem fuisse colori habitus Re-
ligiosarum S. Clæræ, qui quidem fulvus, & cinericius est; non vero
quod Deipara flagitaverit à Matre sua, vt eam Religiosis vestibus in-
duerit, qualibus hodie Moniales Clarenses indauntur.

452. Sed esto dixerit V. Mater; quod Deipara Religiosum Ha-
bitum fusci coloris exoptabat; quid inde? in multis mihi debitor exi-
stis R. Frater Thomas Croset: nullo ferè negotio Censorum virga de-
flecti poterat, si textus clarissima fluenta, & Authoris limpidissimi sen-
sus exhaustienda Deputatis propinaremur; sed quoniam crystallinaq;
aquas sapientiæ Venerabilis Matris; et si obturbatas, non tamen à Tra-
ductore Recolecto amaricatas esse deprehendimus; ob id saporem
adhuc ablatis inundis, adesse ostendemus; licet gratius ex ipso fonte
libantur aquæ.

453. Communis Veterorum Pattum consensio est; Deiparam à
suis Parentibus fuisse Deo dicatam: Ita Hieronymus lib. de Ottu Vir-
ginis: *Voverunt tamen, si fortè Deus eis donaret sobolem, eam se Domini servitio mancipature.* S. Germ. in Encomio de Virg. Præfenta-
tione: *Quoniam eibi, ô Domine (loquitur ex Persona Annæ) donum
gratiarum actionis; omnino tibi dedicabo, quæ mihi dederis filium, &c.* Similiter

Simon Metaphiastes. Nicephorus lib. 1. cap. 7. Christophorus de Castro de Vita Virg. cap. 2. num. 1. Landulphus de Vita Christi cap. 2. Magister Muñoz in propugnaculo Eliæ lib. 2. cap. 3. art. 2. citans Mendozam in quodlibet q. 2. folio sibi 179. Imò P. Ioannes Baptista Poza multis probat, non solum à Parentibus fuisse Deo sacram in perpetuum Nazaræatum, quius te conformari debebat Virgo Beata, usque ad Christi exitum; ut patet ex iure Pontificio cap. quam primum: & cap. illud, & cap. 2. de regulatibus, adiunctis alijs; sed etiam se ipsam ab ipso conceptu fuisse Deo mancipatam, ut esset veteris legis religiosa fœmina; ita in Elucidario lib. 1. tract. 7. à capite 10.

454 Modo de religiosa ueste, sive habitu religioso, iuxta morem Nazaræorum, sive Esterorum, &c. quorum professione fuisse austeritatem Virgo Deipara: Comtruris etiam est Doctorum sententia; fuisse rudem, asperum, vilem, ut Eliæ uestis 4. Reg. cap. 1. num. 8. Ita cap. 20. vers. 2. Z. charia cap. 13. num. 4. de quibus Apost. ad Hebreos loquitur: Circuerunt in melotis, in pellibus caprinis, &c. Quibus morem gerens B. Virgo exoptavit habitum vilem, grosum, despectum; que in templo via est, ut S. Greg. Turonensis reficit apud Patriarcham Ximenium lib. 2. de Vita Christi; his verbis: S. Gregorius, Tonus Turonensis de Salutatione Angelica scripsit se divino oraculo monitum, agnovisse Deiparam, ex quo Templum ingressa est, sine cilitio beatam illam carnem pungente, vixisse nunquam; illius vestes è vilissima lana, nullo infectæ colore. Somnus ipsius semper nuda humo, vel duris tabulis adhærebat, &c. Ut enim optimè S. Hieronymus Epist. ad Rufinum: Sordide uestes candidæ mentis indicia sunt. Et S. Aug. Epist. 199. ad Ediciā ait: Fuscā uestem fuisse insignē, continentiam profitentem. Fuscā exoptabat Deipara à Parentibus sibi delegi uestem; insignē quidem eminentioris eius honestatis, castitatis, & virginitatis in sempiternum Deo sacrae; & nisi aliter Deus ordinaret, voto obstrictæ.

455 Forsam ex habitu Sacratissimæ Virginis, color æthareus orientis Ecclesiæ Virginibus usitatus est, ut testatur S. Hieronymus Epist. 12. Solent quædam, cum futuram Virginem spouonderint, pullata tunica eam induere, & fulvo operiti pallio: & Baronius ad an. 57. Deo sacras Virgines ait, non tantum tegi factro velamine, sed nigra indui ueste; & operiti pallio, olim id Ecclesiæ consuetudo fuit. Nec humilimam Annam suspicor, iniucundè excepturam humile etiam Virginis votum; cum & ipsa tunc p̄fertim, quando à Deo precibus benedictam prolem exorabat, induita incultè narretur à S.


Eustachio in Exameron: *Vestitu ineulto, & haurido, tecta prolem a Deo precibus poscebat.* Apud Novarin. Umbra Virg. num. 1208. nec rationi consonum erat, ipsum Dei Filium vili Tunica voluisse incedere induitum, ut testatur Isidorus Pelusiota lib. 1. epist. 74. *Quis autem,* inquit, *vestis illius vilitatem ignorat?* Ut qua Galileorum pauperes vitan-
tur: & Matrem eius, ornamenta habere in desiderio: Certè B. Virgo, ait S. Vincentius Ferrerius Serm. in Vig. Nativitatis: *Non curabat de ornamentis.* Nec Orientis Reges exhorruerunt Sacratissimam Domini-
nā revereri; quāvis eam invenerunt, ait operis imperfetti author in c. 2.
,, Matthæi: Matrem eius vix vnam Tunicam habentem, non ad or-
,, natum corporis, sed ad tegumentum nuditatis proficientem, quam
,, habere poterat vxor Carpenterij. Quid plura Censores amici? Re-
ligiosa puella, religiosa indumenta habebat in veste, non prophana
ornamenta, non curabat de nitidiori operimento, quæ, vt ait S. Pe-
trus Chrytolog. serm. 142. *Se septam superni splendoris circanspicie bac-
velamento fulcis, furvis, nativis coloribus deliciabatur, quæ elegan-
tias vestium, seu ornamentorum detestabatur, vt enim S. Bernard. lib. 3.
de considerat. ait: Forma hæc vestium deformitatis mentium indicium
est.*

456 Quid tandem si V. Mater Deiparæ similem in Habitu Religiosis Claresibus vellet depingere? An non Augustinianæ similem si-
bi ex apparitione Sanctæ Monicæ facta, glorianter veltem induisse:
apparuit enim induita atris vestibus, & cingulo tergino succinta; indi-
cans, se id genus vestimenti gestasse. Contulantur, Aug. Tolentinas in tract. privileg. Ordin. S. Aug. Paulus Bergomensis in Vita Sanctæ Monicæ: Margretius de soliditate Corrigatorum cap. 27. An non
& Carmelitæ glorianter etiam, Sacrum Virginis indumentum præse-
ferte, vt multis probat Mag. Michael Muñoz in Eliæ propugnaculo lib. 24 tom. 2. cap. 3. art. 2. imò & præfuisse Carmelitis Monialibus
centum virginem, in quodam Collegio post Christi in Cœlos Ascensionem, ex multis Patribus, ibidem videndis? Si ergo hæc ita sunt, quid
venerat improbandum, si Agrediensis intendisset, quod Recolectus fin-
xit? Hæc omnia, o Censores æquissimi ad summum pia sacrarum fa-
miliarum vota; religiosa religionum studia anhela sunt, cætuum desi-
deria referendi Mariam, Dominam profitentur, Reginam venerantur,
institutricem confitentur; sociam, & consolalem adfiscunt; nec
his dedignari piissimam Matrem fas est credere, quæ omnibus omnia
factam, omnibus auxiliatur, & favet, Mitraton, idest Princeps facie-
rum est, omnibus pro votis se exhibet.

ILLATIO SEPTIMA, EX NUM. 401.

„ 457 **P**ermisit se vestiri, sicut Anna voluit, quæ tamen satisfacta
 „ siebat ei in colore, & forma, quam ipsa petebat, ha-
 „ bendo aliquam similitudinem habitibus devotionis, qui imponun-
 „ tur infantibus, Deo voto dicatis. Voverat Anna Deo dicare prolem,
 quam ex Dei dono accepturam sperabat; ipsa Virgo Deipara se totam
 Deo mancipaverat; Religiosorum erat tunc virorum, & foeminarum
 specialis vestis, & habitus, Religio; laque reticula, ve de Nazaræis, &
 Eßenis constat: Virgo Maria de Nazaræis fuisse probat Ioannes Bap-
 tista prolixa Patrum, & rationum copia, ex illo num. 6. *Vir, sive Mu-*
lier cum fecerit votum, ut sanctificantur, quod votum S. Cyrilus lib. 16.
 de adoratione: & Origines Rom. 24. num. votum omnium veteris
 legis maximum appellant. Simil, & Eßenam probat lib. 7. trad. vte-
 cap. 4. Nazaræi, & Eßeni non solum à cæteris segregati vivebant, vt
 potè Deo dicati, & consecrati; sed etiam aliquibus legibus, signis, &
 moribus erant obstricti. Serarios lib. 3. Thrieceti cap. 4. Eßenorum
 compillavit titus; Nazaræorum etiam apud Ioannem Baptistam col-
 lectas invenies loco citato cap. 3. ex illo num. cap. 6. *Ista est lex con-*
secrationis, &c. Et licet pro Nazaræis, & Eßenis vestis candida me-
 moretur iuxta id: *Candidiores Nazarai eius nivis*: tamen animad-
 vertit prædictus Doctor, nec omnes ceremonias omnibus Eßenis
 fuisse communes, aut Nazaræis: ac proinde cum Epiphanio credit ve-
 stem Virginis nativi coloris fuisse. His præmissis, ex veridicis histo-
 rijs, & Patrum narrationibus decerpitis,

458. Nihil voto Deiparæ conformius, nihil parentum desiderijs
 aptius ex cogitari potuit, quam Virginem inducere ex optantem sibi
 fieri vestem iuxta ritum, & formam eorum, quarum cœtu erat man-
 cipanda; nihil animo religioso exprimendo aptius, quam præpropera,
 & præcox religiosæ vestis, & habitus sacri cura, & desiderium. Ni-
 hil Deo gratius, quam vel ex tunc dilectam Sponsi obsequia molitus,
 cuius cultui addicenda, intra templi septanoras tem-
 poris dolens, ansio fervore com-
 pensabat.



DISCEPTATIO UNDECIMA, CIRCA NUM. 201.

VTRVM ALTISSIMVS DETERMINAVERIT, ET AS-
signaverit illos (scilicet Angelos) qui debebant se occupare ad
ministerium tam sublime; & de singulis novem choris
elegere centum, qui sunt
nongenti?

459 **D**E ministerio, officio, & obsequijs SS. Angelorum plura in superioribus tetigimus, quæ huc, & inserti, & revocari poterant. Sed nec piget præmisisse; nec incomprobationem dicendorum adducenda testimonia deficient: frugifer campus, & fertilis fundus, suos non desinet copiosis censibus ditare cultores: quare statim pro delectu nobilissimorum quorumque spirituum ex Hierarchicis Choris in ministeria Virg. obeunda aderit Honorius in Cantico, ad illa verba 3. cap. num. 7. En lectulum Salomonis sexaginta, fortes ambiunt ex fortissimis Israel, &c. Perfectissimos istos intellege Angelos Supremorum Chororum, Custodes potentissimos corporis Deiparæ, quæ lectulus Christi est contra Dæmones: Hæc Honorius: nec absimilia Guillelmus in Cantica ibidem in hæc verbas, Sexaginta ex fortissimis erant. Hæc commixtio numerorum persectorum denarij, & tenarij, indicat nobiliores quosque, & excellentes ad hoc munus electos: de numero postmodum iudicium feram; interim quod attinet ad designationem, & selectionem ex Choris Angelorum, satis apertum est, Venerabilem Matrem duces habuisse Guillelum, & Honorium. Unde sub hac dissertatione examinanda est subsequens assertio de alijs octodecim designatis Angelis: ulterius alia de septuaginta alijs: Præterea alia de legationibus S. Gabrielis: tandem alia de Michaeli Archangelo constituto Principe Militæ huius. Quotuor istæ propositiones hic subiiciendæ veniunt, & examinandæ; sunt enim eiusdem fere rationis, & speciei cum superiori Articulo affixa.

PROPOSITIONES. SUNT.

460 **E**X num. 201. Ultra illos (scilicet nongentos) Dominus assignavit octodecim alios de sublimioribus,

,, vt ascenderent, & descenderent per mysticam Scalam Iacob, de qua
 ,, iam locuti sumus, ad faciendas legationes Reginæ ad magnum Re-
 ,, gem, & eiusdem Domini ad istam Reginam.

,, Ex num. 202. Supra numerum omnium istorum Angelorum,
 , de quibus iam fecimus mentionem, Altissimus elegit adhuc septua-
 , ginta de sublimioribus Seraphinis, & proximioribus Throno Divi-
 , nitatis, ut conferrent, & communicarent cum Regino Cœli.

,, Ex num. 203. Ad melius ordinandum hoc invencibile ag-
 , men positus est in capite Princeps militiae Cœlestis S. Michael.

,, Ex num. 205. Princeps S. Gabriel ibi fuit etiam occupatus, ut
 , descenderet ex ordine Patris Aëterni pro legationibus, & ministe-
 , rijs, quæ concernebant hanc Cœli Principem.

SECTIO PRIMA.

IN QVIBVS CONVENIAT V. MATER CVM SS. PA-
 trum dictis, & assertis in praictis propositionibus
 ostenditur.

461 **S**ancti PP. & DD. plura de Angelorum obsequijs erga Sa-
 cratissimam Virginem nobis scripta tradidere, quæ con-
 gesisse videtur V. Mater in his assertionibus à Deputatis expunctis, li-
 cet non nihil noviter assertum in ipsis reperiatur, sectione sequenti
 observandum, & animadvertisendum. In primis Venerabilis Mater do-
 cuit ab exordio Conceptionis Deiparæ Angelis à Deo fuisse com-
 mendatam custodiam Virg: ita illa num. 201. Determinavit statim, &
 designavit Altissimus illos, &c. His consonat S. Fulbertus Caroontensis
 serm. de Nativ. Virginis: Quanta putamus provisio Sanctorum
 Angelorum circa tantos gravissimos Parentes ab initio suæ pro-
 cretionis, & excubatio super tam ingentem sobolem! Nulli du-
 bium est, quod circa eam iam tunc omnis frequentia cœlestium
 agminum invigilabat; ut potè quam supra se exaltandam minimè
 ambigebant. Fulberto consentit Richardus à S. Laurentio lib. 12.
 de Laudibus, his verbis: Paradysus custodia Angelorum munitus,
 sicut legitur, Gen. 2. & Beatam Virginem Angeli sollicitè custodie-
 bant: vnde Cantic. 3. Lectulum Salomonis ambiunt sexaginta for-
 tes, & ei dicitur Ps. 90. Angelis suis Deus mandavit de te, ut custo-
 diant te in omnibus vijs tuis. Richardum pro se adducit Guebara-
 tom. 2. in 1. Matthæi observ. 15. lect. 17. §. 1. num. 34. Quocirca

ea, inquit, Cœlestis hic Paradiſus à principio plantationis sue, seu Conceptionis præordinatam habuit Angelorum custodiam: Huius sensus est etiam Pater Ioannes Bap. in Elucidario lib. 2. tract. 16. cap. 3. Nec refert dicere, quod cœteti Infantes, dum utero gestantur, sub tutela custodis Matri sufficienter intelliguntur assertati, ut concors est Theologorum sententia, à Patrum sensibus delibata: quia hoc Virginis inter alia ijdem PP. & Theologi peculiare agnoscant privilegium.

462 Deinde Venerabilis Mater docet, hos Angelos ex excellenteribus quibusque fuisse designatos, & electos ex singulis novem Choris, eodem num. 201. Ita etiam iudicarunt Honorius, & Gaius-Lelius supra laudati; quibus denuo libet, & Richardum adiungere lib. 10. explicantem locum Cant. 3. num. 7. & 8. his verbis:
 „ En Lectulum Salomonis, &c. hæc verba, inquit, possunt esse Angeli
 „ gelorum describentium, quanto studio Angeli famulabantur in ter-
 „ ris Virgini gloriose :::::::::: ostenditur in hoc loco, quod ad custo-
 „ diam B. Virg. & eius obsequium, non inferioris, sed superioris dig-
 „ nitatis Angeli deputati sunt, cum dicitur, quod hoc lectulum am-
 „ biant sexaginta fortis de fortissimis Israel. Nam B. Virginem am-
 „ biebant diligenter custodia, & reverentia obsequiosa Angelici spiri-
 „ tus, fortis inter fortissimos spirituum, qui pro eo quod assidua con-
 „ templatione Deum conspiciant, Israel nomine designantur.

463 Rursus Venerabilis Mater credit non unum, sed plures Angelos fuisse ad custodiā Virginis deputatos: ita etiam citati Patres, & citandi. Richardus cum Gabriele infinitos iudicat Deiparae fuisse designatos: ita lib. 3. Maria habebat Gabrielem ad sui custodiā deputatum :::::: nec solum unum Angelum, sed creditur quod infinitos. Unde ei dicitur Psalm. 90. Angelis tuis, &c. Georgius orat. de Oblatione Deiparæ: Oportebat non unum solum inservire Angelum, sed decies mille millia eam stipate. S. Bernardinus Senensis t. 1. con. 61. art. 1. cap. 6. aliquique tum à nobis in superioribus producti: tum etiam à P. Ioanne Baptista loco proximè citato collecti.

464 Ulterius Venerabilis Mater docuit S. Gabrielem fuisse unum de his Angelis ad legationes destinatum: ita illa num. 205. id ipsum testantur plures Patres; qui Custodem Virginis Gabrielem constituerunt. Ita Sophronius apud Staye serm. de Annunciatione. S. Bern. Epist. 77. Eldaricus in 4. suæ summæ ad Carthusianum in 2. d. 11. Eusebius Emilienus homilia in Vigilia Nativ. D. S. Petrus Damianus apud Christophorum de Castro cap. 2. S. Ildefonsus Serm. 5. de Assumptione, & alij.

465 Insuper Venerabilis Meter asserit etiam S. Michaelem Archangelum in Principem fuisse constitutum, & ducem militiae Custodiæ, Virgini mancipatæ: ita illa num. 205. Favet D. Bonav. in Speculo, lo cap. 3. ibi: Intelligentia Angelica est famula, super quam Dominus mina sua Maria innititur in Cœlo, omnibus enim Angelis Maria innititur suo imperio. Unde Aug. ait: Michael dux est, & Princeps militiæ Cœlestis cum omnibus spiritibus administratorijs suis Virginis paret præceptis. Præterea ex quadam revelatione apud Patriarcham Ximenium lib. 2. Vitæ Christi : S. Gregorij Nazianzeni, colligitur, Michaelem Archangelum Custodiæ Virg. fuisse assignatum; quem in ipsis Annæ visceribus, ut supra retulimus, sèpius Dei para intuebatur. Et in hanc sententiam etiam propendet P. Ioannes Baptista vbi supra cap. 5. multisque stabilire connatur; & suffragari potest huic opinioni S. Albertus Magnus, ex S. Dionysio Areopagita cap. 191. Potestas imperialis, inquit Albertus, incomparabilitè est super omnem potestatem ministerialem: sed potestas Virg. est imperialis, omnium autem Angelorum potestas est ministerialis: ergo potestas eius super omnem potestatem Angelorum. Ex quibus simulatus supremi Ducis erga Imperatricem Mariam non incongruè convincitur.

466 Iam verò ea omnia, quæ singulis observationibus dispersa, hucusque serimus in vnum, veluti manipulum, simili collecta propomamus, vt manifestè appareat V. Matrem contra SS. PP. communis sensus nihil docuisse; licet præter eorundem placita, non nihil addiderit, infra expendum. Ab exordio Conceptionis, aiunt Patres, fuisse Angelos in Custodiæ Virginis deputatos; ait & Vener. Mater: illos ex nobillissimis lectos putarunt Patres; putavit & Venerabilis Mater: non fuisse vnum solum eius tutelæ ascitum sentiunt Patres; sensit & Venerabilis Mater: Inter eos fuisse Gabrielem docent Patres; docuit & Venerabilis Mater: & numerandum S. Michaelem Patres testantur; testatur & Venerabilis Mater. Neque in his à Deputatis poserit aliquid deprehendi, quod Patribus, Theologis, & Doctoribus, aut contrarium, aut adversum probetur: certè pro his Agrediensis nec tam acerbè capite minui; nec tam foraliter plecti potuit, aut debuit.

**



SECTIO SECUNDA.

ID, IN QVO SINGULARITER, ET PRÆTER PATRVM
*dicta, & Doctorum sensa, V. Mater fuit locuta; non tamen
 contra examinatur.*

467 **I**D vnum singulare invenitur in Agrediensis narratione de custodia Angelorum, numeris præmissis, examinandum: nimirum quod ex quibusque Choris centum à Deo Angeli fuerint designati: quod alij daodecim ultra prædictos corporali forma videndi fuerint deputati: alij decem & octo vterius ad legationes destinati: alij septuaginta de Seraphinis, ut colloquerentur cum Deipara electi: ac tandem quod Gabriel, & Michael proprijs munibz fuerint mancipati. Quod totum fateor novitè dictum est; sed non proinde confitum: quia ut optimè Ioannes Gerson part. 4. Serm. de Concept. Spiritus Sanctus interdum revelat Ecclesiaz, vel Doctoribus posterioribus aliquas veritates, vel expositiones Sacrae Scripturæ, quas non revelavit eorum prædecessoribus: exemplis rem confirmat, quorum vnum satis ad rem pro nostra Agrediensi extrahemus: Post institutionem festi Nativitatis S. Ioannis, Nativitas Dominae nostræ ordinata fuit, per revelationem vnius solius fœminæ, & multa similia. Num ex multis similibus esse non poterit vnum? Hæc revelation, quam sibi inter alias factam refert Venerabilis Mater; & vnius fœminæ dictis stando, credere non licet, tot Angelos fuisse designatos ad custodiā Beatissimæ Virginis, ad varia munera, & officia obeunda?

468 Eleganter Pelusiora lib. 2. epist. 46. novitatis scrupulosos, Ethnico sic convincit: Quo circa, inquit: Si quid, quod reprehensionem mereatur, Christi oraculis adiunctum esse perspicis, id ostende, & tibi victoriā concedam. Sin autem, cum hoc dicere nequeas, morem, atque consuetudinem, tanquam firmum quodam præsidium, retines: apparet te per speciosum consuetudinis prætextum, id quod vtile est repudiare. Neque enim grave, & sceleratum est aliquid innovare, cum utilitas novitati iuncta est. Reflecti libet tantisper in verba Pelusiotæ, in rem nostram aptissima fand: si quid quod reprehensionem mereatur, Christi oraculis adiunctum esse perspicis in Historia V. Matis, id ostende, d' Sacra Facultas, id ostendite Censores criminosi: num Sacris oraculis obest or-

dinatissima munia à Deo suis Angelis disperteri? Num quid Christi oraculis dissolum quidquam adiungitur ex certo geniorum numero revelato pro tutanda Virgine? Imò hinc Dei erga suam Matrem studium commendatur; Sanctorum Angelorum officia agnoscantur; ergo apparet vos per speciosam coniunctudinis prætextum, id quo d utile est, repudiare. Non sic, Deputati Hispani, non sic Illustrissimi Præfules, Theologi notissimi, virique eruditissimi, quos Illustrissimus Episcopus Placentinus refert in suo Prologo Galeato ad Historiam Venerabilis Matris examinandam vocati, & electi: de verbo ad verbum scripta penitus evoluerunt, scrutati sunt, collatis studijs, rimè indè omnia investigarunt: & utilem prorsus Historiam tandem pronunciarunt. Multa de Sacratissima Domina sunt dicta, eaque gloria; sed adhuc plura supersunt dicenda: ut enim S. Bernardus ait: de „hac Civitate Dei Mystica: Viti divitiarum multi de Civitate Do- „mini virtutum, miserunt manus suas ad hæc fortia, & tamen mul- „titudinem divitiarum harum comprehendere non potuerunt. Ita ille Serm. super Salve Regina. Mitro plura alia testimonia in hunc scopum collivantia, quæ passim apud Interpretes circumferuntur.

469. Ad Angelorum determinationem regredior, ad munia distributiva revertor: & rogo, quanta in Scripturis confusè nobis propounduntur, indistinctè, & indeterminatè, quæ privatis revelationibus, pīs Patrum meditationibus, & illustrationibus nova luce facta sunt nobis prævia? Crucifixerunt Christum Dominum Scelerati Tortores, ita credimus; sed quis pes primus Crucis affixus est? quæ manus? dextera, an sinistra? tacuit Evangelista: locuta est Maria, & S. Birgitta, ordinem Crucifixionis patet fecit: lib. 1. cap. 10. Primò dexteram manum eius affigentes stipiti: :::: indè cum fune aliam manum, Deindè dexterum pedem crucifixerunt, & super hunc sinistrum. Flagellatus est Dominus; sed quot pro nobis pertulit ictus? Passim ex revelationibus privatis supra quinque millia excessisse feruntur.

470. Spinea Corona fuit circuncinctus; sed quot spinis? Duas, & septuaginta fert, quorumdam opinio apud Suarez in 3. p. d. 35 sect. 3. §. circa. Alia sexcenta possunt adduci, tūm erga Christum Dominum, tūm etiam erga Deiparam, quæ ex revelationibus privatis habemus determinata, certa, & distincta. Et cur non petuit ipsa Deipara V. Matri Angelorum numerum distinctè aperire, officia pandere, ministeria patet facere? vel quid in his inveniri est fidei oppositum, rationi dissolum, pietati durum, Patribus adversum, aut Ecclesiæ iniurium? Rectè Gerson tract. 9. super Magnificat adstruens, iuxta fideli pietatem probabiliter esse credendum, Sacratissimam Virginem in

in Cœnaculo, Corpus Filij sui suscepisse pro nobis: & dissertationem,
 „ & sectionis intentum absolvit, dicens: Probabilia insuper sunt plu-
 „ rima super hac beata beatarum, quæ sunt potius accipienda
 „ de pietate devotionis, quam de fidei necessitate, aut temeritate af-
 „ sertionis, vbi non suppetit authoritas Scripturæ cogens, aut ratio
 „ convincens. Non fidei necessitatē à vobis expromere conamur,
 sed nec feremus patienter, vos de temeritate assertionis iudicium af-
 firmare.

471 Ijs præcipue intentus, in præiactis propositionibus, rebus
 incubui; quæ aliquali examine digne videbantur: sed prætermissam
 reminiscor (dilabi memoria facile potuit, quod nullius momenti fe-
 ré, sollicitos minimè, negotium disturbare poterat, aut nos inquietare
 curis: prioribus occupatos) fuisse ergo prætermissam memini ex nu-
 mero 201. quamdam propositionem; de duodecim alijs Angelis in
 forma corporali, & visibili assiduos Reginæ inservire; Centuram
 etiam Deputatorum subiunctam: & ne quidquam dissimulare nos
 arguant, dum parati sumus nihil sine iusta retributione præterire; iam
 examinandam, & discutiendam, licet celeri gressu, ad calcem sectio-
 nis appono.

PROPOSITIO PRÆTERMISSA EIVSDEM RATIONIS cum præcedentibus est illa.

Ex num. 201.

472 **D**emum destinavit duodecim alios, ut illi servirent in forma
 corporali, & visibili cum maiore assiduitate, & ipsis im-
 pressa erant signa, seu allegorici typi Redemptionis. De Angelorum no-
 tis, de typis, & signis, infra agemus, cum earum, quæ ex hoc articu-
 lo superflunt, propositionum periculum faciamus: de numero, & ofi-
 cijs supra egimus: unde quod hic specialiter venit explorandum est:
 An visibilis ista forma, & species corporalis subtiliter queat? Et sanè
 substinendam, & admittendam clamitant SS. Patres; & testes fideligos in rei confirmationem produntur. Georgius Archiepiscopus Ni-
 cœmidae in oratione de Oblatione Mariæ hæc habet: Cum ea (scilicet
 Maria) ut solebat versante in aditis, vidit Zacharias quemdam ser-
 mocinantem, qui erat inustata specie, & ei præbente alimento, erat au-
 tem qui apparebat Angelus. Zacharias Templi Sacerdos vidit Ange-
 lum sermocinantem inustata specie: forte unus Zachariæ se conspi-
 ciendus præbuit, ut de duodecimi, aut de multis alijs nos dubios esse

deficiemus: formam visibilem, quam unus assumpsit, & duodecim referre poterant.

473 Præterea Angelus Gabriel iuvenis cuiusdam spetiosi formam gesit, cum Virginem salutavit: Ita S. Ambrosius 2. in Lucam cap. 2. & 1. Officiorum cap. 18. & 2. de Virginibus in principio: Hieronymus Epist. 7. ad Lætam, & Epist. 22. ad Eustochium. Aug. ser. 14. de Nativitate. Petrus Chrysologus Serm. 140. & S. Laurentius Iustiniatus, cuius verba, omissis aliorum Patrum dictis, transcripti: *Lætus Paranimbus pro officio, exhibilatus pro gratia, pro obsequio expeditus, in solito fulgore vestitus in humana effigie descendit ad Virginem: nec Virginis turbatio insolitam speciem Angeli respexit, sed inauditam salutationem, ut testantur Patres. Orig. homil. 4. in Lucam. Ambr. lib. 2. in Lucam. Sophronius serm. de Annunciatione. Beda in Lucam. S. Petrus Damianus Serm. 3. de Nativitate. S. Bernard. serm. 2. de Annunciatione, & paſsim Interpretes. Sed de his satis.*

DISCEPTATIO DUODECIMA.

**DE ANGELORVM PVLCHRITVDINE, SPLENDORE
vestium, florum coronis, Palmis, signis Militarium Ordinum
similibus, schemate MARIA MATER DEI Cyfris, & no-
tis Passionis, & mysteriorum Redemptionis, contentis in subse-
quentibus prepositionibus, quibus Articulus iste absolvitur
a Deputatis, examen, & iudicium.
noſtrum.**

PROPOSITIONES SUNT.

474 „ Ex num. 362. Dum (hi Angeli) illi apparerent, ha-
„ bebant formam adolescentis excellentis, & amabilis pulchritu-
„ dinis.

„ Ex num. 363. Ultra hoc, explendens ornamentum habebant
„ in capitib⁹ suis coronas florum exquisitorum, & rarissimorum, qui
„ dulcisimum exhalabant odorem.

„ Ex num. 363. Portabant etiam in manibus suis Palmas varie-
„ tate, & pulchritudine contextas.

„ Ex num. 363. Portabant etiam super pectora sua certa signa
„ quæ habebant aliquam similitudinem ad illa gloriola signa Ordinum

atque, num Militarium, & quæ significabant Cyfris splendentibus, & my-
steriosis hæc verba : MARIA MATER DEI.

„ Ex num. 372. Octodecim Angeli apparebant Sanctissimæ
Mariæ cum admirabili pulchritudine, erantque ornati plurimis sig-
nis Passionis, & aliorum Mysteriorum Redemptionis, & habebant
particulariter ad pectora sua unam Crucem, & inter brachia aliam;
ambas pulchritudinis singularis fulgoris, & splendoris extraordinaria-
rum.

475 Antequam examen nostrum exordiamur, nonnulla de vi-
tis textui Hispanico impactis à Recolecto Traductore delibare duxi,
in prima propositione pro *Habebant formam adolescentis excellentis*:
addendum erat : *Puberis adolescentis, sive adolescentis paucæ atatis*: In
secunda propositione pro *Coronas florum exquisitorum, & rarissimo-*
rum, qui dulcissimum exhalabant odorem: vertendum est : *Florum su-*
periorissimorum, & vivissimorum, qui suavissimum exhalabant odorem.
In reliquis propositionibus parum, aut nihil traductor ab Exemplari
deviauit. Sed neque in his, non nisi venialiter peccavit: longè gra-
vius, qui sensum damnarunt, Deputati, longèque maius peccatum
habent, ut Paragraphis adjunctis ostendam.

§. PRIMUS.

ANGELORVM APPARITIO IN PVLCHERRIMA ADO-
lescentis forma vindicatur.

476 **A**pparitiones Angelorum negare non possunt Deputati:
formam, & formæ speciem, ac si carvas flagellarent,
obiurgant: ab ipsis hic edoceri cupio: an incongruè Venerabilis Ma-
ter, adolescentis specie vla fuerit? An debuerit vti, *viri forma?* An
pulchritudinem assumptorum corporum Angelorum commendans,
excesserit? Sin minus: Risu sanè digna Censura, & quæ seriè loquen-
do, non nisi illusoriè fieri potuit. Gabrielis speciem fateor. Peregrina-
nam, agnoscit Ambrosius, observari Deiparatæ: *Quod ad virilis sexus*
speciem peregrinam turbatur aspectus Virginis. Ita lib. I. officiorum cap.
18. Hieronymus turbationis affectus ex præsentia Gabrielis, in huma-
na specie, timatur: *Et ideo forsitan, ait, timore perterrit et est.* Ita ille
epist. 7. ad Lætam, & epist. 22. ad Eustochium, & alij Patres. Hinc
fortassis Deputati sumplere occasionem expungendi præiactam pro-
positionem; quia ad speciem videtur Patribus adversa; eo quod ad
conf-

conspicuum Gabrielis in specie viri perterrita Virgo pudissima ab his Patribus proponatur, quod si Deipara solita erat Angelorum frequentijs, in forma virili eidem apparentibus, ut ait V. Mater, non de conspectu Gabrielis in humana forma sibi alloquenti, aut turbaretur, aut conterrita a Patribus enunciaretur. Hæc tota dubitandi ratio, hæc machina nisi fallor Gallica, quam effugere, tam facile est, quam ipsa est phantastica verè.

477 In primis iij Patres, qui Virginis conturbationem meditantur ad conspectum Archangeli, apertissimè indicant, Gabrielem vestitam formam viri gesisse: ita illi ubi supra: indè pudor honestissimæ Virginis commendatur: indè timor in exemplar fœminis proponitur: & Venerabilis Mater non qualemcumque humanæ speciei similitudinem Angelos observari solitos Deiparæ gestasse narrat: sed speciosissimam, pulcherrimam, fulgore nitidam, splendore corruscam, subtilitate claram; elegantia conspicuam, ut vel a primo aspectu non homines, sed Angelos fuissent, humanam figuram honorantes ipsa Virgo absque ambiguitatis angore, sine dubitationis anxietate agnosceret: nec grababor exemplum notissimum proponeret: *Magdalena vidit duos Angelos in albis sedentes: cognovit Angelos: ibidem non cognovit Dominum a tergo loquentem: & cur: quia Angeli, eti in specie adolescentium se conspiciens obiecerint, ipsa vestium inusitata species, alba, corrusca, fulgurans, splendida Magdalenam duxit ad Angelorum cognitionem: at è contra cum Dominus se se obiecerit in forma Hortulanii illa existimavit Angelorum Dominum Hortulanum esse: non absimiliter fieri potuit, quod Gabriel visitatam viri formam induerit, quam Sacratissima Virgo sola in abditis cubiculis expavit: ut sentire videntur Ambrosius, Hieronymus, Augustinus, & alii; cum tamen aliqui peregrinis, & penè cœlestibus ornamenti, aereis, subtilibus, coruscantibus, & undique fulgerantibus soliti fuerint: Virginis apparere.*

478 Quod si non acquiescas; facile erit in oponiones, & placita Patrona totam dubitandi rationem refundare: Iam supra disceptatione 1.1. sect. 2. Plures Patres citavimus, qui Virginis turbationem in novam, & illuc usque insolitam salutationem coniecerunt: quibus suffragatur etiam D. Thomas 3. p. q. 30. art. 3. ad 3. Quidam tamen dicunt, quod cum Beata Virgo allueta esset visionibus Angelorum non turbata fuit in visione Angelii, sed in admiratione eorum, quæ ab Angelo dicebantur: unde & Evangelista non dicit: Quod turbata fuit in visione Angelii, sed in sermone. Brevius Eucherius: Turbata est, non in vultu, sed verbuti Angelii attendebat: & quid illa

, illa tam officiosa salutatio sibi prætenderet, cogitabat. Similiter S.. , Athanasius Serm. de Deipara : Ut ignara de eventu mysterij, con- , turbata est super verbis Angeli : videndi apud Staye in triumpho veritatis. Videndi etiam plures in Catena Divi Thomæ, & in Castro de Deipara cap. 5. num. 9. vt Beda hic S. Laurentius Iustinianus ser. de Annunciat, vbi expræcis verbis non aspectui Angeli, sed verbis tribuit Mariæ turbationem, eo quod afflcta fuerit cum Angelis familiariter loqui, & visione Angelorum deliciari: pudet in re adeò per- via amplius immorari.

§. SECUNDUS, DE CORONIS, ET PALMIS.

479 **P**ennatos spirituum pedes Theologia figuravit; inquit S. Dionysis de Cœlesti Hyerarchia cap. 15. quippè alij figuratur celeritas, tam longè à pedibus Angelorum mihi plumæ vi- dentur, quam flores à capite: leviores, & celeriores, vel ipsis plumis An- geli, quantum spiritus superat molem quantitatis: vt quid alis concipiuntur ad pedes? pingūtur? & quod mirabilius est, ipsi Angeli pennati videri lætantur? Rationē reddit Dionysius: quippè alis figuratur celeritas de pedibus ad capita; de alis ad coronas transeamus: Prophani felicitatem florum corona redimitam pingebant: sic etiam eam exhibet Cebes apud Novarinum Elect. Sacr. lib. 3. num. 738. In vestibulo, inquit, Matrona formosa sedet in alto solio, ornata liberaliter, citraque luxum, & coronata corona florida, egregie coucinata: felices proculdubio Angeli suprema beatitudinis felicitate læti: famulatu tantæ Imperatricis iucundi: & sicut celeritas, alijs ad pedes affixis, proditur; ita, floridis coronis tempora redimitis, hilaritas, & iucunditas exhibetur; veloces ad exequenda mandata, hilares mandatis obsequendis, alis, & coronis evulgantur.

480 Angelorum coronæ, & palmæ ulterius signa victoris agminis esse poterat: vt enim Paschalius ait lib. 6. c. 2. More prisco iste tan- tum coronatur, qui certando vicerit. Et vt lib. 1. de Pœnitentia, ait cap. 34. Quam indignum autem, cum apud homines valeat certaminis gratia, vt apud Deum non valeret, afferatur? Victores coronis insig- niuntur in terris, victores etiam coronis nobilitantur in Cœlis. Fieri potuit, vt Angeli, de quibus hic Venerabilis Mater loquitur, ob insig- nem reverentiam (in illa pugna mentium; & bello voluntatis affer- etum, quam iniere perduelles cum Spiritibus Sanctis, proposita San- ctissima Domina) præstatam, & exhibitam, à Deo coronis regratia- rentur; quod præmissæ videntur. Agrediensis num. 362. his verbis:

Non-

§, Nongenti Angeli, qui electi fuerunt ex novem Choris, centum ex singulis, ex illis intercepti sunt, qui se inclinatunt magis ad magnificationem, amore, & admirabilem reverentiam Mariæ Sanctissimæ. An non in signum tanti obsequij poterat Deus victores Angelos coronis, & palmis nobilitatos Reginæ Mariæ destinare, ut & ipsa cognoiceret, illos ex ardenterissimo amore erga eam, inter alios fuisse munera promeritos, præmia sortitos excellentiora? Egregie Gilbertus Serm. de Natali Domini, ait: *Palmae signa victorie sunt, in floribus virtutum iucunditas ostenditur.* In his ego reperio nihil, nisi malevolentia quoddam præcipitum, qua temere, quæ piè dicta, & scripta sunt, sugillantur: sed ut D. Ambrosius lib. 6. Epist. 46. ait: *Fovea alta est os malevoli, grande innocentiae præcipitum, sed maius malevolentia ::::: Ponderet ergo unusquisque sermones suos, non cum fraude, & dolo.*

§. TERTIUS.

DE SIGNIS IN SIMILITUDINEM ALIQUALEM
Ordinum Militarium: Cyfris, & notis Passionis, & mysteriorum Redemptionis, quibus Angeli Deipara obversabantur;
& desplendentibus Crucibus ad pectora.

481. **M**inutissima quæque ex præmissis, & libentius accingor elucidare; quo levius (ut reor) ducti sunt Deputati vellicare. Tot, tantaque nobis suppeditat antiquitas monumenta, ut penitus, quæ de signis, Crucibus, & Cyfris Venerabilis Mater scripsit, nulli videri possint fragmenta. Sparsim è veridicis historijs nonnulla intercipimus, ut quæ ad speciem duca, vel potius fabulosam reputata sunt intrepidis Censoribus; exemplis eventibus, & successibus deliniata, temeritas credibilibus asuerescat effatis, & verosimilibus non deterreatur historijs.

482. Apparitiones Angelorum plures refert Antiquitas (interim, quæ ex Prophetis, & Sacro textu decerpri possunt, miris delineatæ signis, & sanctis obvelatæ mysterijs Angelorum apparitiones missas facio) portento similes Bonifacius Constantinus in Epitome de historia Angelorum exaggeravit: ex ijs, quæ nostro concerunt instituto aliquas in medium producam.

483. Innocentio Summo Pontifici, huius nominis Tertio, anno 1198. rem divinam facienti, apparuit Angelus veste candida in-

dutus, ad cuius pectus micabat Crux scapo rubro, transverso autem sigillo cæruleo, decussatis manibus; duos captivos, quasi commutandos, tenens. Unde didicit, haud dubio Dei numine, ad se accessisse duos Viros Sanctissimos, Ioannem de Mata, & Franciscum Valefensem; qui Fundatores fuerunt Ordinis Sanctissimæ Trinitatis, tuosque alumnos Cruce simili insignitos voluerunt incedere, in tanti miraculi peregrinie monumentum. Ita ferè Bonifacius cap. 19.

484 Alfonso euidam Regis Congo filio, aqua lustrali Christo renato, pugnanti adversus fratrem Idolatram, ut refert Malfeius in lib. 1. indic. hist. Apparuerunt viri humana specie augustiores, Crucis nota distincti, clarissima circunfusa luce, vultuque accerrimo prælantes.

485 Gallicano Viro consulari, Constantini genero, bellica laude præstantissimo Sanctus Michael creditur astitisse, statura Iuvenis ex cœlî, & Cruce humeris assuta conspicuus: quid referam Alfonsi Lusitanæ primum Ducis de hinc, & Regis titulo ab Alexandro Tertio donati, apparitionem Angeli Michaelis adversus Arabes Hispanenses dimicantis; qua visus fuit protegi brachio potenti; & penna quadam, ne ab inimicis laderetur: ut refert Vasconcellus in Alph. lib. 1? Quid Sancti Marcellini iter facientis ad Leonem Imperatorem, comitantis Angeli præsentiam? A pluribus enim visus est Iuvenis statura procerus, forma pulcherrimus, nive candidior, luceque explendiferior, amictus lana candida, præcinctus aurea zona, sinistrum S. Marcellini latus præcipua reverentia significatione claudere. Ut ait Baronius ad ann. 466. Quid Sancti Michaelis pro Carolo Francorum Rege, adversus WitiKndo Saxonum Regem? Referam officia. Apparuit in prima acie armis fulgurantibus teatetus, equo nive cardidiore incendens; vnde vexillum cæruleum, lilijs aureis perspersum, ventilans Saxones terrore complevit: ut refert P. Rousselet in Lilio Sacro. Quid de cybris illis scriptis ab Angelo in Ulisponensi Cœnobio S. Francisci, singulis fratribus, communis mensa cibum sumentibus litteris aureis supra pectus; in quibus divina quædam oracula, ex Evangelio in Natali S. Ioannis decantari solito decerpita, continebantur, ut refert Waddingus in Annal. Minor? Quid detulera, scuto, sive schemate allato S. Francisco de Paula, ut supra tetigimus, per Angelum, ac nota *Caritas* insignito? Quid tandem de scuto Comitis Tolosani Angeli monitis renovato; additis duodenis pomis aureis in Crucis figuram dispositis, & laterculo impressis, ut testis est Saussay 28. Ianu?

486 Hæc intercepta ex innumeris alijs, sine nexu dispersimis, sed unum intendentes probare; ab Angelis non esse aliena signa notæ, Crucis, schemata, cybræ splendores, Coronæ florum, Palmæ corrus-

ca, & micantia indumenta; nec aliena ab illis illa Ordinum Militarium similitudo, quam Venerabilis Mater adducit, ut elegantiam Angelorum ostenderet; cum vix ullus sit, qui aliquo signo, vel nota, & praelertim Crucis, non sit in orbe Christiano signata; ut Cruce alba Equitis Sancti Ioannis; & olim Templarij rubra, varie tamen figurata; S. Iacobi in Hispania; Calatravæ, S. Georgij, Avis in Lusitania, Montilæ, S. Stephani in Hetruria, viridi Cruce splendent Equites de Alcantara, S. Lazari Prutsi nigra, Milites Christi Alba rubro colore inferta; & ut anima dvertit Jacobus Gretserus de Cruce tom. 1. lib. 2. cap. 57. Hos omnes antecepit Militia Constantiana, à Constantino Magno instituta, quam Ordines Militares sequuti, posterioribus saeculis variis habuerunt Patronos, & fautores eximios.

487. Forsam hæc omnia, post Crucis exaltationem, dices, contigerunt; nec mirum, si Angeli instrumentum illud suæ reparationis, & hominum Redemptionis insigniti apparuerint ineffabili nota Crucis honorati, sublimati & nobilitati: an non futuram Crucis exaltationem Angeli cognoverunt; vel ab ipso conditionis instanti; an non sacrandum, illud venerabile lignum Christi Passione praescierunt? An non omnia serè, quæ Deus creavit Crucem referre cognoverunt? Stellas, homines, quadrupedes, pisces, ipsumque Mundum altitudine, longitudine, sublimitate, & profunditate dispositum; ut aurea ampliatione percurrit Alexander Monachus integræ oratione de Cruce, apud Gretserum? Num Venerabilis Mater hanc futuram Crucis elevationem, etiam Angelis notam, non praemiserat? Et cur erga Sacratissimum lignum Crucis Angeli non essent obsequiosi, scientes, per ipsum lignum sibi promeitam fuisse gratiam, & gloriam, ut Theologi communiter fatentur cum D. Thoma in 3. part. in q. 19. ut enim ait S. Hieronymus super capitul 2. ad Ephesios, ibi: *Atque ita factum est, ut Crux Christi, non solum terræ, sed etiam Cœlo, nec solum hominibus, sed etiam Angelis profuerit; atque ita omnis creatura Domini sui cruento purgata sit.*

488. Num mysteria Crucis præfigurata in Scripturis Angeli ignorarunt? Isacci sacrificium, Moysis Virgam, ignis columnam, Prophetarum regiones, non intellexerunt? Absit, ut ignorantiae nota sapientissimos genios maculemus. Et quid immoror? Aiebat Andreas, Cretensis oratione de Crucis exaltatione: *Si Crux non esset, Christus in terra non fuisset, non Virgo, non secunda Christi generatio fuisset; non humanitatem induisset Deus, non fuisset partus, non præsepè, non fasciæ, non octavo die Circuncisio, non exhibita Parentibus obedientia, non ætatis progressus, non corporis incrementum, non apparitio, non Baptismi vius, non patrata miracula, non*

„ Iudas Proditor, non Pilatus iudicans, non Iudeorum autem
 „ Crucem agi indemnatum clamore postulans. Hanc Crucis virtutem agnoverunt Angeli, hanc imbibitam efficaciam reveriti sunt, hac
 insigniri ambiebant, hac decorari in votis erat, hac nobilitati ardor
 „ incensus; ut poteret iterum Cretensis: Hæc Christi Crux, Domini figura,
 „ num, salutis armatura, regia potentia, victoria trophyum, inter
 „ superna, & inferna medium, in Fide constantium clavis, & ordo,
 „ fastigium Apostolicum, specula Prophetica, Martyrum corona,
 „ Christum adorantium arcta erat.

489 Ergo Centores Amici, vobis Sanctorum Angelorum signa infensa esse non debent; cum ipsis gratissima sint, atque iucundissima: adeò ut de Gabriele, & Michael Archangelis memoriarum sit proditum à Procopio, in aurea quadam Crucis fuisse eius imagines visas enunciari: rem refert Procopius apud Novarinum lib. 4. Schedi. Sacr. propheta. num. 21. his verbis:
 „ Persuasus Marcus in abscondito ex auro, & argento noctu Crucem
 „ fabricavit. Cum autem consummatum exigeretur, tres in eo imagines
 „ apparuerunt: scriptum autem erat Hebraico dialecto in superiori
 „ re parte Emmanuel: & utrinque in summitate alarum, Michael, &
 „ Gabriel. Voluit autem Marcus sibi timens expungere imagines (&
 „ vultis vos in hac re Marcum imitari) & non potuit (nec vos poteritis,
 „ amici Censores, Cruces ab Angelis separare) confessim
 „ enim manus illius secca permansit (cavete, ne locum in supplicio
 „ quem parem in desiderio habetis, habeatis) sub gallicinium aetem
 „ Dux, qui dicebatur Neanias Edes Marci, quo Crucem auferret
 „ properat: videns autem illam, protinus adoravit, ait autem ad Marcum:
 „ cum: quæ sunt hæc personæ? quæ hæc inscriptio? Cui Marcus: Do-
 „ mine, in qua hora Crux à me ergebatur, imagines istæ per te ena-
 „ tæ sunt, &c. En crucifixi sunt cum Christo Michael, & Gabriel; quid ni Crucem sibi amabilem gestare, atque reverentia summa ad conspectum Deiparæ portare non poterant? Sed de his ultra modum videor, si prosequar agere Crism Theologicam in Centuram propositionum huius Articuli iam subiiciam.

CENSURA DEPVATORVM AD CALCEN HVIVS ARTICULI affixa proponitur.

„ **H**Æ omnes propositiones respectivè temerariae sunt, & contra
 „ Ecclesiasticæ regulæ modeltiam assertæ: pleræque fabulas, &
 „ somnia apocryphorum redolent, & Religionem Catholicam impiorum, & hereticorum contentui exponunt.
 Eadem prorsus est Censura Sacrae Facultatis data in Aula Sorbo-

næ decimoquinto Kalendas Octobris ; & confirmata Kalendis clus-
dem Mensis Anno Domini 1696.

*CRISIS THEOLOGICA IN DEPUTATORVM, ET SA-
cra Facultatis Censuram.*

490 **T**riginta & sex propositiones continet Articulus iste in Censura Deputatorum; totidem in Censura Sacrae Facultatis reperientur; hoc tamen discrimine , quod Sacra Facultas ex Indiculo, & serie Deputatorum septem extraxit , quas cum reliquis involui non est passæ: sed ne vacuus locus ille relinqueretur , ex quo manumissæ sunt, liberæque, & illesæ sinebantur abire; septem assertiones hæc : Prima , quod Virgo Deipara ab initio usum rationis habuerit. Secunda, quod scientiam infusam acceperit. Tertia, quod Angelos, & homines ex tunc agnoverit. Quarta , quod Deo gratias egerit. Quinta, quod de lapsum primi hominis , & suæ posteritatis hominibus doluerit. Sexta, quod cæperit pro hominibus intercedere. Septima, quod Angelos suos Custodes agnoverit: pro his alias septem sufficit, de quibus, & nos suo loco, unum hic notare necesse est : nos ex num. 9. Censuræ Deputatorum ad hunc numerum, sive Articulum 19. vnam ex his septem additis à Sacra Facultate propositionem revocasse, quod & præstitit etiam Sacra Facultas. Propositio fuit illa : *Ob mysterium illud Conceptionis Gloriosissimæ Mariae, Spiritus Sanctus ordinavit, quod Ecclesia consecraret diem Sabbati Beata Virgini :* Quæ in Indice Censuræ Sacrae Facultatis locum decimum sextum occupat in Articulo 14. Cumque assertio hæc à nobis instaurata sit, tantum supersunt sex propositiones enodandæ, de quibus specialiter fuit nobis sermo. Ad Crism nostram in Censuram revertamus.

491 Hæc omnes propositiones temerariae sunt: inquiunt Deputati, & Sacra Facultas. Hæc qualitas, & gradus temeritatis omnibus , & singulis his propositionibus impactus , vna ex gravissimis nota est, quibus inuri solent propositiones iudicio, & examini Orthodoxorum Tribunalium subiectæ; sed quanto studio, quo iudicio, qua diligentia, quibus tandem adhibitis, collatis, evolutis doctrinis, ut temeritas, si res ambigua est, pandatur, & pronuntietur, facile quis percipiet, in se gravissima, lebiter, festinè, & immaturo sensu procedere; mille periculis obnoxia res est. Nan tantum exorbitare potest Censura, quam à recta ratione, ipsa propositio distare videtur , aut falso distare putatur. De his Censuris Magnus, & meus semper Suarez hic disp. 19. de

de Fide, sect. 2. num. 21. Tales Censuræ imprudenter piolatae
 scandalum generant, & iniuriosæ sunt; quia & infamiam induunt,
 & interdum alia in commoda, & detrimenta afferunt: & ideo pru-
 dens Theologus, ac timoratus diligenter est observare deberet, ut
 has Censuras sine magno studio non efficiat. Ut autem clarum fiat,
 prædictam Censuram ex illis esse, quas Suarez ait imprudenter pro-
 ferri solere, ex quibus scandalum generari iniuriam, & infamiam,
 aliaque incommoda, & detrimenta nasci, timeri debet. Deputatos
 patientes rogo. An omnes 36. propositiones, eti manvis, an 42.
 (sex aliæ his etiam super addendæ sunt, quas Sacra Facultas suo ar-
 tic. 14. adiunxit) an, inquam, hæ omnes propositiones sint eiusdem
 rationis, circa eamdem materiam, eiusdem generis, & qualitatis?
 An ultius æquè distent à iudicio, regula prudentiæ, sanis doctrinis,
 & Ecclesiæ communis sensu? An tandem, æquè intolleranter, vel auda-
 citer assertantur, & consimili contemptu, & superbia pronuncientur?
 Ut emeritæ temeritatis rotam incurtere sciamus? Si enim hæ omnes
 temerariae sunt, singulæ in eodem temeritatis gradu, necesse est, ve-
 xplodantur.

492 Regulas enim perfectæ distributionis non ignorant Cen-
 sores: hinc progredier: ergo omnes, & singulæ æquè contra Eccle-
 siasticæ modestiæ regulam assertæ, quæ est eadem nota: ergo om-
 nes, & singulæ æquè insolentes. Ita sancte convincitur per necessita-
 tiæ consequentiam. At bone Deus! etiamsi propositiones tales es-
 sent, quales à vobis finguntur, non tam ipsæ à ratione rectæ distarent,
 quam vos à iudicio recto, in Censura impingenda exhibastis, exer-
 cuistis, aberravistis. Evidenter demonstro in his propositionibus, non-
 nullæ sunt historiales, nonnullæ chronologicæ, aliæ philosophicæ,
 Theologicæ aliæ. Ad Chronogiam pertinet assignare diem Con-
 ceptionis Deiparæ: ad Philosophiam spectat taxare extensionem
 corporis, cum anima rationalis infunditur. Ad Theogiam attinet
 de Scientia, habitibus, virtutibus Theologicis Virginis concensis dispu-
 tare: ad Historiam eventus, successus rerum narrare: de his omnibus
 in his propositionibus est sermo, varia materia quamvis idem scopus;
 variae assertiones, quamvis idem finis; & nihilominus Censura eadem,
 sive propositio Philosophiam sapiat, sive Chronogiam, sive histo-
 riæ, sive Theogiam: ipsæ est temeraria, & contra Ecclesiasticæ regu-
 le modestiam asserta? O fani iudices! Una vobis mensura, omnibus
 unus color? Gradus, & qualitas ista temeritatis supra Theologicam
 materiam cadere potest; non supra philosophicam, aut Chronologi-
 cam de rebus à Sede Apostolica non definitis; non supra historicam
 de rebus adhuc ab Ecclesia non statutis. Imò Arriaga tom. 5. de Fi-

de disp. 20. sect. 3. num. 23. ad Theologicam materiam penitus contrahit gradum temeritatis: *Propositio temeraria est, quando contra communem sententiam Scholasticorum sine ullius momenti fundamento aliquid novi afferitur.* Date Ecclesiæ definitiones, offerte Concilia, ostendite Canones, quibus, aut omnes istæ propostiones, aut aliqua ex ipsis opponatur; & temerarias esse fatebimur, & contra Ecclesiasticæ regulæ modestiam assertas: at rem difficilem postulavimus: quare in vos ipsos, vestramque Censuram iustissimè intorquetur temeritas.

493 Sed demus; his omnes propositiones cuiuscunque generis, & conditionis sint, & circa quacunque materiâ versentur, posse temeritatis nota inuri: æquè omnes distant à veritate? æquè recedunt à recta ratione? æquè sunt imprudentes, & insolite? quis non mirabitur: *Ea propositio temeraria est, inquit Simancas tit. 56. n. 16: Quæ nulla gravi auctoritate, aut iusta ratione insolenter, vel audaciter afferitur.* Aut quænam ex præmissis, aut ratione, aut auctoritate est distincta? Ab intrinseco nulla exorbitat, ab extrinseco fulcitæ sunt Theologorum consensibus, clarissimorum Virorum suffragio, examine Supremi Hispaniaturum Senatus in causis fidei exactissimo, Notationibus eruditissimis communia: quæ omnia sufficienter Deputatos, & Sacram Facultatem cohære debebant à præcipiti Censura ferenda: ergo temeritas ad ipsos devolvenda est.

494 *Temeraria propositio est, inquit Magister Bannez 2. 2. art. 2. dub. penultimo: Quando quis quidpam afferit contra communem opinionem Ecclesie, aut Theologorum sine magna auctoritate in re gravi: Demus Venerabilem Matrem aliquam ex huius Articuli syllabo propositionem contra communem Ecclesiæ opinionem, aut Theologorum fitmaverit assertiones (quod nunquam à Sacra Facultate probabitur) nunquid in pluribus non consentit Ecclesiæ opinioni, & Theologorum assertis, ut demonstratum est? Ergo non hæc omnes propositiones, Censores mei, sed aliquæ erunt temerariae. Sed quoniam nulla est quæ præceps, aut sine maturo iudicio sit asserta; nulla est temeraria, pia, laetæ, & prudentes; mihi videntur omnes; & me Doctoribus, & sapientioribus Viris, ita visæ sunt.*

495 Modestissimus P. Suarez disp. 19. de Fide sect. 2. n. 20. ex Angelico Doct. 2. 2. q. 63. art. 3. ad 2. sic temeritatem, aut definit, aut describit: *Est præcipitatio quedam sine iudicio, vel rationis regula, quasi per contemptum eius; quare ut plurimum ex superbia nascitur.* In primis humilima nostra Scriptix totis viribus innixa est Histriam Sacratissimæ Virginis non texere, enique Deum exora vit, ut superioribus suis, eo mentem deflecteret, ut tandem iniungerent illi calamum ponere. Ita illa I. Part. num. 11. Introductionis; & varijs

in locis idem repetit. Deinde, ut in quadam Defensione pro obiectis contra Historiam Anonimus quidem animadverit, probatque totam Historiam supernaturali luce fuisse compactam, quod etiam satis efficaciter convincit in Prologo Galeato Illustrissimus Samaniego. Unde cum haec scripta, nec ex superbia, neque ex contemptu, neque præcipiti iudicio fuerint exarata; sed humiliter Superiorum iussibus à Venerabili Matre incepta, & finita, Theologis, & Ecclesiæ iudicio millies subiecta, examinata, & tandem permissu superiorum edita, eo devenit, ut non nisi temerè temeraria vocari possit; præterim cum vix villa ex propositionibus, quas Parisientes Censores improbarunt, in nostra Hispania non sit ad examen rigidum vocata, ut patet: *Tum in defensione, sive satisfactione pro Religione Sancti Francisci præstata obiectis nonnullis adversus libros vita Virginis Deiparae Edita Matrii Superiorum permisso, Bernardo de Villa-Diego Bebliopola anno 1680.* & dicata Suptemo Sanctæ, & Generalis Inquisitionis Senatui: *Tum etiam in Notis, libris ipsis adiunctis; & Censuris, sive approbationibus Sapientissimorum Magistrorum, Illustrissimorumque Præsulum ad Historiam præmisso: non ergo sine ratione, aut iudicio dictum est,* & scriptum, quod tot Vitis doctis, tot Prælatis, tot Magistris præmeditatum putatur.

496 Sed quoniā Canus lib. 12. cap. 11. ait: *Eam esse censendam propositionem temerariam, quæ contraria est alicuius Universitatis insignis actis, & decretis pro opposita veritate.* Ob id ne hoc effugium superfit Censoribus, qui, (ut mihi videtur, sub nomine sacra, & toto Orbe celeberrimæ Universitatis Parisiensis, ementito quidem) Censuram evulgarunt; Notandum est Cani sententiam, habere locum, si insignis Universitas revera à propositionibus dissentit; non tamen, si per iniuriam insigni Universitati, in re gravissima, irrogatam, Scioli nonnulli nomine Universitatis Censuram evulgant: ut in præsentiarum factum credimus, est enim Sacra Parisiensis Facultas doctissimis, ac eruditissimis Theologis referta; fuit olim, & est modo, disciplinarum omnium. arx Athenis famosior atque nominatior; ac proinde Censuram similem ab ipsa emanasse fas non est suspicari. Sed esto, quod Sacra Facultas Sorbonica Censuram tulerit, ut ipsa Censura vim habeat; necesse erat: quod singuli Doctores propositiones, examini subiectas, recognoscerent. Deinde, quod omnes vñanimi consensu damnarent. Ulterius, quod rationes, & fundamenta latæ sententiæ irrefragabilia adducerent: tandem, ut sine violentia, iurgijs, & contentionibus Censura decernatur: quod totum desideratum iri in comitijs Sorbonicis evidenter demonstravit amicissimus D.D. Ioannes de Leyba, Capellanus Maior. Tum in serie rem gestam pandente,

tum in nullitatibus, & in ordinationibus iudicij Sacrae Facultatis: non ergo probabilitati propositionum officit quidquam evulgata Censura, sive Deputatorum, sive Sacrae Sorbonicæ Facultatis; sed potius ipsa temeraria proditur, iniusta, & nota acerbiori digna.

497 Quod amplius innotesceret, ex Consulæ qualitate alia, super predictis propositionibus adiuncta, scilicet: *Pleraque fabulas, & somnia Apochryphorum redolent, & Religionem Catholicam impiorum, & hereticorum contemptui exposunt.* Herclè Censores optimi, hic mentita est iniquitas sibi, & incidit in foveam, quam fecit: *Nonne omnes hæc propositiones sunt temerariae?* Ita vobis visum fuit: omnes, omnes? Sed ex his omnibus, pleræque fabulas, & Apochryphorum somnia redolent: & quæ sunt istæ pleræque? alto silentio premitis, & rem penitus indefinitam relinquitis. Zizania insomniata, Religionis zelo in Gallijs esse queritamini: erradicare vultis, falces Centuræ arripitis; & arripiendas esse pijs omnibus viris animadvertis, messem contaminatam ostenditis, libros primæ Partis Historiæ Sacratissimæ Virginis ab Agredensi quadam Moniali compositos! Sumus omnes parati, omnes sumus accinti, nolumus fabulas in Orbe Christiano subcrescere; somnia eliminare cupimus. Ostendite figmenta. Date somnia. Ubi sunt? qualia sunt? quot sunt? quanta sunt indigitæ? nec forte erradicemus simul & triticum. At vos succlamare non desinitis: *pleræque, pleræque:* & nos rogitate non cessamus vbi sunt? Quæruntur, & non comparent; vos ipsi oculatissimi Iudices ostendite. Sed neque ostendere potestis: nonne hæc risu, & contemptu digna? Imo hæc, nonne scandalosa sunt? nonne fingitis hostem; ut in auras homines conturbati digradientur? Nonne milites Ecclesiæ falsis clamoribus in bella absconditis, ut illusos forsan subsanetis?

498 Præterea, hæc nota extra rem penitus est; nec vos promissis statis; Historiæ materiam non semel à vobis in examen vocari promisistis, propositiones, vt iacent, & secundum se examinandas proposuistis, interim de revelatione, aut non revelatione nihil curantes. Ast vestra hæc Censura falsis revelationibus adaptatur: est enim eadem, ac illa de qua Concilium Romanum sub Gelasio Papa agit, & cap. S. R. Ecclesia dist. 15. agitur: vbi Ecclesiasticis historijs falsa continentibus, ex quibus exteris, & hereticis datur occasio illudendi nostram Religionem hæc nota impingitur. At hæc Historia non ponitur, quali figuratum humanum, sed revelata producitur: & licet falsis revelationibus, in quibus falsa miracula, prodigia, & gesta, falsa Sanctorum narrantur; eadem Centura imponatur: vos tamen sub conceptu Historiæ revelatae Venerabilem Matrem non assumitis iudicandam, vt læpius obtestamini apud D.D. Ioannem de Leyba;

ergo extra rem prolsus hanc notam addidisti.

498 Tandem Apochryphotum somnia redolere propositiones istas; quid sibi vult? nondum capio, vox ista *Apochryphus* multipliciter accipitur: occultum quid, & absconditum significat: & in hoc sensu apochrypha esse potest Historia Venerabilis Matris; abscondita Deiparae sacramenta pandit. Omnes libri, praeter Canonicos Apochryphi nominantur à Sixto Senensi lib. I. Bibliothecæ: Abulensis tom. I. in Matth. S. Hieronymus in Prologo Galeato; & in hoc sensu apochrypha etiam sunt scripta Venerabilis Matris: non enim est quædam scriptura nova, aut quoddam novum Evangelium; ut falso Delator quidam sugillabat tertio scripta sine nomine evulgata, apochrypha etiam appellantur ab Isidoro lib. 6. Orig. cap. 2. Genebrar. anno 3674. & in hoc sensu opera Venerabilis Matris apochrypha esse non possunt; quippe, quæ sub eius nomine propria manu exarata, in lucem prodierunt. Quarto, libri aliqui censentur Apochryphi, coquod licet legi permittantur, & in precio sint apud Fideles; prohibitum tamen est, ne ex illis ad compositionem officiorum Ecclesiasticorum aliquid sumatur. Ita determinatum fuit in Concilio Romano sub Papa Gelasio: ubi Clementis Alexandrini, Tertulliani, & Ioannis Calsiani opera cum operibus Pamphili apochrypha nominantur. Et in hoc sensu apochrypha esse possunt volumina Venerabilis Matris; non enim desideramus, aut volumus ex ipsis officia Ecclesiastica componi, aut concinari. Tandem apochrypha dici solent nonnulla opera, quæ admixtis erroribus circunferuntur. In hoc sensu non est *Mystica Dei Civitas apochrypha*, ut potè, quæ nullis est obnoxia erroribus. His omnibus acceptationibus addidisti novam de somnijs apochryphotum usurpationem, quam Venerabili Matri natam iudicastis; à nullo, quem sciam hucusque inventam; sed novos, & peregrinos Censores novis, & inusitatibus Censuris necesse est uti. Fateor libros, novas historias fallas continent, esse denigrativos, & subsanativos, & hæreticis occasionem præbere contemnendi Religionem: sed hi Apochryphi non sunt. Fateor libros erroribus admixtos proprius ad hæresim accedere; & à nonnullis inter hæreticos computari; sed hi Apochryphi non sunt. Unde vobis hæc Apochryphotum somnia venerunt, unde occurserunt? Liceat coniectari à somno opressis Censuram fuisse compactam Censoribus.

499 In synopsm peccata huius Censorum colligo. Primo: est *Indiscreta*, quia nullo discrimine, sed prolsus confusa nota, varias dissimilesque propositiones obliterat: veluti si Iudex plures reos, sub una capitum damnatione, puniri iubeat; sine delictorum differentia, & penarum iusta retributione; indiscrete procedere, & perturbato ani-

mo: nullus erit, qui ambigat: hæc sententia: *Omnes isti sunt rei mortis*: Similis est haec: *Hæc omnes propositiones temerariae sunt*. Deinde: est *Implicatoria, & inconsequens*; quod eodem exemplo probatur. Si enim ex triginta & esse hominibus capitali pena multatos; plerosque dicitur, ex exilio dignos; riu digna, & chachino perenni erit sententia. Non minus, ac cuiusdam stulti iudicis, qui ita in quemadam reumata fertur: *Suspendatur furca, & postmodum ad trirremes mittatur*. Præterea est *Injuriosa*, ac proinde ex illis quas P. Rodericus Arriaga de Fide disp. 20. sect. 3. sit; mereri reflexam Censuram; quia propositiones tanas, probabiles, pias, & securas deturbat. Ulterius est *Vana* & in auras iacta; quia non reddit rationem temeritatis impudicitæ: in modestiæ affixa, & lubitanionis adiectæ. Tandem est *Cœca, furiosa, præcox, præceps, &c. indeliberata*: *Quid enim*, aiebat Nazianzenus, „ orat. 26. Si lippientibus oculis, aut alio quodam morbe laborantibus obscurum solem aspicias? Quid si omnia verti, ac sursum, deorsumque ferri putas? ::::: Ignorantiamque tuam alijs tribuas? Multum diuquè ante a veritatem abque contorquendus est animus, multa ferenda, quam ut alium impietatis damnum emus, &c.

500 Ad Calcem Censuræ quamdam obtestationem adiecit Sacra Facultas: ad calcem crasis etiam adnectendæ in obtestationem Sacra Facultatis, nonnullæ observationes. Obtestatio fuit: *Ceterum non intendit Sacra Facultas alia multa, quæ in dicto libro continentur, approbare; & præcipue ea loca, in quibus Sacra Scripturæ testimoniis ad privatum sensum Author patsum abutitur: sicut neque ea in quibus opiniones meæ Scholasticæ à Deo revelatas afferit; & ut tales omnibus propnitus. De locis Sacra Scripturæ, de quibus Venerabilis Mater hic reprehenditur, & de opinionibus suis in locis tantum hic agemus de intentiore Sacra Facultatis. Non intendit Sacra Facultas alia multa, quæ in dicto libro continentur approbare: si hæc multa, quæ non intendit approbare Sacra Facultas, quæque in dicto libro continentur, sint multæ veritates Catholicæ, multa Fidei mysteria, multa orthodoxæ Fidei dogmata; passim enim in hoc libro Venerabilis Mater agit de Trinitatis Mysterio, de Incarnationis Art. de Gloria, de Inferno, de Angelis, de Dæmonibus, de vitijs, & virtutibus: si inquam hæc, & his similia, non intendit Sacra Facultas approbare, contenta in isto libro: hæc obtestatio est: Hæretica, impia, scandalosa, temeraria; immò nulla est Censura, quæ huic obtestationi adaptari queat. Si vero (ut ipsa Sacra Facultas in simili propositione Articuli primi configit) intendit Sacra Facultas non approbare multa in isto libro contenta, quæ cum non sint mysteria Fidei, sunt tamen consilia Evangelica, doctrinæ securæ, exortationes Sacrae, veritates incœperæ*

sæ, Religiosæ mediationes, piæ considerationes, instructiones spirituales, contemplationes divinæ, quibus animalis homo perficitur, & spiritualis reficitur. Ipsa obtestatio est similiter *impia, sacrilega, heretica, &c.*

501 Infelicitet Sacra Facultas Censuram istam, & obtestationem aggressa est, in reprobando, in non approbando, in censendo, & in obtestando innumeris expedita ruinis. Intercepit ex toto libro, quæ sibi visa sunt reprobare: folium quærebas, & nutriticum erradicavit, reliquit in toto libro multa, quæ non intendit approbare. Sed cum sana sint, ipsos infirmos sua intentio pandit: decerpta loca Censuris confixit: sed me Iudice amplius stabilivit. Tandem obtestatur se non intendere approbare, quod necesse est ab omnibus, qui Catholici censentur, devorati.

502 Hæc cum ita sint, iudico has omnes notas, gradus, & qualitates, quibus confixa sunt propositiones ex prima Parte Venerabilis Matris transcriptas, & in Centuram vocatas, esse dignas reflexa Censura; deberique deferti, ut defacto eas defero ad Tribunal Ecclesiæ, ut in ipsam Centuram, ut fas est, animadvertis; ut potè continentem propositiones præsumptuolas, malam notam imponentes doctrinis probabilibus. Temerarium enim, scandalosum simul, & prælumpituolum est, propositiones nulla Censura dignas, notis iniuriolis configere. Pius V. & Gregorius XIII. in Bulla quadam adversus Michaelm Baium, varias propositiones huius authoris condemnarunt; & non alia ratione plerisque sunt conscriptæ, nisi quia Censura Theologica pungebant, & infamabant alias Catholicorum Doctorum opiniones; ut tradunt Turrianus 1. part. selectaruni centuria 3. dub. 6. pag. 173. & disp. 31. dub. 19. Suarez prologo 6. de gratia cap. 2. quibus addendi sunt Pater Vazquez, & Cardinalis Toletus adducti à Turriano in opusculo de gratia, tract. ultimo. Quorum omnium ratio detumi potest ex Angelico Doct. opusculo 1. in prologo, ex D. Aug. 5. confess. & 1. de Genesi ad litteram. VerbaD. Thomæ sunt: *Multum nocent talia, quæ ad pietatis doctrinam non spectant afferere, vel negare, quasi pertinentia ad sacram doctrinam: quæ ergo Fidem non tangunt, periculum est, ita tractare, ac si Fidem tangerent; ut enim ait S. Aug. lib. 1. de Genesi ad litteram cap. 19. his excelsibus: Sapientibus huius Mundi contempnendi doctrinam Fides occasio praebetur.*

503 Et defacto Sextus IV. in litteris Apostolicis ab Alfonso Fernando in concertatione prædictoria, edita Salmantica pag. 222. ad ductis, allegatisque etiam à Francisco Diago lib. 1. Annal. Argent. cap. 33. iusit, ut Inquisidores Apostolici severe animadvertis in quosdam Theologos, qui Centuris, notis, & dictarijs corrodereant

opinionem probabilem de motivo Dominicæ Incarnationis illis vero,, sicutis loßultam: Peccatores non abhorre, sine quibus nunquam fore digna tanto filio: dicimus, ait Pontifex, quidquid contra di-,, etos versus attentatum fuit, temerarium, præsumptuolum, & pœ-,, na dignum, præsumptum fuisse, tanquam contra opinionem à Do-,, ctoib[us] Catholicis positam: ergo cum propositiones, quas abra-,, dere mittitur Sacra Facultas, sint probabiles, & Doctorum Catholicorum, ut ostensum est; Censura prædictis propositionis adiceta, ve-,, potè temeraria, & præsumptuosa reflexa animadversione digna est, & in Censores contorquenda.

504. Et ut amplius temeritas, & præsumptio innoteſcat, libet clarissimis inductionibus, absurdæ, & inconvenientia ex præfata Cen-ſura ſecuta patefacere, ut quivis, vel coœciens intueatur, quam iuste à Summis Pontificibus cautum sit, ne probabiles opinioneſ Cenſuris, & notis infamentiur. Evidens eſſe debet, propositionem Centura, & nota affectam, tantum in existimatione prudentum deprimi, qua-,, tum eius contradictoria elebatur: idēc enim vna propositio dicitur temeraria, aut hæretica; quia eius contradictoria, vel communis eſt Theologorum, vel de Fide: vnde evenit, ut certitudo vnius præ alia tantum roboretur, quantum falsitas alterius, præ illa proditur, & ma-,, nifestatur. Exempla ſuccurrunt in huius veritatis confirmationem plu-,, ra; ſed paucis hiſque clarissimis alſumptum illuſtremus; & ſumamus ex propositionibus à Sacra Facultate confixis vnam, aut alteram, ut præſumptionem in notis adiunctis convincamus. Affirmat V. Ma-,, ter, quod quando Deipara dormiebat, *actiones interiores amoris*, & alijs affectus eiusdem gratiae, qui non dependebant ab exterioribus ſenſibus, non ceſſabant, & nullatenus interrumpebantur in illa: hæc propositio meritum non interruptum ab initio, nec ſomno intercessum in Sa-,, cratissima Virgine tuerit. Hæc propositio (inquit Sacra Facultas) eſt temeraria: ergo contradictoria (recte inficitur) ergo contradictoria eſt communis, certa, & indubitata; ac proinde omnium ferè Theolo-,, gorum: tantum enim ad certitudinem accedit, quantum illa nota te-,, meritatis enerbata, à veritate recedit, ut eſt per ſe notum. Modo ſic: aſt illa propositio demerito, ſomno non interrupto, eſt communissi-,, ma Theologorum, ut probavimus: ergo nota illa temeritatis præ-,, sumptuosa, & temeraria eſt; Catholicorum placita pungens, & opi-,, onies probabiles infamans; dignaque, ut ipſa expungatur, & in Au-,, thores, à quibus iniuriosè impacta eſt, intorquatur.

505. Aliam propositionem repono: Venerabilis Mater ait, quod Corpus Deipara, quando animam rationalem ſuſcepit, non erat maius, quare ap[er]ta: hæc propositio, inquit Sacra Facultas, eſt temeraria:

ergo contradictionis est communis Philosophorum. Dixi Philosophorum, quia neque Patres, neque Theologos, neque Expositores inservio, qui de extensione Corporis, quando Animam rationalem suscipit, tractent; tractant Philosophi: ita sane. At communis sensus Physicorum, ut ostendimus, vice versa, taxat corporis magnitudinem ad apiculæ protensionem: ergo nota temeritatis (si temeritas inter physicam cadere potest) qua inurantur Philosophi ex mera arrogancia, præsumptione, & petulantia Censorum nascitur, & impunitur. Ita sane: tum quia propositio hæc purè philosophica est; ac præiude à Censura prorsus aliena, ut enim habetur in Concilio Constantiensi, edito Coloniae ann. 1618. pag. 890. Fiscales post Censuram quatuor Academiarum, multorum Cardinalium, plurium Episcoporum, & Doctorum; Ioannes Hus fuit accusatus; quia propositiones quasdam purè philosophicas Censura Theologica inuserat, atque infamaverat, veluti erroneous: inter quas sententiam de compositione continui, Censura Theologica affecterat. Tum etiam, quia et si philosophica non esset; & Censura digna existimaretur opposita, quod scilicet *Corpus Dispare non habebat ad animæ rationalis infusionem extensionem apicule*, in quemdam gradum certitudinis elebaretur, & Fidei principijs amplius accederet; quod periculosum sane est: non enim periculo vacat, propositiones indifferentes, & fortè inconnexas cum principijs Fidei in eum gradum sublimare, ut oppositæ sint hæreses, errores, aut temeritates: aliæs propositiones, immo omnes Censura exustas à Sacra Facultate, simili ratiocinio poteramus in exempla adducere; sed prolixis comprobationibus super eisdem; scientes ingenuis, iustisque, & æquis arbitrijs praædicta sufficere: duris autem, & corde duplici nulla prodelle.

506 Pono calamum, & Melchioris Cani lib. 12. de locis cap. 11. verba transcribo: *Quomodo omnibus in rebus alleverandi temeritas; pronuntiandique audacia turpis est quidem; sed in his, quæ ad Ecclesiæ doctrinam attinent, est periculosa, vel maximè. Habet enim contemptionem superbam Ecclesiasticæ regulæ: quam contemptionem, nisi fidei Iudices coerceant, & comprimant, dici non potest, quantum discriminis omnis Ecclesiæ doctrina sit habitura. Quæ igitur non inconsulta oratione modo, sed ut verbis utrè gravioribus, confidenti audacia, insolentia proterva, exultatione, impudenti, iactacione superba, non contra Fidem dico, sed contra Ecclesiasticæ modestiæ regulam alferuntur: ea Theologi in praesenti temeraria censem, atque inter errorum gradus constituant, & locant; qui, quoniam hæresum appendices sunt, à fidei Iudicibus sunt animadvertisendi. Ita Deputatos Parisienses Academice supposi-*

titiæ; ita Sacram Facultatem personatam, ut consilio (nam de reali, & vera Facultate nefas est ista credere) iusta retributione donandos à Sancta Sede speramus: præterim cum in ipsam Sanctam Sedem, apud quam tota cœla Venerabilis Matri est de holita, graviter offendent, antevertentes eius iudicium: *His sunt, qui se vtero (aiebat Cyprianus non longè à proposito nostro tract. 3. de simplicitate Prælatorum) qui se vtero apud temerarios conaens, sine divina dispositione præficiunt, qui se præpositos sineulla ordinationis lege constituunt, qui ne mine Episcopante dante, Episcopi sibi nomen assumunt.* Allumpserunt sibi Iudicium nomen, se præpositos temere constituunt Deputati, qui causa pendente apud Sanctam Sedem Scriptorum Venerabilis Matri sententiam anteite, inq & turpiter antevertere, non sunt reveriti.

507 Quare iterum, atque iterum, Sanctissimæ Pater (verbis vtor S. Bernardi in Epist. 180. & 199. ad Innocentium Secundum Pontificem Summum, quibus ad Innocentium nostrum Duodecimum innocentia Venerabilis Matri etiam vtitur:) *Quousque :::: innocentia tanta vexatur, & hoc Innocentio vivo? Iterum supplicatio, iterum preces. Non desistimus, quia non diffidimus. Bonam causam habemus, & æquum Iudicem, qui non cunctabitur evacuare quod subrectum est, cum apparebit, quod verum est; nec poterit inde riaere, qui voluit irridere.*

Faxit Deus, ut veritas invicta triumphet, & hos loquentium iuqua obtundatur.


Omnia sub correctione S. R. E. meque ipsum subijcio.

EPITAPHIUM , ET SEPULCHRALE ENCOMIUM,
 potius lacrymis, quam numeris modulandum , Ss: pientissimi,
 ac facundissimi Doctoris D. Philippi Bezerra & Claros, Cap-
 pellani Magistralis, seu Prædicatoris Regij , in Sacello Grana-
 tensi Regum Catholicorum Ferdinandi, & Elisabeth , in Uni-
 versitate eiusdem Civitatis Vespertinæ Cathedræ Theologiæ
 Moderatoris; qui dum has politissimas Dissertationes apoge-
 ticas pro defensione immunitatis à communi piaculo , & alio-
 rum privilegiorum Sanctissimæ Dei Genitricis scriberet , vlti-
 mamque peryodum iam iam penitus exararet , & iterum per-
 polire in mente haberet, vt prælo traderentur, dira febri insul-
 tus, facto præventus, non perfecit; sed in ipsius Matris Dei die
 Purissimæ conceptui sacrato, ad Cœlos , vt piè credimus,
 ab ipsa evectus , vltimum clausit ætatis suæ
 septimo lustro , vix benè
 completo.

*Non iacet hic , vivit , ceu vixerat ante , Philippus
 Mors tulit ; ast vivum gloria reddit eum.
 Non iacet , ecce illum sublimat fama , tepentes
 Vrna tegit cineres , per volat astral rogas.
 Cum sine labe pius describeret Virginis almae
 Conceptum , fastis occidit ipse suis
 Scilicet ut pretium sacrati iuge laboris.
 Sacra laborato conferat una dies.
 Quot vixit , scripsitque dies hac claudit utrumque
 Deficit ; ad solam vixerat ipse diem.
 Sistit opus vitam ; vigilans dum dicere tuto
 Plus nequit , impatiens viuere tollit amor.
 Arcanum latet hic , operam sine fine reliquit ,
 Hæc laudat , laudes ut sine fine forent.
 Pulpita , suggestus , libros replet , ornat & auget.
 Eloquio , arte , stylo ; lux , decus , & cumulus.
 O decus , o lux , o cumulus pro lumine clauso
 Lumine inextincto , vive superstes . Amen.*

to determine which of the two
species belongs to the genus *Calostoma*.
The species of *Calostoma* which
most closely approaches *C. ciliatum*
is *C. fimbriatum*, which has
the following characters in common
with *C. ciliatum*:—1. The perianth
is divided into three distinct
lobes, the upper lobe being
narrower than the others,
and ending in a sharp point.
2. The lobes of the perianth
are densely covered with
long, dark, hair-like hairs.
3. The stamens are inserted
at the base of the perianth,
and are longer than the
perianth lobes.
4. The style is long and slender,
and ends in a pointed apex.
5. The fruit is a capsule,
which is round and smooth,
and has a short stalk.
6. The seeds are numerous,
and are contained in a
thin-walled capsule.





ebenmögliche
beratende
Gedanken
bemüht
die
Vereinigung
der
Katholiken
in
Vorarlberg
zu
verhindern
dass
die
christliche
Lehrer
und
Gesetz
aus
ihrem
Land
geworfen
werden

